



2019

GAGAUZ DİLİ

Nadejda Kuroglo
Іван Кіор
Anatoliy Milkov
Пётр Драганов

ГАГАУЗ DİLİ

11

Надія Курогло
Іван Кіор
Анатолій Мілков
Петро Драганов

11

ГАГАУЗЬКА МОВА

**Надія Курогло, Іван Кіор,
Анатолій Мілков, Петро Драганов**

Гагаузька мова

(рівень стандарту)

підручник для 11 класу
закладів загальної середньої освіти

**Nadejda Kuroglo, İvan Kior,
Anatoliy Milkov, Pötr Draganova**

Gagauz dili

(standart uuru)

üüretmäk kiyadı 11-ci klaslara deyni cümnä
üüredici kurumnarı

Рекомендовано Міністерством освіти і науки України

Чернівці
"Букрек"
2019

УДК 811.512.165(075.3)

К 93

Рекомендовано Міністерством освіти і науки України
(наказ Міністерства освіти і науки України від 12.04.2019 №472)

Видано за державні кошти. Продаж заборонено

- К 93 Курогло Н. І., Кіор І. Ф., Мілков А. М., Драганов П. М.
Гагаузька мова (рівень стандарту) : підручник для 11 класу закладів загальної середньої освіти / Н. І. Курогло, І. Ф. Кіор, А. М. Мілков, П. М. Драганов. – Чернівці: Букрек, 2019. – 144 с.

ISBN 978-617-7663-76-7

УДК 811.512.165(075.3)

- К 93 Kuroglo N. İ., Kior İ. F., Milkov A. N., Draganov P. M.
Gagauz dili (standart uuru) : üüretmäk kiyadı 11-ci klaslarına deyni cümnä üüredici kurumnarı / N. İ. Kuroglo, İ. F. Kior, A. N. Milkov, P. M. Draganov. – Çernovți: Bukrek, 2019. – 144 c.

ISBN 978-617-7663-76-7

УДК 811.512.165(075.3)

ISBN 978-617-7663-76-7

© Курогло Н. І., Кіор І. Ф., Мілков А. М.,
Драганов П. М., 2019

© Видавничий дім “Букрек”, 2019

Paalı dostlar!

Bastır gibi büyük klasların eşiinä, siz, bezbelli, koyêrsınız bölä soruş: ne eni bekleer beni bu yilda?

Bu kiyat – bütündän praktik kiyadı. O yardım edecek ilerletmää hem zeedelemää bilgilerinizi kullanmaa deyni sintaksis, dooruyazmak normaların, lafetmäk kulturanın, stil taraflarından.

Kiyadın ikinci payında siz tanışaceniz meraklı dil bilimin bölümün-nän-ritorikaylan. Siz üüreneceniz gözäl, dooru sözleşmää, laf tutmaa sesleyännerin öñündä, kaavilededeniz kendi ustaliñizi bu uurda.

Bu yıl siz kalkınaceniz bir basamak yukarı aazdan hem yazılı söz başmasında.

Lääzim tutmaa aklında: ritorika terminneri veriler zorca. Siz işleye-ceniz katlı sintaksis konstruktyiyalarlan türlü baalantıylan.

Siz bilersiniz paragrafların strukturasını: ilktän veriler iş tekstlän, sora – material dildän, sora da türlü işlär. Yaparkana onnarı taa derindän, kullanaceniz kabul edilmä bilgilärlän, kendibaşına üüreneceniz aaraşturmaa dilin meraklı nişannarını. Bu üürenmäk kiyatta okuyaceniz türlü temaya tekstleri, angılarında lääzim olacek bulasınız öz fikirini, annamaa onun içindedekilerini.

Tanıştırmaa deyni teoriya materialının kullanılır bölä printiplär: teoriyadan praktikaya, kolaydan zora. İşlär kiyatta var türlü-türlü: iş grupada, yuratmalı, iş eşlän, cuvap etmäk soruşları hem başka.

Kiyatta var bölä rubrikalar: "Bilersiniz mi siz?" "Tutunuz aklinizda!" "Yaraştırm!".

Sizin bakışınızı bu dünneyä zeedeleyecek tekstlär, angılarını hazırla-dık bu kiyatta. Onnar tutêrlar meraklı informatiya anılmış gagauzlar için, Ukrainianın görümnü erleri için; kimisi açıklêér sizin gençlik duygularınızı; var tekstlär kultura izleri için. Siiredin fotoları hem repro-duktiyaları, açıklayın kendi duygularınızı, düzün, bakarak onnara, yazılı süjet resimi.

Inanêriz, ani gagauz dili olacek sizin dostunuz hem yardımcıınız.

Başarmaklar sizä!

Avtorlar

§ 1. GAGAUZ DİLİNİN KÖKLERİ. GAGAUZLAR UKRAİNADA

1. Okuyun teksti. Söläyin onun temasını hem öz fikirini.



Gagauz dili – kendibaşına gençyazılardan bir dil türk dillerin aylesindä. Gramatika hem leksika tarafından o girer türk dillerin oguz bölümünä. Bu bölümä taa deerlär üülen tarafi-batı bölüm bölümü, angısına girerlär azerbaycan, türk, türkmen hem kırımtatarların oguz boyunun dilleri da onnar kurêrlar oguz dahını türk dillerinin aylesindä.

Zamandaş gagauz dilindä var çok evvelki oguz lafları, angıları gösteren bu dilin zenginniini türk aylesindä. Gagauz dili girer kalabalık türk aylesinin içini. Bu dilleri oluşturêrlar uzbeklär, kırkızlar, başkirlär, çuvaşlar, kazahlar, hakaslar, altaylor hem başka senselä türk dilleri.

Onnar leksika, morfolojiya, lafkuruluşu tarafından birbirinä benzerlär.

Gagauz dilindä var iki dialekt: komrat-çadır (ortakı) hem valkaneş (üülentaraflı). Yazılı literaturanın normaları kurulu ortakı, komrat-çadır dialektnä görä. Ayırılêrlar bu dialektlär fonetika hem leksika tarafından hem biraz da morfolojiyada.

Ukrainada gagauzlar – millet azlı. Onnarın taa çoyu yaşêêrlar altı küyüdä: Aleksandrovkada (Satılık Hacı), Dmitrovkada, Vinogradovkada (Kurçu), Kubeydä, Kotlovinada (Balboka), Starîye Troyani (Eski Troyan). Gagauzlar yaşêêrlar taa Tabakta, Zalizniçnoeda (Bulgariyka), Karakurtta hem başka rayonnarda hem kasabarda.

2001 yılında yapılan devlet statistika sayısına göre Ukrainianada yaşırdı yakın 32 bin gagauz.

Gagauz halkı bulunêr taa çoyu Moldova Respublikasında, neredä onnarın var kendi millet kultura avtonomiyası.


Ukrainada yaşayan gagauzlar severlär ana tarafını, sayêrlar kendi-ni patriot, beenerlär büyük Vatanı – Ukrainianayı, savaşêrlar getirmää ona fayda, üürenerlär ukrain dilini, neçinki o – devlet dili.

Okullarda üüreniler gagauz dili bilgi uurunda, neçinki lääzim diil sadä lafetmää, ama okumaa hem yazmaa da ana dilindä.

Ivan Kior



- 2. Bulun teksttä baş lafları, angıları açıklêerler tekstin temasını. Nesoy urok çıkarêrsınız kendinizä, okuyup bu teksti? Kisadan yazın kendi bakışınızı. Nesoy eni haberlär siz kabul ettiniz gagauz dili için?
- 3. Getiriniz aklınıza başka avtorların şiirlerini, yaratmalarını ana dili için.
- 4. Ne türlü asoşaşıya var nicä uydurmaa lafa „gagauz dili”? Yazın lafları.



? İlerledin duşünmeklerinizi.





5. Okuyun teksti. Söläyin onun temasını hem öz fikirini.

Bizim sokakların adları



Hepsimizdä var ayozlu erlär, neredä duuduk, büüdürük, kuvet kabul ettik, insan olduk. Bu erlär – bizim zenginniimiz. Kasabalar, küülär, angılarında geçti ya da geçer küçüklük, sora da yaşamanın yılları. Sevmää duuma erleri – insanın canında.

Ama sevärkän kendi duuma erini, biz en sıcak duygularımızı brakêrız te o sokaklarda, neredä küçüktän beenärdik oynamaa komuşu dostlarlan, neçin ki o zamannarı kimsey yok nicä unutsun.

Yıl yıldan biz bu sevgiyi üreemizdä taşıyêrız, vereriz uşaklarımıza. Sora peydalanêr soruşlar, angılarına isteeriz bulmaa cuvap: „Neçin bu sokaan adı bölä? Kimmiş o insan, kimin adını taşıyer bu sokak?”

Elbet, bizim istoriyamız pek zengin. İki asir içindä pek çok türlü sayfalar, angılar için biz var nicä hodul olalim. Şannı insannın adlarını koyêrlar küülerä, kasabalara, elbetki, sokaklara da.

Kubey küçündä dä bölä sokaklar var.

Bir uzun sokak taşıyêr Russev Födor Rodionoviçin adını. Bu adamı Kubeydä bilärdi hepsi.

O duumuş 1912 yilda büyük çiftçi aylesindä. Yaşamak o zamannar zormuş, ama küçüktän Fedi sevärmış ürenmää, savaşarmış bulmaa kiyat, okumaa, taa çok bilmää. Elbetki, anası-bobası yokmuş nicä çocucaa yardım et sin bu yolda, ama onnarin oolunda varmış büyük neet – olmaa üurenerek adam.

Açan Besarabiyyayı kaplamış cenk, o aylesinnän yollanmış evakuatiyaya, neredän kendisi istemiş gitmää fronta koymaa kendi kuvedini, ki duşman faşistlerdän topraamızı paklamaa. O pay almış Kavkaz fronthunda cenk operaşiyalarında.

Açan Büyük Vatan cengi bitmiş Üçük Enseyişlän, Födor Rodionoviç gitmiş ürenmää da olmuş agronom.

Kubey kolhozunda o işlemiş yakın otuz yıla. Predsedatelin yardımcısıymış, ama en çok onu bilerlär nicä baaci brigadanın öndericisini.

İşlärkän baaci, onun işçileri büüdärmışlär ölä şıralı hem tatlı üzümlär, ani anılmışlar bereketlerinnän diil salt dolay bölgelerindä, ama dübüdüz Ukrainada.

Bölä islää işlär için Födor Rodionoviç vermişlär çok orden hem medali, en ücük olanı – Altın Yıldız hem iş Kahramanı.

Açan 1968 yilda Russev Födor Rodionoviç gitti yaşamaktan aar hastalıktan sora, bir en gözäl sokaa Kubeydä, neredä bulunêr uzun yol baalarlara, angılarında çok yıl o işledi, verdilär onun adını – Russev sokaa.

Adlar – istoriyanın sayfaları. Biz läätzim derindän onnarı bilelim.

Ivan Kior

➤ **Yapınız plan tekstä görä, annadınız kisadan onun içindekiini.**

6.  Anılmış ukrain yazıcısı, şiiircisi, filosofu T. G. Şevçenko yazdı: "Nekadar yaşêér dil halkın sözündä – yaşêér halk ta. Ölürsayıdil – öler halk ta".
Kayılsınız mı siz bu demeklän. Yazın bir yaratma – fikirlemä bu temaya "Neçin läzim insana onun ana dili".

§ 2. SİNTAKSIS BÖLÜMNERİNDÄN EN ÖNEMNİ HABERLÄR: LAFBİRLEŞMESİ HEM CÜMLÄ, SİNTAKSIS BAALANTILARI ONNARIN ARASINDA. GRAMATİKA

7. Okuyun teksti. Söläyin onun temasını hem öz fikirini. Gösterin kendi bakışınızı problemayı, angısını açıklêér avtor.

"Kimär keret bän çok görerim aalemi, te onnarı, angısinnarda, diil nicä bendä, yaşamalarında var açık neet. Deyecez, Koli, o çalqıcı, o top-ladı bir bölüm insan, o biler, ne isteer, o kaybelmeyecek. Onda käämil boba, verer nasaat, yardım eder. Tä sän da – seversin resimcili, olacan, olmalı, talantlı, şanni resimci. Siz hepsiniz bendän taa kismetliysiniz..."

Bunu bana sölediydi benim kafadarım, açan biz hazırlanardık başar-maa okulu, onbirinci klasın bitkisindä.

Geçti ozamandan iki yıl. O üürendi biraz terzi zanaatlısına, şindi sa işleer tükendä kasada.

Laf burada gider te o iş için. Benim dostum istämeer annamaa kendisi, terbietmeer kendi neetlerini. Yok onda isteyiş diiştirmää yaşamamın sıralunu, kuruluşunu.

En büyük problema – bölä insan pek çok.

Ölä, yaşamak şindi zor. Ama angi zamannarda kolaydı? Angı asirdä yoktu türlü zorluklar, açan insan savaşardı kalmaa saa, korumaa kendi aylesini aaçlıktan, cenktän?

Elbetti, büün, XXI asırın başlantısında başka problemalar, ama hepsi hep aarêèrlar yolu kismetä. Ne o kismet – yok bir cuvap. Hepsinin kendi bakışı, annaması, duygusu.

Meraklı, cana yakın iş, käämil dostlar, şen, kismetli aylä – te bunnar, bana geler, en önemni işlär yaşamakta, onun özü. Bu zenginnii läzim korumaa, sevmää, savaşmaa kaaviletmää, ilerletmää.

Yaşamak faydalı olsun deyni, lääzim koymaa çok kuvet, çemreklik, isteyiş. Yok neçin vakıdı harcamaa boşuna. Yaşa, işlä, düşün. Te bunnar yapêrlar bizi insan.

Ivan Kior

Nokta koyulêr aşaadakî durumnarda:

Annatma hem izin (diil şâşma) cümplenin bitkisindä. *Örnek.*

- 1) *Bu aylä çoktan kullanêr demokrat tradiiyalarını.* (D. Tanasoglu)
- 2) *Etär artik didinmää, mari.* (D. Kara Çoban)
- 3) ...*Bän giderim, siz kalın, istärseniz.* (D. Tanasoglu)
- 4) *Sorma, geldi mi, – sor, idi mi.* (Söleyiş)
- 5) *Üzümü i – baayını sorma* (Söleyiş)

8. Okuyun kuraldan örnek erinä cümleleri, annadin onnarın durguçluk nişannarı için.

9. Düzün iki annatma, iki da izin cümhä, açıklayarak bu temayı: „Güz – gözäl zaman vakıdı”. Koyun cümlelerin bitkilerindä durguçluk nişannarını.



10. Okuyun lafbirleşmelerini. Çevirin onnarı gagauz dilinä, yazın. Lääzim olarsayıdı, kullanım sözlüü.

Скучити за мамою, піклуватися про дітей, прислухатися до співу птахів, плакати з радості, підійти до греблі, готоватися до турпоїздки, сидіти біля ставка, читати про квіти, навчатися мови, плакати за тобою.

➤ *Düzün sadä cümhä, ayıruip iki lafbirleşmesini.*

11. Getirdiniz aklınıza, ne o frazeologizma. Kayıl olêrsınız mı te onunnan, ani frazeologizmalarda var millet kulturanın „izleri”? Yazın beş frazeologizma ukrain dilindä, beş da – gagauz dilindä, angıllarında gösteriler millet özelliği. Düzün frazeologizmaların birisinnän sadä cümhä, yapıp ona sintaksis analizi; yazın tefterlerinizä.

Sıralamak rubrikaların bitkisindä, eer onnar kendibaşına cümlelärsä, da onnarın içindä varsa durguçluk nişannarı. Örnek.

Bu soruştta şu kararlar alındı:

- a) *Toprak insannara payedilsin ödeksiz.*
- b) *Herbir ayleyä en az birär lot toprak verilsin.*
- c) *Ertesi yıl için toomnuklar birdän ayırı koyulsun.*
- ç) *Artık maasullar devletä satılsın. En ilkin – terekä, em, üzüm, zarzavat.*



Bilersiniz mi siz, ani...

Gavril Arkadyeviç Gaydarçi – yazılıçı, folklorcu, lingvist, filolojiya doktoru. Yaşamak yılları (1937-1998)

Kiyatları: "Ana tarafim" (1972); XX-ci asırın etmişinci yıllarda G. Gaydarçi yazmış bu statyaları: "Gagauz dili: orfografiya normaları", "Gagauz dili: istoriya çöşmelerinä"; hazırladı çok üurenmäk kiyadı.



- 12. Okuyun teoriya materialını. Annadın örnek erinä cümlenin durguçluk nişannarı için.
- 13. Düzün bir prezentaşıya bu temaya görä: „Ceviz ayı – zengin bereketli zaman”. Kullanın aazdan sözünüzdä sadä cümleleri.
- 14. Okuyun demekli şiiri. Açıklayıń onun ideyasını. Ne bilersiniz onun avtoru için? Ayırın içindän bir sadä bir başpaylı belli-üzül cümle. Yapın ona sintaksis analizi.

Bucak, sän ecelim!

Düüler ürääm bollu-bollu,
Darsık canın sevda dolu
Senin için cet – ecelim!
Benim topraam, benim evim!
Senin bän dä başçacında,
Bir filizçikim, yapracık,
Günä dooru gözüm açık
Benim Bucaam hem ecelim!
Bir mum o sofrada olsan



Imäk, içki sana dolsan,
Sana bir şafk bän edeyim,
Da „varım dünnedä” – deyim,
Benim Bucaam, benim evim,
Ana topraam hem ecelim!

Nikolay Baboglu

➤ *Bulun şiirdä çizgicik aşırı laftı. Annadın onun dooru yazılması için. Açıklayın lafin maanasını. Nicä annêerrsınız şiirin adını?*

Nokta koyulâr:

İnitialları laabın yanında yazarkan: M. Çakir, D. Kara Çoban, S. Kuroglu, K. Vasilioglu, T. Şevçenko, O. Kobilänska, L. Kostenko, B. Ahmadulina... .

15. Düzün yukarıkı kuralda yazılı laablarlan lafbirleşmesi, yapın onnara analiz. Yazın tefterlerinizä. Lafbirleşmesin birisinnän düzün sadä cümlä T. G. Şevçenko ya da O. Kobilänska için.



16. Ayırın bu tekstin içindän adlıklı, İslaklı, İşhallaklı lafbirleşmelerini da yazın tefterlerinizä. Annadın, nesoy orfogramalarlan karşı geldiniz yazarkana.

Marinka



Avşam ekmeeni idiktän sora internatin büyük zalında maasuz bizä deyni yaptıydilar bir dinnenmäk-tanışmak avşamı, neredä olduydu türlü oyunner, türlü yarışmalar, annadıldıydı ana dilindä türlü şıirlär, türlü cümbüşlär... Ozaman seftä işittiyydim ölä çok söyleş hem bilmeycä.

O avşam seftä yaşamamda gördüğüm, nicä oynanılêr oyun „Poçta”. Isteyennerä daattiydilar kiyatçıklarda yazılı nomercikleri. Herkezi boldurcuklan ya da iinäylän läätzimdü tuttursun o nomerleri kendi güüsünä. Gösterdiydlär hepsinä poçtacayı, angısının sırtında asılıydı çanta kiyatları taşımää deyni. Biraz vakittan sora oyunnarın arasında başladıydı işidilmää poçtacının sesi.

– Kim otuz sekizinci? Neredä beşinci nomer? Irmı üçüncü, kablet kiyadını. Bu onnarin nomerleri, angılarına artık yazmışstilar kiyatları tanışmak için. Herbir kiyatçıkta kısacıktavardı nicä okumaa:

- Bän 12-ci. Adım Sofi. Isteerim seninnän tanışmaa.
- Bän 25-ci. Adım Petri. Bekleerim seni hayatı.
- Bän 33-cü. Adım Todur. Beendim seni taa ilk bakıştan.
- Bän 47-ci. Adım Doni. Nomercik asılı yakamda. Pek beendim senin kıvırcık saçlarını hem çakır gözlerini. Bekleerim senin cuvabını.

Konstantin Vasilioglu'ya göre

► Nesoy duygular „kapladılar“ sizi, okuyup yukarı annatmaların parçasını. Düzün tekstä plan. Annadın plana görə teksti.

Lafların kısaltma yazılmasında:

*h.b. (hem başka), h.t.b. (hem taa başka), s. (sayfa), b.d. (bölä demäk), örn. (örnek)
h.b.*

Arab tıfralarının datanın yazılmasında:

28.02.1938-ci yilda duudu K. K. Vasilioglu.

 **17.** Yazınız üç cümle kısaltma yazılarınızın.

 **18.** Yazın kendi aylenizin kişilerinin duuma yıllarını, bakarak yukarı kurala.

 **19.**  Yazın tefterlerinizde söyleşileri, koyarak noktaların erinä kaçırılmış bukvaları.

Sevda – genç...n dastanı. Sımarla kedi... , kedi(dä) kuyr...na. Sinek tutm.... . Tatlı konuşma... do...n olmaz. Iht...rların sözü – bilgi, söl...şleri – nas...t. Kim ist....r kazansın, l..zım çalışsun. Komuşuluk d...l do...nca – ...lüncä.

► Açıklayın söyleşilerin maanalarını. Düzün birisinnän mini-yaratma. Ne o dastan? Kullanın bu lafi yazılı sözünüzdä.

§ 3. CÜMLENİN BAŞ PAYLARI, SADÄ CÜMLENİN ÇEŞİTLERİ

 **20.** Okuyun teksti. Söläyin onun temasını hem öz fikirini.

Biz dayma tekralêîriz lafları, ani insanı daavalêrlar onun yaptıklarına görâ, ama unudêriz kimär kerä, ani çok işlär da laftan biter.

Insanın lafetmesi – onun aynası. Hepsi yalannar, mindarlıklar, diil gözal işlär, nicä dä savaş onnarı saklamaa aalemdän, duyulêrlar lafet-mektä hep ölä kuvetlän, nasıl açık ürek, hoşluk, maanaların derinnii.

Nekadar da olmasa önemni türlü bilgilär, angılarını insan kullanêr yaşıamasında, genä dä ilk erdä herzaman kalêr onun lafi, dili. Dilin yardımının insan zeedeler kendi fikirini, bilimnerini, dilin kuvedinnän o alêr kendi ömrünä dä kaavilik.

Zengin dildä yazılı çok meraklı yaratmalar, angıları terbiederlär adamı küçüklüktän. Dilin zenginnii bitkisiz. Onu lääzim gün-gündän korumaa, bilmää taa derindän, üurenmää dili, zerä bizdän kaarä kimsey bunu yapmayacek.

İnsanın yaşaması birinci gündän taa bitkiyadan baalı laflan, dillän.

İvan Kior

Soruşlu nişanı koyulêr aşaadakı razgelişlerdä:

1. Soruş sadä cümplenin sonunda:

- 1) Neresi burası?
- 2) Kim bu sabaa süpürdü kapu öünü?

2. Katlı cümplenin sonunda, eer soruş varsa onun herbir ya da sade bir payında:

- 1) Senin okadar mı aklın ermeer, ani bän var nicä annadayım, nesoy adamsın sän?
- 2) Nicä sän sanêrsin e, brakacam, blezik kaybelsin mi?
- 3) Neçin acaba bu aalem korumaz işi ölä, nicä koruyêr saabisi?

21. Düzün soruş cümleleri okunmuş artistik yaratmanın içindedekisinä görä. Yazın onnarı tefterlerinizä.

22. Okuyun teksti demekli. Nesoy janrada o yazılı? Ayırın bu iştän soruş cümlelerini da yazın tefterlerinizä. Aazdan cuvap edin soruşlara tekstin içindedekisinä görä. Nesoy nişannara görä belli ettiniz yaratmanın janrasını.

Zaman kanatları



Siirek var nicä razgelmää lüzgerli Bucak kırlarında evelki dermenneri. Üüsüz gibi durêrlar onnar kimi küülerin kenarlarında. Güçlü bakêrlar eni yaşamaya. Cannarında, bekim, küserlär, ani insanlar unuttular onnarın yardımını. Iki-dä-birdä sallêêrlar sakat kanatlarını, bezbelli, ömürä izmetlerini aklilarına getirerlär. Kanatlar sa salt gicirdêêrlar, sora oflayıp, düşünmeklerä karêrlar.

Ne aklısından geçirerlär o kanatlar?

Bekim, zengin berekettä kayaların uultusunu? Bekim, cuval dolusu pak ununu? Bekim, kendi gençliini? Bekim, o uzak zamannarı, açan Allahın yardımının ilk sıra kanatlar yollandı dönmää da, hızlanıp-hızlanıp, başladı duymaa kendi kuvedini? Ne sevindiysi ozaman kanatlar! Kanatlar ozaman kaavyidi. Herbir ekçeezinnän duyardılar, nicä onnarlan bilä başlaardı ilktän büyük dingil dönmää, sora çıkışıklar başlaardılar küçük dingilleri çevirmää, küçük dingillär da – kaya taşlarını. Da te taşların arasından başlaardı pak un akmaa. Ne benzâmeer bu un altın tenelerä! Insannar büyük sevinmeliklän toplaardılar bu unu cuvallara.

Ama kanatlar bunnarı görmääzdilär. Onnar salt duyardilar. O duygulardan onnar taa hızlı dönärdilär, sevinmeliklän bakıp o kismetli insan nara, ani dermenin dolay yanında Allaha dua edärdilär.

Kanatlar genä ofladilar. Sanki, ne genä aklısına getirdilär?

Bekim, genä insannarın Allaha dualarını. Ama neçin bu insannar aaleeärlar? Neçin getirmedilär altın tenä, da şindi kayalar boşuna dönerlär? Neçin, süpürüp dermenin dolay yanını, eleerlär tozu.

Açan kanatlar gördülär, ani insannar ev kapamayca aaçlıktan ölerlär, annadilar, nesä oldu.

Kanatlar sayıkladilar: „Bu yaz kuraktı. Kendim bilerim. Ama nasi-nicä bereket vardi. Kendim gördüm, nicä insannar Harman vakıdı terekeyi saurardilar. Neçin getirmeerlär üüdelim onnari?..”

Todur Zanetä görä

- 23. Açıklayın lafların *dingil, ek, dua, kaya, kurak, terekä, güclü maanalarını*. Düzün onnarlan cümhä.
- 24. Nesoy maanalar var lafta saurardilar? Düzün lafin herbir maanasınınna cümle. Düzün proekt, „Gagauzların dermenneri için“.
- 25. Ayırın teksttän „Zaman kanatları“ bir cümle, yapıp ona sintaksis analizi.

Şaşma nişanı koyulêr aşaadakı razgelişerdä:

1. Annatma, duygulu hem soruş cümlelerinin sonunda, eer o sölenärsä duygulu intonaşıyylan (sayılêr şasma cümle):

- 1) Sizdän yok nicä raat yaşamaa, solumaa, yaratmaa!
- 2) Hey, yavrular, ya yok olun buradan!
- 3) Leleklär, leleklär! Ya çıkış hepsiniz dışarı! Bakın yukarı!
- 4) Nasıl siz erä göçmeersiniz utanmaktan?!

2. Cümplenin başlantısında bulunan hem şasma intonaşıyasınınna sölenän danışmakları belli etmää deyni:

- 1) Kardaşlar! Aramızda saat ta var bu oluşlara.

3. Cümplenin başlantısında bulunan duygucudan sora, eer o sölenärsä şasma intonaşıyasınınna hem gösterärsä kaavi duyguları:

- 1) Ehe-he! Şindi benim patretlerimi markalara da koyaceklar!

4. Titata olan tekstin içindä ya da sonunda yazan kişinin tekstin içindeliinä davranışını göstermää deyni:

„Erlestirip“ islää hepsi İşleri, bulup „cuvap“ insanın istemelerinä(!), çorbacılar, razi olarak, daalıştılar. (D. Tanasoglu)


- 26. Okuyun örnek erinä cümleleri yukarıkı kuraldan, annadın onnarın durguçluk nişannarı için.
- 27. Düzün duygulu cümle. Koyun bitkidä onnarın durguçluk nişannarını. Okuyun onnarı demekli. Birinä yapın sitaksis analizi.

-  28.  Diiştirin bu cümleleri ölä, ani onnarda olsun danışmak. Koyun durgucluk nişannarını cümlelerdä. Çizin cümlelerin gramatika temellerini.

Sora Oguz Kagan bir ayı tuttu. Genä sabaa oldu. Canavar hayvan ayayı da almış. Boba silkinsin läätzim onnardan. O biler oolun kiyaklini. Eymur hem Ayna sesleerlär, hiç solunu çekmeyeräk.

Dionis Tanasoglu'ya görä

-  29. Gösterin kahır, sevinmelik, şaşmak duygularınızı, düzerek sadä cümhä. Koyun onnara duygucu nisanını. Unutmayın durgucluk nişannarını için. Çizin gramatika temellerini.



Virgül koyulêr danışmaklarda:

1. Eer danışmak bulunarsa cümlenin başlangısında:

- 1) Paali musaafirlär, hoş geldiniz Dimitrovkaya!
- 2) Tudorki, mari Tudorki, gitmä şu haydutun pınarına.

2. Açılan danışmak bulunêr cümlenin ortasında:

Dur, mari, nereyi gidersin?

3. Açılan danışmak bulunêr cümlenin sonunda:

Ya gel burayı, Afina!

-  30. Okuyun örnek erinä cümleleri yukarı teoriya materialından, annadın onnarın durgucluk nişannarı için.

-  31. Danışarak üüredicinizä, ananiza-bobaniza, dostlarınıza, malinizä, dädunuza, düzün birär cümhä. Koyun onnarın durgucluk nişannarını. Çizin gramatika temellerini.

-  32. Yazın cümleleri. Koyun onnarın durgucluk nişannarını.

Sandi topla hepsini sofraya. Dünnää gözäl ko yaşasinnar Al buynuzunu öküz susaa devirecän Ya bak orayı Ya payet Uşakların ligaları akmiş bayılmışlar aacılıktan Helal Marin Şen adam brey ölsän da unudulmazsin.

Stepan Kurogluya görä

Virgül koyulêr duyguları belli etmää deyni, eer onnar sölenärsä duygusuz intonațiyyaylan:

- 1) Of, saalik mi etişecek bu belalardan sora?
- 2) Ah, olsam bir kuş da konayım onun pençeresinä...

 **33.** Okuyun yukarıkı kuraldan cümleleri, annadın onnarın durguçluk nişannarı için.

 **34.** Düzün birär cümleä, ani olsun hep ölä durguçluk nişannarı, nicä yukarıkı kuraldan cümlelerdä. Yapın birisinä sintaksis analizi.

Virgül kullanılır koyulma lafları hem koyulma cümleleri belli etmää dey-ni:

- 1) *Bu adam, en ilkin, kendi lafına çorbacı.*
- 2) *Bir parça vakıttan sora, bakmışın, aalemin uşakları büümüşlär da tırtıl gibi İş-leerlär.*
- 3) *Geçtii yıl, nicä bilersin, kuraktı...*

 **35.** Yazın cümleleri. Koyun kaçırılmış durguçluk nişannarını. Nesoy kuralları kullandınız, ani onnarı dooru koymaa?

Da te nasıl dedim sayıklêirim benimcä birtürlü yapmaa da tutulma-maa. Bu bezbelli olacek avşam üstü. Elbetki onnarın arasında yakinnık iş tarafından peydalanmıştı. Akına çocuum çalışkan herbir iştä bizä o var yardımcı, e nasıl başka türlü? Üürenmäk bana kalsa çok paali işlän onu başa çıkaramayacam evdä işlerini da ikisini bireri getirämeerim fi-kaaralık var başımızda. Iki kat taa çok işleyecez beki borçlara da gire-cez ama uşaamızı üüredelim.

Nikolay Babogluya görä

 **36.** Düzün koyulma laflarlan cümleä, ani onnarın maanaları göstersin bölä duyuguları: *utanmak, sevinç, fikirlerin sırası, şüpelenmäk, kahırlanmak.*

Çizin onnarın gramatika temellerini. Annadın, nesoy durguçluk nişannarı lääzim koyulsun.

Virgül koyulrə ayırlı cümle paylarını belli etmää deyni:

1. Ayırlı bellilikleri belli etmää deyni, açan onnar:

- 1) *Belliedilän laflan sora duran nişannıklardır:*
 - a) Açılan o girdi kapu önüna, çıktı anası, kefsiz hem kahırlı.
 - b) Açıldı dışar kapusunun ilk katı, sora ikinci, da girdi Meşgeldään karısı, İslää üzü, taazä, yalpak.
- 2) *Belli edilän laflan sora duran bellilikçi çevirmädir:*
 - a) Var bir dädu, kat-kat giyimni.

3) Belli edici koyulma cümleädir:

Sokakta taman bir bölüm kız, çocuk, kazmalar sırtlarında, brigadaya gidärdilär.

2. Adlaa ya üz aderliinä baalı olan ayırlı eklembellilikleri belli etmää deyni:

Vasi, edi yanında bir çocucak, pek sever oynamaa şaşkı.

 **37.** Okuyun yukarıkı teoriya materialından örnek erinä cümleleri. Annadın, neçin onnarın içindä koyulrə bu durguçluk nişannarı.

-  38. Koyun bu cümlelerä kaçırılmış durguçluk nişannarı, nesoy kuralları kullandınız.



Saadıç gözäl kıvrak genç bir adam başladı oynamaa. Bir geniş su boyunda küüceezdä yaşaarmış yırak dolaylara bir kemençeci anılmış talanlı iilikçi. Lina Kostenko çalışkan hem becerikli ukrain yazıcısı pek çok yapmış ilerletmää deyni ukrain dilini hem literaturasını. Onnar edi kişi kaldılar toprak atmaa. Marinka irmi yanında kız läätzim targa dolusu taşısın kaba taş kapunun önünä. Üüredici dergi elindä dik girdi kabinetaya. O çalışkan işä bir gün kaçırmadı üzüm toplamasında.

-  39.  Düzün bir yaratma-miniatüra „Benim gelecek zanaatım”, kullanarak yazılı sözünüzdä sadä cümleleri, angılarında var ayıırıma belliliklär.



Ayırılı hallı belli etmää deyni, eer o hal iştennik laf çevirtmesiysä:

- 1) Kırboba durardı köprüünün başında, bayılmayadak kismetli hem düşünceli.
- 2) Güneşä karşı çok vakıt durup, ekinnerin başakları çabuk tuyan tenelärlän doldu.

Cümledä ayırı yaraştırmak çevirtmesini belli etmäk için:

- 1) Türkü ona hep ölä läätzimdi, nicä soluk.
- 2) Yamaç üstündän küü görünürdü, nicä aucunda.

-  40. Okuyun yukarı teoriya materialını. Annadın örnek erinä cümlelerin durguçluk nişannarı için.

-  41. Okuyun demekli teksti. Ne avtor isteer göstermää burada? Koyun tekstä kaçırılmış durguçluk nişannarını.



Ilkyaz açıldıydi vakıtlan taa martta başladıydı olmaa islää havalar kış kaarları da göz görä görä kaybelärdilär, kir yollarında çamur artık azalırdı ama küü içindä başladıydi toz da bulunmaa. Güneşti sıcaktı kuraktı. Erken saçaklar hızlandırmıştilar tolokada çimeni zerdeli aaçları hem kirezlär ölä vakıtlan hem birdän açmıştılar meyvalık başçaların yanında geçärkän aaçlara bakarsan gözlerim kamaşardı nicä ilk kaardan.

Kır işleri sıkıştırıldılar çiftçileri baalarları kesmää hem kazmaa arpa booday semiçka hem başka işleri ekmää. Hepsi insan kırılmış gibi savşardı vakıtlan toomu erä koysun. Şen ilkyaz çıkarmıştı olan-bitän insanı bordeylerdän, içerlerdän kırlara toprak işinä. Birkaç gündä çoyunun kendi işleri bitärdi da insannar bu çok iş arasında artık düşünär-dilär taa neredäsä çalışıp bişey kazanmaa.

Nikolay Babogluya görä

➤ *Yapın sintaksis analizi tekstin bitkinci cümlesinä.*

Virgül koyulêr cümlenin birsoy paylarında:

1. İki ya da taa zeedä birsoy payların arasında, eer onnar baalıysa biri-birinä baalayıcısız:

- 1) Settä durér çölmek, filcan, çarpak, fener.
- 2) Onnar toplardilar eski patret, adet, folklor hem annatmak evelki yaşamak içün.

2. Birsoy payların arasında, eer onnar baalıysa biri-birinä tekrarlanan birleştirici ya da ayırdıcı baalayıcılarlan ya da enklitik da\da, ta\tä baalayıcılarlan:

- 1) Dädunun dokuz oolu varmış, dokuz da kızı.
- 2) Alêr o kiyadı da yırtêr, da yazêr başka kiyat.
- 3) Koli, ya Vani, ya Ristu üsteleyecek güreştä: onnardan kuvetli yok.

3. Birsoy payların arasında, eer onnar baalıysa biri-birinä karşılayıcı baalayıcylan ama:

- 1) Ne salêr, ne uluyêr, ama evi bekleer.
- 2) Indim bän çak o pınarın suyuna, doldurdum şîşeyi da gücülâ çıktım, ama suladım onu.

42. Okuyun tekstin parçasını. Koynun kaçırılmış durguçluk nişannarını. Annadın, neçin koyulêr onnar?

Inandırılmak



Bir gün bän kabul ettim bir yabancıdan kiyat. O yazardı erif için angısı pek talantlıymış da varmış nicä olsun kompozitor ama pek sakınarmış. Yabancı yalvarardı bän uurayım bu erifâ da kızıştırayım onu yazsın muzיקה.

Buldum bän bir ara da gittim o müzikanda. O yaşardı kabsabanın bir da sokaanda bir derin aul içindä nereyi geçmää lääzimdi bir dar buvaz erdän kira evceezlerin aralarından.

Buldum bän evin nomerini da durdum kapunun uurunda.

İçerdän işidilärdi kemençä sesi halk temalarına suit improvişyası. Çalardı talantlı adam. Çalmak manerası geniştî boldu.

Birkaç minuttan sora çalmak kesildi. Bän urdum kapuya. Çıktı bir incä orta boylu erif. Bän kapu aşırı tanıttım kendimi.

Dmitriy Kara Cobana görä

 **43.** Açıklayıñ lafların inandırılmak, erif, suit improvişiyası maanalarını. Düzün onnarlan eni cümle.

Iki nokta koyulêr birsoy payların sıralaması önündä bütünneştirici laftan sora:

- 1) Ustanın odasında vardı türlü tertipler: *nacak, testerä, burgu, rendä.*
- 2) Kurcalının elindä herzaman bulunardı bişey: *ya kazma, ya tırpan, ya keser.*

(D. Kara Çoban)

 **44. Koyun gurguçluk nişannarını.**

Üçüncü çocucaan İlüşanın suratı çirkincäymış uzunmuş burnusu kamburcaymış gözleri kipişikmiş. O pek düzülüymüş yalabık donnar kırmızı gölmek kadifä eşil halat. Adam kaybetmiş soruş nişanı da vazgeçmiş koymaa soruş hiç bir da oluşan meraklanmaazmiş ne kosmoslan ne politikaylan ne da kendi evinnän. Gezicilerin önündä açılmış gözäl bir resim şışä gibi yalabık derä kıvrak dizili aaçlar maavi bayırlar.

Çizgi koyulêr birsoy paylardan sora bütünneştirici lafin önündä hem dä birsoy paylardan sora cümleinin ilerleyän payının önünä:

- 1) Örtülär, ard duvarların boyu, hendeklär, çalı aullar, kapu önneri -- herersi kaplı kabakaarlan.(S. Kuroglu)
- 2) Bay Görgi, läözüm düşünelim hepsimiz serbestlik için, toprak için, dooruluklar için -- insanın herzamanki düşleri için. (D. Kara Çoban)
- 3) Takımnar: çinilär, çanaklar, sua çiniciklär, garafa – bir çiiz gibi urardılar gözä. (G. Gaydarcı)

 **45. Koyun kaçırılmış durguçluk nişannarını.**

Kısmet hem kahir, sevinmelik hem aaci hepsi bu işlär vardı onda. Sa-kinmak da darsımak ta üfkä da hepsi bu işlär yazılımiş onun suratında. Arpa çavdar papşoy ülaf bir gözellik gibi sevindirärdilär gözünü.

 **46. Koyun kaçırılmış durguçluk nişannarını.**



Ilkyaz. Sabaa. Şofron gün ayrıldı erdän yavaş-yavaş kuşlara yaklaşıp. Aaçların sık yaprakları dalların arasından erä günün direkleri urêr, aaçların gölgeleri onun için dikili gergefä benzeerlär. Kaaz otları gecä serinniin ardına sora körpä-körpä bakêrlar yukarı uzanêrlar nasıl insannar da angıları sora tatlı-tatlı gerilerlär sansın söyleyip ne islää yaşamaa gözäl ömürdü.

Dolayda ilkyaz. Kuşlar kızışmış civirdamaa. Hepsicîi uyanmış. İnsanlar sıra-sıraylan kira geçer kazmalarını hem boşçacıklarını ellerindä

tutup şen-şen lafederlär. Insannarın da canına ilkyaz girmiş. Herbir iş ilkyaz için söleer.

Yakinnarda neredäsa lüläkaya kokêr. Ömürün bu kokusu kefleder.

Çayırda bir türkü işidiler, ama laflarını onun yok nicä annamaa. Se-sinä görâ türkün belli ki çalınêr o şennik için. Çayırda dar yalabık yolcaazça bir kız gider, türkü çalarak. Kara saçları onun kıvrışık üzü usâk üzünä benzeer, okadarki dudakların köşeleri onun büyük insana benzettirer. Gözlerindä onun naşiseydi akıllı saklanêr.

Stepan Kuroglu

Çizgi koyulêr aşaadakî durumnarda:

1. Subyektin hem predikatın arasında, açan onnar temel halda adlıktır ya da infinitiv formasında işliktr:

Ana dilim tatlı bal. (D. Tanasoglu)

Bucak – bizim ana tarafımız.

Gezinmää – vakıt kaybetmää. (Söleyiş)

2. Bir payının kaçırılmasını göstermää deyni:

Yarısı – saa tarafa, yarısı da – sol tarafa. Oynayacez bir saat futbol.

47. Okuyun demekli şiri. Açıklayıñ temasını hem ideyasını. Argumentläyin, neçin koyulêr bu durguçluk nişannarı şiirdä. Annadın onu ezberi.

Çizilär



Çoyu yazdı
Hem söledi,
Ani dünnä pek alaca...
Neyä geler bu, acaba?
Sanardım – boz,
Eşil, maavi.
Sanardım, o
Türlü renkli
Osa dünnää–
Iki çizii...
Iki çizii. E diil mi aaz?
Biri – kara. Biri – biyaz.

Ömür uçardı
Tez, ilin.
Bän bilmäärdim,
Ne o aci?
Bän bilmäärdim,
Ne o sancı...
Bana deyärdilär: "Sevin!
Bu yaşaman senin resim!
Açık benizlän yazılı.
Kara renkin hiç yok adı.
Çok yıl bu söz ashı
Bana kismet verdi

Ama kípim yashı
Ecelimi kesti...
Te ozaman bän annadım,
Ani dünnä – iki çizi:

Biri kara – ecel adı,
Biri biyaz – ömür izi...
Ne o pelin?
Bän bilmäärdim.

Todur Zanet



Bilersiniz mi siz, ani...

Bir kerä amerikalı yazıcısı Mark Tven kabul etmiş kiyadı. Onda yazılmış sade bir laf: „Domuz”. Ertesi günü Mark Tven erleştirmiş kendi gazetasında bölä kısa bir statya: „Bän sıkça kablederim kiyat yazılımsız. Dün ilk sefer kablettim yazılmak kiyatsız”.

§ 4. CÜMLENİN PAYLARI, KATLI CÜMLELERİN ÇEŞİTLERİ



48. Okuyun teksti. Söläyin onun temasını hem öz fikirini.

Tabiat – gözellik

Tabiat terbieder insanda duygú käämillik için.
Buna var binnän örnek.

Eni yılın beşinci gündüñä benim pençeremä,
räbina aacın dalına uzaktan uçup, erleştilär iki
sıklık çalan kuşçaaz.

O – gozäl bir çiftti, o belliydi, neçinki onnar
ölä büyük sevgiylän bakımardılar.

Hepsini braktım da başladım gözletmää bu
kuşçaazları. Bakêrim birkaç minut – gözümü atamêérím – bölä gözäl
tüülü kuş siirek vardır gördüm. Moor, koyu-sarı, incä çizgiciklär boz
benizdä hem küçükük kara noktacıklar. Angı resimci bunu var nicä gös-
tersin?! Nicä boy a bulacék, neredän alacék bölä çokrenkli kuşaklı pa-
litrayi?! Ama bu gözçääzlär – iki kara-kömür boncucak, kivracık gaga-
cık, tepeciktä – tüülü, nicä sedef, ibik! Kimin için bu gözellik? Diil te
onnar için, angları siirederlär tabiatı maşinanadan, ya da te onnar için,
angılarda yok duygú gözäl tabiatı gördünän.

Olunuz açık göz! Acan geçersin daada gümelerin yanından da işider-
sin keskin, kivracık sesçääz. Kimin o acaba? Ya sesirgän taa kuşkulu.

Olä da var – bülbül çemrekleini, ustalını gösterer. Durgun birkaç kí-
pima da islää annayacaan – bülbülcük savasêr kendi sevdası için. O bizä
görünmeer, o gümenin içindä, ama böla kontert var nicä baaşlamaa
sadä, akan kimsa derindän sever, beener ikinci yarımcınızı. Onun da üre-
cii, bezbelli, kısmettän çalêr.



Yazık – biz siirek var nicä görelim bu boz tüülü küçük, hiç gözä düşmeyän kuşçaazı. Ama nicä türküleri o kıvradêr!

Tabiat-bizim zenginniimiz. O kanon kurêr bu yaşamakta hepsimizä, da git-gidä biz taa derindän annêîeriz, ani biz – tabiatın paycızıız.

Jurnaldan çevirdi, Ivan Kior

Virgül koyulêr katlı cümlelerdä:

1. Baalayıcılı hem baalayıcısız dalsız hem dallı katlı cümlelerdä sadä payların arasında:

- 1) Taftaların birisi kayardı, birisi kimi erdä boyaliydi.
- 2) Kofalarda yoktu su, da o yollandı pınara.
- 3) Çan urdu, insannar dışarı çıktı, tren geldi.
- 4) Bu toprakta zaamet ettiydi onun dädusu, bobası, toprak ta doyurardı onnari.
- 5) Beygir, o da sansın sevinärdi, ani oldu şasılıacak iş.

Virgül koyulmêr bir baş cümleyä baalı olan dal cümlelerin arasında, eer dal cümlelerini birleştirräşä tek baalayıcı hem:

- 1) Çorbacı hepsimizä annattı, neredä biz işleyecez hem nesoy ödek olacek herke-mizimä.
- 2) Çok sıra oturêrim da düşünerim, nicä biz zor yaşamaya etiştik hem nelär taa görecek bizim uşaklarımız.

49. Koyunuz kaçırılmış durguçluk nişannarı bu cümlelerdä. Bu tekst mi?

Argumentläyin.



Pek derin evellerdän açan yokmuş yazmak-okumak insan düzärmış türlü şiirler türkülär masallar söyleşilär cümbüsllär taa büyük tä yaratmalar, angılarını sölärmişlär çalarmışlar hep aazdan-aaza onnar geçmişlär ihtärlardan gençlerä etişiip taa şindiyädän. Biz kullanêriz onnarı hazırladan zerä düzülmüşlär eski o zamannarda diil şindi. Masallarda türkülerdä insan annadarmış türlü olmuş işleri kendi zaametini düşünmeklerini sevinmeklerini hem kahırlarını savaşlarını hem umutlarını cümbüsllären da kahir daadarmışlar kötü cenabetleri suya çıkararmışlar...

İnsanın fikir keskinnii ariflii esap almaları gösterili söyleşlerdä hem bilmeycelerdä.

Gagauzların var çok birtakım yaratmalar kalan türk-oguz senselele-rinnän zerä bir dedelerdän çekileriz – oguz-türklerindän!

Gagauz folklor da pek zengindir ani bizä etiştî oguz dedelerdän hem ani çok zengin folklor gagauzlar yarattılar Balkanda yaşarkan (XIV–XVIII asirlerdä).

Bizim folklor yaratmalarımızı insandan toplamaa başladı üürenmiş folkloristlär kiyatlarda çıkardılar onnarı („Bucaktan seslär”, „Gagauz folklor”).

50.  Düzün prezentaşıya yukarkı Işin içindekisinä görä, zeedeyeleräk hem zenginnederäk materiallarıınızı.

Noktaylan virgul koyulêr aşaadakı razgrışlerdä:

Katlı cümlelerin arasında, eer onun payları gerää gibi genişçä , hem onnarın içindä varsa durguçluk nişannarı:

- 1) Otlar eşerdi, güneş şilêér, yısıdarak dolayları; kelebeklär taa uçmêèrlar.
- 2) Yısındı havalar; erik, alma, zerdeli aacları uyanmaa başladılar; sabaalen siircikların hem başka kuşların sesleri işidiler.
- 3) Kimi erlerdä körpä almalar kalkınardılar meydana; onnarın dalları arasında gücülä görünärdi maavimsi gecä gökü, yayıldırı ayın şüseki şılaa; herbir almanın önungä biyazımsı otlar üstündä yatardı onun senek-benek gölgesi.

51. Yazın tefterlerinizä şiirin parçasını, koyun durguçluk nişannarını.

Of gül-kız of gözäl kız
Kelepcendä ellerim
Bundan utanmaa olmaz
Önündä diz çökerim
Bola bülbul dafin gümesindä
Bir büük daa türkülerin tarı
Hodul gözäl gülün yanında
Yaşêér tatlı bir esirlikta
Ona türkü çalêr sira-sıra
Bülbül durmadaan zevk alêr gecä.



Aleksandr Puşkinä görä



Kelepcendä ellerim – у кайданах руки (укр.), в оковах руки (рос.)

Diz çökmää – стаю на коліна (укр.), становлюсь на колени (рос.)

Dafin gümesi – лаврові кущі (укр.), лавровые кусты (рос.)

Esirlikta bulunmaa – перебувати в неволі (укр.), находиться в неволе (рос.)

Zevk alêr gecä – у мороці ночі (укр.), во мраке ночи (рос.)



 **52.** Koyunuz kaçırılmış durguçluk nişannarını. Yazın cümleleri tefterlerinizä. Yapın sintaksis analizi bitkinci cümleyä.

1. Dermenä etiştiiynän bakêr dermenci yok onun çocuu onun erinä izmet eder başkası.
2. Kimseycii bişeycii acımaazmış zavalının da aazından bitki bukacını alarmış hastanın da yılacını içärmış... babuya ayıp bakışını yukarı kaldırıramêér pişman olêr kabaatlanêr .
3. Garganın önündä dädu biraz gamsızmış da babuyu sesläärmış hiç bir lafsız yaparmış hepsini ne deyärmiş.
4. Da gider hep ileri näänı gözü görer. Gider-gider nekadar gider da etişer bir pınara içi batak suyu sızamêér...
5. Tavana pinip kız görer orada bunca sandık angısı eski hem çirkin angısı eni hem gözäl. (*Masallardan*)

Iki nokta koyulêr aşaadakı razgelişlerdä:

Baalayıcısız katlı cümlelerdä açıklayıci ya da temelleyici payın önündä:

- 1) Kapunun baalamaları gicirdardılar, da lşidildi acelä adımnar: kimsä girp-çikardı.
- 2) Ard kapudan gel: tokattan var nicä kopek dalasin.

 **53.** Koyunuz cümlelerä kaçırılmış durguçluk nişannarını.

Ilkyazın biz sevineriz çiceklerä bu uzun kiş zamanında darsıda gözlerimiz bu gözelliklär için. Bana deyni hepsi paali bu dünnedä daalik, kaar, yolcaaz daaya, lüzgär, toprak. Aaçların güüdeleri biyazlanarmışlar karannıkta yaklaşarmış çii ama sıcak aydinnik. Beni birdän-birä korku aldı yatardım bir üusek bayircın boyunda. Getirerim evä yazın zenginiini sap-sarı kamçıtları, şen karagözkaları, gözäl gülleri. Bakêrim bu çayırın genç çimenciinä da annêrim severim ana topraamı.

 **54.** Çevirin ukrain dilindän gagauz dilinä bu lafbirleşmelerini. Nesoy stildä kullanılırlar bu lafbirleşmeleri? Düzün bu lafbirleşmelerinnän cümhä. Yapın onnara aazdan analiz, argumentleyeräk, nesoy durguçluk nişannarı var onnarda.

Безготівковий розрахунок, подальше використання, рекомендований лист, канцелярське приладдя, особовий листок, на належному рівні, звернутися на адресу, відпустка через хворобу, суспільна думка, зволікати з виконанням завдання, з'ясувати потреби, споживати газ.



Bilersiniz mi siz, ani...

Gençlik slengi girmeer literatura dilinä. Statistika gösterer, ani sleng kullanılırlar 12 yaşıdan çekederäk taa 22 yaşıdan. Bu lafları var nicä iştämää gençlerin sözlerindä. Açılan onnar etişerlär büyük yaşlara, siirek kullanêrlar sleng söyleşilerini. Sleng yapêr gençlerin sözünü demekli, emojional. Bu sansın „metafora hem ekspresiyä konuşması”.

Çizgi koyulêr aşaadakî durumnarda:

Katlı cümplenin payları arasında karşılı maanayı, ansızdan birleştirmeyi ya da sôlenmişin çıkışını göstermää deyni:

- 1) *Sän gelmedin bana – gittin Natiyä.*
- 2) *Aldiydim ona bir dudak garmoşkası – doldurdu onu trofaylan.*

55. Okuyun demekli şiiri. Ne o oda? Nesoy tema hem öz fikiri açıklêér avtor lirika yaratmasında. Ne o lirika? Nesoy lirika janraları bilersiniz? Oda – nesoy janra? Koyunuz durguçluk nişannarını.

Oda ekmää



Ekmeklän biz baalı topraa
Nicä uşaklan hem ana
Evladını ana bakar
Toprak sa hepsini beslär.

Uçsuz hem kenarsız sofra
Ani toprak bikmaz kurar
Ekmek paasızdır imeelii
O hepsinä datlı gelir

Ekmek – umut, büyük raatsızlık,
Ekmek – şennik, kaavi saalik,
Ekmek – kuvet gündän, iştän
Hem dä comert şu topraktan.

Ekmek, ekmek, hem tuz hem laf
Onnar bizi insan eder
Da biz yaşêériz toprakta,
Nicä evlat anasında.

Açık güneş gibi ekmek
Hem ayozlu bizim ekmek
Çok saa olsun onnar, kimnär
Büütmää, bakmaa ii becerär

Haliz dooruluk gibi sade
Bilmaz ölçü iilikliindä
Paasız, paasız ne o eder
Ekmek, halklar, ekmek kalêr!

Mina Kösä

56. Düzün katlı cümlä, ani sadä cümlelerin arasında koyulsun çizgi.

Doorudan söz, başka kişinin sözü, angısı katılı avtorun tekstinä hem verili ölä, nicä var, gösteriler iki türlü:

1. *Eer doorudan söz yazılırsa bir sıradı, ozaman o alınér kaviçlara:*

„Ee, ii maldan ii iş tä olér. O herkerä ölä”, – dedi dädu Tipani.

2. *Eer doorudan söz çekedärsä abzañtan hem düzülärsä dialog formasında, ozaman kaviçlar kullanılmêérler da bir replikayı öbüründän ayirmaa deyni yazida koyulêr çizgi:*

- Bay Miyal, senin süründä kaç koyun var?
- Artık toplandı 150 baş.
- Taa kabledecän mi?
- Bilmäm. Yalnız zapetmää bu saamal sürüşünü zor olacak.

57. Koyunuz bu cümlelerä kaçırılmış durguçluk nişannarını. Yazın onnarı tefterlerinizä.

Mamu sade sorardı Angısı mari Te o moor mu osaydı çizgili eşil olan gibi mi. Gagauzların arasında var ölä bir söleyiş Söleerim kızım anna gelinim. O çekedärdi bölecä Bizim bu Kostı kär kızçaaz evdä ufak İşleri hepsini hiç simarlamadaan yapêr Biz başçadan evä dönüncä kapunun önü da süpürülmüş patlacannar-biberlär da yıslanmış avşam imeesi da yapılmış Yokkan ekmek görseniz ne mamaligalar kıvradêr.

Konstantin Vasiliogluuya görä

58. Okuyun teksti. Koyunuz onun adını. Ne taa var nicä annadaysınız bu adam için? Bulun cümlä doorudan sözlän, annadin onun durguçluk nişannarı için.



Savastin – ilk insan, angısı için bän iştittim desinnär „resimci-gagauz”. Bän çok insan gördüm, üzü hem ürää – açık, güneşli, sevindirär, ama onnarın herkezindä birärazicik vardi naşesä „kendinä deyni” da...

Savastini herkezi sever ilk görmektän. O taşıyér adı „Surikov”, surattan da sansın azbuçuk benzeer şanni resimciyä. Onun yok nicä bakmaa ne üzünä, ne sesinä. Duumuş Valkaneştä 1942 yilda. 18 yaşında o bitirdi 7 klas. 1960–1965 yillarda-student Repinin adında resimci uçılışcessindä. O çok kerä selämän bilä yollardı bana ya bir pränik, ya da bir patlakan... o sarardı o işleri nesoy olarsa kiyat parçalarına, angılarında bän bulardım gülünç resimnär hem te bölä bişey yazılı: „Bän yaptım çok büyük işlär. Sän görecän onnarı, sersem olacan. Tez gel bana, buluşalım”.

Dmitriy Kara Çoban

59. Düzün cümlä doorudan sözlän, ani en ilkin dursun doorudan söz, sora da – avtorun lafları.

60. Okuyun bu teksti. Belliedin onun janrasını. Tekstin adı açıklêér onun temasını mı, osa öz fikirini mi? Koyunuz kaçırılmış durguçluk nişannarını. Nesoy kural kullandınız, koyarkana onnarı?

Adamın birisi işlemiş savaşmış para toplamış bir eni ev satın almış. Sora tutunêr aulun içindä bir pınar kazmaa. Kazırkana, bir bakır altın paraylan bulmuş.

Lääzim demiş bu bakırı altın paraylan götürreyim o adama ani evi sattı bana zerä bän ödedim sade onu ne vardi erin üstündä ama ne bulunêr erin içindä onnar ona düşer.

Nasıl düşünmüş ölä da yapmış. Almış bakırı paraylan da gitmiş o adama ani evi satmış ona.

Aulda pınar kazdım demiş te bu bakırı altın paraylan buldum. O sana düşer zerä bän ödedim sade ne vardi er üstündä. Buyur!



Yok nasıl alayım. Paralar şansora senin zerä bän sattim sana evi erin-nän birerdä demiş öbürü.

Ba al ba almayacam başlêêrlar çekişmää kavga yapmaa.

Bir fikirli adamı yalvarêrlar dooruluk yapsın onnarı uzlaştırsın. İhtär savaşêr onnarı uzlaştırsın parayı kardaş payı yapsınna ama başa sudu çıkaramêêr biri verer öbürü almêêr. Acan gorer ani uzlaşmak bişeyä çıkmêêr fikirli adam sorêr

– Var mı sizin uşaklarınız?

Biri demiş ani var delikanni çocuu öbürü demiş ani var büyük kızı.

– Everin onnarı, – adam demiş. – Bakırı altın paraylan onnara verin!

Adamnar osaat uzlaşêrlar uşaklarını evererlär suvatu olêrlar bakırı altın paraylan gençlerä vererlär.

Eer doorudan sözün ardına gidärsä şaşma, soruş nişanı ya da çok nokta, ozaman bu nişannar korunêrlar, virgul dä koyulmêêr; avtorun lafları çeker diler küçük bukvadan:

„Kayılmıysınız, sofrayı çekettirelim birär kaavi kafäylän? – sordum bän.

Avtorun lafları var nasıl koparsınnar doorudan sözü. Bu durumda kavıçlar koyulêrlar sade doorudan sözün çeketmesindä ya da sonunda, sayılêr, kavıçlar koyulmêêr doorudan sözün hem avtorun lafları arasında:

1. „Te ikonanın önündä söyleirim, – yaptı stavrozunu kari, – ani bän parayı almadım”.

2. „Korkma, onnar bizi ensämeyeceklär, – cuwap etmiş Trakalı Öküz. – Acan koo- layaceklar tutmaa, sän geliver yanına”.

3. „O diil benim beygirim! – dedi Temiz Vani. – Bana aalemin malı diil läätzim”.




61. Düzün mini-yaratma, kullanarak yazılı sözünüzdä türlü cümleler doorudan sözlän bu temalara:

1. „Naturada biz musaafirliktä”.
2. „Ukraina hem kosmos”.
3. „Diil gamsız insan”.
4. „Kanon var kanon”.




62. Düzün bir prezentaşıya „Namní Sofiyä Kievskaya”.



63. Nicä annêerrsınız V. Gügonun bu laflarını: „Büyük yapılar, sansın üusek bayırlar, – asırlerin yaratmaları”.

64. Yazın yaratma-fikirlemä publiştistik stilindä bu temaya „Ukrain ornamentleri”.





Țitata yazılmasında durguçluk nişannarı kullanılır hep ölä, nicä doorudan sözdä:

Anılmış aydinnadıcmız M. Çakir taa 1934-ncü yılda yazdı: „Gagauzların kulturası ilerleyecek kıyatların yardımınınınan”.

Kaviçlar içinä alınêrlar seftä sözä geçirilän fasıl laflar, ya da diil kendi adet-ça maanasında kullanılan laflar; intonaçıyalı kullanılan laflar:

Nasıl ölä „kim isteer”? Fasıl adamsın sän! E bizi neçin koymuşlar e, açan „kim isteer”?

Neçin demeersin „kolay gelä”, mari?

Doorudan söz alınmêmér kaviçlar içinä:

1. Eer yoksa dooru göstermäk, kimin o laflar:

Caba denmemiş: açan birlik yok dostlarda, İslär gitmäz hiç orada.

2. Eer doorudan sözdä varsa koyulma laf deer, angısı gösterer haberin kay-naani:

Bän, deer, isteirim ilkin bitirmää institutu, kabletmää bir zanaat.



65. Çevirin ukrain dilindän gagauz dilinä, düzeràk cümleleri nicä țitata. Koyun kurala görä durguçluk nişannarı. Argumentläyin.

1. Говорячи про покликання людини на землі, Максим Рильський проголошує: „Яке глибоке щастя – житъ, буть гідним імені людини, народу й людськості служить!”

2. „Борітесь – поборете, вам Бог помагає!” – закликав Тарас Шевченко.

3. „Лиш праця, – підкresлював Іван Франко, – світ таким, як є, зробила”.

4. Шевченко оспіувував безсмертя Прометеєве, його розшматоване серце, що „знову оживає і сміється знову”. (О. Гончар.)

5. Слово для Лесі Українки – це „гострий, безжалісний меч, той, що здійма вражі голови з плеч...” (П. Тичина.)

6. У своїх сонетах Рильський часто висловлював „пейзажем те, для чого слів нема людських”. (Д. Павличко.)

7. „Найбільше і найдорожче добро в кожного народу – це його мова, ота жива схованка людського духу, його багата скарбниця, в

яку народ складає і своє давнє життя, і свої сподіванки, розум, досвід, почування” (*Панас Мирний*).



8. „Мову чудову, глибинне і пружне слово, немов гостру зброю, дав нам народ. Дав цю мову і наказав пильно, свято оберігати її чистоту, збагачувати і відшліфовувати до блиску, до гостроти разючої” (*П. Тичина*).

9. „Запашна, співуча, гнучка, милозвучна, сповнена музики і квіткових пахощів – скількома епітетами супроводиться визначення української мови!” (*О. Гончар*).

10. „Іван Франко підкорив свою титанічну працю ідеалові свободи і рівності... Він сам написав стільки, скільки, мабуть, написали всі українські літератори дожовтневих часів...” (*Д. Павличко*).



11. Благословенна та ясна годинка, коли буквар до рук бере дитина (*Д. Павличко*).

12. Україна починається там, де доля моя усміхається (*П. Осадчук*).

13. Певно, в кожного є заповітні пороги, звідки нас проводжали в життя матері. (*М. Сингаївський*).

14. ...Возвеличу
Малих отих рабів німіх!

Я на сторожі коло їх
Поставлю слово, –
сказав у тяжких, нестерпних умовах царської кріпосницької
Росії Шевченко. (*M. Рильський.*)



66.  Düzün yaratma-fikirlemä, açıklayarak yazılı sözünüzde bu lafların maanmasını: „Ana dili ilerlede insanı, ikinci dili kullanmak izmet eder komunikatıya neetlerä” (N. Alefirenko). Koyun sözünüzde cümleleri doorudan sözlän, titataylan.



Bilersiniz mi siz, ani...

Laf „stil” urum dilindän çevirdiynän – sopacık yazmaa deyni. O var nicä olsun kemiktän, taftadan ya da demirdän. Kullanarmışlar yazmaa deyni maasuz taftacıklarda. Bu sopacıkların bir başı sivriyimiş, öbür tarafı – hırlet formasındaymış, angısının silärmişlär yazılı işleri. Nicä demiş Goraçiy: „Sıkça çevir stili”. Bunu var nicä annamaa bölä: „Sil hem doorut yazılı sözünü”.

TUTUNUZ AKLINIZDA!

Demekli okumak – bu intonațiyyaya görä dooru okumak, angısı gösterer, nicä okuyucu duygulu „girer” artistik yaratmanın içindedekisiniä.

Ne o demekli okumak?

- Becermäk bulmaa lääzimni informațiyyayı;
- Çıkışlı kullanmaa pauzaları;
- Yapmaa logika urgularını;
- Okumaa sesli hem annayışlı;
- Mimika hem jestlär lääzim olsun erli erindä.

§ 5-6. RİTORİKA NICÄ BİLGİ HEM LAFKURULUŞUN İNCÄZANAATI. DİL YARATMALARIN KURALLARI HEM KANONNARI. RİTORİKANIN DİL KOLAYLIKLARI

67. Yapın teksta stilistika analizi.

Başçalar durardılar sessiz hem raat,aarlaşıp biyaz, diildokunulu kimseylän kaarlan. Kasabada vardı ölä çok başça, nekadar yoktu bir başka kasabada dünnedä. Onnar heredäydiłär, nicä kenarsız alaylar, geniş yollarlan ortalarında, yazarlaran, kestenelärlän, ak aaçlarlan hem tipalarlan, flam-burlarlan.

Başçalar gözellenärdilär käämil bayırlar üstlerindä, angilar sansın asılı durardılar Dnepr derenin kenarlarında, kendi köşelerinnän, genişlerän, kimär keret milion güneşli lekäylän alacalan, kimär keret karannikta, nicä Padişah, durardi Başça.



Kışın, nicä bir dä kasabada dünnedä, düşärdi raatlık sokaklarda hem köşelerdä yukarkı kasabada, bayirlarda, aşaakı kasabada, angısı bulunardı dönmüş Dnepr derenin kenarında, da bütün maşinaların gürültüsü gidärdi taşlı yapıların içini, yımışardı hem homurlanardı taa tutnuk kasabanın bütün energiyası, angısı toplanmıştı uzun güneşli hem yaamurlu yazın, döküldürdi şafklan.

Şafk peydalanardı, dört saattan, gündüz evlerin pençelerindä, lampalar da direklerdä, stançıyanın sırsa pençelerindä. Şafklan oynaardı, açıklanardı, kasaba gecedä taa sabaayadan, sabaalen sa süünärdi, giinärdi dumandan hem tüttünnän.

Ama en islää yalabaardı biyaz kruça üusek duran Vladimirin ellerindä Vladimir bayircıkta, da görünärdi o uzaktan, dayma yazın kayıklar görärdilär onu, bulardilar onun şafkin yardımının sulu yolu kasabaya dooru.

*Mihail Bulgakova görä
Çevirdi İvan Kior*

Cuvap edin cuaplara:

- *Ne o ritorika, orator incäzanaatlı?*
- *Neçin lääzim üürenmää ritorikayı?*
- *Nicä annêerrsınız bu söyleşi: „Söz lääzim dikilsin sesleyänin ölçüsün-nän, nicä fistanı simarlayan ölçüsünnän”.*



68. Yapınız tekstä stilistika analizi. Koyunuz ad.

Zamandan insannar savaşardılar annamaa diri lafin kaaviliini hem kuvedini. Bu duumaktan baasış ya da üurenmenin yardımı? Cuvap verer bu soruşlara bilgi, angısının adı ritorika. Evellerdän ritorika pek hatırlı bilgi, ona taa deerlär „bilgi, ani adamın fikirini kullanan incäzanaati. Tițeron, en anılmış orator dünnedä, sölärmiş, ani askercilerin başı – adam annayan, hem gözü lafedän, durêrlar bir basamakta. Hep ölä ritorika için Plutarh demiş: „Sözün incäzanaatı – ikinci ten insanda, pek lääzim herbir adama, eer istärsayı olmaa faydalı yaşamakta”.

Terminnär „ritorika“ (grek dil ῥήτωρική), „orator incäzanaati“ (lat. dil. *Orator, orare* – „lafetmää, krasnoreçye“ (slav. *Dil gözäl sözleşmää*) – sinonimnär.

Ritorika – ölä bilim, angısı üüreder sözleşmäk kolaylıklarını kullanmaa. Sonuç kabul etmää deyni sözün kullanışmakta, lääzim pek kuvetli üurenmää inandırmaa sesleyännerä kendi öz fikirlerini.

Ritorikanın kanonları

1. Lafedicinin danışması sesleyännerä. Bu kanonun öz kuralı: taa başlamadan lafetmää islää düşün, kim seni lääzim seslesin, ne türlü kommunikativ situaşıya şindi var.

2. Sözleşmeyä katılanlılar lääzim duysunnar biri-birini, açan annadan hem sesleyän barabar “yolda” bulunêrlar.

3. Emoşıya kanonu gösterer, ani nasaat erdän, haberleyän lääzim düşünsün, fikrlesin, ama en öz – lääzim duygularını saklamasın, emoşıyalarını göstersin haberli kabledän kişiye (kişilerä).

4. Kef kabletmäk kanonu sayılêr, ani söyleyän lääzim kendisi zevk, islää kef kabletsin ozaman, açan söz tutêr da sesleyän dä hep ölä sever söyleyiciyi, oratoru.

Kurunuz dialog sözleşmäk situaşıyaya görä

1) Savaş inandırmaa kafadarını, ani derindän lääzim üurenmää oratorluk incäzanaatını.

2) Inandır dostunu, ani gözäl sözleşmäk pek lääzimni iş yaşamakta, ya da inkär ediniz bunu.

3) Aristotelin laflarına görä, yası taa ilin tombarlaktan. Kayıl mı sän bu fikirlän? Savaş inandırmaa bunu.

Praktik işi publiştistik stildä tekstlän

Tekstin ritorika analizi yapıller te bu plana görä

- * Öz fikirin kolay annaması;
- * tekstin keskin çeketmesi hem keskin bitkisi;
- * tekstin kısalı;
- * lafetmäk stilin nişannarı teksttä;
- * yavaş emoşiyalık;
- * öz fikirin lääzimnilini sesleyänä getirmää;
- * kontakt sesleyännärlän.

69. Okuyun teksti. Söläyin onun temasını hem öz fikirini. Ayırın dil kolaylıklarını, düzün cümle.

Sızıntılar



Yaz ortasıydı. Kızgın pişmiş üyen sıcaaa kaynadardı ortalı, temirä oy-nadardı dünneyi, sansın onu cingil etmää istärdi.

Bir dik yoldan bayıra dooru taliga tırmaşardı. Beygirlär artık köpük içindä kaldiydilar, zerä taliga taşlan üklüydü. Ihtär adam, tutup aaz-hıkları, beygirleri aardına çekmää savaşardı, baarim biraz hayvannara yardım etmää.

Geeridän, dibindän taligayı dayayıp, topuklaradan toz içindä sürüklənärdi Ivançu. Nekadar kuvetçii kaldiydı, onnarı da uşak savaşardı iilää zanetmää. Ona gelärdi: sanki o taligayı dayamasa, beygirlär onsuz ükü çekämeyeceklär, Ivançuyu kipim kadar girgin edärdilär, kendi uşak aklısında lääzimnünü duyardı. Ama darsımak ensemää baaşlardı. Bir-dä-ikidä sıkça Ivançu sölenmää başlıdydi.

– Tätü, taa çok mu var, va? Beygirlär susadılar artık, – silip kara-batık terini melek annisinden, sorardı Ivançu.

– Adam, atıp bakışını geeri, gülümsärdi, ama bişey başka demärdi. O artık kendi unukasının tabeetlerini: çeket nereysa, naşeysa annamaa – soruşlardan sora kurtulmayacan, kafan şişecek – çemberlemää vakıt kalmayacek. O iş için, bu kızgınnıkta, bayır eteeni taliga tırmaşardı sessiz. Dolayda sadä dingil gicirdaması işidilärdi.

– Ama kismet tezlää yolculara karşı gülümsediydi, sevindirip yorgun kannarı: Zayku kulaani geçtiynän, Stratana doorulduynan, bir pınara uuradılar.

– Vançunun tumbasında, artık, yarım kofa su linklanardı, dolayadakı tır-lalar o boz renklerdän silkinmää savaşardılar. Vançunun bakışı yardımının, hepsi erinä gelärdi, uslanardı. Nekadar uşaa lääzim temiz canı sevin-dirmää deyni?! Istediyini tamanna, da geeri bakma, – sevinecek oolan.

– Dädu süüt altında gerildiydi, dinnenmää adam hazırlandıydi. Ama... „uşacık – sevinçlän bela birerdä yapışık“ – bizdä deerlär. Adamın başına takıldı gibi, Ivançu soruşları patlatmaa çekettiydi.

– Tätü! Benim adım Ivançu. Tä beygirin dä adı var, ama tä bu pınarın adı var mı?

Ihtär adam şaştı aklınca unukasının akıl çevirtmelerinä, sora cuvabı verdi:

– Var, oolum! Bu pınara Pamucak pınarı deerlär:

– Ama neyä bu ad geler? – uslanamadı genç olan.

Adamın uykusu daldıydı hembettän: bilärdi, ani, cuvap etmää lääzim, zerä kurtulmayacan sora taa beter soruşturlardan.

– Bilersin, – çeketti annatmaa adam, – birkaç ihtär olannar deerlär, ani bu pınardan altmışinci yıllarda pamuk tarlalarını yişlarmışlar. Bu üzerä ad kalmış – pamuk, pamucak pınarı. Kalanı annadêrlar, ani bu pınarı kazan adamın Pamucak dädu adıymış. Sanki, insannar iilii unutmasınnar deyni, usta adını diveçlederlär. Pamucak dädunun pınarı deerlär.



– Tätü, ama anguları dooru e? Sän nicä deersin, sän dä ihtaṛsin? – şaştı Ivançu.

– Onnar, olmalı, hepsi dooru çıkacek, oolum, – düşünüp, başarırdı cuvabını adam.

– Biläsin: büyük yaştan adamnar yalan söyleyämeerlär.

Ivançu sesirgenärdi, sansın bir masal sesläärdi. Onun fişkan gibi fi-kircii şindiki zamanda adım-adım bütün dünneyi kavramaşa savaşardı, canda-kafada türlü düünüklär baalanırdı. Bezbelli, sora, büdüynän, iş olsun onnarı çözämää.

– Bu çukur taşları, ani topladık, sizin pınara deyni mi? – kesip dädunun düşünmeklerini, sordu Ivançu.

– Şüpeli olansın, – gülümseyerek, raat cuvapladi adam.

– Sän dä mi, dädum, isteersin, ani Kopkuyda senin adında bir pınar peydalansın? – dikip dizçä adamın önündä fırladı Ivançu.

Adam seslän başladı gülmää, siirederäk Vançunun göl gibi tombarlak gözlerini, neredä, gök taşı benizdä, görünärdi bitkisiz gençlik zamannarı bu teklif er üzündä.

– Isteersin mi pınarı başardıyan, ona „Ivançu pınarı“ ad kuracez? Denedi adam oolunu.

– Istämeerim, – utancak iildip kafasını, dedi uşak. – Bän pek aaz taş topladım.

– Adam kucaklıdı çocuu, şamarladı auç kadar arkasını. Sora, düşün-düü gibi, ilerletti konuşmayı:

– Bilersin, Ivançu, bizim gagauzlar arasında eveldän taa şindiyädän bir adet kalmış. Her sän kendini gagauz-türk sayarsaydın, yaşamanda üç iş başarsın läätzim. Ilkin bir ev kurasin oollarına. Sora bir fidan dikä-sin, onun da altında pinar kazasin, serin suylan insanı sevindiräsin.

Bu işleri tamamnarsaydın sa, kendini saygılı, fazlı adam say. İnsan da seni unudamayacek.

Ivançu çok vakıda sustu. Acaba, nesoy oyun fikirlär çekedärdilär genç kafada?

Adam sa savaşardı toplamaa kendi düşünmeklerinnän. O da şaşar-dı bu Ivançunun düşünmeklerinä. Bekim, haliz dä çıkacek, ani yimırta gittikçä taa akıllı tauktan olêr. Adam savaşardı aklına getirmää kendi küçüklünü, o soruşları, angıları darmadaan edärdi bobasının kafasını, angıları gençiktä sıkça gecä vakıda uyumaa brakmardılar.

– Ozaman ne oturêrsin, e tätü? Kalk, gidelim. Sana islää: bir pınarı kaldı bitirmää, ama bana taa hepsini adetlerini tamamnamaa läätzim,— kurşun gibi erindän fırladı Ivançu.

– Etiştirecäm, oolum. Alatlama ihtarlamaa, – sessiz dedi adam. Bu takım genç olannar adetleri unutmêèrlar. Eşerer taa gagauz-türk aaçla-rın kökleri! Ne dallar! Ya bakın!

...Yaz ortasıydı. Kızgın, pişmiş üulen sicaa kaynardi ortalı, temerä oynadardı dünneyi, sansın ürektän onu çingil etmää istärdi. Ama...

Nikolay Gotışan



70. Evdeki iş. Yaratmaya görä daava.

Düzünüz seslän danışmak (8–10 cümlä), angısının neeti – inandırmaa sesleyänneri, ani te onnar, kim etiket kurallarını kolaya alêr, ona var nicä demää inteligent insan. Argumentlär için alınız te bu aforizmayı: “Maneralar diil boş iş. Onnar canın zenginniini hem fikirin dooruluu”.



71. *Yaratmalı iş (paylaşınız çiftlerä).

Okuyunuz söyleşileri. Ne türlü düşünmeklär peydalanêr sisdä, açan derin-dän savaşêrsınız annamaa onnarın öz fikirlerini, angıları göstererlär halkın sözleşmäk tabeetini.

- Dil sulêr, doyurêr, ama sırtınada ceza yapêr;
- Gözäl söz seslemäklär, lafetmäk usluluklan;
- Türkü çalmaa taa islää barabar, sözleşmää-ayırık;
- Pek çok söledildi (sölendi), ama az kaynadıldı;
- Neçin lafetmää te onun için, angısına yok nicä çevirmää geeri;
- İslää zamanda laf tutmaa, zor vakıtlarda – susmaa;
- Söleyeçeydim bir lafçaaz, ama canavar yakın;
- Inanma duşmanın amazlınnmasına, ama türlü dooruluu da sölämä;
- Kimär keret taa islää susmaa, nekadar ne sa sölemää;
- Yalpak laflardan dilin kurumayacak.

72. Yaratmalı iş.. „Başlayan oratorun treningi”.

Düzünüz kendibaşına fikirli shema hem sizin sözünüz için resimli eski öz terminnerlän: *zenginnik; açküreklik; fenalık; çökgörmäk; baarisäk; dostluk; neet; umut;*

Herbir sözleşmäk için bulunuz öz fikirli hem temayı.



73. Alınız pay yarışmakta-konkursta: „Bilersiniz mi siz bu aforizmaları?” Lääzim dooru başararsınız aforizmayı, savaşıp originala olmaa ta yakın.

- Kendi kullanmak – o ayna, angısında... (*I. V. Göte*);
- Kismetli te o, kim ... (*L. Beethoven*);
- Herbir insanda var üç tabeet: te o (...), te o (...), hem bitkidä, te o ... (*V. Gügo*);
- Bilmää çok yabancı dil – sayılêr ... (*F. Volyter*);
- Olmaa akıllı – sayılêr ... (*V. O. Klüçevskiy*);
- Kim açık düşüner, o ... (*N. Bualo*);
- En üusek oratorun ustaluu – diil sadä sölemää te onu, ne lääzim, ama ... (*Tijeron*).

Yardım içün: (angısını ona kim sa yazdırêr); (sölämemää, ne diil lääzim sölemää); (sormaa olä iş için, angısına yok nicä bulmaa cuvap); (yaptı kismetli en çok insan); (angısını o kendi söleer kendisinä); (hepsi gösterer kendi üzünü); (angısını aslı var onda); (bulmaa çok anatar bir kilidä); (açık ta söleer fikirlerini).

- Kismet herkerä geler... (*Marlen Ditröh*).
- Pek kolay olmaa hoşlu. Lääzim sada savaşmaa koymaa kendini tä o adamın erinä, ... (*Sofi Loren*).
- En büük yannişlık, angısını biz yapêriz yaşamakta – inanmak tä ona, ... (*Madonna*).
- Insannar payedilerlär klaslalara, tenin benizlerinä, devlet kuruluşla-ra. Insannar payedilerlär isläälerinä hem prostlara... (*Maya Pliseçkaya*).
- Lääzim islää bilmää senin duşmanını, ... (*Margaret Têtçer*).
- Nekadar taa çok sevgi, gözellik, hoşluk, fikirlik, bulacêñiz kendiniz-dä, ... (*Ana Tereza*).

- Ver insana senin bir payını,... (*Lina Kostenko*).

Yardım için: (ozaman taa da çok göreceniz bunnarı dolay dünnedä); (Salt bölä. Ama İsläälär – Allahın baaşısı); (da canın dolacek şafklan); (angısına yapacak daava); (çalışkannarına); (ne bizim için söleerlär başka insannar); (neçinki bir kerä onu var nicä yapmaa dost).

§ 7-8. BAASIN İNCÄZANAATI. KURALLAR BAASTA. DİSKUSİYA – BAASIN TİVİLİZATION SOYU. TEMANIN TERMİNNERİ. SÖZ TUTMAK AUDİTORİYÄYÄ GÖRÄ

Baas (mym: суперечка у значенні словесне змагання) – laf yarışması, aazdan ya da yazılı karşıgelmäk, angısında iki taraf, inkär eder aalemin düşünmeklerini, savaşêr arkalamaa kendi fikirlerini, görünmenin noktasını

Baasta var birkaç bölüm

Diskusiya – ölä baas, açan söyleyännerdä var neet kantarlamaa hertürlü bakışları, üzä çıkarmaa haliz dooru düşünmekleri, bulmaa en dooru esap, karar, barabar dooruluun aaraması.

Disput – sözleşmäk, ani yakın baasa, ama salt bilim ya da cümnä temalara. Disput taa kaaviledér baasin paasını, özlüünü.

Debatlar, ya da preniya – dokladların, haberlerin daavalarması, angılar taa sık olêrlar konferençiyalarda, bilim topluşturarda.

Polemika – açık karşıgelmäk, sert karşıgüreşmäk, açan hepsi, baasta pay alannar savaşêrlar arkalamaa salt kendi bakışlarını, fikirlerini, düşünmeklerini. Polemika, kitaylorın laflarına görä, „dudaklar, nicä bıçaklar, dillär sansın mazdraklar”.

TUTUNUZ AKLINIZDA!

Yapın stilistika analizi tekstä:

- 1) Sözleşmäk situaşyanın analizi (sözün neetleri).
- 2) Stilin önemli çizileri.
- 3) Dil kolaylıklarları (leksika, morfologiya, sintaksis).
- 4) Stil hem janra bellietmesi.

74. Okuyun genç şairin Alöna Ergoglonun danışmak lafını kendi şiir toplumuna. Yapın ona stilistika analizi.

Var mı nicä derindän yazmaa, derin duygulu olmaa, istämediynän yaşamayı görmää her taraftan? Yok nicä. İnsanın içindä ölçüdü läätzim

olsun ölä dooruluk, inanmak, anglarını o var nasıl geçirsin kendi yazılarına, peetlerinä.



Bu laflarlan isteerim açmaa sizä kapuyu benim kiyadıma „Okuyacam seni gözlerindän”. Saklamayacam, ani bän da baalandım, – Tukan Vasilisanın yaratmak yoluna, o yola, angısı götürür bir kenarsız dünneyä, angısının var gözäl bir adı – poeziya.

Baktıkça, nesoy iplän biz baalıyız, diil zor annamaa, kim oldu bana örnek hem ölçü. En ilk kritik peetlerimä oldu benim anam, ama, yazık, ani vakıdı yakışmêr döndürmää geeri, da ileri dooru açmaa dooruluu. Kesmää daavayı yazılarima vererim sizin elinizä, benim dostlarım hem kardaşlarım, bu kısa hem uzun yaşamak yolunda!

Benim poeziyam halizdän geler küçüklüümändän, o vakıtlardan, açan içindä kurulêr harakter, açan savaşersin bulmaa bu dünnedä kendi erini. Bu tema kaldırılêr şíirdä: „Bobalara nasaat». Ileri dooru dalgalanêr lirika poeziyası, neredä bän çok erdä alêrim pay benim personajlarımnan. Olmadıynan halizdän onnarlan bilä, yok nicä açmaa hem çözmää kalkan temaları. Hem saklayamayacam, ani kendi poeziyamda istämeerim benzemää kimseyä, açıp bunu peettä „Fariseylerä” – „yazılarda, ani duuêr eni, sizin gibi korkêrim bän olmaa”. Benzämeyeräk başkalarına, benim var kendi bakışım dostlaa bölä şíirlerdä: „Ona, kimi sayardım dost”, „Duşman”, „Isteerim bän, olsun dostum...”.

Bu kiyadın barışmasının şíirlerdä: „Yolcu”, „Yıldız”, „Yanardi aaç”, „Maavi iplik”. Poeziyamda açıkladım yaşamamın o tarafını da, angısının var adı – Inan. Bu uura yazılı diil bir tema, çok, zerä onsuz bän diilim poet, açan sayıklamayacam, ne o günah, var mı diveçlik, Allahın eri insanın içindä. Kiyadın ikinci payında var şíirlär: „Altı basamak – altı günahım”, „Bobaya”, „Kurban”, „İzlär”. Onnar biri dä alınmadı boş erdän. Onnarın özleri benim içimdä, benim köklerimdä, açan malilerim üüredärdilär ilk serem yapmaa stavrozumu. Ayaklarında da beni sallayarak, onnar küçüklüümändä annadardılar gözäl, şıralı, uzun halk masallarını. Donka hem Varvara malinim masalları, türküleri yaşêrlar benimnän büün dä, zerä onnarlan bana geçti can sıcaklığı, bizim dilin derinnii, ilin seslemesi.



Benim kiyadımda var masal da, angıları baali eveldän gelän annatmalarlan – „Üüsüz” hem „Sarı yilan”. Ama var masal formasında başka annatmalar da, nicä „Aalamak türküsü”, angısında açılêr bizim insanın ruh dünnesi, onun davranışması bu yaşamaya, rituallar, ani var bizim halkta.

Poet olarak, yok nicä açmayım o problemaları, angıları var yaşamak yolunda, sorarkana kendimä hem hepsinä dä şiriimdä „Nerdä kaldı uşaklar?”. Büünkü gündä bu soruş kırmızı çiziliän geçer içimizdän, zerä o vakıdın nişanı, kara nişanı – onnarsız yok geleceemiz, onnarlan baali benim yaşamam.

Yazılımda savaşêrim derin bakmaa insanın iç dünnesinä. Hem „Benim dünnemi” açıpta, „salt yalvarcam, battırmayıñız bıçak o dünneyä, ani yaşêér taa içimdä”, zerä orda renklär solmaz, hem dä yaşêérler sevdä iiliklän.

Ayırı bir bakişlan läätzim bakmaa kiyadın ikinci payına, rus dilindä, neredä sorêrim? Hepsi mi geçennär bana benzeer? Diil hepsi, zerä burada çok erdä belli ederim, ani geldim bu dünneyä nesä brakmaa aardıma, hiç aaramazkana kendimä ikram hem şannık. Benim en bitki peetimdä yazêrim, ani benim var bir biyaz, adsız kanadım. Ama onun adı yazılı sade benim içimdä. O bir kanat, angısı götürür beni ileri, o-poeziya.

Yaratmalı iş „Başlayan oratorun praktikumu” (grupalarda).

LOGİKA KANONNARI

Tojdestvo kanonu (yarı-yarıya gelmäk) – herbir fikir, açan gider düşünmäk, läätzim bir içindekisi. Diil läätzim daraltmaa osa genişletmää temayı. Açan diiştirmäk olêr, ozaman peydalanêr başka ilerlemäk bakınan temada.

Karşısözün kanonu – iki karşıgelän fikirlär bir predmet için, bir zaman alınma, ama git-gidä ayrırlêrlar dooruluktan.

Üçüncüyü yok etmäk kanonu – dooru salt bütün söylemnä fikir ya da onun heptän inkärlemisi, açan bulunêr geniş antitezis (inkärsöz).

Temel etmäk kanonu – herbir fikir läätzim temellensin fikirlerlän, angılarının dooruluunu baas tutan insan logikaylan temellesin.

Nicä haydamaa tivilizatıon urda baasi

- Ilkin läätzim annaşmaa, kurmaa baasın özelliini, temasını, çıkarmaa üzä tezileri, sora onnarı diiştirmää;

- Kurmaa hem bulmaa tezislerdä olä nişannarı, angılar ya birleştirerlär, ya ayırdılêrlar öz temayı, da sora baasin temasını daraltmaa;
- Annaşmaa terminnerlärlän hem birtürlü notalarlan temayı açıklanarkan;
- Bulmaa bakışın noktasını baasın needi için: dooruluun aaraması, çevirmäk kendi inannıuna, annaşmak bulunması;
- Açık savaşmaa görmää, nicä var nasıl baasta bulmaa beklenen esabı.



Bilersiniz mi siz, ani...

Ritorika idealin kuralları:

1. Sözläş sade te onunnan, kim becerer lafetmää kultura tarafından üüsek uurda hem becerer seslemää. Nicä söleniler: "Taa islää akıllıyan taşımaa taş, nekadar ahmaklan içmää şarap".
2. Utanmak sözleşmektä. Bir büyük gunäh, kim inkär eder bu kuralı: boşuna laf, çok lafetmäk.
3. İi laf herkerä isteyişli, dooruluklu, cana yakın.



75. Testlär (aazdan).

1. Söläyin devleti, angısında ritorika peydalanmış nicä biliş?

- | | |
|-----------------|--------------|
| a) Gretyä; | b) Eski Rim; |
| v) Eski Gretyä; | g) Ukraina. |

2. Kim ritorika bilişinin temelcisi?

- | | |
|---------------|---------------------|
| a) Aristotel; | b) Tițeron; |
| v) sofistlär; | g) M. V. Lomonosov. |

3. Yazın bu cümlelerin sonunu:

Orator – bu...

- | |
|---|
| a) adam, angısı publikanın önündä becerer sölemää lafini; |
| b) politikacı; |
| v) adam, angısı ürener ritorikayı; |
| g) adam, angısı herkerä yapêr konflikt. |



76. Okuyun teksti. Düzün soruş bu tekstä.

* * *

Herbir halk yaşêîr başka halklar arasında. O, elbekti, baalanêr onnarlan ekonomik, alış-verişli, kultur baalantıylan.

Tä neçin halklar biri-birindän taa sıkı baalanêrlar. Nekadar kaavi hem derin bu baalantilar, okadar taa yakın olêrlar halklar.

Halkların dilleri dä hep olä duyêrlar, ani dil dilä olêr taa yakın. Halklar arası sözleşmäk yardım eder hepsina dilleri kullanmaa taa derindän, annamaa lafların maanalarını.



Büyük fayda bizä vererlär alma başka dillerdän laflar. Bu da halkların baalantılınlı çıkıştı.

Alma laflar (onnara taa deerlär yabancıl devletlerdän alma laflar) ken diycesinä zenginnederlär herbir dili. Gagauz dili dä, elbetki, zamandan yaşêér başka dillerin arasında, komuşu dillär dä yapêrlar akıntılk ona. Ama biz lääzim, nicä varsayı kolayı, savasalım bozmamaa dilimizi yabancıl laflarlan. Kimär kerä, işidip gübürlü karışık üç-dört dillän lafet-meyi, deersin kendi-kendininä: "Zavallı dilimiz, zavallı gagauzlar!"


Halk – çok sayıdan ya da küçük sayıdan – ozaman yaşayacak asirler-dä, açan koruyacek kendiliini, ozaman zenginnedecek dilini.

Ivan Kior


§ 9. TEKSTİN DÜZÜLMESİ, SÖZÜN STİLLERİ HEM JANRALARI

77. Okuyun teksti. Ayırın paylarını.


Tarihtä zamandan büünkü günnerädän kalmış legenda Sokrat için – şannı filosof için. Onda varmış pek çok üürenici. Sokratın üürenilii diliş-tirmiş filosofiyanın temel kurallarını o yapmış eni bakış dünneyä hem tabiata adetä görä da derindän açmış soruş – başka türlü savaşmaa an-namaa insanı, onun rolünü yaşamakta.



Sokrat



Platon



Ksenofont

Bu geniy-filosof örnek gibi göstermiş üürenicilerinnän hepsinä, ani diskusiya, dialog – en öz metodlar, angıları yapêrlar büyük fayda, açan sözleşen adamnar bulamêêrlar çıkış kendi soruşlarından.

Sora başkalar, Sokrattan sora – Platon, Ksenofont – ilerletmişlär onnarın üüredicisinin teoriyasını.

Şindi biz hepsimiz bileriz, ne maana var bu laflarda, nicä ayirmaa onnarı biri-birindän: diskusiya, disput, debatlar, preniyalar, polemika.

Siz da, büünkü üürenicilär, läätzim olasınız diskusiyalara hazır, bilmää, nicä kullanmaa bu meraklı metodu.

(jurnaldan)

Çevirdi İvan Kior

Söz – dilin tamannaması.

Onun neeti – kolaylık izmet etmää deyni lafetmeyä.

Söz var nicä olsun:

- monolog hem dialog;
- aazdan hem yazılı;
- lafetmäk hem kiyat;

Sözün baş işi – tekst. Tekst – o birkaç cümhä, angıları toplanêrlar da olêrlar bütün temaya hem öz fikirinä görä.

Tekstin nişannari:

- bütünnük öz fikirinä görä;
- tamannık, bitniklik;
- payların topluluu temasına hem kompoziçiyasına görä.
- payların gramatika tarafından baalantılı.

Tekstin teması – ne iş için annadılêr teksttä. Var nicä teksttä olsun birkaç tema. Bundan kaarä teksttä var avtorun düşünmekleri. Maanasi gösterer avtorun ilgi olmasını te ona, ne annadêr, gösterer kendi yaratmasında.

Büyük tekstlerdä var nicä olsun bölä paylar – **paragraf, bölüm, glava**.

Söz stili – dil elementlerin sistemasi, angıları ayrırlêr sözleşmenin davalarının. Bizim lafetmemizin stili baalı olér te ondan, neredä, kiminnän hem neçin biz söz tutêriz. Ayırêrlar beş dil stili: dördü – kiyat: bilim, ofîşial-izmetçi, publiistik, artistik – hem lafetmäk stili.

Söz stilleri olêrlar bellî formalarda, angılarına deerlär söz janrası.

Söz janraları – statya, intervyyu.

Statya herkerä – monolog sözü, intervyyu – dialog.

Söz janrası bellieder sözün formasını da (doklad – aazdan janra, statya – yazılı). Janra çekiler nesoysa söz stiliñä dä (roman-artistik, bildiri – ofîşial-izmetçi söz stili).

Var taa bölä stil janraları nicä statya, oçerk, ese, angıları var nicä olsunnar publiistik hem bilim stillerindä.

Tekstin hem sözün problemaları üüreniler stilistikada – dilin bölümündä, angısında tanışêriz dilin kullanmasının türlü söyleşmek situatiyalarında.

78. Okuyun demekli teksti. Ayırın lafları, angıların annamêerrsınız maanalarını da yazın tefterlernizä. Danışın sözlüklerä annamaa deyni bu lafların maanalarını. Düzün onnarlan sadä hem katlı cümlä.

KÜÜ YAŞAMASI



Birkaç yıl geeri bän yaz aylarını geçirdim küüdä, savusup tozlu, şamatlı kasabadan. Bu küçääz küçük hem uslu, yavaş, çam daayin arasında kaybelän, sekiz kilometra demir yoldan bulunardı.

Erken sabaalen, gün duumasının barabar, kaçërsin, açan daadan duyulêr keskin çam katran kokusu. Tezicik yikanêrim biraz suuk suylan, kaçërim, atıp omuzlarımı eski anterimi, dereyä dooru da, sıbidiç erä, otlar üstünä, rubaları, atılêrim su içinä – soluumu zar-zor alabileirim, ama ne käämil tenimä, sırtım sansın enidän duuêr.

Yıkandıyanan, üzdüynän yarım saat kadar, çıkışım derenin suyundan da, şen hem kismetli, alatlêrim haşlak çaya samovardan, angısı bekleer sofra üstündä, ani durêr aarlar altında ergivan gümelerin yanında. слово

Sofradı vardi pek çok imäk: kaymak toprak çölmektä, bal farfir çanacıkta, türlü emişlär, avşamdan toplu, burkaç dilim sıcak kara ekmek, küçük kovricik çinidä. Samovar yanında şeremet kaçınardı çorbacının kızı Ankacık, gözäl karagözkacık, kıvrak boylu kızçaaz, angısının şen sesçeezi getirärdi bizä raathık, açan o selämnärdi: "Sabaa hayır olsun, paalı musaafirlär!"

Ivan Kior

79. Söläyin, nesoy söz stillerini bilersiniz? Neyä görä onnarı tanıyêrsınız?
Belliedin bu tekstin stilini, onun dil kolaylıklarını.

BÜÜLÜ GÜZ



Acan isteersin görmää ne sa halizdän, lääzim inandırmaa kendini, ani görersin bunu birincilää, seftä.

Bölä olduydu güzlän. Bän söledim kendimä, ani bu gün benim yaşamamda ilk hem bitkinci. Te neçin bu düşünmük yardım etti bana taa dikkat bakmaa güzä da görmää te onu, ani şindiyädan görmediydim.

Bän annadım, ani gün karıştırmış hepsi pak boyaları, angılar var dünnedä, dä döktü onnarı, nicä resimä, topraan hem gökün uzaklına. Gördüm yapraklı, diil sadä altın hem açık-kırmızı, ama güvez, mor-kara, boz hem biyaz benizdä. Boyalar yımışaktılar gün karannıñ beterinä, angısı durardı dolaylarda, ama açan yaayaardı yaamurlar, boyaların yımışaklı başlaardılar yalabimaa. Gök, örtülü bulutlarlan, verärdi açıklık hem şafk, da bundan sora yaş daalar sansın yanardılar uzakta, nicä koyu-kırmızı yanginniklar. Çamnarın aralarında suuktan titirär-dilär kayınnar, örtülü yalabık altınnan. Aaçların altlarında er döşeliydi düşkün yapraklarlan. Aaçlar başlaardılar sararmaa aşaadan: bän gördüm, nicä kimisi en aşaada kırmızıydılar, ama biraz yukarıda – eşildilär.

Bir keret bän gidärdim kayaklan deredä. Güneşli çizgilär, angılar pey-dalanardılar dalgaların üstündä, kaçardılar derenin kenarlarından, kal-kardılar sudan da süünärdilär aaçların tepelerindä. Şafk girärdi otlar içiniä, gümelerä da bir kípımda kenarlar şılardılar üzläñ boyayan, sansın güneşin şafkları urardılar çokbenizli topraa. Bu açıklık gösterärdi kuru emişleri otların arasında, ya biyaz-kırmızı mantara paraliyalarını, ya meşa yapraklarını hem uç-uç kalinkaların sırtlarını.

*Konstantin Paustovskiya görä
Çevirdi İvan Kior*

80. Okuyun teksti demekli. Koyun ona iki ad: birisi açıklasın temasını, öbürü da – öz fikirini.

İkona – Hristiannarın Allaa simvolu

İkona, te o zamannardan, açan peydalandı dünnedä, nicä ayoz iş, nicä Allaa, angısına bakardılar büyük hatırlan, büyük meraklan.

İçerlerdä ikonayı yoktu nicä asmaa enserä, angısını kakmışlar duvara. İkona için yaparmıslar sergen içerin „kırmızı“ köşesindä, neredä, nicä bir „saathk“, ikona durarmış dayalı koşecää. Yukardan şılardılar mumnar, şafklar türlü renkli lampadalardan. Bu şafklar, çok renkli: kırmızı, eşil, sarı – gücenni ya gücennik şılardılar ayozların suratlarına.

Kim var nicä, baktıyan ayozların üzlerinä ikonalarda, başlasın de-rindän savaşmaa annamaa – dooru mu bu ikona yapılı, halizdän mi bu resim? Herbirini görmää te o kípımda, açan bakërsın ikonaya.

İkona diil resim, ama gösterer käämil resim yaratmasını, angısı yapılı hepsi kanonlarına görä, yapılı ölä gözäl, derin duygularlan, ani yok nicä gözünü atarsın ondan. İkonalar girdilär dünneyin zenginniinä, neçinki onnar oldular artistik yaratma, angıları hepsi, kim onnarı görer, stavro-zunu yapêr, olêr insan başka keftä, başka duyguda, raat hem kismetli.

Öz içindekilär ikonalarda – Ayozların, taa sık Hristosun izleri – en üusek dinin gösterikleri.

Eveldän, zamandan varmış pek kaavi kanonnar, kurallar, bir sistema – nicä ikonayı yapmaa, neçin ki ikona – o başka iş, göklerdän verilmä izin.

Tä neçin, açan klisedä durêrsin ikonanın öñündä, dua edersin da stavrozunu yapêrsin, düşün, kendibaşına derin fikirlerinä dalip, savaş annamaa, ne sän isteersin görmää ya da görersin ikonada?

B. Alekseevaya görä
Çevirdi hem erlestirdi Ivan Kior

81.  Söläyin, ne o statya, oçerk, ese, intervyu. Düzün birisini kendibaşına. Temayı ayırın kendiniz?

§ 10. OKUMAK SESSİZ

82. Sesläyin teksti. Belliedin tipini hem stilini. Cuvap edin soruşlara tekstä görä.

Gagauz ayozu Feofil



Ayoz bobamız Feofil (adın maanası „Allahı sevän”) duudu 1460 yıllarda Zihna küyündä, angısı bulunêr şindi Gretyiyada. Eveldän Makedoniya denilän bu erlerdä başka milletlerlän barabar gagauzlar da yaşırdılar. Zihna küyündä, gagauzlardan kaarä, türklär dä yaşırdı, ama onnar muslimandi. Bobamız Feofil sä duudu hristian aylesindä, onun anası-bobası pek inanni hem iilikçi insannardı. Bu üzerä oollarını da üürettilär dooru inanda. Uşak büdüynän, onu verdilär şkolaya neredä o islää üürenärdi. Bu erlerdä, angıları girärdilär Osman imperiyasına, şkolalar hem kliselär grek dilini kullanardılar, çünkü burada doorusaltanatlı hristianların başı Konstantinopol patriarlığıydı.

Kısa vakıttı bobamız (vaatizlik adı bilinmeer) başarılı türenmesini. Ama taa çok o çalışardı ilerletmää diil aklını, ama canını: o pek sevärdi lafetmää ihtär kişilerlän hem ayoz yazıyı okumaa.

Bu üzerä da oldu o, nicä deer ayoz David, “su boyundaki aaç gibi, angısı vakıdında verer meyvasını” (*Psaltır*, 1: 3). Okuyarkan ayoz yazıyı hem ayozların yaşamalarını, o hep savaşardı olmaa onnar gibi: Avraama benzemää musaafirciliklän, käämil İosifä – bütünaarifliklän, İova – sa-burlan hem girginniklän, Moiseyä hem Davidä – usluluklan.

Taa gençkän, o ayırdı Allaha izmet yolunu. 1504 yilda monahlı kabitti, da ona eni ad verildi – Feodosi. İki yıldan sora, 1506 yilda, Rendinis episkopu Akaki popaz koydu Feodosiyi. Birkaç ay ayoz gezdi küydän küyüä, nasaat ederäk, çünkü hererdä popaz yoktu. Sora o Aynoroza gitti, Vatoped manastırına, neredä izmet etti ihtär episkop Malahiyaya.

Bu vakıt Egipettä büyük bir salgın vardı. Hristiannarın duşmanı bir çifit doktor başladı hererdä sölemää, ani bu iştä hristiannar kabaatlı. Bu yalan çabuk etişi taa Egipet padişahına, angısı Osman sultanatının kuvedi altındaydı. Ama padişah, musliman olsa da, sevärdi hem sayardı Aleksandriya patriarchı Ioakimi da onuştan hesapalmadı bu yalanı. Ama çifit doktor öttää dooru hep çalışardı padişahi hristiannara karşı karezlemää da baş vizirin yardımının, angısı çiftmiş, yaptı istediini. Padişah çاردı patriarchı Divana, açıklasın durumu deyni. Padişah dedi, ani eer hristiannarın inanı dooruya, ko o diiştirsin bayırı erindän. Patriarch, hiç şüpelenmeyip, kayıl oldu da istedi birkaç gün dua için. Sora o Hristosun adının izin etti bayıra geçsin başka erä, da hepsinin öündä bayır diiştirdi erini. Ozamandan beeri türklär deer o bayıra Dur-daa. Hristiannarın duşmannarı büyük üfkäylän düşündülär başka bir işlän kaybetmää patriarchı". Onnar dedilär padişaha, izin etsin patriarcha içsin zihir, zerä Evangeliyada yazılı: "Öldürücü bişey içselär, onnara zarar olmaz" (*Mark, 16: 18*). Patriarch genä kayıl oldu da, stavrozlayıp zihirlän dolu çolmää, içti onu, ama ona hiç bir zarar olmadı. Bundan sora padişah öldürdü baş viziri, kalan çiftlardan da başladı taa zeedä harç almaa, Nil deresindän Kaira gelän su vadalarını düzmää deyni.

Açan bunnarı işitti Konstantinopol patriarchı Nifont, osaat yolladı episkop Akakiyi hem Feodosiyi Aleksandriya patriarchına. Patriarch Ioakim pek islää kabletti onnarı da çok vakıt yanında tuttu. 1509 yıldada onnar Sinay bayırına hacılık yaptılar, sora da Ierusalimä gittilär. Açan Feodosi Konstantinopolä döndü, orada eni patriarchtı. Patriarch şükür etti Feodosiyä zaametleri için, ama istämedi kolvermää onu da koydu onu Konstantinopol klisesinin notarı olsun. O çok vakıt orada çalıştı, ama, göreräk, ani dünnedä etmeer canına lääzim olan kolaylıklar, o genä Aynoroza gitti, Vatoped manastırına.

Vatoped manastırında yaşardı ozaman bir ihtär episkop, da Feodosiy onu heptän seslärde hem her gün ayoz liturgiyayı yapardı. Açan episkop geçindi, Feodosi Iviron manastırına gitti, zaametleri için bir örnek bulmaa deyni. Birindän o üurenärdi heptän seslemeyi, öbüründän – us luluu, başcasından – Allaha hem yakındakiya sevgiyi, saburu hem dayanmayı. Bu üzerä o oldu bir kap, angısında yaşardı Ayoz Duh. Kendi içerisinde o eldän yazılı kiyatların kopyalarını yapardı, zerä taa gençlin dän gözäl yazardı. Onu bilärdilär hem sayardılar diil salt ayoz bayırda, ama taa uzak erlerdä dä.

O vakıt öldü Salonik arhiereyi, da yaşayannar yalvardılar Konstantinopol patriarchına koysun Feodosiyi onnara episkop. Ama Feodosi hiç istemäzdi bölä üuseklii kablettämää da, açan kendi patriarch çاردı onu Salonikä, o gitmedi, cuvap edip, ani pek hasta. 1516 yılda o kabletti shi mayi Feofil adında.

İviron manastırının yanında ozaman zaamet edardi igumen Dionisi. Feofil düzdü onun yanında kendisinä bir içercik da burada duada hem oruç-

ta izmet edärdi Allaha. Sora o geçti bir monah Kirilin yanına. Burada on-nara gelärdi liturgiyayı yapmaa ayoz bayırın başı prot. Serafim. Ama ayoz Feofil burada da çok durmadı da geçti Pantokrator manastırındaki ayoz Vasiliyin içérina. Burada onun yanında zaamet edärdi monah Isaak.

Feofil okadar çok çalıştı duada hem oruçta, ani heptän pakladı üree-ni, angısında yaşaardı Ayoz Duh. O hiç brakmazdı Iisus duasını canin-da. Da bu üzerä kabletti Allahtan büyük vergi – saklı olannarı tanimaa hem bilmää.

Artık yaşlı olarak, o bilärdi, nezaman ölecek, da başladı hazırlanmaa bu geçişä. O yazdı canda mirasini da istedı, porazlar yaa saklılinı yap-sınnar ona. Ertesi günü cumertesiydi, o komka aldı da çäardı üäreni-cisini Isaaki da dedi, ani, öldüynän, onun güüdesini kırda braksınnar, canavarlar isin deyni, popazlara da sölämesinnär, ani o öldü. Da deyip: "Ey, Saabi Iisus Hristos, kablet benim duhumu!" – gecindi 1548 yılın orak ayının 8-dä (eniycä 21-dä).

İsaak, alıp ayoz Feofillin güüdesini, götürdü daaya ba braktı, niçä sı-marladı ayoz. Açılan İviron hem Pantokrator manastırından monahlar işittilär, ani ayoz geçinmiş, geldilär, ama Isaak gösterdi bir er da dedi onnara, ani orada gömdü ayozu, ama onnar inanmadilar da, gidip, da-ada buldular ayoz güüdesini. Koydular onu Pantokrator manastırında klisedä, da ayozun güüdesindän başladı miru akmaa, ayoz yaşamاسının tanıkları olarak.

Butakım geçti ayoz bobamız Feofillin yaşaması, angısı sayılär gagauz ayozu. Butakım o yaşadı hem zaamet etti, Allah onu üüseltti hem erdä hem göktä. Biz dä benzeyelim ayoz bobamiza tamaasızlıklan, usluluk-lan, pak yaşamaklan, çok lafetmemäklän, Allahı hem yakındalımızı sevmäklän, ki biz dä onunnan barabar kabledelim Gök Padişahlıunu bi-zim Saabimiz Iisus Hristosta, angısına saltanat hem metinnik Bobaylan hem Ayoz Duhlan barabar. Amin.

Viktor Kopuşçu

1. Nezaman duudu Ayoz bobamız Feofil?

- a) 1480 yıllarda;
- b) 1460 yıllarda;
- v) 1440 yıllarda.

2. Zihna küüyü neredä bulunardı?

- a) Gretyiada;
- b) Makedoniyada;
- v) Rimdä.

3. Ayozlu Feofil duumuş nesoy ayledä?

- a) Büük hem zengin;
- b) küçük hem fukaara;
- v) inannı hem iilikçi.

4. Şkolalar hem kliselär nesoy dilini kullanardılar?

- a) Gagauz dilini;

- b) grek dilini;
- v) bulgar dilini.

5. O vakıt neredä salgın varmış?

- a) İerusalimdä;
- b) Varnada;
- v) Egipettä.

6. Kac gün istemiş patriarch dua için?

- a) Bir-iki gün;
- b) birkaç gün;
- v) bir afta.

7. Angı deredän gelän su vadalarını padışah istemiş düzümää?

- a) Tuna deresindän;
- b) Nil deresindän;
- v) Orhon deresindän.

8. Angı bayırda hacılık yaptılar?

- a) Sinay bayırında;
- b) Kair bayırında;
- v) Konstantinopol bayırında.

9. İviron manastırın yanında ozaman zaamet edärdi angı igumen?

- a) Feofil;
- b) Akakiy;
- v) Dionis.

10. Angı yılda Sinay bayırında hacılık yaptılar?

- a) 1309 yılda;
- b) 1319 yılda;
- v) 1330 yılda.

11. Nesoy söz tipindä bu tekst?

- a) Yazdırma;
- b) annatma;
- v) fikirlemä.

12. Nesoy söz stilindä bu tekst?

- a) Publîstik;
- b) artistik;
- v) lafetmäk.

83. Sesläyin teksti. Belliedin tipini hem stilini. Cuvap edin soruşlara teksta görä.



KOLADA CİÇÄÄ (Malinin annatması)

*“Sulandı canım, eşerdi içim,
Açıldı gözlerim – benim var halkım!”*

Beşalma küü paylaştı dört uçastkaya – Koladaya karşı. Herbir uçastkada bir adam – tar ayrıllardı. Açıan

Koladayadan kalardı irmi gün, tar toplardı delikanni çocukları kolada türkülerini üurenmää. Biz Lübayan kaçardık seslemää Dragan Miti batünun aul boyuna – o ozaman tardı bizim üçüncü uçastkada. Ne gözäl türküleri çalardılar!

Kızlar sa hazırlardılar kolada çiçää. Gündüz – işä, avşamnen – çiçää yapmaa, diil bir gündä hızlica-hızlıca yapmaa, o çiçeklän lääzimdi oynamaa, bızbıktı. Satın alardık şiritçik türlü-türü benizlerdä. Ilkin çiçeciin ortacını yapardık – bir bombonkacık, bir şiritçiin içinen koyardık pamucak, telcääzlän doz-dolay sarardık, bir başka beniz şiritçiklän çiçeciin yapracıklarını yapardık – ortacına bombonkacık dikärdik. Ama ne incä iştı bu – gitmesin hiç bir dä prinkacarı şiridin. Mamu alardı iplik, herbir şiridin kendi iplii: kırmızıysa – kırmızı, sarıysa – sarı... Hem dä bir incecik iinecik – belli olmasın dikiş. Alardık telcääz – sarardık onu kukaya, açan alardık kukadan, gözäl olardı – kırvaşık. İki parça onu bükärdik da herbir “yapracık” aşırı koyardık.



Mamu, beenmärsä, yırtardı, lääzimsa – kendisi doorudardı. Sora da yapardık yanına birär toomcaaz – çiçeci yukarda olsun, toomcaazları yanında, yapracıkları da olsun – haliz çiçek gibi olsun.

Koladaya karşı dört tar uçastkadan gidärdilär selsoveta izin almaa. Selsoviet verärdi, ama lääzimdi herbir tar kendi çocuklarına çorbacı olsun, zarar küdüä olmasın. Koyardilar herbir uçastkaya milişıya, angisınnar beygirlerdä atlı gözledärdilär düzennik olsun.

Avşamnen cekedärdilär kolada gezmää, kolaç hem çiçek toplayarak, ama geçmää başkasının uçastkasına – olmaz. Gülärdilär o tarı, angisının uçastkasına gelmiş başka koladacilar da toplamışlar kolaç ya da kızlardan alarmışlar çiçek. Bizim tar – Dragan Mitika, ölä bir tardı, ani hiç kimsey bizdän başka tarafa geçmäzdı, ne dä bir zarar olardı.

Kaplamaa bütün eri deyni, atlattmamaa deyni bizim uçastkamızda hiç bir dä ev, tarin grupası iki pay olduydu. O yılın bizim ev kalmıştı bitkiyä. Geldi koladaciların bir payı-çaldılar kapu önündä üç kolada! Ama ne gözäl, bir dä öbür pay da yaklaşer, genä çalêrlar kolada – öter dolay.

Tätü şarap döker, mamu kolacı çıkardı. Teklif etti tätü tarı çocukları içeri. Tar baarêr:

- Sädi-prisädi!
- Amin!

- Vet-privet!
- Amin!
- Veçer-preveçer!
- Amin!

Çocuklar sadem „Amin” baarardılar.

Kız varsayıdı evdä – istärdilär çiçek, istärseydi, kız verärdi çiçeeni yavklusuna, kimisi sä verärdi tara, angısı kendisi ayrırdı, kimin kalpa-ana koymaa çicäää.

Benim çicäääm perdedä asılı durardı. Girärkenä koladacilar içeri, bän fişti – soba üstünä saklandım, başka içər yok – nereyi saklanacak, perdecii araladım da siiredärdim.

- Länka, kimä verecän çiçeeni? – Tätü sordu.
- Petriyä.

Tätü istedi onun kalpaanı, mamu da diki benim çiçeemi.

Ama bir gözäl çiçekti. “Sansın ellerin diimemiş!” – hepsi mayıl olardılar.

Ölä geçärdi – varsa evdä kız da yapmarsa çiçek tara mı, yavklusuna mı – gülärdilär, yaptıysa, da çirkin olduysa – hep gülärdilär.

Däduna koymuştı taa bir kız kalpaana çiçek, ama kiyattan yapmıştı, diil gözäl. Kalpaan saa tarafına dikiliymiş benim çicäääm, sol tarafa da dikmiştilär o kızın çiçeeni... Taa çıktıyan tokattan, çocukların almıştılar dädunun kalpaanı – koparmıştılar o kiyattan çicää da bozmuştular. (Sabaalen, kalktiynan bulêrlar çiçek parçası aul boyunda...)

Biz bitki evdik – bizdä braktılar çuvalları kolaçlarlan da hepsi daalıştılar. Bütün gecä uyumazdık – beklärdik yıldız duusun. Mamu deyärdi: “Hristos duudu, hadi, uşacıklarım, sindän yaalı var nicä imää.”

Kolada günü hepsi dinnenärdilär. Koladanın ikinci günü çocuklar gidärdilär kolhozdan grajdadan alardılar en gözäl beygirleri. Dişisä – donadardılar çiçeklän, şiritlän, erkää sadem çiçek koyardılar, kırmızı peşkirlän sarardılar, oturup taligaya, ayakça, kalpaklarında çiçek –gidärdilär o evlerä, neredä brakmışlar kolaçları.

Çorbacı çıkarardı çuvalları kolaçlarlan:

- Hadi, çocuklar, çalın taa bir kolada...

Çıkardılar insannar sokaa, hepsi sevinärdi, burdan bu getirmiş bir kana şarap, oradan öbürü.

* * *

Açan evlendim, kayınnam koymuştı o çicää ikonanın içinä.

Dragan Mitika bir yılın dedi Petri olsun tər, o olärseydi, başkası da bilsin işinin sırasını – verdiydi ona gezsin birkaç ara. Ilkinci evdä lääzimdi versinnär ilkin tara çiçek, bän çıkardım ikonacıktan o çiçeciimi da koydum onun kalpaana.

Gittilar koladacilar, çalêrlar, ölä sesleri var... Bän kapu önündä durêm, sesleerim – gözäl, çıktı aula, işiderim Petrinin sesini:

- Sädi-prisädi!
- Işidiler: “Amin!”
- Vet-privet!

– Amin!

– Veçer-preveçer!

– Amin!

Sevinerim. Dädun, açan bunu üürendi, deer:

– Gitmiş aul içünä – baalarlarda kırmaa bacaklarını, bän ölä dä sana kolada çalacam.

– Olä diil interes, deyärdim, gözäl, açan hepsi-çocuklarlan bilä çalêrlar.

Geçti vakıt. Şindi, açan Dragan Mitinin büyük çocuu Ladi olarmış tar, mamusu onu çarmıştı da sormuştu – nicä gezärmişlär kolada, varmış mı kalpaanda çiçek. Ladi göstermiş kalpaanı – onda sadem kiyattan çiçeklärmış. Mamusu, bunu gördüynän, yollandırêr onu bizä da deer:

– Sän bilmeersin, nicä Länka bir vakıt yapmıştı çiçek, ya git da gör, o evlendi ona, kima verdi çiçää – o onnarda läätzim dursun. Ladi geler, çıkarêr patredä...

* * *

Ladinin bobası geçindiynän, ban dä gecä gittiylim ölüyü beklemää (deerlär – gidärsän beklemää ölüyü geçä dä hiç uyumarsan – aarettä var bir duvarın), orada Ladiydi, Kişinövdan gelmişti. Cöbündän çıkarıdydı dokumentleri, onnarın arasında – patretçik.

Çösterdi bana onu:

– Tanıyêrsin mi?

– Ii, Ladi, nesoy o ölä renkli? Ozaman bölä aparat yoktu.

– Bän verdim masterä yapsın – bän söledim, nesoy neredä beniz olsun – tuttum aklımda, okadar bän severim bizim evelki adetlerimizi, ani bu patretçii taşıyêrim yanında.

Ivan Koçan

1. *Beşalma küüyü paylaştı kaç uçastkaya?*

- a) Dört uçastkaya;
- b) altı uçastkaya;
- v) sekiz uçastkaya.

2. *Tar ayrılardı kaç adam herbir uçastkada?*

- a) Bir adam;
- b) iki adam;
- v) üç adam.

3. *Nekadar vakit läätzimdi kalsın Koladaya, ani tar toplasın genç olannarı calmaa deyni türküler?*

- a) Irmı iki gün;
- b) irmı bir gün;
- v) irmı gün.

4. *Ne hazırlaradılar kızlar?*

- a) Çok tathlik;
- b) Kolada çiçää;
- v) Kolada kolacı.

5. *Nezaman yapardılar o çiçää?*

- a) Sabaalen;

- b) gündüz;
- v) avşammen.

6. *Ne lääzimdi almaa yapmaa deyni Kolada çiçääni?*

- a) Şiritçik hem iplik;
- b) çiçek hem türlü benizdä kiyatçık;
- v) varak hem telcääz.

7. *Nereyi gidärdilär almaa izin tar hem koladacilar?*

- a) Kliseyä;
- b) selsoveta;
- v) popaza.

8. *Kaç Kolada türküsü çalınmış annatmanın annadıcısında?*

- a) Üç Kolada türküsü;
- b) dört Kolada türküsü;
- v) bir Kolada türküsü.

9. *Tarin grupası kaç pay olmuştu?*

- a) Üç pay;
- b) iki pay;
- v) dört pay.

10. *Nesoy stildä yazılı bu tekst?*

- a) Artistik;
- b) publiştistik;
- v) lafetmäk.

11. *Nesoy söz tipindä yazılı bu tekst?*

- a) Yazdırma;
- b) fikirlemä;
- v) annatma.

§ 11. AUDIROVANIYE



84. Sesläyiniz teksti. Belliedin tekstin tipini hem söz stilini. Cuvap edin soruşlara tekstä görä.

OLININ KUŞÇAAZI

Olicik geldi şkoladan da, diişip rubalarını, başladı oynamaa kapunun öbündä. Sora o girdi başçayada başladı siiretmää çiçekleri. Hederlez ayın ortasında havalar sıcaktı, açtı çoktan hepsi çiçeklär başçada. Kız-çaaz diiyärdi ellerinnän büyük kırmızı, sarı, pembä laalelerä, kadifä altıncıklara, türlü renktä zümbüllerä. O pek şaşardı bu gözellää, kokardı çiçekleri. Aulların üstündä, toplanıp sürücük, şen civirdardi kuşlar. Olicik kendisi dä pek şendi: yalpak güneş yısırdı onun suradını, başçanın çiçekleri pek güzel kokardılar – onun içi doluydu sevinmeliklän. Uşak, güleräk, dolanardı çiçeklerin arasında, sesläärde kuşların civirdamasını.

Birdän kuşçaazlar sustular da başladilar korkylan bakınmaa. Aulun üstündä atladi bir büyük kedi da başladı yavaş sürünmää kuş sürüsunä dooru. Kuşçaazlar birdän firladilar erlerindän da daalistilar her tarafa. Birazı kondu fidannarın en üusek dallarına, birazı tellerä. Ama bir küçük kuşçaaz oturdu tokatçin geniş trubasına, da Olicik esapaldi, ani o kuşçaaz tutunamadi çetin incä yalabik trubanın kenarından da düstü o trubanın içünä. Oli kaçarak gitti tokatcaa, ama truba üusekti, biriki metrahkti, da kızçaaz bişey görämärdi, salt bakardı o üusek trubaya, uzadıp yukari dooru incä enseciini.

Uşak dolanardı trubanın dolayında, ama yoktu naşey yapsın. O koydu kulaani demirä, da başladı sesirgenmää. Trubanın içindä işidilärdi yavaş kiperti. Kuşçaaz eşinärdi onun içindä.

Oli duydu, nicä kuş tırnaklarının savaşêr tutunmaa düz demir duvarlardan: işidilärdi enikunu gicirdamak. Oli annadi, ani kuşçaaz çıksamayacek oradan, olacek aaç hem susuz o karannık, suuk hem kistav erdä. Uşak yoktu kimä aalaşsin da, büyüklerdän kimsey yoktu evdä. O oturdu tokatçin yanında da başladı pek aalamaa. O ölä büyük seslän aalardı, ani duymadı, nicä açıldı tokatçik, da mamusu geldi evä.

– Ne oldu, neçin sän aalêersin, seni birkimsey gücendirdi mi? – dalgalanarak, sordu manusu. Uşaan gozleri kızarmıştı yaştan, o etiştirämärdi solunu. O, aalayarak, annatti kuşçaazın düşmesini trubanın içünä.

– Mamo, sän kurtarabilecän mi kuşçaazı bu çirkin kapandan? Bän istämeerim o ölsün, benim canım aciyêr ona, – derin çekti solunu uşak.

– Hic korkma, uşacium, biz bişeylär yapacez da kurtaracez – dedi yorğun karı kızçaaza, ani bakardı büyük maavi gözlerinnän, dolu umutlan, anasına.

Karı düşündü biraz, sora gitti aulun içünä da getirdi oradan bir incä uzun pardi. O enikunu, ani iliştirmemää da yaralamamaa kuşçaazı, salverdi pardayı taa trubanın dibilädän.

– Şindi umutlanacez, ani kuşçaaz şüpelenecek tırmanmaa pardidan yukarı da çıkışmaa oradan, – dedi karı uşaan, da onnar sustular, ani yapmamaa şamata da korkutmamaa kuşçaazı. Gecti bir beş minut, ama kuşçaaz peydalanmardi trubanın içindän. Bir dä kariyan uşak esapaldilar, ani pardının ucu başladı enikunu sallanmaa. Göründü kuşçaazın kafası, sora bütün güüdesi. Kuşçaaz uçtu yukari dooru, ama dolandi biraz karının hem uşaan kafalarının üstündä, şen hem hızlı civirdayarak. O sansın şükür edärdi kendi kurtarıcılarına. Biraz dolandı da uştu öbür kuşlara, sallayarak kanatlarını. Olicik dik yukarı atlaardı sevinmeliktän, öpärdi manusunu hem baarardı: „Kuşçaaz arif, o şüpelendi, ani lääzim tırmaşmaa!” Manusu da pek mutluydu, ani onun kızı ölä acıyan.

– Sän büün kurtardin kuşçaazı, say, ani o senin kuşçaazın, zerä sän esap almaydin, ani o dustü o karannaa, kimsey bunu bilmeyeceydi, da kuşçaaz orada da kaybeleceydi. Sän, benim kızım, büyüycän ii ürekli insan, acıyan.

Olicik kuşku sesleerde mamusunu, sallardı kafasını, ama en pek sevinärdi ona, ani kuş kapandan çıktı serbestlää.

Çok sıra gidärkän yolca, Oli görärdi kuş sürülerini da hep sallardı onnara elini, zerä ona gelärdi, ani onnarın arasında bulunêr onun da – Olinin kuşçaazı.

Aleksandra Kristova

1. *Angı ayın ortasında sıcaktı;*

- a) Canavar ayın;
- b) Hederlez ayın;
- v)çiçek ayın.

2. *Angı ciceklär bu renklerdäymışlär: kırmızı, sarı, pembä?*

- a) Altıncıklar;
- b) laalelär;
- v) zümbüllär.

3. *Ne Oli sesleermiş başcacıkta?*

- a) Kuşların civildamasını;
- b) kızçaazların türkü çalmasını;
- v) adamnarın üusek seslerini.

4. *Kim atladı aulun üstünä?*

- a) Bir büyük kedi;
- b) bir zulum uşak;
- v) bir kırmızı horoz.

5. *Kac metralıkmiş truba?*

- a) beş-altı metralık;
- b) birkaç metralık;
- v) bir-iki metralık.

6. *Nereyi düşmüş kuşcaaaz?*

- a) Tokatçının boyuna;
- b) trubanın içiniä;
- v) aulun ortasına.

7. *Kim gelmiş evä?*

- a) Anası;
- b) bobası;
- v) kızkarداşı.

8. *Kızcaaz, aalayarak, nicä çekärmiş soluunu?*

- a) Sıkı-sıkı;
- b) derin-derin;
- v) yavaş-yavaş.

9. *Neylän kurtarmış kuşcaaazı anası?*

- a) Bir incä uzun pardıylan;
- b) bir incä uzun sopaylan;
- v) bir incä uzun dallan.

10. *Nesoy büüyecek Oli avtora görä?*

- a) Cana yakın;

- b) ii ürekli;
- v) bol ürekli.

11. Nesoy söz tipindä bu tekst?

- a) Annatma;
- b) yazdırma;
- v) fikirlemä.

12. Nesoy söz stilindä bu tekst?

- a) Publîstistik;
- b) artistik;
- v) lafetmäk.

85. Okuyun teksti. Belliedin tekstin tipini hem söz stilini. Cuvap edin sorușlara teksta görä.

BİTKİ PAZAR



Nikolay Esir

Mani bulü bitki vakit pek prost uyuyardı. Türlü dertlär, angisinnar toplanmışlar etmiş yılın içindä, bir aar taş gibi falardilar onun kemiklerini. Kırk yıl çiftçilik hem sayısızlan gecelär, hepsi dä altı uşaan krivatçık başında, etişardilär geeridän. Pensiyada Mani bulü çöktandan artık, kuvedinä görä yapardı evdeki işleri, pazarlarda gidärdi kliseyä, slujbadan sora panayira, avşam üstü da çıkardı dernää komuşukalarlan, neredä üürenärdi küyüün en taazä yalannarını. Her cumertesi o gidärdi mezarlaa, neredä irmi yıl yatardı kocası hem yıl – yıldan taa zeedelenärdi senselelär. Bölä geçärdi ihtarlık.

Ama diil çoktan geldi o vakıt, açan Mani bulü annadı, ani onun yolu şansora içerdän präckayadan sade. Ayakları onun heptän yufkalandılar, vraçlar kısardılar omuzlarını, göstereräk parmaannan onun duuma ylinna pasportta. Mani bulunun günneri döndülär boz renginä, ev hem aul içi başladılar kapana benzemää. Pek kahırlanardı ihtar insan, ani kliseyä gidämeer. Siirek sevinmelik günnerindä çocuu götürärdi onu maşinaylan kliseyä ya da mezarlaa. Pazarlarda onu dolaşmaa gelärdi kalan uşakları, angisinnar durmamayca annadardılar kendi zorlarını, kimär kerä unudarak sormaa anasının kefini.

Pazar sabaası taa karannıktı, açan Mani bulü kalktı döseendän, neredäsä işidilärdi şamata, da Mani bulü gitti bakmaa, kim evdekilerdän kalktı bölä erken. Vani, Mani bulunun yanında yaşayan en küçük oolu, hazırları çizmelerini.

- Ne horozlarlan bilä kalkmışın, oolum?
- Ava giderim, mamu. Sän ne uyumêerrsın e?
- Ihtarlikta uyku sıçan kuyruu gibi kısa, oolum.

Vani hazırladı kapunun yanına rükzaa hem tüfaä. Alıp çizmelerini, başladı giimää onnarı. Mani bulü bakardı ooluna da kıyışamazdı sormaa ona.

– Sän çok mu vakıda gidersin, oolum?
– Bütün günä, allem. Neçin sorêrsin, mamu?
– Kliseyä soraceydim hızlandırasın beni, ama yok bişey...
– Büün avın bitki günü. Yapamayacam istediini, mamu.
Öbür pazara gidecez, bän da klisä içînä hayli vakıt girmedim.
– Öbür pazara taa etişelim läätzim... I, hadi git, oolum.
Allah korusun seni, bakın, atent olun avda.
Mani bulü dürük öründä odasına da yaktı şafkı. Alıp elinä evange-
liyayı, o okudu, gözleri başlayınca acımaa...



Üç gündän sora Mani bulü kaybetti kendini aul içinde, düşerák, urdu kafasını alçak demir aulcuklara. Cumaa avşamı, komadan çıkmadaan, Mani bulü verdi can. Popaz, okuyarkana ölüyü klisedä pazar günü, Vani hiç durgudamardı yaşlarını. Onun aklından çıkmazdı anasının bitki istedii, angısını o yapmadı...

Nikolay Esir

1. Kaç yılın içindä Mani bulüyü toplanmışlar bu dertlär?

- a) Altmış;
- b) doksan;
- v) etmiş.

2. Kaç uşaa varmış?

- a) Beş;
- b) altı;
- v) edi.

3. Kaç yıl olmuş, nicä Mani bulunun olmuş kocası?

- a) İrmi yıl;
- b) irmi iki yıl;
- v) irmi bir yıl.

4. Nesoy zanaatlık kullanmış bu karı bütün yaşamasında?

- a) Baacılık;
- b) terzilik;
- v) çiftçilik.

5. Nesoy rengä döndü Mani bulunun günneri?

- a) Biyaz;

- b) boz;
- v) kara.

6. Ne unudarmışlar sormaa uşakları manusuna, açan gelär-mişlär onu dolaşmaa?

- a) Anasının saalini;
- b) anasında gümüş;
- v) anasının kefini.

7. Pazar sabaası, açan Manı bulü kalkmış, ne işitmiş?

- a) Türkü sesi;
- b) daul urması;
- v) şamata.

8. Nereyi hazırlanarmış gitmää Manı bulünün çocuu pazar günü taa karannıktan?

- a) Avidanna;
- b) balaa;
- v) mantara.

9. Ne yapmış Manı bulü pazar günü?

- a) Okumuş molitva;
- b) okumuş Evangeliyayı;
- v) okumuş başka Allaa kiyatlarını.

10. Nesoy janrada bu tekst?

- a) Masal;
- b) annatma;
- v) roman.

11. Nesoy söz stilindä bu tekst?

- a) Artistik;
- b) bilim;
- v) publiştik.

12. Nesoy söz tipindä bu tekst?

- a) Yazdırma;
- b) annatma;
- v) fikirlemä.

§ 12. ÇEVİRMÄK

 **86.** Okuyun tekstleri, çevirin ukrain dilindän gagauz dilinä. Açıklayın onnarın öz fikirlerini.

ЗАХОДИТЬ ДО ХАТИ СВЯТВЕЧІР

Улюблений в народі час зимових свят починався з надвечір'я Різдва – Святвечора. Хата була гарно прибрана, в ній смачно пахло пирогами і кутею з медом, а ще морозом від житнього снопа. На небі

сходила вечірня зірка – та сама, що колись привела пастухів до малого Христа, і вся родина сідала вечеряти.



Вечір цей повнівся чудесами. Звичайні в інший час предмети і речі набували тепер чарівних властивостей. У стайні розмовляли між собою домашні тварини, і зірница могла приклікати дівчині судженого. Каша із ячного зерна з узваром і медом звалась нині „Кутя Настя”; ложка цієї каші могла накликати рої на пасіку і власкавити мороз, бурю; житній сніп на покуті був тепер Колядою або Дідом – домашнім богом, що обіцяв хороший урожай. Старі люди могли побачити в Святвечір своїх померлих родичів, що приходили до них опівночі куті їсти, а дівчата дізнатись ім’я майбутнього чоловіка і навіть побачити в дзеркалі його обличчя. Саме це єднання людини з усім світом: земними стихіями і янголами небесними, зорями, з усім родом і померлими предками – залишало у кожного почуття неповторності свята, дарувало надію на краще.

Г. Бондаренко

ЗОЛОТЕ СЛОВО МОНОМАХА



Володимир Мономах увійшов в історію не тільки мудрим правителем, а й відомим письменником. Цей князь дбав про освіту рідної землі, кохався в книгах, вільно володів п'ятьма мовами. Він залишив знамените "Повчання" дітям. Це слова зрілої людини про те, як належить жити в світі, яких законів слід дотримуватися. Ось деякі поради Володимира Мономаха.

“Діти мої або хто інший, слухаючи мою грамотницю, не посмійтесь над нею, а прийміть її до свого серця. І не лінуйтесь, а широ трудіться.

Перш за все не забувайте убогих, а яко можете, по силі годуйте їх і подавайте сиротам. І вдову захистіть, не дайте сильним губити

людину. Старих шануйте, як батька, а молодих, яко братів. Брехні остерігайтесь, і пияцтва, і облуди, від того душа гине і тіло. Куди б ви не верстали шлях своєю землею, не давайте отрокам своїм чинити зло і шкоду ні селам, ні посівам, щоб люди не проклинали вас. А куди б не прийшли і де б не зупинилися, напійті і нагодуйте нужденного. Хворого навідайте, покійника проведіть в останню дорогу, бо всі ми смертні. Не проминіть ніколи людину, не привіавши її, і добре слово їй мовте”.

За М. Слабошицьким

ЯРОСЛАВНА



„*Yaroslavnanin suralaması*”,
V. Perov, 1881 y.

Звертаючись до історичного минулого, зустрічаємо там цікаві жіночі постаті, гідні того, щоб розповісти про них. Шанобливо, тільки по батькові – Ярославною називає автор “Слова о полку Ігоревім” дружину князя Ігоря Святославича.

Єфросинія Ярославна (жила у другій половині XII століття) — наша землячка, уроженка Галича, тоді столичного міста Галицького князівства. Тут при дворі її батька – могутнього Ярослава Осмимисла – минуло її дитинство, пройшли дівочі роки.

Яке виховання отримували тоді князівські дочки при дворах? Їх учили грамоти, усякого рукоділля, вони оволодівали умінням їздити верхи, брали участь у двірських урочистостях.

Та настав час одруження, і Єфросинія мусила покинути відносно безтурботне життя при галицькому дворі, щоб з весільним почтом податися далеко, у Новгород-Сіверщину, де князював її суджений, а згодом чоловік – Ігор Святославович. Тут у постійному неспокої та тривозі пройшло усе її подальше життя. Близькими сусідами були кочів'я половців, які постійно нападали на руські землі та грабували їх. Тутешні князі змушені були захищати свій край від спустошень. Проте можна твердити, що Ярославні пощастило в іншому – з князем Ігорем вони утворили міцну, люблячу подружню пару.

Не меркне світлий образ вірної Ярославни, хоч минуло вже кілька століть. Постать Ярославни залишиться назавжди вічним символом жіночої вірності і любові.

З. Березинська

* * *



Уже стали крилатими слова з пісні, написаної Василем Симоненком:

*Можна все на світі вибирати, сину.
Вибрати не можна тільки*

Батьківщину.

Найсвятіше для нас почуття Батьківщини неодмінно асоціюється з маминою піснею, з тим як:

*Заглядає в шибку казка з сивими очима,
Материнська добра ласка в неї за плечила.*

Той нехай дитяча уява багатшає, хай завжди приймають до нас і наших дітей легкокрилі лебеді материнства, несучи крізь відстані й роки незгасний світ колискових, виспіваних незрадливими неньчиними вустами. І що більше буде виспівано колискових, то щедрішими, духовно багатшими стануть наші діти, бо усвоєні з материним молоком неперехідні цінності, – а пісня серед них займає провідне місце, – допоможуть нам виховувати незрадливу пам'ять про рідний край, свою Вітчизну.

В. Скуратівський

МИНУЛЕ І МАЙБУТНЄ

“Хто не знає свого минулого, той не вартий щасливого майбутнього”, – писав відомий український поет Максим Рильський. І це справді так. Учні нашої школи свято бережуть пам’ять про своїх предків. Шанобливе ставлення дітей до предметів народної старовини, бажання прилучитися до прадавніх національних витоків вилилось у рішення створити шкільний музей. Шкільний музей побуту й етнографії був створений на основі матеріалів, зібраних під час учнівської експедиції в рамках руху “Моя земля – земля моїх батьків”.

Активну участь у поповненні музею експонатами взяли не тільки учні, педагоги, а й жителі мікрорайону Клокучка та села Біла. Кожна нова зустріч із цікавими людьми збагачувала школярів духовно. Зібрані матеріали класифіковані: жіночий одяг (сорочки), глиняний посуд, предмети побуту, вироби ткацтва.

При музеї створені різні секції: пошуково-краєзнавча, фольклорно-етнографічна, літературно-фольклорна.

Так школярі з пошуково-краєзнавчої секції збирають різні легенди про походження назви району Клокучка, де розташована наша школа та сусіднього села Біла.

Робота фольклорно-етнографічної секції спрямована на вивчення пісенної творчості рідного краю. Юні краєзнавці записали від місцевих жителів на магнітофонну стрічку весільні пісні, які стали основним матеріалом для підготовки до виступу фольклорного колективу нашої школи на міському конкурсі.

(За Т. Яківців)

* * *



Дуже прикро було Іvasикові, що його соловейко не співав. Купив він його за власні гроші, що подаровані були йому на іменінах, посадив у гарну клітку, оздоблену візерунками. Соловейко ж мовчав, немов занімів.

— Солов'ї співають тільки навесні, — розважала хлопчика мама.

Та соловейко й весною мовчав. Тому дивно й досадно було Іvasикові, і злість брала на соловейка.

Соловейком цікавився не тільки Іvasик, а й сірий смугастий кіт. Але йому було байдуже до соловейкових пісень чудових: він любив той спів тільки тоді, як соловей співав на вітті, і, співаючи, заплющував очіці, весь переймаючись своїм тьюханням. Те співання було таке любе, що кіт тихесенько, припадаючи до гілки, щоб не перебити, підкрадався до маленького співця й хапав його в свої міцні обійми. Та не вдячним поцілунком обдаровував кіт соловейка; чіпкі пазурі цупко тримали птаха, гострі, як голка, дрібні котові зубенята перегризали співцеві горло... Та тепер котові було байдуже до соловейкових пісень: хоча б соловейко й затвохав, однаково його не дістанеш у клітці, що висіла під стелею над вікном.

А соловейко нудьгував. У кімнаті було тепло, їжі було доволі. І хоч ночами й блимали з темряви страшенні хижакькі очі кота, до цього можна було звикнути. У соловейковім серці була така нудьга, така безпросвітна туга за волею, за сонцем, за повітрям, що він бився крильцями в грратки, мов божевільний, і падав непритомний. Тільки в клітці соловейко пізнав, що то є на світі воля. Тепер вона часто йому снилася — дивна, чарівна, як казка. Воля!.. Це слово він уперше почув від наймички, котра відповіла Іvasикові на його запитання — чому соловейко навіть весною мовчав.

За С. Черкасенко

НЕСПОДІВАНА РАДІСТЬ

Тієї ночі випав густий лапатий сніг і, прокинувшись уранці, княжна Варвара ніяк не могла збегнути, чого це в її завжди напівтемній

кімнаті стало якось незвично світло і біло-біло. Лише коли підвела-ся з ліжка і підійшла до вікна – зрозуміла, що трапилося.

Все, все надворі: і земля, і дерева, і кущі, і близькій шлях, і далеке озеро зливалися у сліпучій яскравості. Лише будівлі подекуди вперто проступали з тієї загальної близні, прориваючи гострими верхами товсте пухнасте покривало снігу.

На тому безкрайньому засніженому просторі особливо виразно виднілась якась чорна рухлива цятка, що ледь помітно пересувала-ся від греблі берегом озера. Здається, то була людина. Але хто б міг бродити так рано серед неходжених заметів? Звичайно, впізнати по-дорожнього було неможливо, хоч би як пильно придивлятися. Проте якимсь іншим чуттям, не зором, а швидше серцем Варвара здогадалося, що то був Шевченко.

Може, по рухах його, котрі вже легко вирізняла з-поміж безлічі інших, мовби зовсім подібних; а швидше – по вдачі, впертій і непоси-дючій. Кому б оце заманулося від самого рання брести серед заметів, простувати самотньо по коліна в снігу, крім нього – вічно бентежно-го й бунтівливого?

То справді був Тарас. Він прошкував од греблі понад озером. Незай-маний рипучий сніг бавив його, кликав вдихати морозну свіжість си-нюватого простору, підставляти груди крижаному ключому вітру...

В. Дарда

СЛОВО І НАРОД

Нешчасна, неправдива людина, що добровільно й легко зрікається рідної мови; щаслива, праведна людина, що в радості й горі будує слово своєї землі. Щасливий і непереможний народ, що породжує своїх захисників і оборонців.

Слово – не значок, не символ – це вогонь, а перефразовуючи вже відоме: сорочка духу народу. Вона, досконало-вишукана й коштовнопрекрасна, невтомно шита з покоління в покоління і турботливо передавана з роду в рід для найвищого, повного довершення, що йому не буде кінця. Вона вся з гомону полів, лісів і морів отчої землі, мережана сходом і заходом сонця, гаптована сяйвом місяця зірок і переткана калиною, барвінком і вишневим цвітом. Кожна її ниточка вимочена в Дунаї, у криницях і струмках людської звитяги. Вона з блиску козацької шаблі і невольницького човна. Вона, як напнути паруси волі, зіткана з останнього поклику воїнів і борців за волю, честь і незалежність. Вона з першого радісного щебету немовлят і тяжких похоронних плачів, так часто палена спекою, бита градом і дощем, але завжди повна осіннього досягнення. Вона з колискової молodoї матері над первістком, уся вона з шелесту дерева життя, з тучі й грому, як з води і роси, – така українська мова.

За Б. Харчуком

БАТЬКО



O. Довженко з батьком

Багато я бачив гарних людей, ну такого як батько, не бачив. Голова в нього була темноволоса, велика і велики розумні сірі очі, тільки в очах чомусь завжди було повно смутку: тяжкі кайдані неписьменності і несвободи. Весь в полоні у сумного, і весь в той же час із якоюсь внутрішньою високою культурою думок і почуттів.

Скільки він землі впорав, скільки хліба накосив! Як вправно робив, який був дужий і чистий! Тіло біле, без одної точечки, волосся блискуче, хвилясте, руки широкі, щедрі. Як гарно ложку ніс до рота, підтримуючи знизу шкоринкою хліба, щоб не покрапати рядно над самою Десною на траві. Жарт любив, точене, влучне слово. Такт розумів і шанобливість.

Одне, що в батька було некрасиве, – одяг. Ну такий носив одяг не-гарний, такий безбарвний, убогий! Неначе нелюди зухвалі, аби зневажити образ людини, античну статую укрили брудом і рванням.

I все одно був красивий, – стільки крилося в ньому багатства. Косив він чи сіяв, гукав на матір чи на діда, чи посміхався до дітей, чи бив коня – однаково.

З нього можна було писати лицарів, богів, апостолів, великих учених чи сіячів – він годився на все. Багато наробив він хліба, багатьох нагодував, урятував од води, багато землі переорав, поки не звільнився від свого смутку.

O. Довженко

§ 13. KONTROL TAKRİRİN YAZILMASI

87. Ayırmak bir takrir yazın, önemni işleri açıklayarak.

Garga

Monolog



Alla Büük

Bän boz gargarım. Bilmeirim, benizimdäni, suratimdän mi, ama bendän insan korker, azetmeer. Annamêerim, neçin? Hep bir kuşum. Bekim, benim sesim çirkin? Ama ne yapayım, nicâ Allah vermiş.

Ama vermiş bizä o çok iş: üusek ses, kıvrak beniz, sivri göz, kaavi fikir, şiretlik hem uzun ömür.

Benim fikirim çok işlär dolu. Kaç evlat boyu geçirdim bän. Gözüm ne sade görmedi, bilmeerim. Te, bu evdä karı çamaşır serer, başka evdä uşak aalêêr, sokakta kambur babu tokadın önünü süpürer, gübürleri sokak ortasına sibidêr. Fasilca!

Te bu evdä adam genä sarfoş gelmiş, sundurmada oturêr. Karı da orlik gibi çatlayacek baarêr. Sansın faydası olacek. İçkidän moor katı olmuş. Ama nicä deerlär, umut öler bitki.



Burada keçi erindän çıkışmış fidanı „tertipleer“. Saabisi gelenä kadar, fidanın işi hazır olacak. Hm-m-m. Burada interes iş olêr: babu brakmiş maaza yanında bir çölmek süt. Südä yan-yan tırmânêr kotoy. M-m-m – yaalanêr kedi. Südün kokusunu büyüklerinannan duydu, deliii! Çok düşünmeer, zotkasını çölmek içînä sokup, südü içér. Aanadiynan çölmek üstünä, kotoyun bacaa kaydı girlicin kenarından. Hayvan, çölmek, süt – hepsi daran-peran oldu. Of, gülmektän patlayacam şindi. Hi-i-i! Babu işitti bu şamatayı. Kaçarak geler, bütün bacakları kığına urêr.

– Aman, aman. Ne yapacam bän? Vani benim kafamı koparacek. Se-ni-seni ya, kotoyu! Bela başıma. Neredän cendemdän seni bizä evä getirdi? O da bir ahmak. Te gitsin şindi kırda inää saasin da ozaman pidä iyecek, – okunarak topladı babu çölmek parçalarını. Gübür kazanına gidärkän, kösteklendi aykırı duran maşacaa. Babu nicä kurşun uçtu. Sade, tozadı ardından.

Ne şakacı bu insannar! Bu avşam dädunun hazır işleri – kızgın karı – artaşaklı karı. Öldürecek!

Yolda uşak okuldan evä gider. Ama nicä gider – sansın bütün gün pulug çekmiş. Çantasını, nicä bir leş paliyi, geeridän çeker. Pelii da bir yanına dönmüş. Zavalı uşak. Yolu da uzun.

Te, aulda adam ter su içindä papşoy eker. Sanêr korkuluu koyacek da bän korkacam. Şakacı! Bilmeer, ani benim da kafam işleer. Oldu 50 yıl hep o korkuluklar tenekilerlän aulların içînä takêrlar. Sanêrlar, ekilmiş bütün kalacek. Te bu düşü gördäk. Üürendik, artik. Acan adam papşoyu eker, biz, üfkesini çıkartmaa deyni, maasuz dozdolay dönüşeriz. Kızdiynan, o emen korkuluu koyêr. Biz sa pr-r-r-r uçêriz, maanamsı korktuk. İnsan da uslanêr. Biz sa kurkul gibi aulda kaçinêriz, bir aul papşoy önumüzdä. Angı köşedän çeketmää, bilmeeriz. Problema!

Allah uzun ömür vermiş bizä. İnsan deer, 300 yıldan yaşaarmışık. Diil dooru.

Bän 51 yaşındayım. Nekadar işlär gördüm bu yıllarda, yazmaa yaprak etmeyecek.

50 yıl geçti, insan da diişilmedi. Hep o ürek. Inanêrim, insana zor, ama bizä taa da zor. Çünkü, hepsini göreriz, hepsini annêêriz, ama bişey yapamêêriz.

Alla Büük

 88. Ayırmak bir takrir yazın, önemli işleri açıklayarak.

ADETÇÄ GAGAUZ SARMASI

Gagauzların adetçä imeklerindä sarma pek sevgili bir imäk. Ona baalı gözäl, diişik adetlär, angıları göstererlär gagauzların özelliini. Sarma-yı buyur ederlär düünnerdä, kumatriyalarda, adetçä gagauz yortularında, pomanalarda.

Sarma var iki türlü: baa yapraandan hem laana yapraandan. Bän isteerim annatmaa, nesoy adetlär baalı baa yapraandan sarmalarlan. Hederlez ayının bitkisinä dooru kazilar, genç kızlar, baalayıp fitalarını, sürücük-sürücük yollanêrlar kırlara ayirmaa hem toplama baa yapraa. Burada pek önemli kaçırımaa o vakıdi, açan yapraklar başlêêrlar kartlaşmaa, onnarı sora zor sarmaa, hem dä dadi başka olêr, var nicä pişmesinnär dä. Herbir çotuk uymêér bu işä, zerä var çotuklar kalın hem incä yapraklarlan. Sarmaya toplanılêr salt incecik, korpä yapraklar. Pek mutlu karilar, açan razgelerlär diçka çotuklarına, angalarında yapraklar taa „nazlı” hem yalabık. Karilar daalisêrlar kırda da, bular-sayıdlar pek uygun çotukları, çaarêrlar başkasını da. Hepsi sever git-mää kira, zerä, taa hızlı toplansın yapraklar deyni, karilar gülüşerlär, annadêrlar cümbüş, çalêrlar türkü, „geçirerlär strungadan” küyüün oluşlarını. Kim isteer kaçırmaa bölä meraklı işleri? Çaarış-baarış daalêr kırlarda. Yaprak toplêêrlar çok, ani etişsin taa öbür yılın eni yaprakları-nadan. Bekim, hepsi gelâmedi, kalaceklar yapraksız, sora onnarlan paylaşêrlar, yapraa kimseyin canı acımêér.

Evdä yaprakları, aktarıp bir büyük masaya ya da sofraya, çekederlär dizmää testecik-testecik. Saplarını koparêrlar – sora taa kolay olacek kışın sarmaa. Burada da läazimbecermäk: testeciklerdä yapraklar ko-yulêrlar uzucuk, yalabık taraflarının üstünä. Evel vakıtlardan yapraklar kış için bölä koyulardı: onnarı geçirärdilär iinäylän ipliklerä da asardılar tavanın kirişlerinä. Sora, kullanmaa deyni, kaynak sudan geçirip, sarardılar sarma. Birazı koyardı yaprakları küçük fiçiciklara ya da top-rak küpplerä salamuraya, da onnarı da hep kaynak sudan geçirärdilär. Bölä koruyêrlar yaprakları büünkü gündä dä, ama, açan peydalandı şis-şedän bankalar, başladılar ya kaynatmaa bankaların içindä, ya da ka-pamaa bankalara hem plastiklerä kuru-kuruya. Kuru-kuruya korunan yapraklar sansın taazä gibi kışın. Gözäl etiştirän yaprakları kış vakıdi-nadan çorbaciýka ii hem becerikli sayılêr, onu hepsi meteder hem koyêr başkasına örnek.

Düünnerdä sarma yapması büyük hem pek önemli bir adet. Düünün çorbaciýkası birkaç ay ileri belli eder kendinä, nekadar yapraa var, ii mi o yapraklar, utandırmayacek mı kendisini kötü sarmalarlan, zerä sarmalar olmarsa ii, sora haftaylan „çalkayaceklar” küü içindä „sivri dilli” babular, kär gençlerin dä arasında bulunaceklar „daanik aazlılar”. Çor-baciýka kendisi bu şüpedä durarsa, çaarêr aşçiykayı, ani o görsün yaprakları, ondan sora da onnar barabar konuşêrlar yaprakların ölçüsünü.

Düünä karşı bir büyük çauda (25-40 kilalık) hazırlanêr bulgur. Allah korusun bu bulguru bozmaa! Burada sesleerlär ya en ii aşçiykayı küüdüä, ya da bir büyük becerikli kariyi. Onnara kimseye karşı koymêér, hem yapêrlar salt onnarin dedii gibi. Burada herbir küüyün kendi çoktan-kı adetleri var: ne kadar oloy koymaa, ne kadar suan, morkva, tuz hem koku. Son sözülü herkerä soleer aşçiyka. Bulgur olêr pirinçtän, angısına katêrlar ya ufak kolos bulguru, booday bulguru, zordan arpa bulguru da gidärdi ileri, ya da başka ufak ekin bulguru. Bulguru yıkêîrlar pınarda, taa çıkışcasına duruk su. Çauda bulgur lääzim olsun ne pek tikiz, ne dä pek sulu, bulgur da ne pek pişmiş, ne dä pek çii. "Diricä" – bölä deerlär aşçiykalar. Sora firında olacek taman islää. Bulgur hazırlikan da biraz suuduynan, doldurêrlar büyük leennerä da koyêrlar sofraların üstünä. Hepsi tutunêr kol-kola da, naara edip birkaç kerä "Yuhu-yuhu-yuhu-hu", oynêîrlar horu. Hepsinä dökerlär birär filcan çarap, da ondan sora oturêrlar sofraların dolayınınarında. Bu oya bir iş – sarmaa baa yapraandan, var nicä sürtsün gecä yarısından, o beterä toplanêr komuşular, senselä, hepsi, kim isteer katılmaa bu adetä, da, oturup taa uygun küçük skemneciklerdä, çekederlär sarmaa. Burayı sokulmêér adamnar, uşakların da pek yok işi burada. Sararkan sarma, belli olêr, kimin parmakları taa becerikli, kimin dä parmakları odun gibi. Sarmalar lääzim olsunnar küçürük, topluca, diil daanık hem partallı, laana gibi. Hepsi sarmalar birtürlü lääzim olsunnar, zerä yaşlı karilar, yaparkan çenä, unutmêîrlar atmaa gözünü başkalarının sarmalarına, da sarmalar diilseydi uygun, ölä gülerák-süüyerák „haşlayaceklar” birkaç laf. Erlestirmää sarmaları kabin dibinä lääzim kırnacık, dolaya, gözäl dizili, hepsi bir tarafa baksinnar hem birä-bir olsunnar. Becermärsän, taa ii sokulma, zerä kabledecän payına. Ama çoyu gelerlär, ani bakmaa aşçiykaların ellerinä da üürenmää, bu pek lääzimni bir becermek. Sarmaları sararkan, taa çok lafederlär büyük karilar, onnarin artık hakkı var, ama gençlär taa çok sesirgenerlär. Küüyün aşçiykaları taa çok cümbüşü hem girgin karilar, onnarı hepsi sever hem saygı güder onnara. Bu beterä hepsi kayıl seslemää onnarin cümbüşlerini hem babu masallarını.

Açan kaplar dolêrlar, onnara yapêrlar kalpak yaşı kepektän, kepään altına koyêrlar yıslanmış kiyat, biyaz hem temiz olsun. Bölä üstünkü sarmalar yanmêîrlar.

Sarmaktan sora hepsi daalisêrlar evä, ama saat bestä sabaalen aşçiyka hem birkaç kari yardımci atêrlar onnarı fırına. Vakıdı lääzim ölä sayıklamaa, ani sofraya deyni sarmalar olsunnar ne suuk, ne sıcak. Ateşin yalını fırında aşçiyka taa çok ellinnän deneer, da taa bir sira da yok isittiim, ani o dayanamasın yalına ya da aalaşsin, ani haşlak! Sofraya geler gözäl kizardılmış, birä-bir, yalabık sarmalar, natural bir imäk, onnarda fırının sıcak kokusu, bir damna uzaktan-uzaa urêr tütnä, ama bir dä restoranda siz iyämeyecezin bölä gözäl kokulu hem datlı sarmalar, zerä gagauz sarmalarına koyulêr en önemni iş – sevgi! Herbir düünä, yortuya, pomanaya sarma sarilêr çok, ani olsun neyi daatmaa

komuşulara, senseleyä. Bölä bizim milletimiz, bizim gagauzlar. "Sarma ozaman etišer, nezaman kalêr", – üüreder gençleri ihtärlar. Farfirilerä da sarmaları läázim uygun erleştirmää, bulaşmasın kenarlar, zerä mana bulaceklar! Bu bizim imäk kulturamızın bir parçası, pek meraklı hem özel. Bu adetlär hep taa yaşêér, ama yaarın var nicä hepsi diiilsin. Bitkidä danışêrim sizä: sevin hem koruyun adetlerimizi, bol-bol toplayın yaprak, sarın sarma, buyur edin komuşulara, dostlarınıza.

Bereketli olsun!

Aleksandra Kristova

89. Ayırmaklı bir takrir yazın, önemli işleri açıklayarak.

AYOZ DİMİTRİ BASARABOV GAGAUZDU MU?



Viktor
Kopuşcu

Ay-Boba Mihail Çakir "Hakikatın sesi" gazetasının 25-ci nomerindä yazdı gagauz dilindä ayoz Dimitri Basarabovun yaşamاسını. Bitkidä Ay-Boba yazêr, ani halizdän diil belli, angı millettänmiş ayoz Dimitri. Bulgarlar deyärmiş, ani o bulgar, rominnar deyärmiş, ani o romin, ama gagauzlar onu gagauz sayarmış. Onun duuması Basarbovo küyündäymiş, neredä gagauzlar yaşarmış. Nicä dä ayoz Feofil, angısı duumuş XV asirdä Zihna adında gagauz küyündä (Gretya), ayoz Dimitri dä var nasıl gagauz halkından sayılsın. Gagauzlar bu ayozun yaşamاسını bilsinnär hem ona duada danışınnar deyni, aşaada veriler onun yaşamاسı. Rus klisesindä ayoz Dimitri anilêr kasım ayının 8-dä, Kasım gündündä.

Ayoz Dimitri duudu şindiki Bulgariya topraklarında bulunan Basarbovo küyündä, Ruse kasabasına yakın. Bu ayozun yaşaması bizä etiştî birkaç variantta:

Hilendarlı Paisi, angısı bulgar milletçiliinin başında durardı, sayardı, ani Dimitri dünnedän bir adammış, angısı yalnız yaşamış bir derenin yanında. Burada o dikmiş bir baa da Allaha duada geçirärmiş zamanı. Öldüktän sora onun güüdesini almışlar Basarbovo küyüünü, neredä ondan çok şaşılacak iş çeketmiş olmaa. Ayoz Paisi yazêr, ani Dimitri ölmüş 1685 yilda.

Başka versiyaya göre, Dimitri duumuş fukaara, ama inannı bir ayledä, çok sevärmiş hayvannarı, da ona vermişlär sürü gütmää. O okadar çok sevärmiş hayvannarı hem kuşları, ani bir kerä bozmuş bir yuvayı da sora üç yıl yalnızak gezmiş bu iş için.

Üçüncü variant deer, ani ayoz evliymış, ama uşakları yokmuş. Karısı öldüynän, o kabletmiş monahlı Basarbovo kaya manastırında, neredä anılmış büyük asket zaametlerinnän. Oleceykân, ayoz gelmiş Rusenski-Lom deresinin yanına, neredä ölmüş büyük taşların arasında, angıları ona sandık olmuş. Açılan deredä su kalkmış, ayoz güüdesi su akımınınan barabar gitmiş. Ozaman ayoz Dimitri bir şeytanni kiza gelmiş da demiş,

ani onun güüdesini sudan alsınnar, da kız alışacek. Ayoz güüdeyi bulmuşlar da Basarbovo küüyünün klisesinä almışlar.

1768–1774 yıllarda olan rus-türk cengindä ayozun güüdesini istedilär Rusiyaya almaa. Açıñ güüdeyi Bukureşä getirdilär, Hacı Dimitri adında bir zengin adam hem Ugro-vlah mitropoliti II Grigori yalvardılar graf Petri Saltikova, ani moşçılär kasabada kalsınnar. Ozamandan beeri ayoz Dimitri Basarabovun güüdesi Bukureş kafedralında bulunêr. 1955 yilda ayozun kanonîzayısi oldu.

Viktor Kopuşeu

§ 14. TAKRİR YARATMALI EKLNTİSİNNÄN

90. Okuyun teksti demekli. Yapın iş laflarlan, angıların maanalarını bilmeersiniz, danışın sözlüklerä. Açıklayın bu söyleşin maanasını: "Paraylan mutluluk satın almaz".

GERÇEK ZENGİNNİK NEDİR?

Nekadar fasıl kızmışın, mari Marisol. Annamêêrim seni. Neçin geldin gözäl Kaliforniyandan burayı nicä „Peace Corps“ işçi?

– Of, – cuvap etti Marisol, – genä hem genä sorêrsin bu sorusu, Anna. Cuvap etmedim mi artık?

Içini çekti. Masaya urdu parmaklarınınan.

– Bak, – devam etti Anna. – Yaşardın San-Diegoda, ray gibi gözäl bir erdä. Okean var orada. Plaj var. Gördüm foto. Siirettim film. Sän var nicä üzäysin her gün denizdä nicä deniz kızı.

Marisol güldü.

– Bak, – devam etti Anna. – Yaşamêêriz ölä, mari Anna. Coyumuz lääzim işleyelim nicä normal insan. Sendä varmış fantaziya benim erim için. Yaşamamız benzämeer filmä.

– Olsun. Ama neçin geldin bizim fukaara erimizä, açan vardi nicä kalaşin zengin vatanında?

Marisol güldü. Aldı bir yudum çay.

– Anna, – cuvap etti, – senincä para pek önemni bir iştir, diil mi dooru?

– Elbetki! – karşılık etti Anna. – Bän pek isteerim gideyim Rusiyaya ya da Amerikaya, taa islää yaşamak yaşamım deyni. Burada kötü ekonomik situaşıya var, islää iş yok...

Marisol güldü genä.

– Annêêrim, ama bizdä var bir söyleş: "Paraylan mutluluk satın alınmaz". Bän dä ekleyecäm bunu: "Paraylan var nicä satın alasın mutsuzzluu". Annadin mı?

– Yok.

– Bak. Benim var çok dostum kızlıımdan, ani öldü ya kapana atıldı. Bilersin mi neçin?

Anna kafasını salladı.

– Parası vardı, ama akı yokmuş. Kaybelmişlär narkotiklerdän, diil yakışıklı ilişkilerdän, kompyuter zakonsuzluundan, hertürlü akılsızlıktan... Para kolay-kolay bulunêr, ama bu dünnedä neredä bulalım aariflik? Söleyim bir iş. Severim vatanımı. Pek severim onu. Beenerim parayı, nicä herkez. Acan benim bobayan anam etiștilär Meksikadan San Diegoya, bän küçük kızkan, biz pek fukaaraydık. Çok gecä açtım, açan yatardım, çünkü imäk yoktu bizdä. Yaşamamda gördüm fukaaralık hem para. Ama gördüm, nasıl para var niça bozsun insannarı da. Ray yok bu dünnedä. Vardı, ama kaybelmiş, açan idik o mevvayı...

– Of, – dedi Anna. – O eski masal... Lafedersin, nicä benim malim.

– Bän sä beenerim senin malini. O benzeer benim malimä. Bilersin mi ne, mari Anna? Zenginnik var artık senin yaşamanda, ama bilmeersin, neredä bulunêr.

Monah Kosmas

 91. Okuyun demekli teksti ukrain dilindä. Çevirin gagauz dilinä da aazdan annadin onun içindekisini kısadan. Argumentläyin, nicä annêerrsınız bu lafları: "Pişman olmanın geç ödää".

Я ПІЗНО ЗРОЗУМІВ...

Мати моя була маленькою худенькою жінкою з дуже м'яким і веселим характером. Її всі любили. А вона любила мене, для мене жила і працювала. Рано ставши вдовою, так і не вийшла заміж. Я добре пам'ятаю, як вона вперше повела мене до школи. Ми з нею дуже хвилювалися. На шкільному подвір'ї було багато дорослих, і всі вони трималися за своїх дітей. Коли дітям звеліли вишикуватись у шеренгу, батьки вишикувались разом із ними. Кучерявий учитель з усмішкою сказав: "Дорослі, відійдіть, школярі підуть у класи без вас". Мати, відпустивши мою руку, сказала: "Не плач, опануй себе, ти ж чоловік", – і підштовхнула мене. Та я дуже швидко призвичайвся до нових обставин і заявив, що ходитиму до школи самостійно, і мати по телефону сказала подрузі: "Він став зовсім дорослим, до школиходить сам і послав кішку до бісової мами".

Пам'ятаю, у четвертому класі одна дівчинка подарувала мені живу черепаху. Мені ніхто ніколи не дарував черепах, і я дуже полюбив цю дівчинку. Я зробив їй у подарунок каламар із кори, та вона віддала той каламар іншій дівчинці, сказавши, що це не каламар, а "бузня". Вдома я, не витримавши, розревівся й розповів усе матері. "Знаєш, – сказала вона, – зі мною одного разу сталося таке саме. Це дуже боляче, і я теж плакала, але я жінка, мені це можна пробачити, а ти чоловік, опануй себе". Мені стало легше, і я відразу розлюбив те примхливе дівчисько.

Свого батька я не пам'ятаю, мати сама виховувала мене. І я не замислювався, легко їй чи важко. Ми дружно й весело жили. Вона працювала, я вчився, у вільний час ми ходили на лижах, у театр, а вечорами любили мріяти про майбутнє. Вона мріяла, що в мене буде сильний характер і що я буду письменником, а я – про те, як матиму постійний пропуск у кіно. Так було до дев'ятого класу.

Тут, як казала мати, мене підмінили. Може, це сталося тому, що в мене з'явилися нові приятелі, яких мені хотілося наслідувати, але я думаю, що перекладати провину на приятелів не варто. Мені було 16 років, і дещо я вже тямив.

Я почав вести самостійне життя. Це виявлялось у тому, що я пізно приходив додому, став погано вчитися, навчився курити й перестав дивитися матері у вічі. Одного разу я, повертаючись о третій ночі, помітив біля своїх воріт маленьку фігурку матері. Від сорому, що вона не спить через мене, що зараз вона побачить, що я випив, я прошов повз неї, ніби не впізнав.

Після десятирічки до інституту я не потрапив, адже доки жив самостійним життям, по суті, не навчався. Я пішов працювати. У мене з'явилися власні гроші, але я віддав матері лише першу зарплату.

Якось я помітив у неї на столику валідол, але я ніколи не чув, щоб вона скаржилася на серце. Сусіди вважали, що останнім часом вона змінилась, але я бачив її щодня й не помічав цього, точніше, не хотів помічати.

Так минув рік, настала весна, і мати стала вмовляти мене готовуватись до іспитів. Я розумів, що вона має рацію, та мені не вистачало волі. Настав травень. Зустрів я його добре. Два святкових дні в мене збиралася компанія. Мама, все нам приготувавши, йшла до подруги. Третього я поїхав з хлопцями за місто. Ідучи, забув залишити матері записку, що не прийду ночувати.

Прийшов додому я четвертого після роботи, але її вже не застав: вона померла третього ввечері, коли у квартирі нікого не було.

З компанією, яка не подобалась моїй матері, я відразу порвав. Справжніх друзів серед них не було, я це зробив зовсім без жалю. Не кидаючи роботи, я став готовуватися до іспитів і восени, склавши все на п'ятірки, раптово зрозумів, що радість, яку немає з ким розділити, втрачає свою чарівність.



На другому курсі я дуже подружився з одним студентом. Олег був серйозним і добродушним хлопцем. Дивлячись на нього, я думав, що він сподобався б моїй мамі. Вихованець дитячого будинку, він зберіг лише неясні спогади про своїх батьків, яких втратив у ранньому дитинстві.

Я відчував страшенну потребу розповісти йому все про свою матір, про наше чудове життя до останніх двох років, про те, як я мучив її і втратив. Слухаючи

мене, Олег ставав усе суворішим, одного разу він крізь зуби прощів: „Мерзотник!” А я, розповідаючи, раптом ясно зрозумів, що для того, щоб убити людину, зовсім не треба хотіти її вбити, – це можна робити щодня байдуже, не розуміючи, чим це може скінчитись. Я зрозумів це надто пізно.

Зазвичай, коли ми сиділи з Олегом у мене, я потім проводжав його до метро. Того вечора він сухо сказав: „Не проводжай”. Я відчував, що можу втратити друга. Найдужче того вечора мені хотілося почути слова: „Не плач, опануй себе, ти ж чоловік”.

За тиждень Олег підійшов до мене. „Маю до тебе прохання, – сказав він, – напиши все, що ти мені розказав. Так, як розказав, так і напиши. Твоя мама хотіла, щоб ти писав, спробуй для неї...”

Та, кому я присвятив це оповідання, ніколи його не прочитає й не дізнається, що я все життя старатимусь стати таким, як вона хотіла, – я опанував себе, адже я – чоловік.

Є. Ауербах

§ 15. YARATMA

92. Yazın yaratma, ayırip temanın birisini.

- 1) Dil verilmiş insana nicä bir minuniyä, nicä talisman.
- 2) Hava Bucakta.
- 3) Hepsindän kaavi te o, kim biler kullanmaa kendi-kendini.
- 4) Bän şindiki cümnedä.

93. Beendii temaya görä yazın bir yaratma-fikirlemä.

- 1) „Diiştirer mi kompyuter kiyadı”
- 2) „Kolay mı olmaa üürenici”
- 3) „Er bän olaydım üüredici...”
- 4) „Hoşluu inanmaa deyni, läätzim önce yapmaa onu.” (*L. N. Tolstoy*)
- 5) „Neyi alış-veriş paraylan yapamazsin”.

§ 16. TEKSTİN DÜZÜLMESİ, SÖZÜN STİLLERİ HEM JANRALARI

94. Okuyun demekli teksti. Belliedin onun strukturasını, payedin abzaşlara, koyun herbirinä ad. Annadin plana görä içindekisini.

ZÜMBÜLLÜ BAALAR

Var Avdarmada bir er, angısına deerlär Bostan baaları. O bulunêr, girärkän Avdarmaya Komrat yolundan, şoşenin sol tarafında. Taa evel

vaktılarda dädular, bezbelli, ilkin ektilär orada karpuzlan kaun, da o beterä kaldı o erin adı Bostan baaları. Ama bir elli-altmış yıl geeri o erdä büyüärdi gözäl hem kudretli zaybir baaları. O çotuklar pek kaa-viydi hem üzümneri pek iiriyydi hem tathydi. Vardı kara zaybir, kuderka hem kara yalabik. Ozaman er taa dinneniki, o beterä ölä zengindi o ba-alarin bereketi. Bütün küüyün insanı beenärdi imää o üzümnerdän.

Bostan baaları anılmıştı küü içindä, ama diil sat üzümnerinnän. Orada büyüärdi petrov üzümü, güvem, yaban gülü hem taa çok başca gümelär. Onnardan kaarä vardı çok fidan: alma, erik, ayva, zerdeli, armut, dut, ceviz. Netürlü ot ya da kır çiçää yoktu orada? Fidannarda sıklık çalardı kuşlar, göktä sabaalendän ötárdi civırliga..

Sansın gagauzların bütün erinin zenginnii büümüşü burada. Okadar eşilik zebillii, angıların taa çoyunu ekmiştilär kendi ellerinnän bizim dädular. Masal gibi bir er, neredä geçti bizim küçüklümüz. Ama o masalı bizä kendi çalışkannınnan yapmıştı onnar, kimä biz läazım şükür edelim, ani büünkü gündä basêriz bu ayozlu topraa.

Neçin benim aklıma geldi Bostan baaları? Var çok başca gözäl erlär bu dünnedä. Küçükkan, açan işidärdim halk türkünün laflarını „Zümbüllü baalara, keçi pindi dallara...”, pek isteerdim görmää o zümbüllü baaları. Büdüynän annadim, ani bän o zümbüllü baalarda büümüşüm. Büünkü gündä dä var Bostan baaları, ama o eski ayozlu, büülü baalar yaşêér bizim üreklermizdä. Bostan baaları – zümbüllü baalar!

95. Okuyun demekli teksti. Ayırın lafları, angıların annamêerrsınız maanalarını da yazın tefterlernizä. Danışın sözlüklerä annamaa deyni bu lafların maanalarını. Düzün onnarlan sadä hem katlı cümhä.

GAGAUZ BILIMINDÄN ADLAR: ELENA KOLTÀ

En ürenmiş, en annayan, en becerekli filologlarımızın birisiydi. Duuması – Komratta 1935 yılın kirez ayın edisindä. Uşaklık yaşları düşerlär zor cenk hem aaçlık yıllarına. Nelär çekmiş, nedän kurtulabilmiş halkımız o zulum vakıtlarda – bunu Länka kaku okumamış kiyatlarda, siiretmemiş kinoda, ama geçirmiş, yaşamış kendisi.

Yavaş-yavaş yaşamak başlamış doorulmaa. Bulunmuş kolaylık ürenmää. 1958-dä genç, gözäl gagauzka Lena Koltà bitirer Kişinöv Üniversitesi'nin istoriya-filoloji fakultetini (bölüm – rus dili hem literatürası).

Sora başlêér zaamet etmää bilim tarlasında – Akademiyada. Pay alér üçtomnu „Rusça-moldovanca laflıñ” hazırlamasında. Bu akademik laflıñ üzä çıkarmaa deyni, 7 aaraştırcı çalışêrlar 18 yıl! Laflık basılér 1986–1988 yıllarda. Ona girer 80000 laf, toplama 2000 sayfa. Bu sıradan dışarı işi Bilim Akademyasının prezidiumu nişannêr diplomnan, hazırlayannar kablederlär premiya.

Hiç bir zaman Länka kaku unutmardı ana dilinin problemaları için: havezli meraklan toplardı türlü halk yaratmalarını: söyleş, bilmeycä, masal. Diil ani läazım, ama canına yakın deyni.

Altmışinci yıllarda taa üç kişiyään (*Gavril Gaydarci, Boris Tukan, Lüdmila Pokrovskaya*) ortaklaşip, Elena Kirilovna tutunêr hazırlamaa bir büyük laflık. Bitki – bitkiyä 1973-tä Moskvada basılêr “Gagauzça – rusça – moldovanca laflık”: 11500 laf hem laf birleşmesi, türlü örnekler, eklemeklär – 664 (!) ufacık bukvalı sayfa. Bu eşsiz olan lafluin yarısını (50%) alêr üstünä Länka kaku.

Ozamandan beeri çıktı taa bir sıra gagauz laflii, ama o lafluin yanına hiç birisi yok nasıl yaklaşsin da. Hem doluluk bakımından, hem sözcülük teoriya kurallarına uygunnuk bakımından. Bölâ profesionalca yapılan sözlük gagauzlarda yoktu hem diil belli nezaman olacek.

Sekseninci yıllarda, açan millet kulturalarına yol verildi, Elena Kirilovna koşuldu hazırlamaa orfografiya kurallarını, şkola programalarını, şkola kiyatlarını, hrestomatiya h.b. Pay alêr iki büyük halklararası iştä: “Türk dilleri lingvistika atlasi” hem “Evropa lingvistika atlasi”.

Urgulamaa isteरerim: o çalışamardı ötáä-beeri, üstün-körü, eki alatlayarak. Baalandı işi yapardı düşünüpä, ilkin kafasında onu yuurup, erleştirip, elinä kalemi alardı. Aklıma geler, nicä o yazdıydi benim ilk peet kiyadıma bir retenziya: maşinkada urulu 11 sayfa, diil formalca, ama ürektän geleni yazıya dökmüştü.

Länka kaku – bir açık, ömür sevän insandi. Ne varsa üreendä, onu saklayamardı, söyleerdi üzünä. Kaç kerä vardır dediim yarı-şaka:

– Länka kaku, Canabindän politikacı olmayacek.

– Näbayım, Petraki, – deyärdi o, – şalver hem ikiüzlü olamêérím, insana açıkım, kimseyä kin gütmeerim. Kızsam da – osaat suuérím, küsüm çabuk geçer. Kim beni annêér, benimnän kolay annaşér. Bölâ benim tabeetim.

* * *

Elena Kirilovna Kolta geçindi onbeş yıl geeri martin 10-da. M. V. Marunovic adına bilim-aaraştırma merkezinin planında – hazırlamaa hem tiparlamaa bir kiyat, nereyä girecek E. Koltanın yazıları lingvistika uurunda hem onun topladı folklor örnekleri. Pek islää neet. Ama, bana görä, bu az. Gagauziya öndercileri hem Komrat primariyası var nasıl karar alsinnar, aniki Elena Kirilovnanın adı unudulmasın, anılsın o uurda, nasıl yaraşér bu insanın dilimiz için yaptıklarına.

Petri Çebotar

96. Söläyin, nesoy söz stillerini bilersiniz? Neyä görä onnarı tanêerrsınız?
Belliedin bu tekstin stilini, onun dil kolaylıklarını?

ALTIN EKMÄÄN PAASI

Ekme – hepsinä baş. Eveldän yasêêrlar bu laflar çok halklarda, bölâ doru. Ölä da var, ekmek – en öz iş, ne yapêr devleti taa kaavi, taa kuvetli.

Açan bakêrsin yazın bu altın kırlara, dolu başaklara, şen tenelerä, osaat aklına geler te o insannar, çiftçilär, angıların elli^r kokêrlar ek-

mää, gecä-gündüz işleyän, uykusuz-dinnenmeksziz, neçin ki onnarsız ekmeğ olmayacek.

Yılın zamannarı vererlär bizä umut. Güzün, açan teneyi topraa atêrlar, kışın, açan kaba yorgannan örtülerlär güzlüklär, ilkyazın, açan yot-eşil kilimdän gözlerini atamêrsin.

Elbekti, en çok kuvet koyulêr sıcak yaz zamanında, açan geler vakıt toplamaa bereketi.

En öz rolü burada oynêrlar ekmek – booday büdüdän adam.

Hepsi: traktorcular, kombaynacilar, haydaycilar, agronomlar, çifçilär – ter-su içindä üzleri, savaşêrlar toplamaa herbir tenecii da koymaa bereketi hambarlara.

Ukrainada var güzel bir laf, angısınınna baaşlêêrlar ekmek büdüdän insana – ekmek-baaşış.

Kırlarda onnar bütün yıl. Biz lääzim diz çokelim onnarın önnerindä.

Ekmää biz sayêriz en öz imäk. Onsuz bir da sofra benzämeer sofraya. Zanaat, angısını ayirêrlar bölä insannar, en faydalı, en meraklı, en lääzimni. Tutunuz aklınızda bunu her keret!

Vasiliy Peskova görä.

Çevirdi hem erleştirdi Ivan Födoroviç Kior

BAY VANI

Bu iş dekabridäydi. Bän henez indiydim avtobustan avtostanlıyada da, urup sumkayı arkama, gidärdim evä. Evdä bän yoktum bu sıra dört hafta, onuştan pek özlediydim evdekileri. Taman bobam da reystän sora dinnenärdi evdä birkaç gün. Pek istäärdim onunnan buluşmaa, neçinki iki aya kadar onu görmediydim, hep yollarda, kipmayıp gözlerini, maşinayı koolardı.

Bän Kişinövdan gelärkän, bir yaamur boşandı, pek çok yaamadı, ama bizim küüdä yollara bu etti. Yollar yımışadılar, onuştan lääzimdi bakmaa pek islää ayakların altına, ki girmemää batak içinä. Artık karannicak olardı, hepsi evlerdä tutuşardi şafklar, aylelär toplanardilar iştän sora evlerinä.

Bana kaldıydı iki sokak evädän, açan bän gördüm aul boyunda bir adam. O yatardı erdä, üstü sade batak olmuştu, bir bakıştan vardi nicä annamaa, ani bu adam içki kaptırmış islää. Yayıp kollarını her taraflara, o uyuyardı surati yukarı da daul gibi hırlaardi.

Bän düşündüm bu adamın karısı için, nicä bekleer onu da, bilmeyip, neredä o, bulamêêr kendinä er. Yaklaşıp taa yakın, bän benzettim bu sarfoşu bizim senseleyä, bay Vaniyä. Durgunup onun yanında, bän heptän annadım, ani yanlışmadım.

Yoktu nicä onu brakmaa bölä yol üstündä. Erdän suuk geler, hem var nicä kimsey gezsin köplerindä, alıp onun parasını. Koyup bir tarafa sumkayı, bän başladım onu uyandırmama. Ama taa ilindi tankı aktarmaa

başaşaa, nekadar uyandırmaa bay Vaniyi. Belliydi, ani o dalmıştı uyku-ya islää, bekim, ona gelärdi, ani o uyuyêr döşeendä.

Görüp, ani, sallayıp bay Vaninin kolunu, bän bişey yapamadım, bän başladım onu kaldırmaa. Bezbelli, duydu bu adam, ani onu sallêêrlar nicä çuvalı, da çeketti gelmää kentinä. Baştan açtı bir gözünü. Kapadı. Açıtı öbür gözünü. Kapadı. Açıp ikisini dä gözlerini, o yavaş-yavaş uyan-dı, annayıp, neredä bulunêr. Bana geler, beni o tanımadı birdän, neçinki sordu bana bir fasıl soruş:

– Lambu, sän mi beni dürtersin? Kendin domuz gibi sarfoştun! Ne, ölä hızlı aydın mı?

Bän sustum. Bay Vani, oflayıp, mekleyerák, yavaş-yavaş kalktı ayak-larına da yaptı bir-iki adım sansın henez üürenärdi gezmää. Köstekle-nip taşa, o uçaceydi burnusunnan batak içünä, bän tutmaydım onu.

– Bay Vani, hadi bän sizä yardım edecäm evä etişmää.

– Kimsin sän, çocuum? Bän kendim dä etişecäm... Ama, hadi yardım et, yoruldum büün, bütün gün iştäydim. Sora ortaklarlan barda üzär gram çektik. Sora taa... allem. Bän artık tutmêérüm aklında. Senin nicä adın, oolum?

Bän söledim bay Vaniyä adımı.

– Kostika, sän mi?! Gördüm, zotkan kimäsä benzeer. Sän ne küüdä görünmeersin? AA, üürenersin... Üürenmää lääzim. Kırdı işlemää pek zor. Üürenin da taa ilin bizdän işläyin, da taa çok kazanın...

Bay Vaninin aazı hiç kapanmadı. Gidärdi o yavaş, benim artık başla-dıydı üfkäm ona çıkışmaa. Birkaç kerä mamu zvontetti bana. Imää hazır, beni bekleerlär. Söleyip, neçin geç kalêrim, bän kapadım telefonu, gi-derák ötää dooru. Benim kurtkam olduydu sade batak, neçinki bay Vani tutunardı bendän bataklı ellärlän. Buna artık bakmaip, bän düşünär-dim taa hızlı götürmää onu evä da etişmää aylemä.

– Neçin, bay Vani, iştän sora evä gitmemişin? Ne bu kadaрадan çok iç-mişin?

Bay Vani, işidip bu lafları, durgundu da, dartıp kendi kolunu benim ellerimdän, söledi:

– Sän ne beni üüredersin? Küçüksün taa bu iş için! Yaşamayı taa an-namadın, üüredersin büyükleri!

Görüp, ani bän onu gücendirdim, alatladım sölemää:

– Afet, bay Vani. Bän üüretmeerim, ama ne, islää mi gelecek buli So-niyä, görüp seni bu halda?

Söleyerák bu lafları, bän kaptım bay Vaninin kolunu, da biz toparlan-dık ötää dooru.

– Buli Soni bişey demeyecek... Sän ne, bilmeersin mi, ani o yok evdä?

– Bilmeerim. Bän küüdä pek az vakıt bulunêrim. Neredä o?

– Kazanmakta. Turtiyada. Artık üç yıldan sora olacak. Nicä gitti, bir kerä dä evä gelmedi. Sade para yollêer usaklırlara hem bana...

Bay Vani, zor oflayıp, sustu, da biz yollandık ileri dooru, katmayıp bir
dä laf biri-birimizä.

Bän aklimca düşünärdim: „Dooru da yapêr buli Soni, ani gelmeer. Ne bu sarfoşlan kafa düümää mi? Her avşam gelsin evä içkili, çeketsin barmaa hem düümää...”

Sansın annayıp benim düşünmeklerimi, bay Vani söledi:

– Bän taa ileri bukadar çok içmeezdim. Olardı ayda bir, iki sıra, ama göster bana makarki bir adamı küüdä, angısı hiç içmeer. Ştundaları burayı katmêérim.

Ozaman, üç yıl geeri, pek zordu paraylan. Uşaklar üürenmää başladilar universitetta, a Kişinövda, kedin bilersin, nekadar yaşamaa çok para gider. Bän traktorist işleerdim kırda, ama para gördärdim siirek. Düşündük biz Soniylän, ne yapmaa da para kazanmaa, yaşamaa deyni. Bizim komuşuyka taman o vakit Turtiyaya hazırlanardı gitmää kazanmaa. Aldik ödünç para, da, dokumentlerini yaptıynan, sora Soni gitti Turtiyaya.

Bay Vani söleerde bunnarı bana, bezbelli, bu lafları o her gün kafasından geçirärди, ama sölemää yoktu kimä. Olmaydı o içkili, bän düşünerim, ani bän dä işitmeyeceydim bunnarı hepsini.

— İlk vakıtlar o pek darsıyardı yabancılıkta. Zvontedärdi her haf-
ta, aalardı trubkaya. Bän dä pek darsıyardım, görüp, nicä o zeetlener
Turtiyada. Bän da işleerdim gecä-gündüz, içkiyi heptän braktıydım.

Soni gideceykän, bizim aramızda laf oldu, ani o, altı ay geçtiynän, gelecek evä, da sora düşünecez, gitsin mi o taa bir sıra ya da dursun evdä mi, da gideyim kazanmaa bän. Ama altı ay geçti, da Soni laf da yapmadı, evä gelmää deyni. Sölärdi, ani işi pek islää, gelärsa evä, kaybedecek onu, da başka bölä paralı er bulamayacak.

Bän şaşardım, nereyi kaybeldi o aalayan karı, angısı dayanamazdı, ani geçsin vakıt, da gelsin evä. Şindi Soni artık zvontetmää başladı sii-rek, zvontedärdi sade sölemää, ani parayı gideyim almaa banktan, açan yollaardı.

Gördüynän, ani Soninin yok neeti gelmää geeri, bän başladım çok içmää. Açılan kafam semeli, bän unudêrim birkaç saada, ani ev bom-boş, karannık, insan yok, seslär işidilmeerlär...

Uşaklar, görüp, ani bän sarfoş gezerim, aldilar mamusunun tarafına, söyleyip ona, ani taa ii kalsın Turṭiyada, neçin ona lääzim, geldiynän, çü-rümää küüdä sarfoşlan. Bän isittim aalemdän, ani mamusu yollamış onnara para yola deyni, da, gidip Stambula, buluşmuşlar orada. Evä onnar basmêêrlar yıldan zeedä.

Benim buazumda sansın bir yumak oldu bay Vaninin laflarından sora. Benim pek canım acıyardı ona, ama neylän var nasıl yardım etmää burada?..

Biz artık yaklaştık bay Vaninin evin yanına.

– Benim laflarımı alma cana yakın, Kostika. Ama ileri dooru, yaşar-kan aylännän, yap ölää, ani ihtärlikta kalmayasın yalnız dünnedä, hiç kimseyä diil lääzim.

Silip batakli ellän yaşlarını, bay Vani öründü karannik aul içünä...

Nikolay Esir

97. Okuyun teksti demekli. Koyun ona iki ad: birisi açıklasın temasını, öbürü da – öz fikirini.

AZ OLSUN DA UZ OLSUN

Bir iş yaparsan, yap onu niça düşer. Bişey edenärsän, tamahlanma çok olsun, ama bak olsun kaavi, dayanıklı.

Raametli bobam getirmiştii 1957 ylda (benim duuma yılümda) Vengri-yadan bir ruba çetkasi. Biz onu kullandık 15 yıl (!) kadar. Çetka artık başladıdydi eskimää – tafta tutaandan silindiydi lak, kilları sansın başladıdydi aşınmaa, kısalmaa. Bir kerä baka getirdi bir eni ruba çetkasi – gercik plastiktän. Eski çetkayı da sibitmadık, ama başladık kullanmaa ayak kabı çetkasi gibi. Geçsin-geçmesin bir yıl – eni, gözäl çetka başla-dı daalmaa, param-parça olmaa. Eskisi sä nica vardi, hep ölecäydi. “Ey, bak sän işi! – giriştii tüülenmää baka. – Mayılım gitti o ucuz çetkaya, osa ondan yokmuş ne katran olsun! Alsana, çocuum, garajdan biraz benzin da yıkayasin o madyar çetkasını, kullanacez onu taa birkaç yıl”...

Bän bitirdim şkolayı, gittim tüürenmää – o çetka hep taa işä yarardı. Irmi yıldan zeedä biz onu kullandık!

Türk.: Az olsun, uz (öz) olsun.


98.  Söläyin, ne o statya, oçerk, ese, intervju. Düzün birisini kendibaşına. Temayı ayırın kendiniz.



Literatura okumakları

STEPAN BULGAR

VANI PAPAZOGLU – RESİMCİNİN YOLU



Vani Papazoglu küçükkenä sevärdi gezmää Komradın dolayında. Burda tabiat diildi okadar şaşırıcı, ama çocukak sevärdi bakmaa kir uzaklına, nekadar uzak görünüärdi ona. Neredäsä uzakta görünärdi kiminsä meyva aaçları, taa uzakta – birkaç kavak aaci hem siirek büyün ceviz aaçları... Bakarak dolaylara, Vani düşünärdi, ani açan büüyecek, olacek resimci da gidecek gözäl geografiya erlerinä da resim edecek o görüntüleri...

Bobası çocuun Atanas Papazoglu hem anası Elizaveta çiftçi aylesiydilär, ama bobası kullanardı alış-veriş zanaatını. Evleri onnarın bulunardı kasabanın merkezindä.

Atanas Papazoglunun evinin maazasında vardı tükäni. Açılan olardı panayırın günneri, Komradın merkezinä toplanardılar bütün dolay küülerdän taligalarlan çiftçilär. Onnar getirär-dilär satmaa türlü eşilliklär: patlakan, salata, mor patlakan, laana, morkva, alma, kirez, zerdeli, ayva. Taligalardan çiftçilär satardılar karpuz hem kaun.

Açılan Vani Papazoglu girdi üürenmää lişeyä, orada resim klasında ta-nıştı üüredici Toma Salıçkoylan. Bu üüredici tezdä gördü Vani Papazog-luda talantı da bir gün dedi çocaa:

– Vani, bän açtım serbest resimcilik akademiyasını. Sän benim en ii üürenicimsin. Teklif ederim seni benim akademiyama.

– Bän pek isteरim üürenmää sizin akademiyanızda, saygılı üüredici.

Bundan sora haftada iki gün Vani gidärdi Toma Salıçkonun evinä, neredä toplanardı taa edi kişi üürenici. Burada Toma Salıçkonun akademiyasında uşaklar üürenärdilär Sankt-Peterburg resim akademiya metodologiyasına görä resim etmää. Kendi Toma Salıçkoda vardı pek islää bir resimcilik ustalı, angısını o üürenmişti eski Rusiyada. Usta annadardi yaradıcılıdın istoriyasını, üüredärdi resimcilik teoriyasını, da uşaklar yavaş-yavaş karandaştan geçärdilär guşa, yaalı boyaya. Kimi gün, açılan toplanardılar Komratta çiftçilär panayıra, usta Toma Salıçko götürärdi üürenicileri panayıra da gösterärdi onnara yaşamakta natür-mortları: mor patlacannarı sepet içindä, salat yivinnarını, taliga dolusu karpuzları hem kaunnarı.

– Hadi yapın bana bir kompoziTİya.

Toma Salıçko alardı satın biraz patlakan, salata, laana, karpuz, kaun, alma da verärdi üürenicilär yapsınnar onnardan interesli kompoziTİya.

O savaşardı dolay yaşamanın renklerini getirmää incäzanaata.

Git-gidä Vani Papazoglu çeketti göstermää ustalını, da Toma Saliçko metedärdi üürenicisini.

1921-ci yilda Vani bitirer Dimitri Kantemir lițeyini hem Serbest akademiyayı da söleer bobasına:

– Boba, mamu, bän isteirim gitmää Bukureşä universitetä resimcilik fakultetinä.

– İslää, çocuum, biz kayılız. Onun için topladık sana üürenmäk için para.

Birkaç gün Vani bobasının hazırladılar dokumentleri da bir gün bobası getirdi çocuu demir yol garasına, da Vani trennän yollandı Bukureşä, eni yaşamaya dooru.

Vani Papazoglu verdi hepsini ekzamenneri, da onu kablettilär üürenmää akademiyada. Bu kasabada Vaniyä açıldı çok işlär kultura uurunda. O tanıtı başka resimcilärlän, gidärdi açılan sergilerä hem dä kendiçi çok çalışardı.

1926-ci yilda Bukureştä yapıldı Vani Papazoglunun ilk personal resim sergisi. Bu sergidä genç resimci tanıttı kendisini nicä bir talantlı yaradıcı. Bu sergidän sora Vani açtı taa bir sıra resim sergisi. Onu şindän sora İslää taniyardılar Bukureş resim ustaları. 1933-cü yilda Vani Papazoglu yu kablettilär resimci “Ofițial salonu klubuna bir yıldan sora – “Rominiya resimci birliinä”.

Bütün yaşaması çalıştı resimcilik yaratmasında Vani Papazoglu. Küçüklik umutlarına görä o gidärdi resim yapma Rominiyanın en gözäl erlerinä. Çok kerä Vani Papazoglu gidärdi yazın Tuna boyuna da orada resim edärdi. Çok resim yaptı I. Papazoglu Rominiyanın kırlarında, küülerindä. Ama en çok sevärdi o yazın gitmää Dobrucaya, sevärdi o Balçık kasabasını, angısı bulunêr Kara deniz boyunda. Burada o çok yaz geçirdi çalışarak.

1945-ci yilda Vani Papazoglu kabletti Rominiya kultura ministerliin premiyasını. 1979-cu yilda milli festivalda ona verildi Rominiyanın bircinci premiyası.

Unuttu mu Vani Papazoglu Komradı? Yaşamasının bitki yıllarında o yazardı bir kiyat kendi küçüklüyü için. Kiyat tiparlanmadı, ama var el yazıları. Bu kiyat küçüklüyü için. Tä ne yazêr kendi aklına getirmekle ri için: “Hep çok durmamayca çalıştım. İsteyeräk dooru hem bütün can dan, bän koydum önumdä sade bir keez – çok borçlu olmaa iskustvonun önündä, ilk sirada diil lääzim satmaa ideyanı, diil lääzim kaybetmää açık fikirini, diil lääzim bozmaa onu, her gün lääzim çalışmaa, diil lääzim uzaklaşmaa ondan. Yaradıcılık aldı çok kurban benim yaşamamda”...

Resimci öldü 1986-ci yilda seksän iki yaşında.

Vani Papazoglu braktı bizä hepsimizä 1700 resim.

Mezarı Vani Papazoglunun bulunêr Komrat kasabasında.

Dionis Tanasoglu

UZUN KERVAN
(Roman parçaları)
BÜÜK KIR



*Masal gibi gelir,
Ama masal diildir.*

Annatsana, ba dedä-boba, ihtär kauşçu-peetçi, senselemizin o geçmiş zamannarı için, neleri akında tutêrsin. Näändan biz çekileriz? Kimmiş bizim dedelerimiz? Näända, nicä onnar yaşamış?

– Hey, dostlarım, bizim senselerimizin kökleri eskidän, pek eskidän akaceklar. Ölä eskidän, ani unudulêr. Ama hiç inanmêersin, ki ne çok aslı işlär olmuşlar, deyecez, iki-üç bin yıldan zeedä gegeri çoktankı oguzlarda, angıları peyda olmuşlardı eski Altayların erlerindä o zamannar.

Masal gibi gelir, ama masal diildir...

“Bir vakıtlar varmış, bir vakıtlar yokmuş...” – bölä sansın çekediler bizim masallar. Ha, bän da her bölä çekedeyim, ama aslı işleri annadıym. Dedelerimiz kimmış, dedin? Bunu bän ii aklımda tütêrim... da annadırıım.

Uzun pek zamannardan çok günduuusu erlerdä türlü yaşayan senselelär varmış, annadardı benim dedäm. Hepsindän eski hem çoklukmuşlar, ama çin insannarı oralarda. Korunmak için onnar kendi topraklarının anniklarında uzun hem yüksek duvar düzdülär – “Çin duvari” – uzunnuu 2450 km, yükseklii 11 m, kalınınu 7,5 m, her 100 metreda da birär külä. Ehe, ne düüslär olardı o duvarda, Allah korusun, haliz eski kid annarlan hem hunnarlan...

Da tä, te o duvardan gelelim buyanı bizä dooru, geçip Mogolistanı, Altayları, bütün Orta Asiyayı, Aral hem Azer denizlerinin kirlarını, İtil-deresini, Don-deresini, Nipruyu, çıkalım bizim Nistruya, Bucak kirlarına hem Tunaya bütün o meydan nekadar uzun, herbir bitkisiz kır tutêr – Büük Kir – o günduuusundan günbatısından, Onon hem Kerulen, Selenga derelerindän taa Tunayadan, hep kır... Tä budur o büülü Kir, ani pek eski zamannardan geniş kucaklarında büüdüp, Dünnäya türlü senseleleri getirdi. Onnar da, oradan oraya, gezeräk imeelik hem başka da yaşamak ihtizalarını bulmak için, koyun, sıır, hergelä otladarak, zamannar uzunnuunda yaşamayı diiştirmää savaşardılar... Çoyu onnarın Dünnä İstoriyasına faydalı girdilär, tä nicä oguz-türklär, uygurlar, kirgızlar, eski bulgarlar h.b.

– Dädu ba, afet, ani lafinı keserim, onnardan, olmalı, şindiki türk senseleleri çekilerlär?..

– Haliz, dostum, çekilerlär – kırgızlar, kazahlar, turkmennär...

Bu Büyük Kırın baş eriydi Altay toprakları, bayırları, kırları, Büyük Altay. E-he, o Altay alçaklarında o zamannar yaşamak ne fiyıldırdı.

– E, sindiki vakıttá, gená lafinı keseyim, afet, o Büyük Kırın genişlerindä üzlünlən senselä, milionnan insan yaşêér.

– Elbet, yaşêér, hem onnarın sırasında Kırın bu aşında Bucak gagauzları da, biz dä yaşêériz.

– Ya, ne käämil, ba dädu. Ama onnar, ani bu Kırdá yaşamışlar şindiyä nişan bişey, haber, izlerini brakti mi?

– Braktilar, elbekti, braktilar, anmak taşlarını yazılı haberlärlän mezarlarını, yaşamak erlerindä dä türlü ev tedariklerinden, iş-zaamet avadannıklarından, giyimnerindän... Bizä etiştii onnardan türlü türkülär dä, söyleşilär dä, legendalar, dastannar da, adetlär dä... Bunnar hepsi bir büyük hem derin, Ayna gibi, bu Büyük Kırın çoktankı zamannarını göstererlär, näändan eski eskitlär, sarmatlar, hunnar hem oguzlar, hazzarlar hem bulgarlar, alannar hem avarlar, uygurlar hem kırgızlar, peçeneklär hem kıpçaklar, eski mongollar, kıldanı-tatarlar... diri gibi bizim zamannara bakêrlar... Onnarın çoyu büünkü türlü türk senselelerinin dedä-atalarıdır. Hem, belliki, onnarın arasında bizim gagauzlar da eski dedeleri bulunur.

– Sayılêr, bizim da istoriyamız hep o zamannardan başlanêr? Hep o erlerdän?

– Elbet, elbet, eski oguzlardan başlanêr, zerä o oguzlar en aslı dedelemizdir bizim, nicä dä Osman türklerinin, azerilerin, turkmännerin... Bunu bizim kendi adımız da, gagauz, açık gösterer.

– Olsa ama taa yakından bilelim, taa ufaktan, bizim istoriyamızdan nelär hem nicä olmuşlar.

– Ee, bu uzun, pek uzun istoriyadır...

– Annat, ba ihtär boba-dedä, kauşçu-peetçi, annat.

– Çocuklarım, onun halizlerini salt anılmış usta ZAMAN hem bitmäz ÖMÜR bilerlär. Onnar benim dä eski kauşumu o akila getirmeklärlän doldurêrlar, ani kaybelmeerlär, sade unudulêrlar; da kauşum kendisi bana annadêr, bän dä, tä sizä. Onnarı, hadi, derneemizä çaaralim da barabar dirildelim o uzak senselelerimizin süretlerini, yaşamاسىنى، ساۋىشمالارنى da görelim, nasıl biz onnardan etişmişik...

Nezamandan insan peydalanmış o Büyük Altaylarda, zor akila getirmää. Ama sindi dä, iki-üç bin yıldan sora da, sansın işiderim o gezici arabaları odun tekerleklerdä gicirtilarını, oradan oraya taşıyarak üklü neleri vardı – uşak, karı, şamata; yannarı sora da adamnar atlı çetin beygirlerdä; geridän dä hayvan, koyun sürüleri, beygir hergeleleri otlayararak – hepsini ilerleerlär o kenarsız içindä, hiç bilmeyeräk, näänî dooru. Da ölä 25-30 ok atımı gündä aşarak...

Üzlärlän yıllar eni asirlerdän ileri Altaylar kırlarında hun senseleleri yaşardılar, cinnärlän komşu olarak.

Ama açan o Kır çok vakıda kuruydu, hunnarın da arasında bozışmak olduydu, onnar daaldiydilar başka erlerä. En çoyu, Atilla-hanın kolu altında, günbatısın İtila, sora da Evropaya akıştılar. Elbet, şindiki Bucak kırlarından da geçtilär, beki yaşıdalıar da biraz.

Oguzlar, hunnar gibi, eski pek bir senselä, Altayda bulunarak, bu kuran vaktlerinde kendi ecelini aarardılar.

Og-ogut-hanın kahrı büütü. Ama umudunu da kaybetmäzdi.

Türlü-Oguz senseleleri üusek bayırların bir eteendä topluș olmuştular.

– Hun-deresinä göçelim! – gür baardi birkaçı, uzun yapaalı biyaz kapaklarını sallayarak. – Hunnar, çoktan çıkışip, gitmişlär oradan, da o erlär dinnendilär artık, tavlı otlan örtündülär.

– Neçin “Hun-deresinä?” – kestirdi gücenikli başka adamnar, başka bir eski soydan. O derä bizimkiymiş çoktan, Orhon deresi o, yok ne adını bozmaa. Bizim taa eski senselelerimiz, oglar, orada yaşırmışlar, da bu ad onnardan kalmış...

– Durun, baarismayın, oglar! Geçecez, – durgudup bu tutuşmuşları, gevrek gür seslän dedi kırmızı-esmer çireli, batal, boz bıyıklı han, atlı yalabık kara-çakal beygirdä, angısını o gücülä erindä tutardı.

– Og-Ogul-han! Og-ogul! – baardi hepsi o oglar, sevineräk hem dayanmayarak. – Sän, bizim başımız, kararla da geçelim taa tez, zerä başkaları önemüzü alır, – ekledi soy başlarından biri. – Sän artık bilersin, Og-Ogul, ani te o yaban jujannar hep kaçarmışlar Çin topraklarından... erleşmesinnän orada?

– Haliz ani, – ekledi fikir ölçüsünnän bir aksakal, ani tutardı edektä bir büyük buynuzlu inek.

– Korkmayın, oglar, – uslandırdı insanı Og-Ogul. – Onnar Orhon-deresinä, Selenga kırlarına pek özenmeerlär çıkmää, ama kaplarmışlar taa çok aşaadaki erleri, näända yaşêér toprak işleyän insannar, zerä ju-jannar kendileri işlemää sevmäzmişlär, ama kapmaklan başkalarından maasulu yaşırmışlar.

Ama o açık erlerä çıkmää, – esaba çekti aksakallar, tütnü odun lülelerdän çekeräk, – biz esapléêriz, ani birleşik olmaa läätzim. Toplaşalıim biz dä soy soylan, senselä senseläylän bireri, ki bizim dä kuvedimiz olsun, biri-birimizä dayanarak. Ollarımızı bireri getirelim, uzlaşalıim, oguzluu düzelim.

– Og-uzu, deyecez, senselä berleşmesi olalım! – baardi bütün o toplum.

– Dillerimiz dä uyér, annaşılêr, – alatladı kurgaf hem balaban bir aksakal. – Tä siz, usullar, deersiniz ya “su”? Biz dä ölä deeriz, tubaalar da, tolislär dä, teleutlar da ...e “at”, “kuş”, “og”, “ogul”, “sîr”, “kün”, “ay”, “koyun”, “inek”... Saymak ta birtakimdir – “bir”, “iki”, “uç”, “tür”...?

– Og-uzu düzeriz! Og-uzu olêriz! – baardi Og-Ogul-han bir karar gibi kaldırıp bir elini yukarı, aydınnađıp heptän, suratını.

– Biz ama kayıl diiliz, – baardi ansızdan tolislerin senselä başı, çıkip ileri, dooru tüdüä beygirindä atlı.

– Biz başka kırlara gidecez, başka yaşayacez! – da, sıkıp beygirini, haydadı, onun da ardına akiştı bütün o senselä.

– Orada sizin işiniz, – uslu dedi han ardlarına da, çevirip beygirini, baardi: “Geçeriz, oguzlar, Orhon kırlarına!”

Taa o ilkyaz Orhon hem Selenga derelerinin kırları oguz yurtalarının – şatralarının, toprak bordeylerinnän doldular. O kırlar ölä eşerär-dilär, ani darsık hayvannar şaşırardılar, näända otlasınnar taa tez.

– Gittikçä hep zeedelenärdi og-uzluklar, onnarın hayvannarı, avadan-nıkları; birleşärdi taa da çok dilleri – oguz dili olardı.

Yaşamak o kırlarda şindi zor diildi: otlayacak vardi, hayvan vardi. Hayvan da varkan, katın da, giiyim dä vardi. Hem insan zanaatlanardı diil sade hayvancılıkları, ama avcılıkları da, kir avcılığının, koolamak avcılığının, haliz o büyük otçul hayvannarına, nicä kulannar, antilopalar, karacalar, yaban beygirleri...

Yaşamak gidärdi, üzyıllar geçärdi...

– Ee, te burada, ii dostlarım, durgunup, dinnenelim biraz, bir eski kumus içelim, bir dä şindiki boza.

Sora annadırım, taa nelär olmuştu ileri dooru.

ENI DEVLET “UZİEYALET”

(*Roman parçası*)

“Büyük Tuna-deresini geçip, kircilar Kara denizin boylarında erleştilär Vizantiya anniklarını korumaa... Beylik düzdülär”.

(*Vizanti hronikasından.*)

– Buralarda, Kara Denizin bu boylarında, erlär heptän başka, sansın taa toplu, kenarlı, diil ölä dam-daanik, uva-acıklık, hem otlayacak-kırlar hep ölä käämil, niceydi eski yurtluklarımızda. E, bizä dä ne lääzim, ya? Olsun, tavlı otlar, mallarımız tok hem çok, saalik hem iilik – hep sıralardı orta yaşıını geçmiş şansora hergeleci Sundubay bir kara cübeylän giiyimni vizanti popazina-misionerä, ani gelmişti bu eni insannarın arasında hristiyan dinini daalıştırmama, da üşenmemiş örysün yayan bu güdücünün ardına taa bu Özakay alçaklarına, näända tama-tamaa otlardı bunca hergelä, hayvan, koyun hem ordan-orayı kaçardı sırtmaçlar, hergelecelär, çobannar...

– Sizdä yok Teos, dua etmeersiniz, sizä pek zor olacek buralarda. Bu erlär sancta, ii... ayozlu... – yaptı bir büyük stavroz bu popaz hayvannara dooru.

– He, bizim duamız – Gök, Gün, Ay hem kılıç belimizdä, yay oklarlan hem dä kaçak beygir, – sineklenip, güleräk, dedi güdücü da istedi gitmää popazın yanından, ama bu, durgudup onu, başladı türlü işler taa sıralamaa:

- Vaatiz olursanız, siz kabledeceniz başka gözäl adlar, gideceniz her sabaa kliseyä, Teosu sesleyeceniz... Tä senin adım nicä?
- Sundubay, biz Sundubayıza taa... çoktan, dedäm yaşamış başka kırarda.
- Senin adım olmayacek ölä çirkin. Ama deyecez, Savelios, Simonis...
- He, he, he! Bölä adlar bizä yakışmaz! – kestirdi onu bu güdücü, da durgudup birdän gülmesini, yaklaştı popazın yakasına, kavradı boynusunda asılı kruçayı:
- Altın? Ha diişelim! Vererim bin aşık, kart koyun aşuu, onnar pek geçerlär! Annaştık mı?
- Diabolus! Al elini, kirli hayvan! – darttı “ayozlu” demiri popaz da, eteklerinä köstekleneräk, iiri-büürü kaptı yolu, sansın hiç yokmuş işi burada.
- Baş aarısı mı osa ürek mı tuttu bunu?! – şasa kaldı güdücü da gitti annatsın özür güdücülerä dä bu fistannı adamnan lafetmesini.
- Onnarın kendi zoru var, – dedi bir ihtär hergeleci, tarayarak siirek sakalını kuru parmaklarından. O peçenekti. Onnar pek az kaldıydı şindi bu erlerdä.
- Bizim zorumuz ama göçünlük etmää hem üüşmäk, – üfkeli dedi Sundubay. –Hm, brakêrlar eski adeti, zanaatı, ahmaklar, neylän yaşayacaklar? Bu bizim zanaatımız, işlememiz! Toprak işlemää davranêrlar... Hm, ne bu iş mi, zanaat mı?!
- Sandubay aga, ama bulgarlar, anglarına siz üüşersiniz, toprak işleerlär da bizdän taa ii yaşêêrlar, – dayanamadı hergelecilerin taa bir genci.
- Kalkêrsınız ana-bobaların adetlerinä karşı, pezevenklär! – dürdü kendisini Sundubay.
- Kalkmêériz, ölä laf sırası geldi deyni...
- Sundubayıñ kuhnesindä avşam ekmeeni iyerlär.
- Yok, desin kim ne istärsä, ama göçünlük çok taa islää zanaattır! Haliz burada – o çok taa bereketli: bir üüşmektä topladık bütün kişiimeelik, tedarik, altın da haliz o bu vizantilerdän! – tekrarladı Sundubay ooluna Ormana, genä daldırıp odun kaşını o büyük toprak çanaa dop-dolu sütlän malay, hiç bakmayarak kalan bunca aylä cannarına, ani oturardılar o alçak tombarlak sofracıun dolayında erdä, nicä bir sürü boz tavşamnar.
- Ölää, ama burada komuşular başka, ayıp biz onnarı soyalım, vizantilär dä silähli pek, – kaçi bizim ölüm buldular? – sakınarak dedi Orman.
- Ihtärlär deer, ani yokmuş üüşmak bizim oguzlarda; osa sän o peçeneklerä mı bakêrsin?
- Daa, erleşmişik biz burada, ama, bana kalsa, naafilä! – ayıflandı Sundubay, koyup kaşını sofraya silip aazını elinnän.

– Neçin, ba boba? Burada islää pek, gözäl taraf: bayırlar, daalar, deniz, kırlar...

– Gözäl sizä, gençsiniz, – kalkarak sofradan dedi Sunsubay da çıktı dışarı kırık üreklän. Hepsi dä kalktilar. Karı toplêér sofrayı. Uşaklar kaçınardılar dışarı oynamaa, baarismaa. Alıp tertiplerini, Sundubay oolunnan gittilär gecä otlamasına. Eşiktä, kausan avşam günün şafkında, taa büyük kızı bitleer anasının başını...

* * *

Burada düzüldü bir beylik, oguzların ikinci devleti – hak-oguz beylii da dendi ona “Uzeyälet”. Merkez kasabası onun taa yok. Beylik başı aylesinnän hem devlet adamnarından bulunérlar bir kır kalesindä, diil büyük bir asker taburunda, Devlet Kırın yakınında. Bu kırda diil çoktan toplandıdyı hak-oguzlar hem başka da göçücü soylar eni oguz devleti düzmää hem ayirmaa, koymaa beylik başını. Taa çokluubaarirdı, ki Araslan olsun baş-bey, o becerikli, onun ordusu kaavi.

Araslan-bey şansora yaşıta adamdı, bak taa ileri kaldırdıdyı oguzları peçenek ordularına yardım bulgarlara Vizantiyaya karşı kurtulmak düüsündä. Sınaşktı düüslerä hem üurenikti, girgin dä askerciydi, devlet işlerini bilärdi dä savaşardı kaaviletsin beyliini, ki o da kurtulsun vizanti izmetindän, vergilerindän. Karısı öldüydü, kaldıdyı çocuu Eymur hem kızcaaşı Aynä, onnarlan yaşamaya sevinärdi, onnarda onun ömürü. Pek zor olduydu ama beylii tutmaa. Vizantiya ezärdi haliz da şindi, açan orasına geldiydi günbatisinden kruçal askerleri da, kaplayıp Konstantinopolü, düzdlür kendi devletini – Latin imperiyasını, da yapardılar hak-oguz devletinä çok zarar, küçük uşaklarını alardılar vergi esabı. Bu işlär pek aar basér Araslanın omuzlarına, ama haliz insanın sırtına – ondan çıkarılêr hepsi vergilär, onnarı soyér kendi zengin hayvan çorbacı-saabileri, beylär. Latin imperiyasının padişaası-bazileusu Komnin Teodor almıştı Araslanın ihtär anasını Bahar-hatunu Konstantinopolä tutsak, ki bey unutmasın borcunu. İhtär ana kapalıydı Ediküleli Serayın bir külesindä.

Konstantinopol patriarchı da istärdi, ki bey braksın onun popazlarını hristiyannı girdirsinnär bu insannarın arasında, klisä yapsinnar. Şansora düzmüştülär dä birkaç büyük klisä, nääni zorlan çekärdilär bu “dinsiz” insannarı.

Araslan-bey girgin adamdı, cereli hem ürekli dä. Yurtluu sevärdi bütün kuvedinnän. Onu gecä-gündüz raada brakmazdı fikir: läätzim kruçallardan silkinmää, serbestlik kazanmaa, läätzim onnarlan düüşmää. O hazırlardı askerci, çok sınaşık askerci, saklıda kaavileştirärди gençleri, kurardı türlü yarışmalar, denemeklär dayanmak, cellatlık hem girgink için.

Vatan-yurtlaa läätzimdi kuvet.

Gün açıktı, güneşliydi. Araslan-bey durardı pençerä uurunda da bakkardı, nicä sol tarafında yırakta deniz boyları çırpinardı, ilerdä doşenär-

di eşil kırlar, yamaçlar, saa tarafında bayırlar gün daalarlan sansın bekçiydilär devlettä, o da beydi, hepsi ona deyärdi “Araslan-bey”.

* * *

Popazlar zorlan getirdilär Sundubayı karısının kliseyä da yapêrlar hristiyannık adetlerini, çevirerlär onnarı hristianna. Yapı karannık içi, ikonalardan bakêr obrazlar, anglarında titsi oynêér uzanan gölgelär kandillerdän, mumnardan. Popazlar yardımçılarından savaşêrlar sokmaa bunnarı içlerinä, türlü işlärlän deneerlär bu umutsuz “dinsizleri”, ani ölüm korkusunna bakarlar obrazlara hem popazlara. Bitkidä zorlan dökerlär onnarın aazlarına “ay-komkayı”, kruçalarlan stavrozlêërlar üzlerini, koyêrlar öpsünnär o kruçaları hem ikonaları, giidirerlär üstleinä birär gölmek, serperlär ayazmaylan.

– Sindän sora, dinsiz türklär, siz çeviriliysiniz hristiyanna. Korkun bizim allahtan-deustan, ilin ona hepsinnän, inanın hem dä üfkelendirmein onu, amin!

Evdä Sundubay karısının nicä urulmuşlar, kannarı sersem, korkêrlar tutunmaa neyä dä olsa, diimää bişey, eski işleri yapmaa... sansın kabaatlı, günahker! Gündüz Gün sansın kinni, kanni-kızarık bakêr onna-ra, gecä dä Ay sansın buynuz çirkin gösterer, Toprak sansın batêr ayak altında! Çirkin duymak hal!

Küü içindä bu iş titsindirärdi hepsini: ne başlarına geler insanın bu erlerdä! Hem hepsi iş te o klisedä, onun içindä nelär var, ani adamın aklisini alır, diil azbuçuk! Hem te o popazlar, tä!

Da başladı bu hak-oguzlar taa da pek dua etmää Tängri-gökä, Günä, Aya, Topraa, eski adetleri yapmaa taa sık, bekim kurtulurlar bu beladan!

Ama yok, gittikça taa çirkin işlärl olêr. Nämpmaa?!

Bir taraftan ama, sansın başlardı yakışmaa da bu eni dinin adetleri hem slujbaların gözellii, kimisi verilärdi. Geçmedi çok, Sundubay da unuttu o korkuları, uslandı, çäardikça gidärdi karısının kliseyä, ölä kendindän gitmäzdi. Uşaklarını taa geçirmäzdi eni dinä, salt evdä kirli işleri annadardı hem gösterärdi onnara. Popazlar vermişti birkaç re-simni kiyatçık oguz dilindä onnara, kruçacık, ikonacık, da bakardilar onnara.

Kliseyä gidennerini popazlar üyüredärdilär biraz okumaa hem yazmaa grek bukvalarını. Gelärdi ama bulgar popazları da. Onnar slujba yapardılar kendi kliselerindä başka küülerdä bulgarca, üyüredärdilär bulgar bukvalarını. Kimisi onnara gidärdi.

Sundubayların Kurban küüceezindä bir gecä kimsä ateş etti o kliseyi, yandı, kap-kara oldu, durardı bir büyük yanık gemi gibi küüyun içindä... Süündürmää kimsey sokulmazdı. Coyu deyärdilär, ani Tangri-gök üfkesini indirmiş bu yapının üstünä.

Küülülerin arasında büyük kavga tutuştuydu: kimisi koruyardı eski dini, ama kimisi – kliseyi hem popazları.

Sundubay susardı, karışmazdı. Salt karısı hep korkulan gezärdi, hem taa çok korkardı te ondan, ani kocası susardı. "Sanki karışmadı mı aklı da demeer bişey. Başka türlü o susmayaceydi, baala onu! Aman, ne olacek?" – hep ayıflanardı karı da koruyardı uşaklarını adamından.

– Bak, senin aklın erindä olsun! Benim erindä, korkma! – dedi bir nedän sora Sundubay, da başladı o da karışmaa kavgalara.

* * *

Denizdä, açık bir oyma kenarında, üzer bir kayık. Onun içindä Eymur hem Aynä, Araslan-beyin oolu hem kızı, oynaşêrlar, gülerlär, suyu serperlär – onnara pek şen. Sora, soyunup, suya atlêrlar, üzerlär, dalêrlar duruk su içünä. Bu genç bey evlatları kahırsız yaşlarında, bişey taa ölä pek düşünmeerlär. Denizin yalpak dalgaları taa da çok sevindirer onnarın duygularını.

Ama tä burayı gelerlär adamnar, bey Serayından: onnarın üüredicisi hem iki da aşka izmetçi. Üüredici iilik başlan hem seslän:

– İi, genç çorbacım, afet, ani kestirerim biraz sizi şennenmenizdän, ama Üüsek hem ii bobanız, Araslan-bey, buyur etti geläsiniz ona Sera-ya, şindi hemen, çorbacım.

– Busaat gideriz, benim yalpak üüredicim. Aynä, gideriz, läätzim giiyinmää. Tez öründülär hepsi Seraya dooru. Aynä kılbicak hem şen ileri atladarak kendisini, bir karacacık gibi, çeker Eymuru koolaşsin onunnan, adamnar sa ardilarına ancak etiştirerlär gitmää. Hava sıcak, karışık azbuçuk bir yalpak lüzgerciklän. Kumnar. Tozlar. Çimennär. Üüsek otlar. Sora da taşlı aulun içi – getirdilär onnarı evä. Burayı etişincä onnar geçtilär birkaç sıra karaul külesi, üüsek koruntuluk duvarların büyük hem aar tokatlarını açtılar onnara bir lafta, burası büyük bir kalädir, derin hendeklärلن hem köprülärlän, angları kaldırılırlar, duşmani läätzimkan durgutmaa. Bu kaleyi işlemiştı bulgar hem serb ustaları Araslan-beyin teklifinä görä, ama ödek tä islää olmuştu: altın, koyun, imeelik, deri...

– Oolum Eymur, haberim sana olacek gözäl: bu yıl senin yaşın etişer ergennik yaşına, taman Hederlezdä. Tä o günä verdim izin olsun Ergen-nik yortusu bütün yurtluumuzda, ki gençlär göstersin kuvedini, bece-rikliini, çabukluunu, girginniini hem sınaşlını, geçsin türlü zor dene-mekleri, ki kabul olunsunnar asker sıralarna, yurtdaş olsunnar. Sana da sira, oolum, gösteräsin erginniini!

– Ne mutluyum bän, boba, ani Göklän Gün getirdilär bana da bu sevinmelii! – açık üreklen dedi Eymur bobasına, angısı oturardı bir vizan-ti kreslosunda eşik kadifä parçaylan sarılı.

– Ah, Eymur, askerci olacaan, sana yaraşacak! – sarılıp onun boynusuna sevinçli baardi Aynä.

– Şindän ileri, o günädän, bän kendim üüredecäm seni türlü sınaşla-ra. Şindi ama güreşecez, nicä ilerdän güreşärdik. Salt annadacam sizä

ilkin bizim evelki batırlar için, nelär bilerim Düzorman dedemdän, o zerä çok işlär annadardı bana.

Da başladı bey-boba uşaklarına annatmaa eski oguzların yaşamاسını, onnarın kaavi hem girgin batırları için, hannarı için.

Eymur hem Aynä sesleerlär hiç soluunu çekmeyeräk.

Cök düüsmüş bizim dedelär, ki korusunnar duşmannardan ana-yurtluunu, adetlerini, çok can kaybetmişlär, ani şindi dä o özlenmiş kırlarda er altında yatêrlar, – uzadardı bitkidä bey. – Şindi dä senselemiz girgin, ama uslu hem çalışkan. Salt ani raatlini onun şindi başka duşman bozêr – te o vizanti kruçaları, yaşamamızı zeetleerlär...

– Boba, läätzim silkinmää onnardan – üfkäylän dedi Eymur.

– Läätzim, ool, pek läätzim! Ama baalıyım. Siz bilmediniz şindäyädän. Küçüktün sän, Eymur, ama Aynä hiç yoktu taa. Ki olalım gök altında biz dä, läätzim oldu iilelim vizanti beyinä-bazileysa, Teodor Komninä. O da istedi götürreyim anamı, sizin nenänizi, Konstantinopolä, ama, ki bulunalım onun elindä. Şindi dä, zavalı, o durêr zapta bir kalä külesindä. Salt biz kímildayalım, onu yokedirlär! – deyip, bey sustu.

– Zavalı, nenä, biz onu hiç taa bilmeeriz, gözleri yaşılanarak, dedi Aynä.

– Onu läätzim kurtarmaa ordan onnarın elandän! – girgin dedi Eymur. – Nasıl o orda dayanêr? Olsa benim kuvetimdedä, kolaylımda...

– Bilerim senin kiyaklınu, oolum. Ama şindi yok näpmaa. Ey, ama, hadi, çıkalım, üürenmekleri çekedelim!

Araslan-bey çok çalışardı uşaklarını hazırlamaa yaşamak için, cenc etmää dä genä, yurtluu sevmää pek hem korumaa.

Dönüp genä içeri odasına, yalnız, beyin ürää seviner uşaklarına, kışmetli-mutlu duyêr kendisini. Ama devlet işleri genä aklısına getirerlär bu zor vakıtları hem büyük neetini, ki yurtluu kurtarsın, serbestli yapşın. Çaarêr fikirci yardımçısını Bekdezi hem başka devlet adamnarını da. Lafederlär, fikirleşerlär, ne yapmaa.

– Bulgar yardım şindi hiç uymêér istemää, zerä bizim o Kurban, küyündän orduclar genä üüsmüslär onnarın küülerinä, almişlar hayvanlarını! Nezaman uslanacek bu insan da annayacek, ani butakım tutmaa kendini ii komşularlan düşmeer! – ayıflanarak deyärdi Araslan-bey da teklif edärdi, ki bulgarlardan, volohlarlan uzlaşıp yaşamaa. Duşmanın varsa, ko bir salt olsun!

– Ama insan diil kayıl atılımaa üüşmektän, – şalvir dedi zengin beylerin birisi. – Hem bizä dä bu eski zanaat faydalı...

– Yok, bitsin bu zanaat, geçsin onun vakıdı! – sert kestirdi Araslan-bey. – Salt duşman edeneriz. İnsan läätzim, bekim, üüretmää buralı zanaatlara da. Hayvancılık gider, çiftçilik ta gidecek, balıkçılık ta, alış-verişlik tä...

Aulda toplu kabaatlilar. Burada Sundubay da. Beyin izmetçileri çekişlerlär, çezalêêrlar, koyêrlar versinnär, ne kapmışlar.

Hiç kolay diildi ozaman taa üüşücüleri çevirmää eski tabeetlerindän! Hem dä onnar zeedelendi dä: dil çoktan, Tunayı geçip, geldiydi kıp-çak-kumannarın birkaç bölüyü. Araslan-bey, uslandırıp, erleştirdi onnarı oguzların arasında. Başkalari ama geçtilär da bulgar tarina iildilär. Kıpçaklılar yufkaydı şansora...

Tä geldi o Hederlez günü dä! Büük yortu! Ergennik yortusu! Yurtluk koruyucuların yortusu! Çin-sabaalendän uldêér Devlet Kiri: burayı toplandı insan hepsindän ordulardan, geldi genç-genç çocuklar, hazır geçirmää en zor denemekleri. Burada Sundubayın da ooları – Orman, Künez, Demir hem Sabay, hem o kendisi dä.

Bir taa üusekçä erdä durêr Araslan-bey atlı biyaz beygirindä, onun yakın adamnarı, devlet kocamannarı, onnarın da iki tarafında insan dizili, hepsi bekleerlär çeketsin.

Beyin izininä görä, maasus duran izmetçilär yanarak pardılarlan ellerindä, tutuşturêrlar bir büük adet ateşi, zurnalar başlêêrlar baarmaa, da yortu çekeder! Yarışmaklar biri-biri ardisora diişilerlär, gençlär savaşêrlar üstün çıkmää, tamannamaa hepsini denemekleri da kabletmää bey adını, asker silâhlarını.

Türlü zor denemeklär olêr kuruda, denizdä hem bayırlarda, daalıklarda. İnsan bakêr ahtlı, baarêr, susêr, bekleer, güler, seviner... yortu pek uygun hem gözäl kaynaşıp-akêr...

Bir da, bitki yarışmaklara etişärkän, terli beygirinnän etišer bir atlı da uzadêr Araslan-beyä bir yazılı haber, kendisi dä sauşêr bir tarafa: beyin adamı Konstantinopoldän yazmıştı ona birkaç kahırlı laf – ihtar ana atılmış küledän aşaa da öldürmiş kendisini, brakıp izin ooluna, ki “kaybetmesin kendisini, bir korkak gibi, ama kalksın düüşä serbestlik için, bir girgin gibi, eer kaynarsa onun damarlarında eski oguz kani!”

Bu açık hem şen suratlı bey birdän dalgalandı, bir keskin acı duydu canında, ama, sıkıp hepsini içindä, dedi yortuyu haydasın ileri. Salt, iilip baş ordu-beyin kulaana, kimi nelär fisirdedi ona da izinnedi yol lansın tamannamaa dedii işi. Bu asker başı, Koltun, pelivan hem çemrek bir genç batal adam, maavi gözlü, kalınca dudaklı olan, hızlı çevirdi beygirini da, uçup-gitti. Aynanın, ani durardı beyin yanında da büük sevinçlän bakardı yarışmaklara, haliz Eymurun türlü becermeklerinä, üreenä birdän damnadi bişey kuşkulu, o şindi duydu, ani sever bu kocaman askerciyi, da canı sızladı bir amanni şüپäylän.

Yarışmaklar bitkidä, çok käämil, dayançlı, çalımnı, kuvetli hem becerikli genç oollar emir oldular yurtlaa, akiştilar askerä. Üstün çalışmakan hem kazanmaklarlan çıktı başa Eymur, bey oolu. Aynanın sevinmesi hem hodulluu kardaşı için kenar bulamêér. O kutlêér onu, çiceklän kucaanı tä doldurêr, sarılıp öper onu, mayıl olêr onun asker silâhlarına, haliz dä o eni kıvrak kılıca. Eymur yorgunca, ama şen, şevik.

Yortunun bitkisi dä pek gözäl olêr: genç askercilerin en ii gösterişleri. Sora genä yalınnarını yukarı kaldırırêr o adet ateşi, da ondan hepsi yor-

ticular tutuşturêrlar birär pardı da, dolup o Kîra, baaris, naara, sıklik daalêr dolaylara! Hepsindän pek savaşêrlar baarmaa Sundubaylar, onnar da pek beendilär bu yortuyu, oollar askerci oldular kalani gibi, da sansin bir fasıl eni yaşamak başlayaceklar onnar da, yurtluk için düüseceklär! Tä bu kır dolusu gençlik geçer beyin öündän, metin laflar söyleyerek, da yavaş-yavaş daalisarak kurban sofralarına, ani üklü imeklärlän, içkilärlän bekleerlär şansora. Baş sofrada şen, ama kuşku ürekli oturêr Araslan-bey, yannarında da erleştilär başka devlet adamnarı. Çalgıcılar çalêr, peetçilär söleer, oyuncular oynêer... izmetçilär, ama içki buyurêrlar, konușmak kızışêr gittikçä. Araslan-bey kaldırêr kupasını şaraplan:

– Saalik, iilik hepsinä! Askerimiz büüler hem gençlener. Ama diil o soyucu üşmeklär için komşuların üstünä, ama yurtluu korumak için! Gençlär, sizdä çok umut, sizin girginniinizdä hem inannınızda. Sizin dä saaliiniz için buyurêrim bän bu içkiyi! Gençlär bir gürlemäk gibi sevinçlik seslerini güüslerdän çıkardilar, kayıl oldular, şükür ettilär, emin verdilär. Taa yaşlılardan hem zenginnerdän kimisi ama karşı mırıldadılar.

Sofra tuttu nekadar tuttu, sora hepsi daalishi lafederäk, güleräk, an-naşarak, taa işidilmeyincä bir dä ses. Devlet Kiri kaldı boş, sus, heptän yalnız, sansin düşüneräk, nelär olacektir görsün o taa ileri dooru...

Ertesi günü bey serayında devlet oturuşu gider. Araslan-bey salt şindi getirer hepsinin haberinä, ne olduunu Konstantinopoldä hem ihtär ana-nın izinini.

– Bu cenc! – çetin dedi bey. – Vizanti bazileusu Komnin Teodor, belli iş, kruçalarının üstümüzü kalkacek cezalamaa. Karşı koyacez, birä-dän düşelim, ama koruyalım serbestliimizi!

– Haliz ana salt butakım vardı nasıl yapsın! – dedi Bekdez, devlet fi-kircisi. – Onun ölüm izinini biz läätzim tamannaylim!

Hepsi daalishi. Araslan-bey durguttu Koltunu.

– Deneyecez bayır düüşünä çekmaa kruçaları. Onnar bayır aralarına sokulêrlar, ama düüşämeerlär. Duşman pek kaavi, açık kır düüşündä biz karşı duramayacez. Acan bän bulgarlara yardım ettiydim vizantiler-dän kurtulmaa, onnar bayır düüşü kurdular da ensedilär. Hem koyacez askerä kumannarı da.

Bu zaman ama hayatlardan işidiler şamata, pek adımnar, silâh-demir cingirdaması, da burayı girer arsız hem çaarılmadık birkaç kruçalı – yollanma bazileustan, sorarak taa girärkän:

– İhtär ananın ölümü nedir? Karşı koymak! Vassallar, cuvaba!

– Biz şindän vassal diiliz! – enikunu dedi Araslan-bey da urdu auçlarını. Tez girdi her taraf kapularından batal oguz askercileri.

– Da, biz serbest devletiz! Askercilär, dışarı onnarı!

Kaavi genç silahlılar enikunu yaklaşêrlar bu kruçalılara, angıları etiştirerlär salt baarmaa, ani “bazileus cezalayacak fena karşı koymak için”, nicä onnarı fırlattılar dışarı.

- Sayılêr, cenc! – deer Koltuna Araslan-bey, sansın sevineräk tä.
- Cenk! Ölüm-yaşamak cengi! – cetin attı Koltun.

BALKANNARDAN AYIRILMAK

(Roman parçacı)

Avşamnen Balkanlı Angilin evinä toplandı çok küülü – hisimnar, komşular, başkaları da. Onnar gerçekten annaşêrlar göcmak için, savaşêrlar annamaa dädu Tanastan hem Angildän hepsini ufak-tefekleri, ne lafetti onnar zaabitlärlän.

- Lääzim korkusuz kalkınmaa da göcmää! – çetin dedi Angil.
- Yaarına! Diil, bu gecä kär! – gözleri yanarak, kariştı Todur.
- Hem canım aciyêr brakmaa erleri, biz burada diuduk, büdüük, bizim dedelerimiz gömülü bu topraklarda... yanımıza da onnarı alamaya-cez, ya...
- Ruslar pek ii insannar, konuştuk, bilerim, – dedi Tanas dädu. Onnarlan yaşamaa olacek gözäl, kim etişirsä.

Dartışmak gittikçä kızışer: kimisi gösterer, ani lääzim kaçmaa, başkaları, ki düşmeer, pişman olurlar. Butakım da gidärdi kavga da sade, açan birisi annardı, nasıl zordu yaşamak Balkannarda, ozaman hepsi susardı da genä kayıldilar göcmää. Kimsey dä esap ama almadı, nasıl sokulmuştu burayı Katran bey, küü zenginnerindän biri, angısı pek düşünärde, ani kalacek işcisiz, eer çiftçilär gidärsä, da çeketti korkutmaa tersinä çevirmää hepsini. Ansızlıktan insan ürkütüş sustu.

– Siz bilmeersiniz nääni gidersiniz! Ruslar duşmannardan beter! Çoyu başlardilar bozuma düşmää da, çıkış, gittilär onunnan. Ama taa çoyu kaldilar çetin kendi neetinä. Burayı, durmamayınca gelärdi insan, sormaa, bir fikir alma, bak bölä toplaşmaklar o gecä bütün küyü kaplamıştı. Bütün küü şamataylan annaşardi näpsin? Bütün küü da annaştilar, ki sabaa karşı yollansınnar!

O gecä kimsey uyumadı, hazırlanardılar, düzdürärdilär kibitka, örtülü arabaları, ükledärdilär ne alabilärdilär, hayvannarı baalardılar, koyunnarı sürü düzärdilär, kuşları kafeslerä... ne vardi, zordu ucunu bulmaa, ama insan herkezi bilärdi neyä tutundu da geeri onu şansora kimsey çevirämeyeceydi. Ama hepsi aalardı, küçüğü-büyü, kim bütün sessären, kim dä buunuk kendi-kendinä. Aalardı hepsi!

Uuyumadı Katran bey dä, başka zenginnär dä. O da kestirdi gitsin küülän bilä, zerä başka türlü kaybelirdi. Kimin sırtından yaşayaceydi? İtirärdi onu oyanı tamaalı da: “toplaklar isläämiş, zenginnik taa da çok var nicä toplamaa, hem payetmeyecek başkasınınna... küülülär dä gezägezä zordan ona hep baş uraceklar, alış-verişlik tä, bekim çıkar...”. O ükletti arabalara, taligalara hepsini neyi vardi, tozları da, nicä deerlär.

Dona babu denedi taa bir kerä çevirsin Angili, bekim, düşmärmiş, ama Angil hem haliz Todur, bükülmäzdilär.

Tanas dädu, pek ihtär insan, susêr, aar düşüner. Todur birdän annadı, ne kırardı onun girgin dädusunun içini: o ayırilamêr o bayırlardan, brakamêr kafadarlarını, angıları kalêrlar küdüä, neçinki istämeerlär braksınnar erlerini.

Toduru da çekärdi kalsın dädusunnan, ama genç kanı onu haydardı ileri, eni yaşamaya karşı, makar ani bilinmäzdi taa, nesoy olacek o ...

Sabaa yıldızı, "Çolpan", "Kervan yıldızı", nicä dä taa deyärdilär ona eskidän, taa şafkılı yanardı bu küyüün üstündä, sansın aydinnadardı bubecenarcıların bitki hazırlanmaklarını, angıları şamatralı, üfkeli hem kahırlı kalkinêrlar tä duuma ocaklarından, da kervan uzanêr Tunaya dooru, alatlayarak.

Genç Todur ayırilêr, prostolêr Tanas dädusunnan, ihtär, ama kaavi taa hem girgin. Tanas dädu hepsinnän prostolduydu, ii fikirlär verdiydi, "ii saatlan!" dediydi. Şindi, ama tä ayırilêr o sevgili ool-çocuunnan Todurlan, angısına o hep umut koyardı, ani ii yardımci olaceydi.

– Çocuum, bak ananı, ihtär da babunu, yardım et onnara, koru onnarı.

– Korkma, dädu.

– Oyanda İslää otlayacak varmış, hayvan büüdeceniz genä. Hem bak, o senselä – tamızlık koyunnarı örüt, ani verdim sana.

Sora dädu Tanas çıkardı meşinindän bir deridän kesecik, o yazın da meşin taşıyardı, da, açıp onu, dedi:

– Tä burayı koydum biraz toprak bizim harmandan, duuma topraamızdan bir auç. Al da taşı yanında, kuvet verir, aklına getirir Balkannarı, bizi, ani kalêriz, hem dä mezarlarda, kırlarda gömülü girgin dedelermizi, cocuum!

Dädunun yaşılandı gözleri, ama bakışı taa da pek çetinnendi, da o pek benzedi bir kudretli bayır kartalına. Todur, alıp, öptü o torbacı:

– Emin ederim, dädu, sana hem duuma erlerimizä!

– E, Allaa yardım etsin, cocuum! Kılıç senin elindä çetin tutunsun, piştöfö da patladasin uz!

Onnar kucaklaştılar, gençlän ihtär, durdular ölä bir vakıt, sora, pinip beygirlerä, biri koptu erindän Tunaya dooru, biri dä – bayırlara.

Dädu, durgunup bir üusek erdä, baktı buyanı, nasıl küü kalardı yalnız hem boş, Tunaya dooru da nasıl ilerlärde kervancılar.

Toduru beklärdi onun çetecileri küyüün kenarında. Bitki kerä bakıp küyüä, onnar da sıktılar beygirleri, etiştirsinnär kalanını.

Etişip Tunaya, Satunovun geçiminä, kervan başladı gecmää rus askerin ilin köprüsündän, ama çoyu sınmazdı da, üzerinden hayvannarlan, kayıklarda, baali biri-birinä aaç güüdelerindä hem başka türlü dä, savaşçılar gecmää, baaris, şamata, ani yok ne sölemää, hayvannar, kuşlar bak kuşkulu, karilar, uşaklar korkarlar...

...Rus askeri geçincä Tunanın buyanına, burada genä düzüldü göçmennerin kervanı hazırdı geçmää köprüyü. Rus zaabiti durguttu askerini, yardım etsin bunnara gecmää, brakmamaa yaarına, nicä sayêr kimi-si, zerä kim biler onu...

Kalkıştı hepsi: köprü doldu, suyun üstü dä genä. Hava ama bulutluydu, dürüktü, sansın o kuşkuluydu...

Tä bu kenarda kalmadı kimsey hem bişey. Kervanın başı çıktı öbür kenara, geeridän dä atlı üzeri su içindä Todurun çetesi. Onnar hem yardım ederlär koyunnarı üzdürmää, angıları baalıydılar çok biri-birinä.

Katran bey dä geçirärди varlığını, ama gözlerinnän aarardı birkimseyi. O taa küüydäykän göz koymuştu Meşä Petrinin artık gözäl kızına Zanya, ki alsın onu gelin ahmak ooluna Ligoriyä. Da hep kollardı Petrinin taligasını hem kızını gözündän kaybetmesin. Da tä, bu bozgunculuktan sora, açan esap aldı, ani Petri erleştirärde taligasını hem ani Zana da orda saa-sem, sevindi içindä da yalandı bir sinircı kopek gibi. Zana kıvrak boyluydu hızlı gezärdi taliganın dolayında, belliydi, ani ürekli kız. Ama sakınardı Katran beydän, bak esap almıştı, ani bunnar kollêêrlar onu. Yakınnarda da hep dolaşardı Aman-babu, bir cansız babu, angısı hep satardı bölä genç gözäl fukaara kızları zenginnerä.

Zana ama, oturarkan bobasının taligasında, köprü üstündän geçarkän, esap aldı Toduru, nasıl çemrek hem kurumnu yapêp işleri, da sansın onnarın bakışları karşı geldilär bir kerä...osa ölä geldi mi?

Tä bitki taligacıklar, aaç-daldan örmä tokatlar üstündä, koyunnar, atlilar sudan basıp çıkêrlar eni erlerin çimeninä. Bütün kervan toplandı Tunanın boyuna – geçtiydlär! Hepsi öperlär bu eni topraa, dönüp buyanı Bucaklıra dooru: “Şükür Allaha!” Sora ihtär Akıl-baş döner üzünnän Balkannara dooru: bakılmış duuma erlerinä dooru da diz çöker. Ona görâ bütün kervan döner da diz çöker!

– Prostet, ana topraamız! Prosteden, Balkannar! Prosteden, senselelär, ani kaldınız evdä! – batal seslän dedi Akıl-baş, uzun bakarak Tunanın öbür kenarına, yırak topraklara nekadar görünärdi buradan...

Bu laflarda bir aalamak, dizmäk koptu hepsinin güüsündän, ölä büyük bir can acıması, nicä ani bir ölüyü gömärdi bütün bu senselä – gagauzlar...

Nikolay Tanasoglu

YUVANOGLULAR

(Annatmadan parça)

Kara Yuvanın bir oolu vardı bir dä kızı. Oolu Görgiyidi. Kızını everdiydi Kemençecilerä, Kalinayıdı adı.

Kendi kaldıydi oolunnan evlerindä. Görgi boyluca bir adamdı, genişçä omuzlu, gözleri eşil, çakırkı, biraz yavaştı pek hem usluydu. Süümäk iş onda yoktu, prost laf genä. Kalanını da brakmazdı prost laf desinnär, evin dolayanda sıkılık işitmesin:



– İşitmeyim evin dolayanda sıklık edäsiniz. Ne, burası daalık mı, naşey? – takaza edärdi dayma çocuklarına. Uşak ona Allaa vermişti çocuk ta kız da bir içer dolusu, salt beslää, giidir hem çok önnerinä.

Görgi pek sevärdi çiftçilii. Ekärdi çok tarla, ama işinä biraz palaçordu. Angı tarlanın içindä dizädän hardal çiçek açardı, o onun tarlasıydı. Biraz üünücüydü, ama pek sevärdi o da iilik yapmaa. Angı adam küüdä aaç kalardı imeelik için, ona gelärdi. Kimisi ödüncü çevirärde geeri, ama çoyu çevirmäzdi, zerä bilärdilär onun yımışaklıunu, o da ödüncü geeri, Allaa korusun, istemäzdi bir kerä bilä, kiyışmazdı, da ölä dä kalirdı.

Karısı Doki bunun için kimär kerä takaza edärdi:

– Ne, uşaklar savaşêrlar, işleerlär, sän dä aalemi besleersin. Tä, evin örtüsü çürük heptän, eni örtü lääzim, sän sä bunnara hiç düşünmeersin. Bu iiliklär seni kazma sapına çıkaraceklar. Görgi sa hiç ürkmäzdi, baarirdı:

– Sus, mari, Allaa bana verecek taa da çok. Da sauşurdu bir tarafa. Nicä dä olsa, Görgi ii çorbaciydi, islää tertiplik düzdüdü kendinä.

Açan 1904-1905 yıllarda olduydu kara kîtlık, onu hiç pirä dä dala-madıydı, çoyuna imeeliklän yardım ettiydi, aaçlıktan kurtardıydı. Ba, o ii ürekliinnän hem yımışaklınnan, düştüyü bir şalvir alış-verişçinin tuzaana da may kaybedeveydi hepsini, gölmeeni dä sırtından. Romanenkulu ekin bezirgäni Matuş, zengin bir komersant, bu kîtlıkta milion kırdıydı, zerä küülerä getirärde ekin, aaç olannara verärde, ki eni berekettä çevirsinnär protentlän. Bu küüdä o esapladiydi, ki Görgiyä getirsin ekini, da ko o daatsın insana, o da sora gelän yila toplasın. Görgi daatmaa daattıydı, ama toplamaa toplamadıydı da geldiydi sıra satsın öküzlerini hem birkaç tarla tukannara da ödeşsin Matuşlan, sansın onun büyük zoru vardı zenginnetsin bu komersantı. Salt iiliinnän o bu işä sarıldıydı.

Görgi kavgacı diildi hiç. İhtär bobası, Kara Yuvan, kimär kerä sarfoş-kan tutunardı onun başına:

– Ha, sän çorbacı oldun, beni şansora saymêersin çorbaci erinä. Aldın elinä hepsini, bana harçlık bir kapık vermeersin, bir uşaan elinä bişey yok ne vereyim. Tä Musti İvançu..., bän sä yaşêerim iki elim taş altında. Biläsin, pezevenk, ani bän dä çıkacam başka...

– Ha, boba, sän ne, yok işin. Ne yok iyäsin mi osa yok ne giiyäsin mi? – enikunu deyärdi ona Görgi dä gidärdi harmana işinä.

– Boba! Hiç çekişmää dä durmêér. Bununna yok nasıl kavga da et-mää, çatlayasın, diil azbuçuk, – homurdanardı dädu, da tükürüp ardına o da vazgeçärdi. Açan sa ayardı, hiç sansın olmamış, kendi dä şaşardı, neçin payını ayırmamaa istärdi.

Görgi becerärdi türkü çalmaa, sevärdi düünnerdä hem başka sıralarda karısının iki sestä, bir incä bir dä kalın sestä, türlü gözäl türkülär çalmaa. Hem dä bilärdi: “Gurbetliktä”, “Tuna başında”, “Oglan-Oglan”, “Üşdüüm”, “Çekirgeyi nalladım” hem taa başka eski türkülär. Ama

onda bir sıra olsun, ya da o saadîç olsun, ozaman ona türkü çalsınnar, "Kadınca" karşısında oynasınnar pek sevärdi.

Karısı Doki genä boyluca bir insan, karagözdü, ama teni biyaz, gözlüdi bir gagauzka, nicä çok razgeler bizim küülerdä, hem dä şendi, lafçiydi, cümbüşçüydü. Onunnan kim dä karşı gelsä, lafetmää doymazdi. Pek mukayetti. Kışın haliz, bakmişin, kivırma, plaçinta yapmış, ya da avşamdan fırına bir sarı kabak atmış da sabaalän, onu çıkarıp, bir kalay sininin icindä içeri getirmiş onu; bakmişin, yazın bir kaba boza kurmuş ya kvas. İşinä dä o pek çabuktu. Uşaklarını çok sevärdi hem pek yalpaktı onnarlan. Ama çetindi dä onnarlan. Düüsün başka uşaklar onun uşaani, o da gelsin ona atlayarak aalaşmaa, Doki hep ona çekışärdi:

– Başka kerä sokulma, caba o sana urmamıştır, – da o da ona birkaç şamar küçina urardı da deyärdi otursun evdä, oynasın aulun icindä.

Görginin hem Dokinin ilk evlik yılları, gençlii, deyecez, şindikisinä hiç benzemäzdi.

Kara Yuvan, Görginin bobası, fukaaraydı, çorbacısızlıydı, onnarı külüllü kuhnä icindä everdiydi, orda da yaşadıydilar bir parça vakıt taa Görgei tutturunca bir parça çorbacılık. İlk uşakları Görginin duuduydular bir kuhnä icindä, orada da küçüklüünü geçirdiydilär. Varvara, Yuvana, Kosti en ilk uşaklarıydı.

Kuhnä alçaktı, sıkıydı, vardı bir böimesi, näända yaşardılar, bir dä hayadı, neredä sobayı yakardılar hem dä kotlonda imää yapardılar. Kuhnenin üstünä Doki ya da kayınnası Yordana atardı karıştıraca, koçovrayı, sacaa – bir lafta, herbir işi, ani kullanılırdı evdä da hayada pek sümazdı. Ba Görginin bobası da kimi tirmicaa, diireni, sopa gibi avadannıkları her o külli örtü üstünä atardı...

* * *

Düzlüktän, kalın tozlu yoldan, dolay küülerdän Çokrak kasabasına yarmarkaya üzlän taliga gidärdi. Uzakta dan erindä, incä maavi dumannan sarılı, onnar görünärdilär, nicä küçük karartılar. Sade kasaba içinä girirkän, dönärdilär haliz eşil kanath gagauz, tukan taligalarına hem alçak angıslı Moldovan arabalarına, üklü çuvallarlan ekin, süüt fişkannarından örülü kulplu çitennän, papurlardan koşolkalarlan, hasırlan. Kimi taligalar da, yataklan kapadılı koyunnar, kuzular baarisirtilär, kimisindä tauk, ördek, kaaz, pipi. Karilar geeri dooru, plävaylan dolu çuval üstündä otururdular da arada-saatta taukları arkalarından ellän bastırıldılar, fırlamasınnar taligadan erä. Zabunarak terli beygirklär, angıların sırtlardan buu kalkardı, taligaları kalın toz içindän gücüla çıkarıldılar.

Yuvan dädu artık pek panayirciydi. O çoktan bilärdi yarmarka gününu. Kurgaf bir sert adamdı, karısı Yordana beslicä bir kariydi, aar başlı, iilän-kolayının erindän kipirdamazdı. Yarmarkanın ilersi günü Yuvan dädu erken kalktı, taa ilk horozlar ötmedään taligayı şopron altından çıktı da kapunun önünä çekti. Taliganın içinä arpa samanı döşetti,

babuylan ikisi zar-zor üç çuval boodaylan dolu taliga içünä yattırdılar. Taligayı hazırlarkan, dädu sertliindän dayma taşlara kösteklenärdi da buna onun pek üfkesi çıktı.

— Allaa belasını veräymış, — üfkesindän baarırda da, taşı kaldırıp, bir erä çekärdi. Karısı onun çäarmasına yavaşlından, çabucak gelmäzdi. Buna da dädunun üfkesi çıktı da aazı aldı kabar baarardı:

— Sana deerim, tez geläsin, ne orada bïzbïklanêrsin, çoraplarını bir saat ayaklarına salt geçirersin.

Babu Yordana alat-kipit, çoraplarını ayaklarına geçiri — geçirmäz, gi-därdi däduya çuvalı tutsun, pläva içünä doldursun. Yuvan dädu pek tamaadi, açan bir erä gidecek, alirdi torbasına ikişär-uçär malay hem taligaya ükledirdi alaf. Sindî dä babuya koydurdu üç malay bir dä büyük çıki piinir. Bu malaylar vardı dokuz kişiyyä. Sora kendi dä taligaya bir çevirtmä bütün yapraklı koçan ükletti — öküzlerä alaf. Düşmesinnär erä deyni, özengidän özengiyä onnarı çatiylan baalardı. Oolunun çocuunu da Kostiyi kaldırı panayırı almaa. Babuyu pindirdi koçannarın taa te-pesinä, cocuu da yanına aldı.

— Tutun, çocuum, te bu çatidan erä düşmeyäsin, — çocaa dedi, kendisi dä ondan sıkı tutundu. Yuvan dädu koştu iki henez üurenmiş çekinmää dana, aldı onnarı edek da yola çekettilär. Danalar taa acamı hızlı aul içindän, sokaa döndüllär. Koçannar ölä pek sarsalandılar, ani babu ço-çuklan hemen-hemen erä kaysınnar.

— Viy, erä düşeriz! — babu korkudan baardi. — Yavaşıt o danaları bä, ne ölä alabildiinä haydêerrsın?

Yola düzeldiyänän, danalar biraz yavaşıdlar. Çıktılar düzlük yoluna, neredän taligalar biri-birini koolardılar. Yolculardan birisi, gördünän Yuvanın taligasını koçannan üklü, sordu:

— Ne ölä taligani ükletmişin, svatanak, bir erä kışlamaa mı gidersin?

— Ne, çok mu gördün? Taa sonda, senin ne işin, bän çok alaf üklettiyyäm? Bak taa islää kendi yoluna, — Yuvan üfkäylän erifä cuvap etti.

Sora kendi — kendinä başladı mırıldanmaa:

— Taa gülmää dä alacek şu canabet, kendi sä sıkılından almış sade bir-iki kotluk. Ko, bitecek panayırda senin alafin, ne gelecän sän bendän istemää...

Yuwan dädu danalarının “heys-ça” artık Çokraa etişi. Yolda gi-därkän, Yuwan dädu, görsün bir enicä partal, ya da demir civisi, şurup, “Oha-oha”, danaları durgudurdu da bu eski işleri, yoldan kaldırıp, taligaganın geerisinä, koçannarı aralayıp, sokardı. Eski — püskü şeyleri toplamaa o pek sevärdi.

Evdä hambarın tavarı eski şeylärlän doluydu. Ne yoktu orada: civi, şurup, alka, puluk tekerlää, maşina çarkı, çarık parçası, türlü şeylär. Oolu Görgi onun bu tabeeti için takaza edärdi:

— Ne sän dä yok ne iyäsin mi da eski şeyleri toplêerrsın? Dädunun üfkesi çıktı da dargin-dargin deyärdi:

– Ko, lääzim olacek sana bir borna dişi ya da bir şurup, ne gelecän sän tavanda aaramaa...

– Yarmarkanın meydanına girärkän, bir tarafta taftadan sıra ekin hambarı vardı. Spekuläntların prikazçıkları taligalara karşı çıkardılar, ekinin probasını alıp, onun paasını sölärdilär. Taligaları da hambar öünüä çekärdilär. Dädu da taligasını çuvallarlan çekti. Koçannarı indirdi bir tarafa, bir adama teklif etti yardım etsin çuvallarını taligadan indirmää. Adam genç, kaavi, yalnız aldı çuvalları da çeki üstünä koydu. Prikazçık, nicä bir fokusnik (göz boyacısı) tez giraları çekiyä koydu, çekiyi tez denkleştirip, kapadı onu.

– Al çuvalları da hambara götür, – prikazçık, ellerini uuşturarak, dedi. Yuvan dädu çuvalları hambara boşaldınca, prikazçık kvitançıyı hazırladı.

– Nekadar? – dädu sordu.

– Onuç pud hem iki buçuk funt, nicä aptekada, na kvitançıyı, git kontoraya parani kablet.

– Nekadar? – dädu eni baştan sordu.

– Sana söledim, onuç pud iki buçuk funt.

– Yok, olmaz olsun okadar.

– Nasıl ölä olmaz olsun, ne burada seni aldatmaa mı durêriz?

– Bän ekini evdä çektiydim.

– Nekadar çektiydi?

– Çektiydi ondört buçuk pud.

– Evdä sän, beki, babunu da kantara koyduydun.

– Bän taa ii te o çifida ekinnerimi verärdim.

– Ne, sän sanêrsin çifidin çekileri dooru, bizim da diil mi? Sän bizi yalancı yapêrsin, bizim sözümüzü bozêrsin, ya bän kasaba başını çaarayım...

Yuvan dädu ilti başını da, düşüneräk, kvitançıyalan kontoraya gitti. Parayı kabul ettiynän, koçannarı enidän taligaya ükletti, danaları koştu da yarmarka içünä girdi. Taligayı çekti taa kenara bir boş erä, kolverdi öküzleri, baaladı arışa, koydu önnerinä bir kucak alaf, kendi dä oturdu taliganın kruçası üstünä – da, parayı koynusundan çıkarıp, saymaa başladı. Babu da çocuklan partalları taligadan erä indirdilär, torbayı ekmeklän da erdä, döşeli bir boş çuvalın üstündä, sabaa ekmeeni imää oturdular. İdiktän sora babu kalan parça ekmekleri torba içünä koydu, aazını torbanın islää baaladı da astı geeriki süvenä. Orada örttü onu bir palaciklan.

Sora Yuvan dädu sîmarladı Kostiyä dursun taligada, kollasın öküzlär boşanmasının birtürlü dä isinnär torbadan ekmekleri, kendileri dä panayır içünä gittilär. Panayırın içindä insan fiyatlı, nicä karımcalar. Uultudan insan biri-birini işidämeer deyni, hepsi baarıpta lafeder. Panayırın orta erindä halvişacilar, kvasçilar kırmızı kenarlı biyaz zontlarını kurmuştular da durmamayca baarêrlar: “Halvişa-aa, halvişa-aa!”

“Üyüşün buray, burada suuk, tatlı kvas, suuk tatlı kvas! ” Biraz ötede da birisi baarêr: “Boza, boza, kıvrıt kuyruunu da toza!” Tä balagan-nar materiyaylan uz bir sırada durêrlar. Onnarın da aşaasında galante-reya balagannarı. Yuvan dädu babusunnan, balagandan balagana geçip, gözäl malları gözdän geçirirdilär.

– Burayı, burayı, papaşa, buyurun, beki, hozäykana te bölä bir şalın-kacık läözim, söläyin, papaşa? Ya, alın elinizä da bakın, bölä şalinka birerdä bulmayacenz.

Saticilar biri-birindän üstün mallarını metedärdilär. Kimisini satıcılar, stoyka üstündän uzanıp, balagana kolundan çekärdilär, bişey-bişey alsın. Ne yoktu yarmarkada: stoykalar üstündä limonnar, portakallar, keçi buynuzları yivinnar dururdu. Derä boyunda uzun pardılarda asılı başmakilär, buruşuk konçlu çizmelär, yalabık sansın el diimemiş onna-ra. Bunnardan biraz ötää, hep pardılarda asılı, hamutlar, boyundruklar, örülü altı kat kamçilar. Yarmarkanın en sıkışık erindä bir küü kızı bir küçük araba içindän girgin-girgin alma satardı. Onun tombarlak yanaklı, alma gibi, kızarmışlardı.

Kiriyettän bir zengin adamın çocuu Avram geçti o kızın yanından bir keret, iki keret, sora yokoldu. Üçüncü keret geçti o kızın yanından bir kafadarınnan. Birkaç şaka laf kiza attılar da gittilär.

Bu yarmarkaya gelmişlärди komedyacılar, göz boyacılar. Bir erdä bir geniş tombarlak palatka kurmuşlardı, Yuvan dädünen taligasına diil pek uzak. O palatkanın üstünä türlü kuklalar çıkardılar, kırmızı, açık maavi rubaylan giimni, başlarında da kırmızı hem maavi boyalı karton-dan sıvri tepeli kalpaklar. Kosti taliga icindä otururdu, kamçı elindä. Açıdanalar taliga içünä kafalarını uzadardılar, o onnarın kafalarına kamçylan jarkladırdı. Kimär kerä taligadan erä inärdi, kamçıyı pat-ladarak, birkaç adım taligadan uzak gidärdi, halviṭacılara yaklaşardı. Masa üstündä döşeli eşil, kırmızı çizgicikli halviṭalar biyaz da, boz da. Bunnara Kostinin gözleri dä akardı. Dayma taligayı brakıp, halviṭacıla-ra yaklaşındı, ama çok durmazdı, tez geeri taligaya dönärdi, yoktu nicä taligayı yalnız braksın. Sade kendi-kendinä deyärdi:

– Ey, olsa birkaç gümüşüm, alayım baarim iki halviṭacık. Taliganın da öbür tarafında komedyacılar kuklaları palatkanın örtüsü üstündä oynatmaa çekettilär. İnsan orayı sürü-sürü kaçardı. Kosti dä, açan gör-dü, ani insan orayı yivilşer, kamçı elindä o da gitti. İki kukla örtüdän çıktı, birisinin rubası maavi, tuguyu da kırmızı, öbürün rubası kırmızı, tuguyu maavi. Çekettilär örtü üstündä oynamaa, kilbiklanmaa, itiriş-mää. Birisi öbürün rubaşkasının eteendän tuttu da çeker. O da baarêr: “Brak, deli, rubaşkamı yırtacan!” İnsan, erä yatıpta, gülärdi.

Kosti burada gerää gibi aazını açtı. Aklısına geldi, ani taliga yalnız kaldı, da bütün kaçarak taligaya geldi. Bu vakit, nekadar Kosti kukla-ları siiretti, bir dana, boşanıp, ekmekleri torbadan hepsini imiştı, taliganın içi sade kırıntı olmuştu. Çok geçmedi, Yuvan dädu babusunnan

taligaya geldilär. Dädu, açan onun gözünä ilindi, ani taliganın içi sade kıırıntı, torba da bir tarafta örselenmiş durêr, Kostiya takaza etmää ceketti:

– Ay gidi seni, gogomanı, ya-a, ne bakmamışın da danalara malayları idirmişin? Olmalı, birerdä aazını açtin, gogoman!

Kosti iilti kafasını aşaa, aalamaa etti. Dädunun canı acıdı ona:

– Yok bişey, yok bişey, dädunun çocuu, gel, çocuum, gel däduya, te dädu aldı sana halviتا, turta. Kosti halviتاları hem turtaları aldı elinä, baktı dädunun gözünä, sıridarak, taliganın ardına gitti.

– Ne yapmaa, üulen için ekmeemiz yok? Gideyim da alayım panayır- dan bir ekmek, – dädu babuya deer.

– E, sän git da al, – babu kayillik getirdi.

Dädu gitti, çok oyalanmadı, bir biyaz ekmek koltuunda hem iki-üç selödka elindä geldi. Oturdular üulen ekmeeni imää. Panayırın içi hep ölä uuldêr, halviتاcılar hep ölä keskin seslän baarêrlar, beygırlar bir bu tarafta, bir öbür tarafta kişieler. Üulen ekmeeni idiktän sora dädu kalktı, çuvalın bir kösesinnän aazının dolayanını sildi, danalara bir ku- cak koçan önnerinä attı. Babu da “sofrayı” topladı.

– Näänisini kapalı şindi? – dädu gürültülü panayırın erinä bakıp, dedi. Kosti da dädunun önündä sizlammaa çeketti:

– Dädu, bän dä isteerim panayırın içini görmää, biktim taligada durmaa.

– Näbalım, mari, alayım bu çocuu da biraz panayırda gezdireyim, – dädu, babuya dönüp, dedi.

– E, sän al da gezdir onu biraz.

– Ozaman sän kal taligada, bän dä gideyim onunnan.

Kosti sevinmektän yukarı atlardı. Dädu hazır olunca gitmää, o şanso- ra halviتاclarla etişmişti. Dädu aldı onu da götürdü orayı, neredä maa- sus yapılı şopronnar altında türlü soydan hayvannar, kuşlar dururdu.

– Ey, dädu, bizdä bölä soy hayvannar yok, ya ne büyük, titsi bugalar, ya ne beygırlar!.. Ya te orada ne büyük tauklar, kaazlar, pipilär!.. Nään- dan getirmişlär onnarı, ba dädu?

– Oyandan Rusiyadan getirdilär, insan görsün.

– E, te orada nasıl şeylär, ba dädu, kaaza benzeerlär, ama diil kaaz, ya nasıl uzun boynuları, kafaları büyük, gursaklı, baseynacık icindä eni- kunu üzerler.

– Onnar çocuum, lebeda, ölä kuşlar buralarda yok. Onnar da getiril- mä başka erlerdän.

– Bir dä maymun getirmişlär. Bän vardır gördüm bölä işlär Kuliş dädumun hak dermeninin örtüsü altında, açan bir kerä uzak babulara gittiydim, ama onnar bölä büyük diildilär, kedi kadardılar. Dädu artık etiştirämäzdi Kostinin soruşlarına cevap etmää.

Artık avşam oldu. Büyük, bir kızarmış kalay sini gibi, gün bayırın sırtına diidi. Titireyeräk, yavaş-yavaş gün onun ardına bakardı girsin. Yu-

da unutmamıştı alsın taligaya birkaç tezek hem biraz düümä koçanı. İndirdi onnarı erä. Kosti havezdi ateş yakmaa.

– Bu tezekleri kırayım mı, ba dädu? – bir büyük tezek elinä alıp, sordu.

– Kır, çocum, kır, dördär parça yap onnarı. Taliganın yanında ateşi yaktilar, da onun dolayında erä oturdular. Panayır icindä ateşlär sıklaştılar, yalnız dilleri bir yukarı kalkardılar, bir aşaa senärdilär. Ateşin başında bunnar başladılar gündündän olduu işleri annatmaa, ama taa çok Kostinin sesi işidilirdi. Geç vakıdadan ateşi yaktilar. Kosti ateşin başında uyuklamaa başladı. Dädu kalktı, taliganın icindä ona er yaptı.

– Kalk, çocuum, uyuma burada, taliga icindä bän sana er yaptım, gel da yat burada.

Kostiyi erleştirdiktän sora dädu tezek koorlarını küllän örttü, ki saba-ayadan ateş tutsun, kendi dä babuylan taligannı bir tarafında yattılar. Arada-saatta, dädu kalkardı da bakardı, Kosti acaba açılmasın da üşüsün; palanın kösesindän tutup, başına dooru onu çekärdi. Gecä karannı bastı. Panayırın içi heptän sessiz oldu. Sade kukumävlar, biri-birini koo-layıp, bir yıkık evin duvarlarında ötüşärdilär.

Sabaası Yuval dädu erken kalktı, danalara bir koltuk koçan verdi. Babu Yordana da külli eşeledi. Koor taa süünmemiştir. Bir tutam düümä koçannan ateşi diriltti. Sora bir-iki parça tezek üstünä koydu. Kosti taliga icindä uyuyurdu taa. Panayır enidän başladı uuldamaa. Sa-baa islää açıldı. Şurada-burada işidilirdi, nicä bazirgennär hayvan saa-bilerinnän pazarlık düüyelerlär.

Kosti dä kalktı, bir-iki ellerini yukarı kaldırıp, gerildi, esnedi birkaç kerä, indi taligadan da hep esneyeräk, ateşin yanında oturdu. İki bazir-gän-moldovan danalara yaklaştı.

– Bu danaları satêrmiysin, moşule? – onnarın sırtlarını, almacıklarını yoklayıp, sordular.

– Satayım, neçin satmayım, sade paadan annaşalım, – Yuval dädu moldovannara yaklaştı, cuvap etti.

Birisini danaların kuyruklarından tuttu da uçlarını onnarın topuklarını nadan uzattı da sordu:

– E, nekadar onnara isteersin?

– İstämmerim çok, elli karbona.

– Çokça isteersin, danalar küçürük, al onnara kirk karbona.

– Vermeyecäm kirk karbonaya, baksaniza, danalar zabun diil, bir ku-surları yok.

– Ver elini burayı, kirk beş karbona alacan mı? – elinnän dädunun au-cunu patladıp, moldovan dedi.

– Kırk beşä verämeyecäm, ama verin elli da ozaman.

Upa-tupa, annaşêrlar kirk dokuz karbonaya. Taliga yanında oturêrlar da parayı dädunun kalpaana sayêrlar. Yuval dädu çözdü danaları arıştan, aldı taligadan bir tutam arpa samanı, ikisinin dä aazlarına verdi o samanı, çatiylan bilä danaları moldovanın elinä verdi da dedi:

- Al da saalıçaylan kulkan onnarı hem hayır gör onnardan.
 - Sän dä, moşule, hayır gör paradan, – moldovan dedi da, danaları alıp, gittilär.
 - Ne osaat danaları verdin? – Yordana-babu mırıldanmaa çeketti. Bakalm, bu paraya alabilecän mi başka dana?
 - Diil senin işin, – Yuwan dädu, sertlenip dedi, – bilerim bän, näbërim.
 - Şindi nasıl evä gidecez, danalar yok? Ne islää danacıklardı, – Kosti, sislanıp, dedi.
 - Yok kusuru, çocuum dädu alacek başka dana, taa islää bunnardan.
 - Yuwan dädu ayakçadan idi bir parça ekmeğ yavan da panayır içiniä gitti. Babu Yordana çocuklan, ayıflanarak, taligada kaldılar. Kosti bakındı bir-iKİ ötää-beeri, aldı kamçıyı da, patladarak, taligadan birkaç adım uzak gitti.
 - Gitmä, çocuum, uzak, zerä panayır içi kalaba, var nicä kaybeläsin, – baardi Yordana babu çocuun ardına. Kosti geldi, pindi taligayada ayakça panayıri siiretmää çeketti.
- Bir-iKİ saattan sora Yuwan dädu da bir çift tosunnan taligaya geldi.
- Tok-to bide, bide-e, korkardınız başka dana alamayacemışım. Tä aldım, bunnar biraz taa zabunarak, ama yok kusuru, ya bän bakayım onnarı nicä läätzim da bak ne öküzlär olaceklar, – kendi-kendinä kana-atker.
 - Olmalı, öbürlerindän arttırdın biraz? – ekledi babu.
 - Arttırdım zer, bir uşaan elinä vermää, hayır yapmaa cebindä bir kapika bilä yok, läätzimdi arttırayım, – dädu, danaları aria baalayarak, dedi.
- Sora koynusundan çıktı bir büyük dizi kovrik, iptän çıktı bir auç kadar da Kostiyä verdi. Çıktı bir dä şalinka. Onu babunun omuzuna koyup, dedi.
- Tä danaların artırma parasından aldım sana da bir şalinka. Bak, beenecäm mi?
 - Şalinka... islää, taman benim için, – babu, şennenip, dedi.
- Kosti kovrikleri bir ipä dizdi da boynusuna onnarı astı. Buradan birär-birär onnarı kemirmää başladı.
- Şansora evä mi gidecez, ba dädu? – Kosti, kendisini atladarak, sordu.
 - Gidecez, çocuum, şindicik gidecez, dädunun çocuu. Ya, Yordana, sän topla taligayı, bän dä götüreyim tä bu danaları çeşmedä sulayım.
- Dädu çeşmedän gelincä, babu erleştirdi taligayı. Dädu baaladı danaları aria, Verdi önnerinä bir tutam arpa samanı, taliga haliz olunca, çöplensinnär biraz. Koçannar, ani taliganın ardına indirilmiştilär, yarıs taa dururdu.
- E bu koçannan näbalım, ya? – sordu dädu, bacaannan daalmışları topladıp.

– Näbalım? Dedim sana, ükletmä ölä çok, săn sä beni seslämedin; birazını taliga içünä döşeyecez, kalanını da ver birkimseyä, ani alafi bitmiş.

Dädu bakındı ötää, bakındı buyanı, bir dä gördü bir moldovani, gitmiş taligaların erlerindän koçan, saman toplêér.

– Ey, badey, alafin bittiysä, gel, vereyim sana te bu koçannarı, bän ölä dä tezdä evä yollanacam.


Moldovan kaçarak geldi da sordu:

– E, nekadar isteersin bu koçannara?

– Nekadar! Bişey istämeyecäm, al onnarı da anarsın beni. Moldovan, kapa-kapa koçannarı kucaklayıp, taligasına götürdü. Yuvan dädu koştu danaları taligaya da, stavrozunu yapıp, evä çeketti.

Dimitri Kara Çoban **NIŞANNAR**

Zaatlı Andreyi küçükkenä, bobası üüredärmiş olsun ii, yapmasın kimseycää fenalık, çalmasın, yardım etsin ilinnetmää insannarin yaşammasını.



Zaatlı, büüdüynän, brakmiş bobasının ii üüretmesini da olmuş tama, haseet, ikiüzlü hem aldadıcı. “Toplayım kendimä varlık, da sora çekedecäm iilik yapmaa”, – düşünmüş o da çeketmiş dooraluk-suzluk, tama toplamaa varlık. Ama, ki bilsin, nekadar fenalık yapacek, o herbir fenalin ardına kakarmış kazaa birär enser.

Bitki-bitkiyä o zenginnemiş, kazık ta dolmuş enserlän. Ozaman Zaatlı çeketmiş yapmaa iilik, ki prost edilsinnär onun ilerki fenilikleri, da herbir iliin ardına çıkararmış kaziktan birär enser. Acan enserlär kaziktan çıkarılmışlar, Zaatlinin sırtından sansın bir bayır inmiş. O osaat gitmiş bobasına sölemää yaptıklarını.

– E, islää, săn enserlerini çıkarmışın, – demiş bobası, – ama onnarın nişannarı kalmış kazikta.

YOLDA KARI

Haşlak iyül günüydü. Yaamur çoktan yaamadıydı, da yolda yatardı bir kalın kat toz. Doctor Flanburg çıktı aptekadan da yollandi evä üülenää. Güneş yaktı onun gözlerini. O gitti aullar boyundan, neredä durardılar sık salkım fidannarı. Onu genä kaptı can acısı eşillää, angısı gün uzunnuunda durér bu dayanılmaz kızgınnıkta.

Etiştiynän köşeyä, Flanburg gördü yolu ortasında, toz içindä durar kariyi, yanında – iki kazan hem suacı. Flanburg sandı, ani karı götürämeer suylan kazannarı.

“Oh, ne yufka oldu bu insan!” – düşündü o da gitti karının yanına. Karı naşeyşä aarardı toz içindä.

– Naşey săn aarêersin burada? – sordu Flanburg. Kari bişey cuvap etmedi.

- Nesoy senin adın?
- Vasiläsä bana deerlär, – dedi kari.
- E, sän naşey aarêerrsın bu toz içindä?
- Aarêrim... Dün kırk leyä suadım bir ev, verdim çocuumma götürsün parayı evä, o sa yolda kaybetmiş irmi leyi.
- Burada mi?
- Te buralarda.

Karı gösterdi bir üz metra yolun uzunnuunu. Toz yakardı Flanburgun ayaklarını emeni üstündän, karı sa gezärdi onun içindä yalnayarak da aarardi irmi leyi...

- Te buldum iki leyväz, – dedi Vasiläsä da kasavetli koydu monetaı cöbüñä. Flanburg aar hoşlan bakardı bu kartinaya.

Çoktan mı sän burada aarêerrsın para? – sordu o.

- Avşam da uşaklarlan aaradık, – dedi Vasiläsä. Onun yanına geldi çocucaa da başladı hızlı eşmää ellerinnän tozu. Anası dedi ona:

– Git, çocuum, getir kürää hem kalburu.

Cocucak gitti da birkaç minuttan sora peydalandı. Flanburg soktu elini cöbüñä, çekardı onbeş ley, Verdi kariyada gitti evinä dooru. Biraz git-tiynän, o baktı geeri. Anaylan ool çalkardilar tozu...

BOBAYI DOLAŞMAK

- Bän gidecäm tätulara, – dedi Majgeldään karısı Titiyana. Sora sordu:
- Gideyim mi?

“Kim ne pek isteer o sormaa benim kayillımı!” – düşündü Majgeldek da dedi:

– Sän git!

Karısı giidi kısa, koraflı fistanını hem deri yakalı paltosunu. “Nekadar lääzim o donansın!” – üfkelendi aklıycasına Majgeldek.

Karı astı koluna pembä deri çantacını da kapudan attı:

– Bän saat dördä dooru gelecam.

Da gitti aşırıya “bobasını dolaşmaa”.

Oldu üulen, geçti saat bir, geçti iki, üç, oldu saat dört, o sa hep gel-mäzdi. Dişarda oldu alaca karannık. Hava nemnedi. Majgeldek yaktı içerdä şafkı. Kapunun önündä görünärdilär iptä asılı yorgan üzleri hem başka yıkanmış işlär. Majgeldek getirdi aklına karısının simarlamasını: “Üülendä topla giisileri”. O geçirdi ayaklarına çiinek maavi terlikleri da çıktı dışarı. “Toplamaa mı osa toplamamaa mı?” – sordu o kendinä da tutundu toplamaa. Giisilär nemdilär, da diildi belli, onnar taa kurumadilar mı osa kurudular da genä nemnedilär mi. Onnarın kimisi kıvraş-mıştilar iptä, da Majgeldek bulamazdı kiskeçları. İpi boşaldınca, onun omuzu doldu giisiylän, da uçlar başladilar sürünmää erdä.

İçerdä sırasızlıktı, erdä palalar sivisiktilär, herersi sade trofaydı.

- Mamu gelmeyecek e bu avşam? – sordu sekiz yaşında kızçaaz. – O bu geçä orada e kalacek?

“Kalmaa o kalmayacektir, ama neçin o gelmeer bu vakıdadak? ” – düşünärdi Majgeldek. O makar içmäzdi, ama şindi gitti maazaya, çekardi bir kila şarap, doldurdu filcanı, içti da baktı saada. Şindän sora dokuzu-du.

“Näända o bulunêr şindi?” – tırmalardı Majgeldään güüsünü soruş. – Orada, aşırıda, çok türlü insannar var, onun ilerki tanışannarı... Onun için o almadı uşakları dädusuna!..”

Çocukak, oynaya-oynaya, yımışadı, birkaç kerä esnedi da uyudu erdä. Kızçaaz gitti öbür odadayada yattı döshedilmedik krivada.

Majgeldää çekmäzdi döşetmää. Onu çekmäzdi bişeycää. O durardı odanın ortasında da düşünärdi sade orayı, aşırıya, neredän beklärdi kendi karısını. O uzandi dökmää da kahirdan icmää taa bir filcan şarap.

Bu vakıt bauladi köpek da dışardan işidildi: “Tibi dä!” Hem taa birkaç annaşılmaz laf parçası, danışlı köpää. Açıldı dışar kapusunun ilk katı, sora ikincisi, da girdi Majgeldään karısı – islää üzlü, taazä, yalpak. O kaldirdı erdän çocucaa, severäk hem operäk onu, sora gitti kızçaazın yanına. Uşaklar uyandılar. O verdi onnara birär kolaçık, birär pembä pita, birkaç bomboni. Hep onnardan o meraklı, sevinmekli verdi kocasına da, deyeräk: “Bunnar da – benim büyük çocuumu”.

Majgeldään eridi ürää. Onun geçti kışkançlı, şüpleri, dalgalanması. İçerdä oldu kuytulu, raatlı, islää.

DÜŞÄR YILDIZ

Yolca gidärdilär mezarlıktan iki ihtär karı. Onnarın arasında gidärdi Gançu Kirunun karısı Länka da. O taa gençti, taa yoktu otuz yaşında, ama o da şindän sora ihtärä benzärdi, onun da hep ölä ergindi suratı, o da hep ölä gidärdi kasılı omuzlarlan, kambur arkaylan, nicä öbür karilar. Onun elindä vardı bir kara-eşil yarıml kılalık şışä, angısından o dök-müştü suyu usacının mezarında çiçeklerä.

Bir yıl geeri Länka gömdü ilk uşaani. Uşak öldüydü bir buçuk yaşında, şindän sora gezärdi, çekettiyydi lafetmää. Doyamazdilar onu siiretmää, oydu evin şennii. Ama uuradı ona, ne salgın uuradıysa, da süündü uşak onnarın gözünün önündä, nicä mum, kaldı sade adçaazı sandıkta yazılı... Bir hafta cannan buuştı uşak. Ne sade denämedilär yapmaa: türlü otlar kaynattılar da verdilär içsin suyunu, sıcak kum içindä tuttular, babulara okuttular. Çok kahırlandı Länka yavracuunun ölmesindän sora hem her cümeresi gidärdi onun kenarcunda, aalardı hepsini toplanmış yaşlarını...

Yavaş gidärdilär ihtärlar hem Länka, da herbirinin lafinın ardına işidilärdi: “Of-of-oof”.

Açan Länka geldi evä, kocası Kiru taman kürümüşü damı, yaymıştı sıırlık aulunda fişkiları da çiinärdi onnarı tezek için.

– Verdin mi potmara, bä, vardı kapunun ardında çuvalda bir damna kepekk? – sordu Länka.

Kofalarda yoktu su, da o yollandi pinara.

– Dur, mari, nereyi gidersin? – durguttu onu Kira. – Koru kendini, bekim saa-selem büdüäriz bare bu uşaa...

Kiru aldı karısının elindän kofaların suacıyı, urdu omuzuna da gitti pınara.

O gecä yaadı yaamurcuk.

– Biçmää sabaa gidilmeyecek, – dedi Kira. – Bän karacam sokakta biraz çamur da uracam birkaç topalak o çalmarın üstünä, zerä, bakêrim, genä akêr ard köşä.

Ertesi günü topladı o aul boyunda biraz molitura, kardı samannan da başladı urmaa örtüyü. Länka geldi çitennän topalak taşımaa.

– Git, Länka, bak te orada näbacan, yap, ama brak bu pustiya çamuру, – aldı Kiru çiteni onun elindän.

Tölä her gün Kiru savaşardı korumaa taa duumamış uşaa. O hiç istemäzdi almaa karısını kira biçmää, ama Länka tutundu mirıldanmaa: “Al, bän bare turmiklayacam biçimtileri senin ardına”. Gittilär onnar biçimmää Üüsüz kulaana. Gün çıktıyan, çeketti kızdırmaa. Biçimtilär gevredilär. Länka aldı diireni da çeketti kayırim toplamaa, gittikçä hep taa çokar biçimti kaldırır, başladı tepä yapmaa. Kiru birkaç kerä aldı onun elindän diireni, Länka sa hep brakilmêér:

– Bulutlar dönüßer, benzeer yaacaa, lääzim alatlayalım.

Bitirdilär biçimeyi. İki gündä taşdılar biçimtileri evä, düdüdlär harman. Länka aktarardı samanı, küreklärdi, sibidardı güven çahlarını. Yaptılar tınaz, saurdular onu. Tutundular ekini gözerdän gecirmää. Kiru çalkêér, Länka da döker gözerä kesmikli teneleri. Kiru hep deer karısına, alsın yarımiş kazan. Länka sa kaçınér, seviner, yanakları oldular pembä. Hem işleer, hem güler. Braktı o kazanı, aldı büyük bakırı, doldurdu onu tenaylän tepelemä da kaldırıldı gözerä. Ama burada ona prost geldi. Onun güüdesi salverildi erä, bakır da düştü üstünä. O kaybettii kendisini, hiç alamêér solunu. Kiru sibitti gözeri bir tarafa.

– Naşey sän yaptın, mari? – baardı o diil kendi sesinnän da, kapıp karısını, götürdü içeri. Länka geldi kendinä.

– Çaar Todiläsa babuyu, – gücülä işidildi onun sesi. Gitti Kira kaçarak, getirdi babuyu. Bütün gecä içerdä yandı şafk hem işidildi Länkanın çirkin baarması. Sade sabaa karşı kesildi onun sesi. Babu açtı kapuyu da söledi, ani Länka saa-selem hem ani çöçucak ölü duumuş.

Gökü çizdi bir meteor şafkçaazı. Kiru baktı ona da inandı, ani düştü onun çöcucaanın yıldızı.

KARASPANDİT

Kışın da, açan gynnär – “auç kadar”, yazın da, açan onnar – “yıl kadar”, çiftçi Kurcalı hep te bola dönärdi kendi aulun içindä. Onun elinä herkerä bulunardi bişey: ya kazma, ya tirpan, ya keser. O haylak durmazdı hiç, ba doorudardı yannamış tokadı, ba kazardı aulu, ba yamaardı çarıklarını. Aşırıya o hemen gitmäzdi. Açısan siirektä gidärdi panayira,

o bütün yol hep düşünärdi evi da onun için savaşardı taa tez dönmää geeri. Küüdä en ii çiftçi sayılardı o.

Bir yılın, gidärkenä Kişiñövä, bu küyüä bir Bukureşt gazetasının korespondenti geldi. O gitti primariayada dedi:

– Bän – korespondentim. İsteerim göreyim, nicä yaşêerrlar sisdä insannar. Gösterin bana sizin bir çiftçinizi.

Sekretar sordu gelmişä:

– E sölämeyecän mi Canabin, ne o “karaspandit”?

– Bän gazetada işleerim, korespondentim, diilim “karaspandit”, – annattı yabancı.

Sekretar nekadar savaştı demää bu lafi, ölä dä deyämedi.

– E, yok bişey, – deer o, – bän deyecäm sana karaspandit, sän dä zabunnamayacan bundan e.

Da döndü o karaulcuya Drangu Aleksiyä, deer:

– Götür bu karaspanditi Kurcaliya, görsün bizim gagauz çiftçimizi. Kurcalı, sansın, islää yaşêér, a?

Karaulcu dedi karaspandidä “haydi”, da onnar gittilär Kurcaliya. Açılan etiştilär tokada, karaspandit deer karaulcuya:

– Bän yalnız girecäm burayı. Sän git geeri. Saa ol.

Kurcalı taman dayardı evin arasında sarkık saçaa poplan. Karaspandit girdi aul içünä, bakınér her tarafa, ki kaçırmasın bişey, hepsini esap alsın, görsün, nicä yaşêér burada çiftçi. Gitti o ilkindän kuhneyä da baktı eski kuruma. Vatra üstündä durardı bir parça malay, angısını sarmıştılar da alatlan payedärdilär karımcalar.

Karaspandit, çıktıyan kuhnedän, üz-be-üz karşı geldi zabun kara köpekkläñ. Köpek iki sefer bauladı da kaldı açık aazlan. Karaspandit kıvrıldı evin ardına da, görüp saabiyi, seläm verdi ona:

– Kolay gelä, çorbacı!

– Allaroz olsun, – gücülä işidildi cuvap.

– Ne, düzünermiysiniz?

– Dayêérим te burada saçaa, cökmüş.

– Da, eskicä sizin evceeziniz.

Kurcalı bişey demedi da ilerlärde urmaa popu erinä.

– Sisdä burada konşert olér mı? – sordu karaspandit. – Bilmeerim, naşey o, – istämeyeräk, dedi Kurcalı.

– Prost, prost, ani siz burada bişey görmeersiniz, – uzattı sesini, şasarak, karaspandit, sora genä sordu.

– E, Canabin, nesoy kiyat okuyêrsınız?

– Brak beni raada, ba! – darsık cuvap etti Kurcalı. – Ne takıldım? Bän sabaa karannıundan işleerim, sän dä gelmişin...

– Siz prost edin beni, vatandaş, bän – korespondentim, onun için sorêrim, – dedi örürü.

– Sän haylak insannara sor. Biz hiç aylak durmêeriz... benim var işim, – attı omuz aşırı Kurcalı.

- İştän sora siz nicä dinnenersiniz e? – oldu eni soruş.
- Nicä öküz, – yatêrim da dinnenerim, – kesti lafi Kurcalı da ölä baktı karaspandidä, ani öbürü gitti hiç başka bişey demeyip.

İRMİ MINUT

Kolçuk Görginin gelini Doka avşam üstü döndü Tumarvadan evä. O geçirdi kendi Görgisini näänisa cengä. O dalgalıydı, başı acıyardı, gözleri şistilär iştän. O hemen taa yaşayamadı kocasının, gücülä dokuz gün oldu, nicä onnar alındılar. Da birdän – cengä!..

O girdi aul içünä, daaklı ermäzdi, nereyi koydu anatarı, açan sa buldu, ellerin titiremesindän açamazdı kilidi. Gördüynän boş içersini, yaşlar genä doldurdular onun gözlerini. Onun gözünün önungän hiç kaçmazdı nazlı, levent Görgi. Doka düştü üzünnän yastaa da genä bargın-bargin çeketti aalamaa.

Kaldıydı bir adım boyu günä kauşmaa. Kimsä urdu kapuya. Doka çıktı da gördü topal Tanka Vaninin çocucaanı bir parça kiyatlan elindä. Çocucaak uzattı o kiyadı da gitti.

Doka ilk sefer yaşamاسında tutardı elindä kendi adına kiyat. Dokanın gözlerindä ilkindän bukvalar karışardılar, sora o başladı seçmää onnarın kimisini. Onun ürää çeketti hızlı düülmää. O açık duydu, nicä onun kollarının hem ayaklarının damarlarında, hızlı örüler kan. Bukvalar benzärdilär onnara, nicä yazardi Görgi. Doka az kiyat bilärdi, ama Görgi bitirdiydi dört klas da küdüdä sayılardı kiyatçı adam. Doka, yavaşacık oynadarak dudaklarını, okudu:

“Be-n-im pi-a-li Do-ki-a-cım, irmi minut taa durdu bizim tiren Tumar-va-da nasıl bän seni yollandırdım ileri ta lafedicidik birkaç lafçaz bekim da öldürecekler şansora beni ama pek canım acicek, anikilicäm kolverdim seni, da tiren sora durdu ta irmi minut. Acan bän pindirdim seni taligaya, ki sän gidäsin onunnan barecäm Vulkaneşädäk, sora bizä verdilär suuk mamaliga da bän sordum majura, nezaman yolanacek bizim tiren, da o dedi irmi minuttan sora. Da bän buldum cebimdä bir parça carnala karandaşı hem buldum tirenin altında bir parça kiyatçık sayler ani yazım sana, ne var üreemdä. Hep aklımda ani sän geldin Tumarvaya, senin çemberin düşmüş kaçarkana da sän almışın onu elinä da hep kaçarmışın anikilicäm etiştiräsin beni bîrda, benim yalpacım. Başka yapamacıdı bunu sän sa yapmışın, bän hiç ölümdän korkmerim, ama pek canım acer sana. Sän benim piliçim bir eroi gibi gelmişin küydän Tumarvaya sora aaramışın beni bütünnä kasaba içindä da sorarmışın neredä senin Görgin sora sana demişlär ani saldatlar şansora yok birada ani onnar gittilär fronda, sän aalamışın sokaklarda da sana bir adam demiş ani bîrda var taa saldatlar da sän sormuşun neredä onnar. O demiş git taa taş garaya zare onnarı haydayceklar fronda, da sän buldun beni. Bän seni pek severim da onuştan kär altın versinnär, sendän atılmaycam. Şansora tiren gidecek onuştan bitirerim bu kiatçımı ama

pek kederlendi üräm ani frondun öündä te o irmi minutçuk ileri ayrıldık seninnän akıllıcım hem gözelcim benim Dokam, sansın yaşamam batalaç kaldı ozamandan zere irmi minutun adı var kal salıacaklan prost et eer ani acıladısam bir kerä seni, benim paalımı”.

Dışarda durardı lüzgersiz hava. Günün yarısı şindän sora saklanmıştı anızın ardına. Dokanın yaştan gözleri kırmızıydılar. Ona birdän geldi, ani tren taa durêr garada. O döndü kilitlemää kapuyu da genä gitmää orayı, ama onun aklına geldi, ani ozamandan geçti bir gün, da o durdu kapunun yanında.

— Ver, allahim, o padişaalarak akıl, da cenc olmasın, da benim Görgim saa-selem gelsin evä, — dedi Doka kopar içlän da gitti kuhnecää hazırlamaa kircilara imää.

BELA TODURUN SITMASI

Otuzbir Petriyi raada brakmazdilar, her kanirardilar:

— Ya annat, ba Peti, nicä sän kotikaylan çektin Bela Toduru.

O üfkelenärdi, istemäzdi ansınnar ona bu istoriyayı. Ama bir kerä Arizannarin evi ardında düstülär onun peşinä, da o annatti:

— Bu oldu 1921 yilda ilkyazın. Koşacaam benim yoktu, ama vardı iki tekerlekli bir kotikam. Döktüm bän çuvala bir demirli arpa, koydum kotikaya o arpayı, haybeyi hem kazmamı, koşuldum şilteyä da gittim kira ekmää. Daattim bän tarlaya toomu da kazêrim.

Bir neredän sora geldi kira Bela Todur da. Paylarımız yannaşıktılar. O da daattı, ne toomu vardı, da çeketti kazmaa. Ama belliydi, ani onun yok ilili.

Ülendän sora o yattı payın ortasında, kıvrılêr, ürää acıyarmış hem üşüdärmış onu. Payının sa yarısı durêr kazılmadık. Siktim bän kendimi, bitirdim kazmaa kendi paycaazımı da, deerim, ya eşeleyim onun da erini.

Yaptım bän bu işi, bitirdim. Belä sa hep yatêr, — yok nicä evä da git-sin. Bän deerim ona:

— Ha pin benim kotikama da bän götürrecäm seni evä, açan okadar hastaysın.

Tuttum bän onu kaldırmaa, o sa hiç dalbinmêér da. Aar da, kuduz! Gücülä kaldırımdı bän onu, oturttum kotikaya, koydum yanına benim işlerimi, koydum onun kazmasını hem hiybesini, koşuldum şilteyä da — hay, çekmää onu evä. O da kotika içindä dua eder:

— Allaa-Panayiya ilin yol versin bizä.

Sora genä susmêér:

— İslää ürään var senin. Saa ol, ani aldın beni, ani hatırlı güdersin bana. Büün benim duumak günüm. Bölâ gündä düşer, aslı, bana baaşış veräsiniz. Bän sizin aranızda taa büüçükim, siz läätzim beni koruyası-nız. Yolda bizi görennär deerlär:

— Helä bak, helä, koşmuş adamı!

Bu sa kotika içindän:

– Sän onnara bakma, kardaşım. Onnar becererlär sade fenalık lafet-mää.

Etişti bizi geerdän taa bir bölümük insan, tertipleri sırtlarında. Bela tutundu:

– Alsana, kardaşım, te bu insannarın da kazmacıklarını hem botacıklarını kotikaya. Sän kendindän bilersin, ani yayancılık zor.

İnsannar gittilär, bizi güleräk.

Etiştik biz Çatal Tepenin yanına, neredävardı bir pınar – ne kofası var, ne – pardısı. Bela verer bana bir şışä da izin eder:

– Git pinara da çıkar bana su. Pınar sa derin, var bir on metra.

Açan baktım içindä, kafam döndü. Ama ne taş yapacam e? Aldım “Belayı” başıma... İndim bän çak o pınarın suyunu, doldurdum şîseyi da gücülâ çıktıım, ama suladım onu...

Etiştik biz Mitinin baayı yanına. Bela tutundu genä:

– Bana, kardaşım, bu kotika içindä pek sıcak. Kırsana fidandan bir dal, bana gölgä olsun. Kırdım bän, verdim bir dal onun elinä, – oturêr, nicä kukumäu, gölgä yapêr kendinä. İndik biz çayıra, etiştik köprüyüä. Bela deer bana:

– Geç, kardaşım, derä içindän, zerä köprüdän olur deviräsin beni. Can tatlı, ölmää kimsey istämeer, hepsi isteer yaşamaa.

E, geçirtti o bana kendini derä içindän. Çıktım bän yola: tingir-tingir, çekerim onu. O sa:

– Kuru yolda pek sarsêr, Petrika, sap, yalvaracam seni, kabalaa. Sap-tım bän da bir tarla boyu kadar çektim onu sürülmüşta, ter-su içindä kaldım.

Çıktıynan yola, onun canı acıdı bana, deer:

– Duruklan, dinnenelim biraz. Ama sän dur koşulu, çıkışma şilteyi ensendän, sindicik gidecez. Sora çıkardı o cöbündän birkaç pindik, verdi bana da deer:

– Na, ama soy da i onnarı yolda, gidärkenä, zerä geç olêr. Yollandım bän, çekerim onu, o sa taa darılêr bana:

– Sän biraz taa hızlıca örü, zerä benim evdä var çok tecil işlerim. Sän bölä yavaş gidärsän, biz avşamadak evä etişämeyecez.

Çekettim bän kimi erdä eşkinnemää.

Etiştik biz küüyün kenarına. Geçeriz dermenin yanından. Bela dur-guttu beni da yalvarêr

– Alsana, kardaşım, dermendän benim çuvalcımı unnan, olmasın bana sora gelmää, taa bir kerä yol düümää.

Yok näbayım, pindim bän dermenä, aldım onun çuvalını, urdum sırtıma da... hem çuvalı götürürim, hem kotikayı çekerim...

Etişincä evä, islää karannık oldu. O sa tutundu, okuyucuykaya beni yollêér, çaarayırm sıtmadan okusun onu. Gitmedim.

– E, sölä, o sana bare şükür etti mi? – sordu sesleyicilerin birisi. – Hep bir ikram yapmıştır o sana.

– Brak ikramı! Sizä gülmää geler, bän sa, dedim, şansora kurtulamayacam ondan. İndirdim bän onu, kaptım kotikayı da – hay kaçmaa.

– Sän duraydın, ba, bekim o sana bir filcan şarap vereceydi, – dedi Misilli Tani.

– Vereceydi! O çıktı ardına da sokakta baarêr: “Hey, ya dur, ba Petri! Soraceydîm, pazara gitmeyecân mi panayıra, alasın beni da?..”

Otuzbir Petrinin annatmaktan annisi oldu tenä-tenä ter, suradı oldu zeetli hem kısmetsiz.

Dolaydakıların sa aazları irilärdi gülmektän.

KUDAL

Bin dokuzüz otuz sekizinci yılın april ayında Garipsi öldü ofтикадан. Onun evindä pençerelär açılmazdılar, da içerdä durardı aar, diil saa soluk.

Haştalandıyan, Garipsi sık-sık sölenärdi, çaraardı oolunu Fediyi, suvazlardı onun başını hem hêyslardi öküzü Kudalı.

Düştüynän döseklerä, o teklif etti koşacaksız adamı Dolapsız Stepanı, ki o sürsün onun hem kendisinin paycaazlarını.

Garipsi öldü, kusarak kan, düünerän patta! Bundan sora geldi Dolapsız da üç günün içindä, koyup sıraya taligayı, eski puluu, çali sürgüyü, doldurdu bir yamalı çuvala ufak, nicä mercimek, papşoyu, oturdu taliga-ya raametli Garipsinin dokuz yanında oolunnan Fediyi, da onnar yollandılar kira. Kalktılar taa sabaya varkana birkaç saat.

Hava serindi, da ilerdä görünärdi öküzlerin soluu. Öküzlär, Kudallan Bujor, ikisi dä zabundular, ama Kudal bir boz tüüdä, yavaş öküz, pek yufkaydı. O iyärdi alatsız, hiç çok görmeyeräk, ani Bujor sıyrir onun öündän emi. Fedinin herkerä canı acıyardı bu öküzä onun bu yavaşlı için. Ama Kudalın yavaşlı diildi iilää, o dertliydi. Çok vakıt çekti o Garipsinin puluunu, geçirdi saabilärlän bilä yaşamak zeetlerini. Da te bitkidä o başladı düsmää, heptän kurudu.

Garipsinin payı yırakta, Kongaz merasındaydı. Yarım yol Kudal git-til, sallanarak Bujorun yanında, urularak salkım arışa. Ama açan taliga urdu çayira yayılmış bir molitura erä, Kudal durdu. Dolapsız urdu onun firlak bel kemiinä birkaç kamçı ardı-ardına. Taligayı çıkardı yalnız Bujor.

Ötää dooru birkaç erdä, hendeklerdä, Kudal düştü. Ama Dolapsızın kamçısı kaldırardı dertli hayvanı çirkin vijlamaklan. Fedi herbir urmaklan kapardı gözlerini, ki görmesin bu çirkin kamçıyı. Acan Kudal düştü şindän sora beşinci kerä, Fedi dayanamadı da yalvardı Dolapsiza, düümesin öküzü.

– Bän diilim kabaatlı, Fedicik, ani yaşamak bölä zor, – dedi Dolapsız.
– Eer biz ekmärsäk sizin payı, ozaman Kudal da, sän dä, mamun da öle-ceniz aaçlıktan.

Fedi annayamazdı bunnarı hepsini, o sade annardı, ani onun pek canı acıyér Kudala. Dolapsız taa birkaç kamçıda kaldırıldı Kudalı, da taliga genä yavaşacık yollandı ileri. Yolda Dolapsız birkaç kerä baktı ba Fediyä, ba torbaya, düşünerák, kaç günä onnara etişecék iinti.

Paya etiştilär geç. Dolapsız koydu küflü puluu payın saa annüna da çekettilär sürmää. Üulenädäk yapabildilär sade altı çizi. Üülendä Kudalı aldı bir püsök tozak, ama çiineyämedi onu, da ölä da kaldı, tozak dudaklarında. Dolapsız kendi bişey imedi, Fediyä sa kırdı malayın bir parçasını, da genä tutundular işlemää: Fedi edeer öküzleri, Dolapsız da puluu doorudêr.

Kudal her iki-üç çizidä düşärdi. Dolapsız, görüp ani Kudal bütün şindän sora yapmayacek iş, kolverdi öküzleri, baaladı onnarı taliganın süveninä da döktü önnerinä birkaç auç papşoy.

Gecä için Dolapsızlan Fedi yattılar erdä, sarılıp eski aba şubaylan. Sabaalen onnar uyandılar erken. Herersi sessizdi, sade bir civirliga yakında denärdi kendi sesini. Bujor durardı ayakça da gevşenärdi. Kudal sa yatardı, yasılmış erä.

– Git da sula öküzleri, Fedika, – dedi Dolapsız da baaladı onnarı bire-ri kisadan, ki dolaşmasınnar. Fedi aldı kamçıyı da haydadı onnarı alçaa. Alçakta, körpä çimennenin arasında, yalabiyardı bir sizıntı. Kudal su içmedi. Fedi çevirdi öküzleri geeri, ama Kudal çıkaramadı tırnaklarını çamurdan. O düştü da innedi, nicä insan.

– Kalk, Kudalcıüm, – yalvardı Fedi, – kalk, benim öküzçüüm.

Ama Kudal tunuk gözlerinnän bakardı kendi saklı acılarına. Fedi çekettedi suvazlamaa onun boz tüülü kalacınu hem aalamaa. Sora o braktı öküzleri dä gitti sölemää Dolapsiza, ani Kudal battı. Dolapsız aldı kamçıyı da gitti alçaa. Kudal yatardı up-uzun, kalaa çamur içindä. Dolapsız denedi çıkarmaa onu. O ba çekärdi onu buynuzlarından, ba savaşardı kaldırımaa kamçının sapınnan, ba baalardı onu çatıylan Bujorun ense-sinä dä “hay” edärdi, ama hepsi savaşmaklar boşunaydilar.

Dolapsız gitti näänisa kirca da tez geldi birkaç adamnan, angıların birisinin edeendä vardı bir hêysadakı öküz. Koştular onnar o öküzlän Bujoru taligayada Fediyän bilä gittilär alçaa, kaldırdılar taligaya Kudalı. Bundan sora yabancı adam aldı kendi öküzünü dä başkalarının bilä gitti.

– Lääzim götürmää Kudalı evä, Fedicik, da mamun sölesin, kesmää mi onu, näpmää, – dedi Dolapsız, – sora gelecez da bir Bujorlan payı ekecez. Başka yok näpmaa.

O kasti Bujorun tarafından boyundruu Kudalın tarafına, da öküzlän adam sürüdüller taligayı küyüä dooru.

Yolda Kudal, zavalı Kudal, öldü. Evdä onu Dolapsız soydu. Fedi ba-

kardı onun heptän suumuş gözlerinä da çekärdi içini. Kudalın güüdesi bütünnä çürüktü çok yıldakı zeetlerdän.

Dolapsız düzdü eni boyunduruk, maasus bir öküz için, baaladı tarapaşkaya bir boşaldılmış semiçka sapı, giidirdi o sapa bir susaktan fini, da ikinci günü genä yolandilar kira. Fedi can acısınınan bakardı, nicä Bujor yalnız savaşêr çekmää taligayı.

OTUZ LEY

Küdüdä Karannik-Fakirlerdä yaşardı bir kırkın üstünä yaşıta adam Semä Petan. Semenin vardı çok kapulu evleri, büyük damnarı, ikitidemirli pulukları, sekiz çift öküzü, ikiüz koyunu, çok kuzu. Onun baaları hem ekinnikleri kaplardılar küüyün merasının taa zeedesini. O her yıl saatardı çok ekin, şarap, piinir, yımırta da hep toplardı para. Kendisi sä o herkerä benizsizdi, sırtında taşıyordı bir hurda anteri. Anılmış sıkı adamdı.

Semä Petannan bir sokakta yaşardı bir oftikalı, yalnız karı, angısında hiç bişeycik yoktu, da o toplardı sokaktan herbir çırpıcı. Da te bu kariya Semä dört yıl geeri verdiydi ödünç otuz ley. Zor inanmaa da, nesoy giçirtiyylan üreendä o verdiydi o parayı.

– Ama bak da getir! – simarladı Semä kariya. – Otuz ley – diil şaka. Acan binää etişmeer otuz ley, ona demeerlär binnik.

Da te geçti dört yıl, karı sa hep çevirämäzdi kendi borcunu. Da dört yıl sırvardı Semä hep yollardı kendi evdekilerini, ki alsinnar o parayı.

Bir kerä kışın Semä kendisi gitti kariya. Bulamayıp, ne almaa ondan borç için, o kopardı kufneciin örtüsünün başından üç tafta. İçeri başladı saurmaa kaar. Zavalı insancık çivdirardı, nicä kuş. Bozup karının yuvasını, Semä yollandı evä. Ama, çiktiyan sokaa, ona göründü, ani bu çürük taftalar yapmêîlar borcun parasını, da o sibitti onnarı hendek içinenä, baarip kariya, neredä istärsä bulsun da getirsin o parayı. Semenin hiç neetindä dä yoktu raada brakmaa kariyi. O genä çeketti hergün yollamaa içerdän birkimseyi ona o leyär için. Acan evdä bitärdi gaz, o deyärdi gelinä:

– Git, versin o otuz ley da al gaz.

Acan birkimsey çaarardı düünä, o deyärdi karısına:

– Bän gelinnän güveeyä atacam dolucak irmi ley, sän da git, al o otuz ley da at onu.

Acan içerdä uşakların birisi istärdi bomboni, o genä deyärdi:

– Git al o otuz ley da al kendinä bomboni.

Semedä tezdä duudu neet vermää suda kendi borçlusunu. Ama bu vakıt oftikalı karı genä kefsizlendi. “O var nicä sudadak ölsün da çevirme sin o otuz leyî”, – düşündü Semä da bu para için hasta kariya kazdırıldı yarım hektar papşoy.

KARA KİŞ



Geldiydi 1946-1947 yılın kış aazı, üflärdi bir keskin poyrazdan lüzgär. Taa noyabri ayında suuklar çıkarıldılar 20-25 gradusa. İnsan zabunu, aaçtı, yakacaksızdı, küü doluydu kiiläylän, giciiklän, göz arısının hem, kara bulut gibi, sıçannıklan. Kırlardan milionnarlan sıçannar küü içünä tüşümşülär, neçin kırda onnara bişey imelik olmamıştı, varınca ot toomu da yoktu da bu kemirici sürüleri hızlanmıştılar küülerä onnarda insannarı imää, ama çıktı başka türlü. Aaç insannar başladılar, tutup püsürlüktä, kendileri sıçannarı imää da onnardan, zihirlenip, şisip-olmää. Artık oktäbri ayında küü içindä bölük-bölük karilar, uşaklar, ihtarlar gezärdilär dileneräk biri-birlerindän bişey aazlarına atmaa. Küyyün kenarında vardı toprak örtülü fukaaraların kümeltileri, oradan artık hepsi, kim ayakça durabilirdi, gitmiştilär panayırlara: Bolgrada, Tumarvaya, Kişinöva dilenmää. Başkaları da, ani evdäyilär, görüp kenarda insansız boş evleri, alıp onnarın ortülerini, kapularını, pençerelerini, yakardılar fırını, suuktan kurtulmak içün. Gidärdi çok derin bir kış, ani çoktan taraflarımızda görülmemişti. Eni yila yakın kaar yıldiydi belä kadar. Yakacaksızlık hem aacılık kol-kola tutunmuştu da sıkardılar insanı buazından. Artık kimisdä içlerindä vardı gömülmedik ölülar, en ilkin ölürdü uşaklar.

Bu seremceli kıranni yılda bän, nasıl da taa yukarda solemiştim, şkolada üüredicilik edärdim. Sentäbri ayın birindä şkolada üürenmäk başladıyan, benim birinci klasıma yazdiydim 36 uşak. Hepsi onnar hemen edi-edi buçuk yaşlarını doldurmuştu, çok gözäldilär, uşakça fasıldilar. Şindi dä sansın gorерim onnarı gözümün onündä. İlk günnerdä uşaklar taa şendilär, neçinki içlerindä taa bitmemişti sonunku trofacıklar. Bu uşaklırdı bizim milletimizin yaarınkı günü, onun gullü gelecää, ama ta man onnarmış en kışmetsizlär, neçinki açan geldi üüretmäk yılın sonu, etistik 1947 yılın may ayına, benim klasımın listesindä kaldı sadece dort uşak. Kalanı 32-si gözlerimin önündä aaçlıktan, baara-baara, öldülär. Şkolamızın obür klaslarında da kalmıştı pek azarak uşak. Canım acırdı hepsinä, kor gibi, yanardı güüs taftam. O kışın soylarım, hisimnarım gelirdilär bana, sanırdılar, ani bän üüredici da bişeylän yardım edecäm, bir akıl verecäm. Ama görürdülär, ki bendä dä imelik yoktu. Kendim kışın ortasında artık aaçlıktan şistiim.

O kışın bän yaşardım anamnan-bobamnan bir evdä. Bobam Sibirdä hastalanmıştı da onu yollamıştılar evdä ölsün, ama o, şükür, ölmeli, alıştı. Taa bizim içermizdä vardı dort can: iki kardaşım hem iki dä kızkardaşım hem anam. İştä bulunurdum sade bän, sayılırdım "slujaşçı" da kabuledärdim 120 ruble ödeklər ayda hem 9 kila un, sıra unu. Pişir-

diynän, o una eklenirdi kantarda taa 6 kila da çıkardı 15 kila ekmek. Gündä bir kişiyyä yarmışar kila ekmek, buna payok denirdi, Ama benim ayläm 9 kilaunu iyirdi 5 gündä. Ayın kalan günnerindä aaçlık çekärdik. Anam çalışırdı o 9 kila uncaazı taa çok vakıda etiştirmää, katardi kaşamiza papşoy koçannarın özünü, sora tavannarda bulunurdu eski fasülä, mercimek, kabak çekerdekleri hem taa başka eskidän kalma toonnar, da bunnarı iyirdik. İyintimizi anam yapardı yımışacık, siirecik, ona candra deyärdik, pek benzärdi o imäk domuzların yalına, suuduynan biraz tikizlanırdı, da anam kesärdi hepsimizä paycaazını.

Dekabri ayında şkolada üüredicilerä hem uşaklıra deyni başladıydılar getirmää komerçeski ekmek: iki buçuk kilalik arpa unundan, kerpiç gibi, ekmeklär. Tükändä onnar yapardilar 25-30 ruble, bizä dä bu paada satardilar, ama panayırda olä bir ekmek yapardı 100-120 ruble, hem o da bulunmazdi. Çoyu parası elindä olürdü aaçlıktan. Bän kendi aylık 120 rublemnän panayırda vardi nasıl alayım bir ekmek, ama alırsam tükändan, param etişirdi 3-4 somuna. Taa zeedä getirselär dä ekmek tükäna, bendä onu almaa para etişmäzdi. Herbir üüreniciyä dä gündä düşärdi 100 gramcaaz ekmek tükändan, ama o üz gram için uşak lääzimdi ödesin bir ruble cebindän. Neredän alsındı aaçlık çekän aylä uşaana bir ruble?

Bän ilktän bir-iKİ hafta kadar alırdım klasıma kendi paramnan üzär gramcaaz o tükän ekmeendän da verirdim uzanan elceezlerä parásız, bununna uşacıklar baari mayayı kaçırımdılar... Ama pek tez benim param bitärdi da kendimä ne düşärdi almaa, onu da çıkardamazdım. Lääzimdi bekleyim ay bitkisini da kabuledeyim para, ama imää lääzim-dı hergün.

Geçärdi zor aylar, bän görerim, ani klasımda azalırdı uşaklar, giderim evlerinä. Birisini bulêrim anasının kucaanda ölü, ama uşaan gözleri açtırlar, yannaşık yatan ölü bobasına bakardılar, anası da aalayarak sorardı bana:

– Neçin bän ilkin ölmədim, da gözlerim gormesinnär bu cendemi? Sölä, sän üürediciysin!?

Bu karı aalêér, bangır-bangır, buularak, benim dä gözlerim doldukça hep dolêrlar yaşlan, savaşêrim dayanayım aalamayım, lääzim bişey cu-vap edeyim, ama yok ne soleyim, neylän yardım edeyim. Kendim oldu bir hafta duyêrim, nasıl aaçlık boşumu emer. Karının kucaanda uşaan adı Martincik. O benim birinci klasımda en geerkı sıradı otururdu. Açıçekettik bukvaları yazmaa, bu çocucak hepsindän meraklı kendisini kullanırdı.

Bän annadırdım, nasıl karandaşı tutmaa, sora gösterirdim, nicä çeketmää. Yazardık ilkin sade olä yukarıda, sora deerim:

– Hadi, te şindi diidirin karandaşınızı tefter yapraana da yavaşaçık çekediniz yazmaa kendiniz. Bän dä, gezip, bakardım işi. Hepsinin önnerrindä eski kiyattan birär teftercik (onnarı kendim hazırlardım). Eski ar-

tık yazılmış kiyatları toplardık romin primariyasından da onnarın pak yannarına yazardık... Gezerim, bakêrim, nasıl küçüklär kapanmışlar işä, aazlarını, burnucuklarını burarak, çekerlär ilk bilgi gizilerini – yazardılar “a” bukvayı...

Bir dä en geeridän kopêr bir aalayış. Bu Martincik iki sıra, tolu gibi, yaşlarlan yanacıklarında baarêr bana adımca:

- Nüklay İgnatoviç, Nüklay İgnatoviç!
- Naşey oldu, Martin, dur, sus, aalama!
- Ya gel tez burayı!

Giderim yanına.

- Sölä, yavrum, aalama, sölä, ne isteersin, ne zorun?

– Te buracıkta bu “a” bukvacık hiç olmêér, hiç yapamêérím. O iki elceezlerinnän siler yaşlarını, öndä teftercik tä artık nem göz yaşla-

rından.

– Şindi olacek, Martincik, aalama, ya biz onu şindi ikimiz alalım elä da gör, nasıl gozäl “a” bukvacu yapacez. Hadi, bän sana yardım edecäm.

Uşak uslanêr, alêrim elceezini, da ikimiz barabar yazêriz bukvacu. Seviner, ani ikimizdä oldu, gülümseer. Bakêrim ona da brakêrim elini, o bakêr benim gozümä:

- Nüklay İgnatoviç, hadi taa biricik yazalım!
- Hadi, küçüm, hadi, yavrum, yazalım!

Yazêriz ikimiz taa bir, bän tutêrim terli elceezini... Sora yazêriz taa bir, taa bir. Bän brakêrim elini, isteeri kendicää çeketsin. Ama o bakînêr, çeketmeer. Bezbelli, pek korkunç bu başıntılar. Bän teklif ede-

rim:

- Ya, şindi, Martin, savaş kendicään yalnız biricik yazmaa!
- O diidirer karandaşı kiyada, bakêr bana. Boncuk yaşlar genä inerlär gözlerinä, sanêr yazamayacak, ölecä da durêr...

- Hadi, çeket, çeket, – ürek vererim bän, – çeket, olacek.
- Çekedecäm, ama sän, Nüklay İgnatoviç, gitmä yanımdan.
- Gitmeyecäm, gitmeyecäm, te buracıkta durêrim, çeket!

Martincik bir bana bakıp, bir kiyada, zar-zor, iiri-büürü yazêr bukvacu. Anniciündan dört-beş damna ter inerlär kaşlarına. Seviner. Bana bir bakış atıp, gülümseer...

Allahım, deerim aklimca, sanki, dunnedä var mı taa zor iş ilk adım-

nardan!?

– Te görermiysin? – sordum bän Martincää, onunnan barabar sevinerák, bak, ne gozäl bukvacık oldu. O sadece gülümseer, dalêér karandaşın ucunu, çes-çevrä iki-üç kerä bakêr o ilk bukvاسına, sora genä, gözümä bakıp, deer:

- Aha, oldu!

– Hadi şindi yaz artık kendin taa bukvacık, – deerim bän da giderim bakmaa özür usaklıları, nasıl yazêrlar... Bir dä genä işiderim Martinin cürä sesceezini, yarımla aalayışlan beni yanına çaarêr:

– Nüklay İgnatoviç, Nüklay İgnatoviç, neçin gittin yanımdan, te genä olmadı, gelsänä çabuk burayı.

Brakêrim hepsini, alatlan giderim Martincää, yanında durmaa. Olmalı, benim yannaşık bulunmam, ona büyük yardım verer...

– Alayım elini mi? – sorêrim.

– Diil, – deer Martincik, – sade dur yanında burada.

Bän durêrim başı ucunda, uşak yazér taa bir bukvacık, genä terleer, dalêér dudacunu, bu iş ona, bezbelli, taş çıkarmaktan taa zor geler.

– Tä, deerim, genä oldu, ne islää oldu!

– Oldu, ama sän buradaysın deyni. Acan sän gittin, te o bukvacık gôrermiysin, nasıl buruk, ne çirkin oldu...

Şindi benim sevgili Martiniciim dururdu manusunun kucaanda ölü. Benim aklımdan geçtikçä onun işleri, buulêrim yaşlarımnan, yok saburum, kavrêêrim can erimi da oturêrim toprak pata, yırtık hasırın üstünä. İçersi bom-boş, suuk, suvanmadık. Karı bakêr bana da deer:

– Var birkaç odun, ama sobayı yakmadım, neçinki sıcakta bu iki ölü tez başlayacekler bozulup-kokmaa...

Karının benizi sarı, yanakları şış. Belliydi, ani ona da ölüm pek yakındı. Giyyimniydi o bir yırtık enni kürklän, başı da dartılıydı kara yamalı çemberlän. İkimiz dä susardık, sonunda bän lafettim:

– Dışarda suuk, – deerim, bulamayarak başka ne solemää. – Bu avşam sizin içerdä taa da suuk olacektir, nasıl geceleyecän? Diil mi taa islää gidäsınız komşuya?

– Gitmeyecäm, – deer karı, – isteरim burada öleyim kocamın hem kîsmetsiz evlatçumın yanında.

– Lafetmeyin ölä, – deerim bän, – siz bekim kurtulursunuz.

– Neylän isteरsiniz kurtulayım? – sordu insan. – Bilerim, ani ekmek getirmediniz. Kendinizin dä yanaklarınız şış, sanêrim, diildir tuuyanıktan...

– Yok, – deerim, – elbetki, şindi kimseydä ekmek yok, bän taa ö töögün avşamdan trofa da aazima atmadım.

– Bana, tovarişçi oçtili, – dedi Martinciin anası, – ekmek şansora diil läätzim. Bän sabaadan, en çok yaarına avşamadan ölecäm... Salt bir iş Canabinä yalvaracam, – o yutkundu derin da genä soledi, – pek yalvaracam gömäsin bizi üçümüzü bir erä, brakmayasınız çok vakıt içerdä, zerä te komusu Tanas yalnız yaşardı, öldü hayatta da ölüsünü köpeklär imiş...

Yoktu nasıl ayrılmama bu insandan, yoktu nasıl brakmaa onu yalnız ölümä karşı iki ölü arasında. “Bän sana isteरim yardım edeyim, – deerim, – sabur et biraz, bän tez gelecäm”.

Kendim giderim tükâna, yalvarêrim satıcıya versin bana bir kila ekmek da geldiynän siram kabuletmää o 9 kila payok unumu, tutsun bir kilasını te bu aldım ekmek için. Tükancı Mokan Todur kayıl oldu da verdi. Hiç bän onu unutmayacam, çok acızgan bir adamdı. Aldım o bir kila ekmää da getirdim Martinciin manusuna. Acan içeri girdim, onu

dolaşmaa gelmişti komşuykası Saroglu Danilerin İrinkası. Verdim ek-mää karının elinä. O hiç inanmayarak baktı büyük gozlerinnän bana, kirdi ekmektän yarısını da tikanarak başladı imää, bir parça da verdi komşuykasına.

– İsän kendin, Mani bulü, sana oçtili verdi, i da, beki, düzelirsin...

– Yok, mari İrinka, bän şansora oralı... Al sän dä baari dat. Bän dedim:

– İrinka, al Mani bulunu da ko o gecelesin sizzä. Burada görersin tit-si, hem suuk.

– İslää, tovarişçi oçtili, – kayıl oldu İrinka, – bän bu avşam fırını yak-tım, bizdä sıcak. Hadi, mari bulü, – dedi İrinka da verdi kariya elini, ama o kalkamazdı. Bän yardım ettim da ikimiz koltuklu geçirdik karıyı komşulara. Ardımıza kapuları islää kapadık, zerä geçä kopeklär vardı nasıl isinnär olüleri...

Ertesi günü İrinka geldi bana şkolayada söledi:

– Tovarişçi oçtili, Martinciin mamusu bu sabaa geçindi.

Bän läätzimdi yapayım borcumu – gömeyim bu geçinmişleri ölä, nicä sımarladıydı raametli üürenicimin anası ölüm atimdäykän. Bu iş için gittim küü başlarına selsovietä. Orada predsedatel Monti Hergeleci çok zaamet koymuştu küülülerimizin hatırlamıştı maasuz aaçlıktan ölenneri gömmää deyni bir çift öküzlän taliga. Girerim kabinetä – küü başı oturêr bir koltuklu skemnedä, kırmızı çiireli. Belliydi, ani o açlık çekmeer beni görüp, yalpak sordu:

– Ne zorunuz, tovarişçi oçtili? Bendän biraz sakınirdı, neçinki ona bakanca, bän üusek kiyat bilirdim hem, üüredici olarak, sovet adamı sayılırdım.

– Te, deerim, klasımda artık üürenicilerin yarısı öldülär. Aaçlık hep-simizi kaybedecek, taa nasıl, nekadar dayanacez bu kara kirana? Lää-zim bir tülrü insanı kurtarmaa.

– Yok ne yapmaa, kardaşım, ölä vakıt geldi, – kısadan kesti çorbacı. – Hepsi öler, biz dä burada kalmayacez.

– Bir üürenicimä çok canım acıyêr, – dedim bän, – o artık ölü, ana-sı-bobası da ölü. İsteerim onnarı üçünü bir mezara gömeyim. Bunu sı-marladı uşaan anası öleceendän bir gün ileri, pek yalvardı bana..

– Gommäk için yardım edecez, bu bizim borcumuz.

– Hem mezar kazmaa deyni isteerim bir yardımçı veräsiniz. Zerä er don, bän yalnız kazamayacam, kendim dä, nicä görersiniz, aaçlık çekerim.

– Akıl verecäm, çalışmayasınız boşuna ayıri mezar kazmaa. Taa ii göm onnarı o büyük hendek içünä hepsinnän barabar. Bän geçennerdä al-düm rayondan kavga-çekiş bir traktor da kazdırıldı bir uzun kuyu – ete-cek ilkyazadan bütün küyü gömmää.

– Saa olasınız, – dedim, – çok käämil izmet yapmışınız saygılı küülü-lérimerizä...

– İi-fena, bu gündä bişey olmêér kolay, – dedi Hergeleci, kaşlarını burarak, neçinki annayıverdi, ki o kendisiydi bu aacılın baş kabaatlısı.

– Git, – izin etti o, – koş öküzleri taligayada götür görüm ölülerini.

Üklederim benim sevgili üürenicimi, anasını hem bobasını taligayada götürürüm onnarı bitki yollarına.

Etiştim mezarlaa, görerim yiraktan o uzun kuyuyu – akına hazırlıdı yutmaa bütün Kipçaa. Nasıl da “saygılı” başımız kararlarımıştı. o uzun mezarin yarısı artık ötáä-beeri gömülüyüdü: atmıştılar ölüleri da azbu-çuk örtmüştülär kaarlan karışık topraklan. Bän dä bu kuyunun taazä ucunda araladım kaarlan, topaçları da erleştirdim ölüleri yannaşik, na-şil karı sımarladıydi da gömdüm onnarı taa çok kaarlan, nekadar top-räkylan.

Ardıma getirdilär taa ölü, sora taa hem taa... Martincik kaldı topra-mızın koynusunda, ama benim üreemdä o kaldı nicä bir açılmadık göl tomruu. Canımda kaldı o 32 yaradan en kannısı, en çok azgınnısı.

Geçti artık 20 yıl, ama o aacılık kıranı diil ani unudulsun, ama gün-gün-dän hep taa derin batêr fikirmä, durmamayca sizlêér, aciyêr. Bilerim hem duyêrim, ani o ateş hiç süünmeyecek da içimdä, kendim dä topraak karışmayınca.

Kış gidärdi derin, Kolada üstleri taa yaadi kaar. Basarabiyada aacılık için artık işidilmişti başka yabancı memleketlerdä dä. Başladıydilar insana neredänsä yardım kolvermää: arpa, papşoy, booday, kuru kartofi.

Bu işleri getirmiştilär küyüä, da bir adamın evindä paylaştırdılar ayledä her bir cana. Kimä düşärdi, kimä düşmäzdı... Yoktu kim aarasın ardını, ucunu. Kim yufskaydı, yolu belliydi – ölüm, kim dä taa diricäy-di-hırsızlıkları, aarifliklən seremceyi geçirirdilär. Ama bu arada politika işleri dä hiç durgunmazdilar, gidärdilär ölä, nicä “boba” Stalin göstermişti.

Eni yıldan sora çekettiydi seçim kampanyası, angısı geçti 1947-dä fevralın 16-da. Türlü lozunglar yazdırı irri buklärarla aullara, duvarla-ra. Hepsinä seçim işlerinä koşardılar bizi, üüredicileri. Kim lozung yazdı, kim seçim listelerini yazdı, onnara verirdilär gündä yarım kila ekmek parasız. Tutêrim aklımda o lozungları: “Vperöd k pobede kom-munizma!”, “Otdadim svoi golosa za blok kommunistov i bespartiynih – borçov za naşu sçastlivyyu jızn!” Biz yazdırdık, ama yazıların özünü kimsey annamazdı, kimsey da onnarı okumazdı. İnsannın hiç yoktu hali hem vakıtları politikayı annamaa. Onnar ölürdülär aacılıktan, satardı-lar bir çanak una evlerini, ne taa paah vardi sandıklarında, ani anmak için kalmıştı dedelerdän kuyumculuk işleri, çiizlär – hepsi, hepsi olduy-du satılık imeelik için. Kalmadıydi küümüzdä ne paali ruba, ne bir eski kilim, ama zavalı hayvannar-tamızlıklar gittiylär bıçak altına taa yan-var, fevral aylarında. Hayvannar çoktan indiyilär ekmezsiz, da insan-nar artık başladıydilar imää kopekleri hem kedileri. Onnar ilkyaza do-oru tuuyan çıktıyıldılar, neçinki idiyilär gomülmedik ölüleri, ama şindi

onnara sıra geldiydi kurban olsunnar aaçlara, neçinki ozamannar inirdi
ne var diri, ne var inir hem ne inmäz – hepsi, hepsi...

Açan geldi o seçim günü, neredänsä koşmuşular bir çift beygir taliga-
ya, gezärdilär küü içindä urnalarlan, ki aaçlıktan gezämeyän hastalar
da oy atsinnar, golos versinnär gelecek komunizma için.

Kimi dä ayırrıdık, e? Bir kegebist zindannarin kopoyu, adiydi Mor-
dovet, birisi da partiya sekretarı Potapov – eski amazçı, satkin. Onnar
ikisi dä çoktan ayrılmıştilar, cannarını çoktan şeytana satmıştilar, ama
şindi bu seçimnik oynamasının insannarın gözlerini boyardılar, ken-
dilerinä üz yapardılar.

Kim evdä oyunu atardı, ona verirdilär yarm kila ekmek parasız, ama
kim kendisi gelirdi seçim evinä, ona verirdilär bir kila ekmek. Kim o se-
çim gündündä taa diricä bulundu, besär-altışar kerä gelip, oy attilar da
aldilar çoyunun aaçlıktan raametlileri için birär kila ekmek.

Seçimnär geçtiynän, gazetalar yazdılar, ki bakmadaan, ami insan
İMÄK tarafından biraz zor çeker devletinä, sovet kuvedinä seçimner-
dä büyük sevgi hem çok kayıllık göstermiş, üzdä 99 oylarını atmış, ama
üzdä 95 seçmişlär onnarı, kimi komunist partiyası ilerlemiş.

HATALI İLKYZ

Mart ayındakaar başladayı erimää. Bän giderim yayan rayona Tarak-
liya. Bakêrim, yol boyunda bir karartı görüner, yaklaşêrim – o bir ölüy-
dü, bezbelli, dururmuş yolda dinnemää da oracikta da çömelik kalmış,
onukaar gömmüştü. Savaştim taniyayım, kim olduunu, ama üzü hiç
belli diildi. Gargalar imiştir burnusunu hem çıkarmıştılar gözlerini.
Giderim biraz taa ileri, görüner taa bir ölü. Etişincä rayona, esmer kaa-
rin içindä altı ölü insan gördüm: adam, karı, uşak... Bunnardi hepsi be-
nim küülülerim. O kışın kipçaklırlara verildi cana birär-ikişär kila ime-
lik Taraklı kenarında. İnsan bu yolca gidärdi kabletmää paycaazını da
imelik erinä yol boylarında bulurdu kendi hatalı bitkisini...

Bu katastrofali zamanda Kişinöva gelmişti yukardan Moskovadan
Kosigin, Sovet Birlinin baş bakanı, çünkü sıralık yapmaa. Ama belliki
o aaçları hepsini birdän doyursun yoktu nasıl, aaçlınlın kökü çok derinä
batmıştı. Da o düşüner versin insana ilkin toomnuk ekin, da çiftçilar ek-
sinnär merayı, zerä toprak işlenmäzsä, aaçlık vardı nasıl uzansın gelän
yillara da, nekadar da onnar bereketli olsalar. Hep o ilkyazın kasabandan
küyüä geldiydi meditîna institutundan studentär. Onnardan ișittiyyidik,
ani aaçlık hastalına distrofiya denirmiş. Onnar açtılar birkaç evdä bol-
nişa, topladılar distrofik uşakları da ilaçlardılar onnarı. Angı uşaklar da
heptän anasız-bobasız kalmıştı, onnarı da alırdılar detdomnara. Buta-
kim bir detdom açıldıydı bizim Kipçakta da Kösä Petilerin evindä. Taa
sora büyüklerä deyni da açtılar küü kenarında kantina – ölä bir türlü
İMÄK evi, orada gündä bir kerä verilirdi aaçlara birär çanak bulamaç,
bir filcan çay, bir parça ekmek. Butakim iş sansın başladıdı düzemmää,

ölümnär azalırdılar. Ama açan hava heptän sıcakladıdı, april ayında herbir evä daattılar toomnuk için terekä. Da te şindi aaç insannar bir payını başladılar imää, bu beterä çok birdän imektän genä başladıylılar, sineklär gibi, süünmää.

Nasıl da belalar büyük olmasa, havalar açıldıça, insan, çiftçi diil mi çikardılar kırı işlemää. Ekärdilär ellän, kazmaylan, hirletlän. O yılın meraları taa çoyu kaldıydı ekilmédik, boş. Kismetimizä yazınsı oldu islää bereketçik. Ne ekildi, ne erä kondu, on kat zeedelendi. Eni berekettä da, kim birdän savaştı doyunmaa, şisti dä öldü. Boşuna laf kalmamış: "Aaçlık ayırmêr – doorudan urup, öldürer". Bu haliz ölä dä var, kendi gözümnän gördüm. Allah kismet etmesin da kimsey ölä iş görmesin...

Ama bizim eni kuvet "eski boyarlık boyunduruundan kurtaran" sovet kuvedi işini birtakım haydardı. Ona aaçlık yoktu, zorlar yoktu. Hepsini yapardılar ölä, nicä bobaka Kremlidän izin edärdi, niceydi ilerdän düzülü plannar. Çiftçilik işleri, duumak, ölmäk – hepsi, hepsi plana girärtilär. Bilmeerim kaç insan vardi plana aaçlıktan gebertmää, ama nasıl annaşıldı bu öldürmäk planı tamannanmıştı. Da, bezbelli, tamannansın deyni, ilkyazın may ayında çeketti bir eni soyuculuk kampaniyası, zayım almak. Bu zor ölümü yilda sanki bu mu etişmäzdi bizä? Ama yok ölü, diri – zayım ver. Kim bir iştä bulunurdu, onu zorlan yazdırıldırılar zayıma bir aylık kazancına da sora on ayda o parayı tutardılar. Ama aaçlıktan öläñ çiftçilär sayılrdılar Stalindä en "zenginnär". Onnar lääzimdi zayımı birdän ödesinnär. Bu üzerä zayım toplamak için küülerä üüşärdi bir sürü polnomoçnilar-soyucular rayon başlarından, askerdän, miliçiyadan, başka küülerdän histırılma satkınnar. Bu haytalık sürüsü başladı, evdän-evä gezip, yazdırmaa küülüleri zayıma. Kim evdä kayıl olmazdı yazılımaa, onu çaarırdılar ştaba. Orada ölü-diri yazdırıldırılar, bakma-daan, ani insanda hiç yoktu neredän bir para çıkarsın. Bu betvalı aaçlıkta da Kıpçaktan plana görä lääzimdi zayım çıkarsın 100 bin rublä. Dünnäädä en büyük, en kaavi devlet Sovet Birlii aarardı aaçlıktan ölen-nerin koynularında ekmek. Bundan taa görülmedik ayıplık, gözboyacılık, ani kalkmıştı devlet uuruna, yoktu ömür dünnäädä. İslää baktıyan, bu zavalı kıpçaklılardan diildi lääzim alınsın 100 bin zayım, ama verilsin devlettän onnara 200 bin kırk yıla ödünç da toplasın insan kendini, ayaklansın beladan. Ama "yukarsi" taa ii bilirdi. Tamannanmamıştı aaçlıktan gebermäk planı. Da şindi savaşırdılar almaa küülüdän bitki varlıcaa eni bereketä karşı da butakım öldürmää taa birkaç bin kişi. Ölä dä oldu. Ölüm planı zeedesinnän tamannandi.

Zayıma deyni ştabın başı koyulmuştu Kıpçaan eni predsedateli, eski strebitterdän birisi – Monti Hergeleci. Bu hazırkı en duşmannı planları da tamannamaa, sadece kendisini beendirisin. Taa romın vakıdında hep yukarı sokulurdu, gardist olmuştı, ama taa yukarı çıkamadı, neçinkı romın başları duymuştular, ani o iki üzlü, amazçı. Öbür kuvet yok olduyunan bu kuvedä sokuldu, çingildi, oldu strebittel, nasıl masalda.

Çok vakıt saklanıp, kaçardı trudarmiyadan, ama sarfoşcu, sakat rus küü başı onu yaklaştırmıştı kendinä da açan kendisi, doldurup cebini, tündi Rusiyaya, erinä Hergeleciyi brakivermişti. Zakonca onu hiç kimsey ayırmadıydı. Kendi-kendisini koymuştu küü başı, da şindi, bilektän yukarı ennerini suvayıp, toplardı kaavi, ama “yoksul” devletä zayım parası. Ştabı da bulunurdu selsovetin yapısında. Hergeleci toplamıştı burayı aktivistleri-üüredicileri, komsomolları, rayondan gelmä soyuculuk sürüsünü. Bu kişilerä paylaştırdıylar Kipçaan evlerini 10-15 ev herkezinä. Monti söledi, ki küüdän lääzim çıksın 100 bin. Bän dä o avşam oradaydım, neçinki üürediciydim da istär-istemäz aktivist sayılırdım. Bana da verdilär 10 ev taman benim sokaamda. Yaptık listeleri, kimä düşärdi gidelim, hepsinin dä uurunda koyduk kaçar ruble lääzimdi versin. Koydum bän dä ölä, nasıl sayardım kimin kolayı var, elim kalkmazdı koya-yım komuşulara çok zayım, onnar hepsi çok yoksuldular. Ama küü başı baktı listeleri da gördü, ani Stalinin planı çıkmayacek, da başladı kiy-naş gözünnän, (Monti yıldıktı), kendisi doorutmaa, taa zeedeletmää. İstediğ söleyelim insanın zorunu – çoyu kalmış karı başına, adamnar Sibirdä, kimi içерlerdä artıkvardı ölüler gömülümedik.

– Yok neyä canınız acısın! – baarındı Hergeleci. Te o karının aulunda görmüş bir-iki tauk, öbüründä varmış bir keçi, ko satsınnar da ödesin-när... Bu cansız bilirdi hepsindä ne var, ne yok. O istärdi kimseydä bişey-cik olmasın, ozaman onun kefi tamandi. Kimseydä bişey olmasın – buydu komunizma proletar politikası.

Kipçaan Karşı maalesindä vardı bir eski çorbacı adam, adı Alaza Todur, çalışkanmış, işçiymiş, taa eveldän varlıklı yaşamış. O aulunda tutardı çok mal. Bu zor günnerdä da nesä kalmıştı onda: birkaç kuş, bir-iki koyuncuk. Onnarlanavaşırkı aylesini açlıktan kurtarmaa. Olma-li, onda ilerki yıldan korunmuştu biraz piinircik. Monti Hergeleci onu kulak sayardı, koymuştu adama ödesin zayım bir binnik. Elbetki, adam yoktu neredän alsın bu parayı. Todur da eveldän bilirmiş, ani Monti habarçı, almış bir parça piinir da gitmiş avşamneen onun evinä, yalvarmış azaltsın biraz onun zayımini:

– Monti be, yapma ölä, ol adam! Yok biz neredän alalım bir binnik. Tä getirdim sana bir parça piinircik, ii gunnerä umutlan koruduydum, al da yap ölä, ani baari yarısını ödeyelim, hepsi sendän biter...

– Koy te orayı – izin eder Monti, ama aklınca düşüner yapmaa bir maskaralık, angısının kendisini büültmää rayonun üzündä hem kalan zayım toplayıcıların önündä.

Todur Alaza sanér, ani iş oldu, küü başının annaştı. Brakêr piiniri onun sundurmasında da gider evinä. Ertesi günü Alaza Toduru Monti çaarér ştaba, biz dä oradaydık. Da kos-koca toplantıının önündä girişer bu gözboyacı “pak üzlü” küü başı yaşı adamı en çirkin lafalrlan süüp-utandırmamaa. Sora hepsimizä, danışıp, paysın etti kendini metet-mää, çünkü o ömründä yokmuş aldı birkimseydän habar.

– Bakınız siz, tovarişilär, ne isteer yapsın bu Alaza Todur, kulak, eski boyar kuvetlerin kuyruu. Bir parça piinirlän isteer beni satın alsın. Aalem burada aaçlıktan öler, o da piinir iyer, taa da devletä zayim istämmer ödemää. Ödeyecän iki okadar, kart köpek!

– Biz dä çocuum, aaçlık çekeriz, – savaştı dädu doorutsun kendini, ama Hergeleci, yabanı gibi, kestirdi:

– Çekersiniz, ama biriniz taa ölmeli! Hepsi Alazalar sapa-saasem.

– E, ölelim, sana ozaman mı islää olacek, ne senin mi mezarnı dolduraceydk? Ozaman kimdän zayim binniini alaceydiniz? – sordu adam, da gözlerindän yaşlar şıpir– şıpir akmaa başladilar...

– Ölün! – baardi, nicä köpää, Hergeleci, sizsiz dä buluruz kimdän zayim almaa. Ama biläsınız, ani bän, Monti Hergeleci, bir parça piinirä satilmêerim.

– Sän piinirä dä, bir kör kuruşa da satılırdın, ama şindi eni kuvet-tä kendinä üz yapêrsin, duyêrsin, ani bir küü bütün aaçlıktan öldürüp, kaba skemnän olacek çok vakıtlara – dedi Todur Alaza da çıktı. Hep olä, aalayarak, da gitti evinä.

– Bän seni kegebeyä verecäm! – dişleri arasından süzdü Monti adamin aardına. Ama o gitti, hiç işitmeli da ne yaydı aazını duşman. Todur sade betva edärdi, stavrozunu yaparak.

– Sibirdä kemiklerin çürüyecek, te ne!..

Ertesi günü iştittik dädu Todur Alaza geçinmiş, ama diil aaçlıktan. O ölmüş güç gücenmektän hem büyük kahırdan, geçirämemiş bu aar kötülüü bir onmadık küü geberdicidän, eski dilencidän.

Bir hafta işledi zayim ştabı gecä-gündüz, da üz binnik vergi Kıpçak zavalalarından deriylän karışık koparıldı. Hepsi zayim toplayıcıları o günü ştaba selsoveta toplaşmıştilar. Ştabın başı Monti hesapladı, ne toplamış, da büyük sevinmeliklän söledi, ki var 100 binnik.

– Şindi, – ekledi o, – bän telefon ederim raykoma, ani planı tamannadık. Avşama kadar Kışinöv da bilecek, ani kıpçaklı aktivlär (can alıcılar) işledilär gecä-gündüz. Maşalla, kafadarlar, ura! – baardi o ama kimsey kavramadı onun urasını...

Taman bu arada bän göz attım pençereyä da baktım sokaa – selsoveticin yanından yolca götürärdülär gömmää bir aaçlıktan geçinmiş. Ölüm diildi sandıkta, çan klisedä urmazdı, kalabalık ardına gitmäzdi. İki adam, zabun hem traş olunmadık, başkabak koymuştular raametliyi bir merdiven üstünä. Ölüm yarı çiplaktı, sade ayıp erlerini örtmüştülär bir partallan. Merdivenin önündä bir arasına girmişi, nicä boyunduruk içinenä, ilerki taşıyıcı, ardinkısı da hep olä merdivenin geerideki arasında, gidärdilär mezarlaa dooru gömmää. Ölünün bir kemikli eli hem bacaa sarkardilar merdivendän...

Benimnän barabar baktilar sokaa başkaları da zayim toplayıcıları, ama hepsi yaptilar kendilerini, ki görmeelär, ne vardi orada, ama ne

gözäl yaraştıydı bu tantanalı gündä zayım tamannamasında bir “gözäl ölü gömülümesi”.

Taa sora belli oldu, ani bu ölü kismetliymiş, neçinki onu iki dost götürärdilär bitki yoluna. Ama taa çoyu, ani geçinmiştilär aaçlıktan “sevgili” zayım kampaniyasında, dururdular içerlerdä gömülmedik, küyüün köpeklerinä iyinti...

Alaza Todurun da lafi dooru çıktı. Hergeleci çalışmaları için, öldürmäk planını tamannamak için oldu kolhoza baş da ona başladı gelmää diil Alaza Todurun bir dilimcik piinircii, ama kadalarlan taazä piinir, binniklärlän para, “Volga” maşinasında gezinmäk, saaya-sola insannarı kakmalamak, düümäk, kimi olsa süümäk, kegebenin elinä verip, Sibirä aşırmak.

Kolhozun sürülerinä Hergeleci olduydu saabi, istediini, tutup-kesärdi, beendiini lääzimnö dostlarına baaşlardı. Türlü baaşışlar insanın sırtından gün aşırı Kişinöva habar gidärdilär, kendi oollarını, hisimnarını institutlara, üniversitelerä sokmak için.

Ama taa ozaman küü başını kabarttılar. Açıç çıktı sıcaklar, da içерlerdä ölülar başladilar bozulmaa, kokmaa, o geldi rayondan, sevineräk bir yalabık medaliylän güüsündä. Tez koştı taligayı da komsomolların yardımınınnan toplardılar ölüleri içerlerdän. Zayım kurbannarı erleşirdilär o uzun mezara, angısı cellat saabi hazırlanmışdı “sevgili” küülüleinä. Gömärdilär, ama etiştirämezdlär, neçinki ardına başkaları ölürdü, da küyüün içi hep ölä çirkin kokardı. Küü başı, çaarip-çaarip adamnarını,baarip-süyüärdi onnarı, neçin ölä kötü işleerlär, ölülar gömülmedik kalêr, sokaklar da kokêrlar. Ama birisi bulunmuş da, Alaza Todur gibi, sölemiş onu üzünä:

- Diil ölülerdän pis koku geler, tuvarişçi prisidatili, ama senin güüsündä medalindän, – demiş o adam.
- Bir taligaylan etiştirämeeriz, – aalaşmiş bir başkası.
- Koşun taa bir, – pirelenirmış baş.
- Neredän koşalım, açan bütün küüdä sade bir çift öküz var, kendiniz bilersiniz, ani insan malları aaçlık beterinä kaybetti.

Ama bir sabaa Kıpçak kaldı bitki çift öküzlersiz. Onnarı gecä için kapardılar selsovietin damına, ama bir gecä unutmuşlar kitlemää, da öküzleri çalmışlar, kırda kesmişlär onnarı imeelik için.


Küü başı ateş saçardı izmetçilerinä:
– Uyumuşunuz, köpeklär, çaldırdınız öküzleri, şindi sırtlan taşıyacenziz ölüleri.

Konstantin Vasilioglu

OLİMPIADA SİMÜ

Dokuzuncu klası bitirdiktän sora tätü beni aldıdı brigadasına. İlktän bän sade ustaların istediklerini yapardım: verärdim ellerinä kerpiç, tuula, taş... İlk günneri ba yollardılar beni naşeyşä ükletmää, ba indirmää.

Günnär sade işidilärdi: "Simu, ver nacaa. Simu, ver enser. Simu, örtü üstündän düştü çokan, uzat onu bizä. Simu, getir bana bir kazan rastvor. Simu.., Simu.., Simu..."



Bir-iki haftadan sora bän başladıydım tutunmaa büyüklerin işindän dä: duvar kaldırmaa, enser kakmaa, örtünün üstünä keremet dizmää. Orak ayın onbeşindän bän artık kendibaşına işleyärdim. Beni kimär kerä yalnız fermaya, brigadaya küçük işleri yapmaa yollardılar. Bana deyni diildi läätzim aara-maa merdiven. Bana deyni diildi läätzim taliga ya da maşına... Genç diil mi – git, Simu, yap onu; ... git, Simu, yap bunu... Bän dä, sesleyip, gidärdim, yapardım, tamannardım...

Kaldıynan bir hafta şkola çeketmesinä, işi artık braktıydım. Başla-dıydım hazırlamaa şkola avadannıklarını: etişmäz kiyatları, tefterleri, türlü läätzimni şeyleri. Hep ozaman bän annadıydım, ani şkolada genä üürenecez gagauz dilini. Buna bän sevindiydim, neçinki pek sevärdim bizim dilimizi hem literaturayı. Sevärdim peydalan Tanasoglunun, Baboglunun, Kösenin hem başka yaradıcıların yaratmalarını, angıları o zor vakıtlarda da brakılmazdilar yazmaa kendi ana dilindä.

Nicä da olmasa, ana dilindä taa ii, taa derindän annêërsin herbir la-fin maanasını. Ana dilinnän barabar başlıdı peydalanmaa gagauzların artık unudulan adetleri, sıraları... Ana dilinnän barabar sansın diril-dilär halk yaradıcıları da: resimcılär, kompozitorlar, teatrucular...

Halisdän üürenmää çekettik, nicä da başka yıllar, sentäbrinin birin-dä, baa bozumun bitkisindä, açan baalarları may bitirdiy dik bozmaa hem kirlarda pek az kaldıydi toplamaa meyva, patlacan hem biber.

İlk çetin bitkisindä üürediciyamız verdiyi bizä yazmaa ana dilindä yaratma. Sade bir tema verdiyi: "Bizim yardımımız kolhoza".

Elena Konsranticovna birkaç gündän sora getirdiydi yaratmalarımızı. Birkaç yaratmayı okudu ydu klasın önündä. Yaptı analiz. Örnek için ayı-rılma yaratmalar hepsicili uygundular. Üüredeciye ka hem klasta oturan-narin taa çoyu beendiydilär benim yaratmamı.

Gittikçä diil sade bän, ama başkaları da başlardılar taa havezlän okumaa gagauz dilindä peydalan yaratmalari. Onuncu klasta vakıt geçärdi pek hızlı. Sade etiştirärdim saymaa haftaları. Sansın bişeycik taa etiştirämeydik yapmaa, açan hiç kimseyä sormaz geldiydi Eni yıl. İkinci çetin bitkisinä kaldıydi birkaç gün da Elena Konstantinovna genä verdiyi ana dilindä yazmaa yaratma. Temanın adını koydu ydu: "Uşak-larin kış iilenceleri". Bu yaratmayı yazdiy dik klasta iki derstä. Temayı, nicä bana göründüydü, açıkladıydım hertaraşa. Bitirttiydim yaratma-mı bir şiircääzlän, angısının adını koydu ydu "Topalak cengi". Ozaman klas seftä annadıydı, ani bän şirlerdä deneerim kuvedimi. Bän şindi dä kär tutêrim aklımda o şirceezi:

*Kaar yaayêr bizdä çoktan.
Biz çikêriz uroktañ.
Dişarı hızlı firlêeriz,
Topalak çokça yapêriz...*

*Çocuklar – iki bölüm...
Ortada salt yok ölüm.
Topalak cengi biter,
Açan sesli çan öter.*

Benim yaratmamı klasın önündä okuduktan sora Elena Konstantinovna dediydi:

– Onuncu klasların arasından bizim şkolanın üzünü rayon gösterecek Popazoglu Simu. Sanêrim, ani orada o kendi üzünü dä, bizim üzümüzü dä kirletmäz.

Dişarda yanvardı, büyük ay. Yaklaşardı eskiycä Kolada. Kaar, doorudan sölediynän, bir bıçak arkası kadar kalındı. Havalar, nicä ihtärlar söleerlär, güzdän kalmayımişlar. Güneş yışardı. Kaar birkaç gündän sora kaldıydi sade cukurların içindä. Ama uşaklar Koladaya hazırlanardılar: eni Kolada türkülerinin peetlerini üürenärdilär, tekrarlardılar eski türkülerin laflarını, kamçı, uultulara deyni uçluk hazırlardılar. Ama bu büyük problemaydı. Kär küüdeki beygirlerin kuyruklarını heptän kirkaydilar – genä etişmeyeceydi hepsinä uçluk uultulara hem kamçılara deyni.

Kaldıyan olimpiadaya birkaç gün, bän başladıydım düşünmää, aklımdan geçirmää, sayıklamaa, angı temalar var nicä olsunnar. Bana gelärdi, ani yok nicä olmasın bir tema Vatanimız için, dilimiz için, adetlerimiz için hem dä dostluk-kardaşlık için. Bundan kaarä, aktardıydım taa bir kerä hepsini gagauz kiyatlarını. Gözdän geçirdiydim hepsini çıkmış gagauz dilindä yaratmaları, ki, läätzim olarsayıdı, bilmää avtorlarını hem onnarın içindeliklerini. Kalmadıydı bir dä gagauz gazetası aktarılımadık.

Olimpiada läätzimdi çeketsin salı günü, ama sölediydilär toplanmaa pazertesi günü. Bän saat üçtä artık şkola-internattaydım. Birkaç vakıttañ sora başladıydi gezinmää hayatlarda hem kapunun önündä başkaları da. Gelennär brakardılar çantalarını içerdä da istär-istemäz doorlardılar sport meydanına, neredä işidilärdi şamata. Orada küçükler bir eski topu atardılar biri-birinä.

Makar ki yanvardı, ama taa çoyu uşakların hem gelän olimpiadacıların rubaları incäydi, güz rubalarıydı. Gençlerin çoyu başkabaktılar.

İlk tän olimpiadacılar biraz siirettilär küçükleri, ama sora onnar da oyuna katıldılar.

Sport alayani üç taraftan sarardılar çorbacıların evleri, aulları. Da onuştan bu alay kär karannıkta da uşaksız kalmazdı. Orada herkerä şennikti. Orayı toplanardılar şkolacılar da, maalä uşakları da, büüklär dä. Ama kavga orada olamazdı. Herkerä annaşardılar dostça. Çünkü taa çoyu karşılaşardılar burada her gün.

Gittikçä oyun kızışardı. Bir dä peydalandı gençlerin bir eni çocuk, anısını kimsey bilmäzdi. Bu belliydi ondan, ani hepsicii ona baktılar, nicä ani seftä gorerlär. O çocuk, çok düşünmeyip, dedi:

– Hadi, çocuklar, oynayacez futbol. Kim isteer oynamaa, dizilin bir sıraya.

Boyuma görä, bän dizildiydim sıranın önünüä. Ondan sora o çocuk, uzadıp bana elini, söledi kendi adını. Bän dä söledim kendi adımı. Hiç bana sormayıp, hepsinin önündä genä ansızdan dedi:

– Bän olacam bir komanda başı. Simu da olacek öbür komanda başı. Eşsizlär geçerlär benim komandama, eşlilar dä Simunun komandasına.

Komandalar çekettiynän oynamaa, sport alayın dolayında insan, sii-redicilär, zeedelendiydi. Siiredecilär belliydi, ani oldular iki pay: yarısı tutardı bizim tarafımızı, yarısı da tutardı onnardan. Yakın yaşayan çorbacılar ilktän uzaktan siiredärdilär, ama, ortalık kızıştıynan, başladılar toplanmaa futbol alayın dolayına. Bän durardım tokatlarda. Oyunun çeketmesindä bän, var nicä demää, boşuna durardım, neçinki bizim koruyucular tokatlara pek sokultmadılar Vasinin oyuncularını. Ama biraz vakittan sora oyun başladı kızışmaa. Vasi, komanda başı, oynardı pek çemrek, pek uygun aldadardı benim oyuncularımı da onu dayma-dayma vardi nicä görmää benim tokatlarımın yanında. Ama topu tokatlara sokulmadı. O pek üfkelenärdi, sertlenärdi, açan top mutlak lääzimdi tokatlarda olsun, ama o neçinsä biraz saa tarafa, ya biraz sol tarafa, ya birkaç santimetra tokatlardan tüsek, uçup-gidärdi ya da dooru auçlarıma düşardi.

Bir da ardımdan, birkaç metra uzaktan, ansızdan işittim bir ses:

– Bak, Simu, bak, zerä Vasi toplan dooru üstünä geler!

Hiç yoktu vakıt, geeri bakıp, görmää, kim haberledi bu korkunçluk için. Bu vakıt Vasi halisdän dä, nicä yavruşka, doorulmuştu benim tokatlarima dooru. Kimseycik onun önünüä çıksamazdı, ama genä, nicä dä çok kerä bu oyunda, top sade kokaladı tokatları, ilişip benim uzadılmış parmacıklarima, gitti bir-iki karış tokatlardan yukarı.

Da genä işittim hep o sesi ardımdan:

– Brä dä korktum, Simu, ani sän kaçıracan bu topu tokatlara.

Açan baktım geeri dooru, aulun başında, angısı çıkardı dooru sport alayına, tokatçının dışında, bendän ölä bir iki-üç metra uzakta durardı bir gençecik karagöz kızçaaz. Kızçaaz, nicä annasıldıydi sora, yaşardı bu evdä, şkolaya yannaşık. Kızçaazın boyu ortancaydı, kıvraktı, leventti hem dä pek gözäldi.

Bän birdän ona sordum:

– Ee, sän näändan bilersin beni? Kär adımı da?

– Bän seni bilmeerim. Ama adını sport alayın dolayından uşaklar baarêrlar. Olmalı, sizinkilär, – dedi kızçaaz.

– Ee, senin adın nasıl, ya? – sordum kızçaaza.

Cuvabin erinä, pıvlayıp, kalaamın yanından, uçup-girdi tokatlara Vasinin topu. Vasinin acıyannarı başladıydılar sıklık etmää hem baarmaa:

– Enseeriz! Enseeriz! Bizimkilär enseer!

Topu tokatlardan çıkarınca, kızçaazın izleri dä suumuştular. Bundan sora Vasinin komandası, biraz üreklenip, birkaç minuttan sora, gözlerimnän aararkan kızçaazı, ansızdan soktuydu tokatlarına taa bir top.

Bana deyni oyun artık bittiysi, neçinki aklımdan hiç çıkmazdı o kızçaaz. Hep sansın önumdä durardı. Nasıl-nicä biz oyunu bitirdiydik 2:1 sayylan. Vasinin komandası ensediydi.

MARINKA

Avşam ekmeeni idiktän sora internatın büyük zalında maasuz bizä deyni yaptıydlar bir dinnenmäk-tanışmak avşamı, neredä olduydu türlü oyunnar, türlü yarışmalar, annadıldıydi ana dilindä türlü şıirlär, türlü cümbüşlär... Ozaman seftä işittiylim ölä çok şöleyiş hem bilmeycä.

O avşam seftä yaşamamda gördüydüm, nicä oynanılêr oyun "Poşa". İsteyennerä daattiydilar kiyatçıklarda yazılı nomercikleri. Herkezi bolduruklan ya da iinaylän läätzimdi tuttursun o nomerleri kendi güüsünä.

Gösterdiydlär hepsinä poştacayı da, angısının sırtında asılıydı çanta, kiyatları taşımaa deyni. Biraz vakıttan sora oyunnarın arasında başladıyi işidilmää poştacının sesi:

– Kim otuz sekizinci? Neredä beşinci nomer? İrmi üçüncü, kablet kiyadını. Bu onnarın nomerleri, angılarına artık yazmıştilar kiyatları tanışmak için. Herbir kiyatçıktta kısacıkta vardı nicä okumaa:

- Bän 12-ci. Adım Sofi. İsteerim seninnän tanışmaa.
- Bän 25-ci. Adım Petri. Bekleerim seni hayatta.
- Bän 33-cü. Adım Todur. Beendim seni taa ilk bakiştan.
- Bän 47-ci. Adım Doni. Nomercik asılı yakamda. Pek beendim senin kivircik saçlarını hem çakır gözlerini. Bekleerim cuvabını.

Bir dä, bän taa etiştirämediydim bakınmaa, nicä işittiylim kendi nomerimi. Ama birdän- birä kendimi toplayamadıydim da poştacı taa bir kerä baardıydi bütün zala:

- 40-ci! Sana var kiyat!

Yaklaştım poştaciyada kablettim bana kiyatçı. Orada ufacık bukvacıklarlan, kız elinnän yazılıydı: "Bän 75-ci. Bekleerim teklif edäsin valsa. Marinka".

Cekindim bir tarafa da sol taraftan saa tarafa dooru geçirdim gözdän hepsini kızçaazları, ama onnarın arasında 75-ci nomeri bulamadım. Beni başladı işlemää: "Sanki, kim bu olsun? Nasıl sanki? Gözäl mi? Çirkin mi? Uygun mu? Kalın mi? ... Kär gerää gibi vakıt butakım bän kafamı kırdıydim".

Bir dä, düştä gibi, işidildi muzıka, "Tuna valsın" sesi. Naşey yapmaa? O vakıdadın bän ölä dä bulamadıydim taa 75-ci nomeri. "Neredä onu bulayım?" – düşünerim.

Bin türlü bän düşünärdim, sayıklardım, ama ölä dä akılca bulamazdım, kim var nicä olsun o 75-ci nomer, neçinki kimsey zalda bulunanlardan beni bilmäzdi. Valsin sesi kaavileşärdi. Alaya çıktıydlar artık

ilk oyuncular, ama bän hep taa görmäzdim bana lääzimni 75-ci nomeri. Bän artık bilmäzdim naşey yapmaa, açan ansızdan uz benim önumdä, bir-iki metra uzakta peydalandıydı 75-ci nomer. Bän onu birdän gördüy-düm, neçinki kalanını bän çok kerä artık gözden geçirdiydim. Bän uzak bir fikirimnän kuşkulananardım, şüphenärdim, ama bilmäzdim, ani bu hep o kızçaaz, angısının beterinä bän kaçırdaydım tokatlarına Vasinin ilk topunu. Hem taa da bir iş: bän bilmäzdim, ani bu kızçaazın var nicä olsun ilişkili bizim literatura olimpiadamıza.

Ama şindi o giiyimniydi başka rubalarlan. Onun sırtında kara etek-li, biyaz bluzacık, angısının sol enin kolanında, saat kayışçının altından görünärdi gözäl bir, örülü kenarlı basmacık. Bluzacının üstünä Marinka giimişti kırmızı koftasını. Bu koftanın benizindän mi osa ürek dalgalanmasından mı, ani seftä yapêr bu adımı, angısını kimsey bilmeer, neylän bitecek bu valsımız, ama üzü onun, nicä dä koftanın benizi, hep ölä kırmızıydı, sansın yanardi. Saçları omuzlarından beldän aşaa, iki kara yılan gibi, kayıp-inärdilär. Bän taa uzaktan denediydim, ani kulacıklarında onun asılıhydi küçükük paali küpeciklär. Boynusunda da asılıhydi bir dizi sedef boncuk. Ayaklarında orta ökçeli emenilärdi. Kafası onun ii-litti. Gözleri bakardılar aşaa – bezbelli, sayardı kendisini kabaatlı.

Ona bakarkan hem ona karşı ilk adımnarı yaparkan, neçinsä beni dä seftä yaşamamda tuttuydu ürek dalgalanması. Valsi bän sevärdim, seftä onu oynamazdım. Kızlardan çok kerä vardır isittim, ani oynarmışım İslää hem ilin. "Ama neçin bän titireerim, sansın oyunda yapêrim ilk adımnarı?" – düşünardım bän, gideräk Marinkaya karşı. "Tuna val-sin" muzikası götürärdi beni uzaklara, kaldırardı üusek göklerä... Bän kär uçardım.

Bir-iki adım yaptıktan sora bän denedim, ani Vasi dä benim sol tarafımdan doorutmuştu kendisini hep o tarafa. Ozaman bän adımnarı-mı sıklaştırdıydım da Marinkanın yanına etiştiydim bir kipim taa ile-ri. Ama bu Vasiyi durgutmadıydı. O da yannaştıydı benim yanına da beklärdi, angımızlan gidecek oynamaa bu kızçaaz. Marinka yaptıdı küçük adımcını benim tarafıma. Bakıp taa bir kerä boldurcuklan iliştiri-ri sol güüsünä 75-ci nomerä, verdim saa elimi da çıkardım onu alaya. Saa elimi, nicä dä lääzim, koyduydum kızçaazın arkasına, beldän yu-ka-ri. Sol elimi uzattıydım önumdä bir tarafa aucumnan yukarı, angısının üstünä, kelebek gibi, konduyu Marinkanın yımışacık, sıcak elceezi. Onun o yımışacık elceezi, nicä 220 volt sarsılardı.

Saa eliminän bän çektim Marinkayı kendimä, dönärkän kaçırmayım deyni. Kızçaaz, ansızlıktan, kaldırıldı urulsun benimnän burnu-burnuya. Açan burnum diidiyi onun yanacına da bän yakından baktıydım onun üzünä, gördüydim hem annadiydım, ani kendi yaşlarına görâ o pek gözäl bir kızçaaz. Bu vakit sansın diil neredänsä dinamiktän, ama içim-dän, üreemdän, canımdan çıktı o büülü, sarföş edän muzika.

Marinka bu vakıt naşeya annadardı, gözlerini ba bana kaldırıp, ba

iki tarafa bakınıp. İkidä-birdä o yalvardı bana prost edeyim onu o top için, ama bu laflar gecärdilär benim kulaklarımın yanından, hiç onna-ra ilişmeyip... Bän ozaman taa seftä gördärim Marinkayı, hiç bişeycik onun için bilmäzdim, ama aklımda o büülü muzıkaylan dolaşık işidilär-di onun gözäl adı: "Marinka, Marinka, Marinkacık"...

Ne demää – pek beendiydim Marinkayı. Pek istärdim, ki vals hiç bit-mesin, da biz taa sabaayadan butakım tutunulu dönemlim bu aydınınik zalda. Bana pek hoş gelärdi, ani bän işiderim, duyêrim onun taazä, gen-çecik soluunu, duyêrim kendi aucumda onun el titiremesini. Kär vardı nicä akıldan bozulmaa, açan çekärdim onu kendimä da duyardım onun cetin güüsçeezlerini.

Muzika sustu, ama bän Marinkadan ayrılamazdım, sansın yapışmış-tım ona. Muzika hem Marinkanın gözellii beni sansın büulediydilär, ba-aladıdydilar Marinkaya. Üräämän sansın duyardım, ani bu avşam bän onunnan artık buluşamayacam, lafedämeyecäm. İlkin annalarımız dii-diydilär, sora da yanaklarımız sürüştüydülär biri-birinä, da bän, ayırla-caazaman, iştittim ansızdan:

– Bän seni bekleyecäm...

Başka bir dä laf söyleyämediydi, neçinki kimsä ona sesettiysi bu vakıt, da o, ayrılip, gittiysi. Bän ölä dä etiştirämediydim sormaa, nezaman hem neredä o beni bekleyecek. 75-ci nomer, nicä ansızdan peydalandı-ydı, ölä dä ansızdan kaybeldiydi önumdän. Bän valstan sora geçtiydim kendi erimä.

VASI

Sade o avşamdan sora bän annadıydım, ani düşmäzdi ozaman ayırla-yım ondan. Vasi, nicä gölgä, Marinkanın yanında durardı. Biraz vakıt-tan sora işidildiydi eni muzika "Rok-n-rol". Gençlerin taa çoyu bilmäzdi onu dooru oynamaa, ama tepinärdilär erlerindä, bir fasıl düyüärdilär ayaklarını hem saurdardılar kollarını. Bän istediydim Marinkayı teklif etmää bu oyuna, ama erimdän kımildanınca, Vasi artık çıkardıyi Ma-rinkayı alaya oynamaa. Marinka belliydi, ani istämeer onunnan oyna-maa, ama, bezbelli, inkär edämediydi, çevirämeydi Vasiyi geeri.

Vasi oynadı Marinkayla bu oyunu, ama kaldıydı yanında. O oyundan sora oynadılar taa bir oyun. Vasi ondan sora da Marinkadan hiç ayrılmazdı, durardı onun yanında hem dayma naşseysayı ona annadardı. Bän başladıydım azetmemää bu çocuktan. Hiç beenmäzdim, nicä Vasi lääzümni-lääzimsiz işlerä seslän güler. Vasi hep bakardı Marinkanın dooru gözlerinä. Belliydi, ani pek çalışêr Marinka beensin onu. Kimär kerä, açan kızçaaz onu pek seslemäzdi, Vasi tutardı onun kolundan da enikunu silkärdi onu, seslesin deyni. Bu vakıt Vasi Marinkaya diime-sin, dokunmasın deyni, hemen gelärdi yaklaşıp ta bir yumuruk çekeyim onun ensä kökünä, ama bulamazdım kendimdä kuvet, dooruluk bu adı-mı yapmaa deyni. Bän kendi-kendimä sayardım, ani bu ayıp, ani bu bi-

şeyä gelmeer, bu esapsızlık Vasinin tarafından tä bölä zorlan alıp-oyna-maa kızçaazlan, sündüklär gibi, durmaa onun yanında... Bän bulardım, ani Marinka kendisi läätzim sölesin ona, ani aazetmeer ondan, beenme-er onu. Bän hep beklärdim, nezaman bunu yapacek Marinka. Ama Vasi hep durardı onun yanında, baali gibi. Hem hiç düşünmäzdi da ondan ayırilmaa bu avşam.

Bilmeerim, ne annadardı Vasi Marinkaya hem ne üzerä o bir parmaannan diidiyi onun yanacına, ama bän hazırlım, gidip tä tepeleyim onu erindä. Kär içim kaynayardı. Sade ozaman bän bitkiyädän annadıydım, ani Vasiyi bän kışkanêrim. Ama genä bulmadıydım kendimä kuvet yapmaa bu adımı.

Hem diil ani korkayı Vasideän. Bän Vasideän taa üusektim, taa bataldım hem, nicä bulêrim, taa kaavyidim. İş diildi bunda. Ama ozaman bän taa bilmäzdim, ani kendi kismetin için läätzim kimär kerä düüşmää dä, kuvedini dä gösretmää.

Muzka sustu. Oyunnar bitti. Gençlär daalıştılar. Zaldan çıktıktan sora bakındım iki tarafa, istedim göreyim Marinkayı, ama o birerdä görünmäzdi. Vasi beni beklärdi hayatta. O elinnän gösterdi, ki gideyim onun yanına. Durardı o yalnız, da onuştan bän korkusuz sesledim onu. Onun aazında artık tütardi tutuşturulmuş tigara. Ona yaklaştıynan, bana da uzattiydi bir, ama bän itirdim onun elini geeri, deyip, ani tüüt çekmeerim. Benim laflarımdan sora Vasi koyduyu elini benim omumu ma da biz ikimiz yannaşık çıktıydık dışarı. Dışarda, şindi dä taa tutêrim aklımda onun laflarını, o bana dediydi:

– Tokatlarda käämil durêrsin, Simu. Ama sän kızçaaz läätzimmiş duu-asın. Demeerim, ani bu prost, ama pek yımışaksın, kär mamaligaysın.

Bilerim, pek kızdıydım bän onun bu acı laflarına, ama düüşmää istemäzdim. Biraz uslandıynan, sade sorduydum ona üfkeli:

– Neçin?

– Neçin ki tüüt çekmeersin. Bütün valsta sän Marinkaya ölä bir dä laf söyleyämädin. Havada uçêrsin, çocuk.

– Da sora senin işin ne? – genä dargin ona sorduydum.

– Havada uçmaklan, dost, iş yapılmaz. Kızlar, karilar severlär kuvedi, açan adam tutêr kendisini çetin, açan adam girgin hem açikgöz. Yumu-ruklar da sıkılmış olsun, açan läätzim hem eri.

Bilmeerim, ne istediydi sölemää Vasi bitki laflarının, ama o beni pek acıladıydı. Her taraftan baktıynan, onun kär vardi dooruluu da. Kendi-kendimä göstermää deyni, ani bän dä diilim o yımışaklardan. Vasi gittiktän sora, dooruldum Marinkaların evinä. Yaklaştım tokat-çaa. Aul içindä saldı köpek. İçerlerdä taa safklar yanardı, ama perdelär çekiliydlär, da içerdekilär görünmäzdilär. Bän durardım salkım aacın altında. Köpek hep salardı. Bän umutlanardım, ani Marinka, duyup, çı-kacek, ama bir vakittan sora tokatçının üstündä göründüdü çorbacının gölgesi. Tokatçaa dayandıynan, gölgä sordu karannaas:

– Kim orada? Ne lääzim?

Ama bän aazımı genä açamadıydım. Genä kendimdä kuvet bulamadıydım da söyleyim, ani bu bän, isteeri Marinkaylan lafetmää. Çorbacı taa bir kerä sordu karanna, kim orada, ama bän ölä dä kiyıştıramadıydım çıkmää o kalın salkım aacın ardından. İşitmeyip cuvap, adam bir vakıttan sora gittiyydi geeri.

Ondan sora bän dä döndüydüm içermä. Benimnän bilä içerdä vardı taa üç çocuk başka küülerdän. Vakit artık onikiyä yakındı, ama uyumaa istemäzdım: sinaşıktım evdä geç vakıdadın uroklarımı yapmaa. İçerdä sıcaktı. Bän geçtim pençerenin yanına, duvar boyuna, soyundum da yattım kendi erimä. Çocuklar, görüp, ani bän yattım uyumaa, kendileri dä soyundular, süündürdülär şafkı, ama lafetmeyi çok vakıt kestirmediydilär. Onnar her sayıklardılar, nasıl temalar var nasıl ertesi günü versinnär.

İçerdeki sıcak biraz vakıttan sora beni yımışattı da ansızdan dalmıştım bir derin uykuya. O avşam, tutêrim aklımda, gördüydüm düşümdä, nicä biz Marinkaylan, kari-koca, gün vakıdı baa bozêrız. Yanımızda, baa içindä bizim uşaklarımız, Soficiklän Dimucuk saklambaç oynardılar. Dimucuk – ölä bir dört yaşında, Soficik tä iki yaşında yakın. Soficik lääzimdi saklansın da, başka er bulamayıp, saklandıdı derin bir çitenin içiniä, angısı yanı üstünä durardı baa çotuuna dayalı. Dimucuk başladıdı onu aaramaa. Bir dä çiten çeketti tukurlanmaa. Ölä o tukurlanarak çıktı yol üstünä. Bu vakıt bizä dooru, tozadarak, gelärdi bir maşına. Bu vakıt näändansayıdı ansızdan peydalandıydı Vasi-futbolcu da, kaldırıp yol üstündän Soficii, pindi maşınaya.

Bän yola çıkışınca, maşına yollandı erindän da gitti. Bän çok vakıt kaçtım o maşınanın ardına, ama ölä dä etişämedim onu, angısı dönemecin ardına kaybeldiydi önümdän. Soficiin mamusu, Marinka, gördüynän bunu, çok aaladı, düündü, ama faydasız.

Bu vakıt içer kapusu girçaladıydı, da bän, gözlerimi açıp, gördüydüm önümdä Vasiyi, angısı bir kipim ileri düşümdä kaptıydı bizim uşaamızı da hiç bilmäzdım ne yapmaa.

Düşüneräk, ne sanki bu olsun, bän kalktım erimdän aar üreklän, yaptım gimnastika da, alıp peşkiri, gittim yikanmaa. Serin su taazelettiyi kafayı, açtıydı gözlerimi, aydınnettayıdı fikirimi.

İlersi günü dışarda kär güz havasıydı, ama gecä sepelemiştii kaar. Dolaylar biyazımişti. Kırlar, aulların içlerinä sansın döşemiştilär biyaz bezleri, anglarını kär korkasında kirletmää. Aklima geldiydi bir şiircezin lafları:

*Tä geldi bizä yanvar:
Örttü dünneyi kaarlar.
Bim-biyaz daalar, baalar...
Kaarlan sarılmış kirlar...*

İleri dooru şiirdä yazılıydı, nicä tabiatta bir dä ses işidilmäzmış: sı-

cakçı kuşlar, uçup-gitmişlär, tavşamnar saklanmışlar... bu vakıt:

Sade saksan gaargaya

Annadêr eni yalan.

Dışarı baktıynan, aacın tepesindä halizdän dä, iki tarafa sallanarak, sakırdardı biyaz yannı saksan, angısı, nicä şiriimdä sölärdi gaargaya ölä:

*Temen, kurusun dilim,
Karpuz idim beş dilim...
Dün küüyün kenarında,
Eski dermen altında
Gördüm bir sarfoş sıçan,
– Bu da mı, deycän, yalan?*

Kär şiirdän çıkma saksan, beni seslemiş gibi, indi en aşaakı dala da genä başladı naseysä annatmaa dolaylara, makar ki yoktu kim onu seslesin bu vakıt.

YARATMA

Sabaalen bizi genä doyurduydular. İdiktan sora hepsi olimpiadacılar kaldılar erindä. Bizä kariştiydlar çadırılılar hem aşırıdan sabaalen gelennär. Onnarın aardına girdi jüri başı da bildirdi, kim nereyi läätzim gitsin. Marinka oturardı bendän kıynaş saa tarafta. O bakardı bana dooru. Bakışlarım, kaya-kaya, karşılaştıydı. Marinka, gülümseyip, saldı kafasını, angısı gösterärdi, ani o bana seläm verer hem dudacıklarının oynatmasından annadıydım, ani o dedi: "Sabansêerrsın, Simu!"

Bildirdiktän sora, juri başı bizimnän, büüklärlän, doorulduyu bir klasa, onun yardımcısı da – yannaşık klasa.

Sekizinci-dokuzuncu klaslar läätzimdir yazsınnar takrir, ama biz yazardık yaratma. Kapuyu kaparkan, jürinin yanından sıyırlıverdi klasa futbolcu Vasi. Ardına o kapadı kapuyu da hepsicii oturdular erlerinä. Klasın taftasında artık gözäl bukvalarlan yazılıydı temalarım adları. Bän, nicä dä başkaları, birdän-birä geçirdiydim gözdän hepsini temaları. Bulup sevgili temamı, bän ilinnendiydim hem uslandiydim.

Çok oylanmayıp, birdän tutunduydum ilk temadan. Genä, nicä dä başka kerä, kurduydum kendimä deyni yaratmanın planını hem bulduydum, temayı açıkclasın deyni, epigraf. Ondan sora doldurduydum daadılmış yaprakların üç tarafını, neredä gösterdiydim, kimim bän hem neredän.

İmzada gösterdiydim "yanvarin 8-zı" hem yılı. Sora, yapraa aktarıp, ilk sıracıkta gözäl bukvalarlan yazdiydim: "Ne gözäl yaz Bucakta!"

Temanın adını yazdıktan sora pak yapracıkları koyduydum bir tarafa da tutunduydum kirliyä yazmaa, açıklamaa ayrılmış temayı. Bu olimpiadada bän taa bir kerä annadıydım, ani pek severim Vatanımı, ani Bucak bana deyni, nicä ana, paalı. Aklıma getirdiydim birkaç söyleş, angıların taman eriydi: "Vatan – kär ana, yabancılık – kari fena", "Va-

tan, nicä tatlı bal, onu koruyan – helal!” Bulêrim, ani insansız Vatan – o diil Vatan. Onuştan aklıma geldiydi bir söyleş: “Açan adam gagauz – çalışkan o, işi uz”.

Temayı da kär açıklamaa bän çekettim o uzak vakıtlardan, açan bizim dedelerimiz, Balkannardan kalkınıp, konmuştular bu çöl, tolokalık, işlenilmédik erlerä... Ama sora, gagauzlar bu erlerä konduktan sora, zaametlerini saymayıp, başlamışlar sürmää, kazmaa, ekmää, dikmää, düzmää, tertiplemää...

Şindi, makar ki taa iki asır dä geçmedi, nicä burada gagauzlar yaşêêrlar, ama Bucak diişildi, döndü dünnenin üzündä bu gözäl çiçekli başçaya. Bucak şindi oldu olä gözäl, ani mayıl olasın. Yaratmamda yazdıydım, ani Bucak gözäl yılın herbir zamanında. Bucak, ana tarafım, bana paalı birtakım gütün dä, kışın da ilkyazın da.

İlkyaz – pek gözäl zaman!

İlkyaz – dirilmäk!

İlkazın tabiata

Büyük sevda gelmäk.

(*Bu ilkyaz için*)

Ne var taa gözäl yazdan?!

Dolaylar öter!

Uşaklar bu zamanı

Taa kıştan bekleer.

(*Bu yaz için*)

Güzdän taa gözäl zaman

Yoktur Bucakta!

Hepsicili sansin yaşêêr

Büyük meyvalikta.

(*Bu güz için*)

Kış gibi gözäl zaman

Bilmeirim, dostlar!

Kaar kundaannan sarılı

Yorulmuş kırlar.

(*Bu kişi için*)

Bitirdiydim yaratmamı bölä:

Yok nicä beenmemää,

Yok nicä sevmemää

Bu büülü, çiçekli tarafi!

Bucak – pek paalı!

Vatana biz baalı.

Biz Bucaan bir gözäl korafi.

Yazarkan bu şîircezi bän düşündüm, ani pek islää yaşamaa o adama, kim kendi köklerinnän baalı Vatanına, kendi yaşamاسına hem bilir onun kahırını, zorunu... becerer sevinmää, şennenmää bir yortuda kendi halkınınan, hazır versin kär canını Vatanın hem halkın ilerlemesi

için.

Bitirdiktän sora çıkardım paka, birkaç kerä okudum yazılmıştı da, götürüp yaratmamı, koydum masanın üstünä, neredä oturardı jüri. Bitkiyädän vardı taa bir saada yakın. Bendän sora birär-birär başkaları da başladıydılar çıkmaya.

Bendän sora tezdä çıktıydı Marinka da. Onun üzü şılardı, gözleri yalabiyardılar, yanacıkları, alma gibi, kırmızıydılar... Belliydi, ani hepsi ni yaptı, nicä läätzim hem yannişlıksız. Bän taman doorulduydum ona dooru, açan klastan çıktı Vasi. O beni ilerleyip, aldı Marinkanın elini, baktı onun gözlerinä da, soluunu içinen çekip, sordu:

– Hazır mı Marinka? “Beşi” urdu mu erä?

– Çetindän söylemeyeceäm, ama hepsini tamannadım, ne istenärди. Yannişlık ta läätzim olmasın, zerä paka geçirdiktän sora takririmi iki kerä düşünekli okudum, herbir lafçaazı gözdän geçirdim. Var umudum olsun “beş”, – dedi Marinka kabaatlı kızararak, benim üzümä baktıyan.

Siiredeärk Vasiylän Marinkayı, aklıma geldi düşüm hem annadıydım, ani o üzsüz Vasi herkerä duracek bizim aramızda. Marinka verärdi ona cuvap, ama bakardı bana dooru, çalışardı bakmaa benim gözlerimä... Benim sä dilim sansın bukaahydi, dudaklarım kurudu, çenelerim tutulduyu da hiç aazımı açamazdım... sade aklımcı tekralardım:

*Marinka, Marinka, Mariya,
Uçêrsin benim gözümdä.
Gecä dä, gündüz dä durêrsin,
Durêrsin benim önümdä.*

Makar ki büyük umudum vardı, buluşup, onunna lafetmää, sölemää, açıklamaa ona benim büyük sevdam için, angısı doldurduyu diil sade üreemi, canımı, fikirimi, ama bütün içimi; annadacam ona duygularımı..., ama bir dä büyük şüپä peydalandıydı, ani Vasi var nicä kapsın kismetimi, dursun yolumda aykırı, neçinki o taa cetin tutardı kendisini, hiç brakmadı Marinka kendisinä gelsin. Bän sä, nicä annadım sora, kär havada uçardım, beklärdim kismet kendisi karşıma düşsün, Marinka, kızlınnan kendisi üreciimä yol açsın.

Marinka ki bän onnarın yanındayım, makar ki beni dä kimär kerä lafa katardılar, bän dä naseysä sölärdim, armut aacından duşmuş gibi, ama olimpiada ölä da geçtiyi. Bän ölä dä Marinkaya sokulamadıydım, söyleyämediydim, açıklayamadıydım kendi duygularımı.

Hiç bir dä minuda aklımdan çıkmazdı Marinkanın boyu, onun gözelili, onun, şefteli gibi, yanacıkları, onun, güven gibi, gözceezleri, onun o al dudacıkları.

Bitkidä hepsiciini, iki bölümü dä, topladıydılar bireri o büyük zala, neredä kablettiyydim bän Marinkadan o kiyatçaa, angısında o beni ilk valsa teklif edärdi. Bu zalda bän seftä diidiyydim onun yımışacık el-ceezlerinä, angıları beni sarsalardılar, nicä 220 volt. Bu zalda bän seftä

yaşamamda, var nicä demää, uçardım havada nicä kanatlı.

Benimnän naşeyssä olardı, makar ki zal doluydu arkalı uzun skem-nelärlän, ama bana deyni onnar sansın hiç yoktular. Şindi zalın önündä durardı eşil çufaylan örtülü uzun masa. Zalda oturardılar üürenicilär, örtülü masanın karşısında da oturardılar jüri azaları: Dionis Tanasoglu, Nikolay Baboglu, Petri Çebotar hem başkaları. Üürenicilär dä, jüri dä durardılar önumdä, nicä gölgä. Bän açık gördim sade bendän bir sıra aşırı oturan Marinkayı. Kär ensäm buruk kaldıydı – hep ona bakardım.

Bir da isittim jüri başın sesini, angısı söledi, kim nicä işlemiş hem kim gidecek olimpiadaya Kişinöva. Sıralanmışların arasında genä isittim kendi adımı. Vasi hem Marinka da läätzimdiłar gitsinnär Kişinöva.

Bän bilmäzdım taa – ne bu, ama umut konaklandıdı benim üreemdä. Bitkidä hepsini olimpiadacıları kutladılar hem teklif ettilär taa çok okusunnar ana dilindä, taa çok işlesinnär, taa pek sevsinnär ana dillerini.

Bu vakıt açan olimpiadanın gidärdi bitki minutları, zalin kapusu açıldı da peydalandı orada bir genç adam, angısı neçinsä bakardı dooru Marinkaya. Bu vakıt Marinka da baktı kapuya dooru. Onnarın bakışları karşılaştılar da kapuda duran adam alatlattırdı Marinkayı. Onnar parmaklan, bakışlan annaşınca, jüri başı etiştirdi sölemää bitki duasını, ki gagauzlar gittikçä ilerlesinnär, olsunnar taa zengin, taa şeremet, taa açık göz.

Bän dışarı çıkışınca, onnar ikisi artık o aulun başında tokatçıkta aul içinenä girmiştilär, da Marinka, açan gördü beni, salladı bana elini uzaktan. Bir-iki adım ileri yapıp, taa bir kerä döndü bana dooru da genä oynattı sade parmacıklarını. Onnar ikisi dä alatlan girdilär içeri, ama bän, bir taş gibi, erimdä kaldım. Kendimä geldiydim, açan hepsicili artık daalışmıştılar.

Ayşamadan vakıt taavardı. Hava serindi. Yolları ayaz kurutmuştu. Hiç yoktu havezim ne avtobus aaramaa, ne dä treni beklemää. Çıktiydim şkolanın sport alayına, baktıydım taa bir kerä Marinkaların auluna, kapunun önünä, ama kimsey görünmäzdı. Bezbelli, Marinka batüssunan nereyisä gittilär. Aulun başında, neredä bän seftä gördüydüm Marinkayı, tokatçık kapalıydı. Ama üreciim, canım doluydu Marinkayan. İçim çalardı:

*Marina, Mariya, Marinka,
Uçêrsin benim gözümdä.
Sokaa, tokatçaa bän bakerim –
Görerim seni önumdä.*

Bu kär ölä vardı. Bän hiç annayamadıydım, nicä yayan çıktıydım. Çadırdan da biraz vakıttan sora etiştiydim küyüä, sansın evimiz Çadırın yanındaydı. Gidärkän aykırıdan, sansın duman içindä bulunardım, kimseyi görmäzdım, bişeycik işitmäzdım. Küdüä sansın kiminnänsä buluştuydum, naşeyssä lafetttiydım, ama bişeycik aklımda tutmëérím. Ölä aar bän geçirdiydim Marinkaylan ayrılmayı. Sarfoş gibi, gidärdim hem tek-

larlardım onun adını herbir adımda.

Evä etiștiydim, açan evdekilär artık ekmeeni imiştilär. Teklif ettiydi mamu koysun bana imää, ama bän, deyip, ani başım aciyêr, girdim içeri da yattım pat üstünä, hiç soyunmayıp. Kuvedim yoktu diil soyunmaa, ama kimildanmaa kär.

İçerdä sicaktı. Mamu yapmıştı o günü ekmek, da bän, yımışayıp, dal-dıydım derin uykuya. Düşümdä genä gördüydüm Marinkayı, o zali, neredä biz oynadıydık o büülü valsı, neredä bän seftä gördüydüm onun, güven gibi, gözceezlerini hem, gül yapraa gibi, pembä dudacıklarını, alma gibi, yanacıklarını.

DIPLOM ELIMDÄ

Ekzamennerdän sora, diplom açan artık elimdäydi, başladım toplanmaa. Kiyatları, tefterleri aktararkana, gözümä iliştı Marinkanın patredi, angısını o bana yolladıydı onuncu klası bitirdiktän sora. Kiyatta o bana sorardı, naşey yapmaa ileri dooru, nereyi gitmää üürenmää. Yazzardı, ani beni taa sevärmış, unudamazmış... Bilerim, ani ozaman taman gidärdi sesiya, vakıt pek kızgındı, da hiç tutmêérим aklımda: yolladıydım mı bän ona cuvap geeri osa yollamadıydım mı, ama, gördüynän patredi, bän pek sevindiydim, içimden sansın tok geçtiydi. Marinkanın gözleri bakardilar dooru benim gözlerimä, da benim aklıma geldiydi hem avşam kiyatta yazılı laflar: "Bän seni bekleyecäm". Bän düşündüydüm kendi-kendimä, ani şindi taman vakıdı buluşmaa Marinkaylan da annatmaa, nicä onu bän pek severim, nicä bu beş yılın içindä bän dayma onun için düşündüm, ama üürenmektän hiç yoktu vakıdım kiyat ta yazmaa, ani...

Açan aklıma geldi Marinkanın o tatlı dudacıkları, angılarından beni sade polis ayırttıydı, bän çetindän esapladiydım, ani döneçäm evä avtobuslan da mutlak uurayacam Marinkaya. Düşünärdim akılca, umutlanardım, ani o beni bekleer, o beni annayacek. Ama açan aklıma gelärdi o düşüm hem o futbolcu Vasi, bän ter-su içindä kalandım... Kendimä er bulamazdım. Düşünärdim gitmää ertesi günü, ama kendimä deyni an-sızdan esapladım, ani büün gidecäm. "Büün bän lääzim buluşayım Marinkaylan!" – düşündüm bän da, alatlan toplayıp partalcıklarımı, doo-ruldum avtobus garasına. Kismetimä, avtobusta er vardi da bir saattan sora kasaba, neredä bän geçirdiydim beş yıl yaşamamı, kaldıydı geeridä.

Bütün yol bän düşünärdim, sayılırdım, nicä o beni karşılaşacak, nicä kabledecek, nicä laflar ona soleyecäm, nicä anasinnan-bobasinnan tanışacam, nicä... Pek kabaatlı bulmasın deyni, diploma koyduydum yakına, göstermää, ani bu beş yıl bän iilenmedim, gezmedim haymana Kişinöv sokaklarında.

Nicä geçtik Çimişliyayı, Komradı hem başka küüleri, bän hiç annaya-madım. Sansın onnarı hiç görmediydim dä. Bir dä..., açan baktım dışarı, artık görünärdi Çadır. Lääzimdi inmää kasabaya girärkenä. Bän şo-

ferlän annastım, da o durguttu avtobusu kär internatın yanında. Şükür edip şoferä, doorulduyдум o evin tokatçına, neredä, nicä bän esapladiydim, lääzimdlar bana sevinsinnär, kabletsinnär, nicä paalı musaafiri, karşılaşınnar diil tuz-ekmeklän, ama süüş tauklan. Bän artık sayardım kendimi bu evin aylä azası. Ama üreciim diildi raat, doorusunu sölediyänän.

ÜRECİİM DÜÜLER

Birkaç minuttan sora bän Marinkaların evin yanındaydım. Urdum tokatçaa. Canım düülärdi içimdä, hazırıldı fırlasın. Aul içi görünmäzdi. Uzakta saldı köpek. Kimsä sürüdärdi ayaklarını, yaklaştı tokatçaa. Bu diildi o adımnar, anglarını bän beklärdim. Bunnar ihtär adımıydilar, angları hiç bireri alatlamazdilar.

Kimsä pek çok oyalandı, osa bana mi ölä göründü, tokatçının rezesini açınca. Açıldıyanan, bän gördüm bir elli-elli beş yaşında bir adam. Nicä annadım, o Marinkanın bakasıydı. Eländä onun sopacıktı. Ayaanı sürüdüärdi. Adam gösterdi elinnän aula da, tokatçı kapadıktan sora, sordu:

– Kimsin sän? Bän seni bilmeerim.

Bän söledim adımı, ama ona benim adım bişey sölemäzdi. O genä sordu:

– Sän kimsin, ya?

– Bän Marinkaya.

Adam neçinsä bundan başka bişeycik sormadı da, sopacınnan göstərip yolu, dedi:

– Geç ileri. Marinka evdä.

Bän gidärdim onun önüncä. Yolcaazın iki tarafında da büyüärdilär meyva fidannarı hem açardilar türlü çiçeklär. Bän etişincä eşiklerä, peydalandı üusek, gözäl giiyimni, kısa saçlı, dolu güüslü kız. O pek benzärdi hem benzemärdi da o ilerki Marinkaya, angısını bän bilärdim patrettän hem olimpiadalardan. O şindi taa dolucaydı, taa üusekti, taa... Kär gülümsemesi dä diişmişti. Onun gözleri bakardilar dooru gözlerimä hem onnarda naşeya yazılıydı, ama bän birdän annayamadıydım, okuyamadıydım o yazıları. Bezzbelli, istemäzdim bu olsun aslı.

– Zamansêersin, Marinka! – dedim bän. – Tä genä geldim futbol oynamaa. Kendimä acıyan aarêerim. Bekim, genä tokatlarda yardım edecän?

– Zamansêersin, Simu, – cuwap etti o. – Sade sän, olmalı, yanıldın. Bän sana acıyan olamarım. Ama, gelmişin mi, her okadar geç içeri.

Marinka gülümsemi bir fasıl, nicä bana göründü, ürektän şaşıp, dedi:

– Ya nesoy sän olmuşun!

– Nesoy? – hızlı soruverdim bän.

– Bilmeerim, büümüşün. Batal olmuşun...

– Sän dä olmuşun...

– Nesoy?

– Pek gözäl. Levent.

– Bän ilerdän dä gözäldim, – şaka esabı söledi Marinka.

– Var dooruluun, Marinka. Bän unuttum, ani sän herkerä gözäldin.
Bän pindim eşiklerin üstünä. Verandada masa başında oturardı kim-sä bir genç çocuk yanından bizä hem içärdi tüütün. Çocuun saçları k-raydı, gölmää yolluydu, donnarın paçaları dardı. Hem tutardı parmak-larının o tigarayı ölä, nicä vardı nicä tutsun onu sade bir kişi – Vasi. Annadıynan bunu – kär içim suudu hem beni örttü suuk ter.

Yaklaştıynan masaya, Marinka dedi o masa başında oturana:

– Bän sizi tanıştırmayacam.

Bu laflardan sora Vasi kaldırıldı gözlerini bana, da bän artık yoktu na-şey yapayım. Yapındım, ani pek sevindim, uzattım ona elimi da dedim:

– Zamanêerrsün, Vasi!

O pek siktı benim elimi, sansın çoktan bekârmiş benimnän elleşmää. Gözdän geçirip beni başımdan, ayaamadan hem hertarafça, dedi:

– Bana geler, Simu, ani sän pek az diişmişin. Sade uzamışın biraz. Sana bu uzun donnar pek yaraşêr. Vasinin tarafından bu bir ezici şa-kaydi. Lääzimdi, mutlak, gülmää ya da cuwap vermää. Ama benim pek gülecääm çıkmazdı.

Buna gülümsedi sade Marinka.

– Sän küsmä, Simu, bizim Vasi şakacı biraz. Marinka söledi bunu ölä, ani genä bizi Vasiylän yaklaştırmxaa. Ama bän Vasiyi hiç dayanamaz-dım, hiç istämäzdim bilmää.

– Sän yanılırsın, Vasi, – dedim bän. – Bän pek çok diişildim. Ama, nicä deerlär, bir taraftan, uzaktan taa ii görünärmiş.

Marinka benim laflarımı beenmedi, neçinki baktı bana aykırı, ama, birdän yımışayıp, dedi:

– Ya annat, Simu, neredä gezdin, nelär yaptın, nasıl yaşadın? Bizä Vasiylän pek meraklı olacek bilmää.

“Bizä Vasiylän, bekim dä onnar evli?” – genä düşündüm.

– Yok nicä olsun. Ölä alaydı, ozaman Marinka olmayaceydi bölä do-naklı. Olmalı, Vasi musaafirlää geldi.

– Annadayım, ama buna deyni pek çok vakıt lääzim olacek, – dedim bän.

– Sän annat, Simu. Biz Marinkaylan alatlamêeriz, – cuwap etti Vasi, göstereräk, ani onun işi burada çoktan esaplanılmış onun tarafına.

Annattım bän onnara, nicä türendim, nicä yaşadım bu yıllarda, da sora kendim dä başladım soruşları koymaa, makar ki belliydi soruşturda.

Lafedä-lafedä, annadıydım, ani Vasi hiç brakmamış raada Marinkayı bu yıllar, ani 10-cu klasi bitirincä Marinka hep umutlanarmış, ani o cu-wap verecek da belli edecek onnarın ileri dooru yaşamalarını, ama Marinka hiç cuwap ta kabletmemiş kendi kiyadına... Ama Vasi bu vakıt pek sık gidärmiş Çadıra, girärmiş onnara musaafirlää, geçirärmiş Marin-kayı oyunnara hem oyunnardan sora evä. Ani herbir yortuda baaşlarmış Marinkaya çiçek, başka baaşışlar. Hem yaparmış bunu ölä, ani başkala-

rı da, evdeki lär dä bilsinnär, görsünnär. Çok kerä baaşış getirärmiş diil sade Marinkaya, ama mamusuna da, bakasına da. Taa sora başlamışlar açıkta gündüz sokaklarda peydalamnaa. Ilkin yannaşık. Sora kol-kola. Sora sarmaşık.

Bilennär, taniyannar çoktan sayarmışlar onnarı gelin-güvää, kari-koca.

Lafetmektä annaşıldıydi, ani Marinka bitirmiş Kauldakı uçılışçayı da işleer şindi uşak başcasında, hem her bu vakıt üreneren Tiraspol institunda. Vasi, on klasi bitirdiktän sora, bitirmiş tehnikum da şindi kol-hozda mehanik İslärmış.

Biz lafedärkän, Marinkanın mamusu danıştı Vasiyä:

– Git, güvää, çıkar maazadan bir çölmek şarap musaafirä.

Bän bu vakit baktım saadima da dedim:

– Saa olunuz hoşluunuz için, ama irmi minuttan sora gider benim trenim. Lääzim etistirmää ona. Beni evdä bekleerlär.

O aula girärkän, bän bunun için hiç düşünmäzdim. Mutlak bilärdim, ani bän burada geceleyecäm sevdacığımın evindä, ama ortalık diiştiydi, da lääzimdi taa tez gitmää. Bän alatlan uzattım hepsinä elimi. Bana göründü, ani Vasi sevindi benim bu adımıma, ama dedi:

– Neçin kalméêrsin, Simu, geceleyäsin bizimnän? Sabaa yola çıkaceydik. Bana da o tarafa gitmää lääzim.

– Saa ol teklifinä, – dedim bän, – ama artık vakıt gitmää.

Vasi geçirdi beni tokatçaadan. Marinka da çıktı sokaadan, ama bir adım geeridä.

– Saalicaklan! – dedi Vasi.

– Saalicaklan, Simu! – dedi Marinka. – Bän bulêrim biz taa mutlak buluşacez Çadırda.

– Elbetki, buluşacez, – dedim bän.

– Biz çok kerä taa buluşacez türlü topluşlarda, – ekledi Marinka.

SAALICAKLAN, MARINKA!

– Saalicaklan, Marinka! Saalicaklan, sevdam!

Bän pek islää annardım, ani ileri dooru biz hiç buluşmayacez. O tokatçının yanında bän seftä ölüylan karşılaştıydım. Bän gömdüyüm benim ilk sevdacığımı, ilk duygularımı, ilk gençlik yannışlıklarımı.

Bir on-onbeş minuttan sora bän artık oturduydum trenä, vagonun bir geerideki skemnesinä da savaşardım uzaklaşmaa yaşamamda ilk mezzardan, nereyi kendi ellerimnän gömdüyüm gözelim duygularımı hem delikannılımı. İleri dooru bän mutlak istärdim diiştirmää yaşamamı, unutmaa Marinkayı. Bän bilärdim, ani bu zor olacak, ama karıştırmaa, bozmaa Marinkanın yaşamاسını istemäzdim.

Tren gidärdi ileri. Bän yaklaşardım küyüümä, şkolaya, neredä beklär-di beni eni iş, eni yaşamak, eni duygular.

– Zamanêêrsin, küyüüm! Zamanêêrsin, evim! Zamanêêrsin, şkola!

Lüba Çimpoeş

KAYIPLAR



Kayplar, adımnar
Ömürümü ölçer.
Can erindä sancılar
Raatlıktan mi çekiler?

Göz uçlarının buruşuu,
Gülmenin mi izleri?
Açık, yorgun bakışlar
Zamanın mi neetleri?
Yakın dostlar siireldi,
Zorlar bizi denedi.
Paalı üzлär silindi,
Kalannar kaavilendi.
Kayıplar, arkadaşlar
Dayma girer düşümä.
Borçlulu o bakışlar,
Suuk ürektän atılma.

YORGUN YOLCUYUM

Ecelimdä.
Neredä kahir omuzumda,
Neredä kismet umudumda.
Yorgun ecelimdä
Yolcuyum.
Can acıyan
Ömürümdä
Kiminnän zoru payettim,
Kimä elimi uzattım.
Aciyan ömürümdäyim –
Can.
Neetimä hatırlı
Güttüm.
Güzdän-güzä adımnadım.

Hatırlı neetlär
Güttüm.
Uymaz uuru –
Haydadım.
Yılma yolu bayırladım,
İlik sade inandım.
Uymaz haydadım
Uuru.
Yolum uzun
İlerdä.
Zeedesi kaldı geerdä,
Silinmiş kenarları.
Uçları biter
Göktä.

Valentina Bujilova

ÖMÜRÜNDÄ SENİN...



Gecä daatmiş yıldızları göktä,
Baaşışları – sevda kipimnarı,
İki cancaaz buluştular seftä,
Sonsuz bilä olsun ko yolları.

Tatlı baldan dadı dudakların
Gün duusuna dooru götürürecek,
Canı yakan nazlı lafçaazların,
Uzun onnar, ama hep etmeyecek.
Göz yaşçaazı olmaa gözlerindä,
Hem annında – birkaç buruşucuk,

Gülüş – o kısmetli suratında,
Dünnää türkülerdän – bir türkücü.

Baksana, ilkyaz resimnerindä
Var en gözäl hem en uygun resim,
Duruk çicääz – gülün yapracında,
Eriyecäm ömüründä senin...

VAR BİR KÜÜ

Var bir küü Bucak kırlarında,
Bakışinnan – göl maaviliinä,
Gülümseer dan meralarında
Yaşayannara, musaafirä.

Birleşmiş güneş hem gök bırda,
İki renk – altın hem da maavi,
Yalabık hem pak çiilerindä
Erleşmiş bu benizlär kaavi...

Gecenin maavi serinniindä –
Tap-taazä lüzgär dokunması,
Avazlarlan sesetmesindä
Çayırda – çekirgä baarması.

Aklından çıkmaz cömert ilkyaz,
Ayva hem kirez açmaları,
Gök – maavi... düşün... pembä –
biyaz...

Çiçeciklerin kokuları...

Aşaadan – tümsää dooru yolcaaz,
Osoy – çok, ayır biriciini,
Çık ta bak! Akêr gözdän yaşçaaz,
Bir gördüünän küü gözelliini...

Kavaklar, süütlär, ergivannar...
Etlerin tikennener birdän,
Raatlini bulêr bîrda cannar...
Bu duygu duuér angı sirdan?

Allahım, diil erdeki bu hal –
Ayozlu Vatan görüntüsü:
Oynadêr ürää sade bir dal,
Ani buluda diiyer ucu...

Bol akêr sucaaz şoşmeciktän,
Dalgalı şirit hem maavicä,
Bu sucaaz – toprak çölmeciktän –
O soydan, ani doyamaycan...

Kurtulêr gururluktan cannar,
Sucaazdan içtiynän, paklayan,
Bu kîpîmnarda cannar annar
Saâlîklî gelän sizintidan...

Bu küüdä gümeciklär yaşêér,
Üzümdän – küügün gercik adı,
Şıralı salkîmnardan taşêr
Mas-maavi koyu tatlı dadi...

İÇİNDEKİLÄR

§ 1. Gagauz dilinin kökleri. Gagauzlar Ukrainianada	4
§ 2. Sintaksis hem noktalama bölümnerindän en önemli haberlär: lafbirleşmesi hem cümlä, sintaksis baalantıları onnarın arasında, gramatika.....	6
§ 3. Cümlenin baş payları, sadä cümlenin çeşitleri	11
§ 4. Cümlenin payları, katlı cümlelerin çeşitleri	21
§ 5-6. Ritorika nicä bilgi hem lafkuruluşun incäzanaati. Dil yaratmaların kuralları hem kanonnarı. Ritorikanın dil kolaylıklar .	32
§ 7-8. Baasın incäzanaati. Kurallar baasta. Diskusiya – baasin tivilizatiya soyu. Temanın terminneri. Söz tutmak auditoriyaya görä ...	38
§ 9. Tekstin düzülmesi, sözün stilleri hem janraları	42
§ 10. Okumak sessiz	47
§ 11. Audirovaniye	55
§ 12. Çevermäk	60
§ 13. Kontrol takririn yazılmasına.....	67
§ 14. Takrir yaratmalı eklentisinnän	71
§ 15. Yaratma	75
§ 16. Tekstin düzülmesi, sözün stilleri hem janraları.....	75
Literatura okumakları.....	80

Kullanılmış literatura

1. Покровська Л.А. Граматика гагаузької мови. Кишинів: Lumina. 1990 – 61 с.
2. Правила орфографії та пунктуації гагаузької мови. Нова редакція. / Науково-дослідницький центр Гагаузії імені М.В.Маруневич, Головне Управління освіти Гагаузії, Комратський державний університет. Кишинів; Elan Poligraf, 2015; 73, 73 с.
3. Програма „Гагаузька мова для 10-11 класів загальноосвітніх навчальних закладів з українською мовою навчання, рівень стандарту, авт. Мілков А.М., Кіор І.Ф.”, 2017 рік. 14 с.
4. Степан Булгар. Сторінки історії та літератури гагаузів XIX – поч. XX ст. Кишинів: Pontos, 2005; 320 с.
5. Hakikatçuların sesi: yaratma toplumu. Komrat: S.n., 2017 (F.E.-P. «Tipografia Centrala») 188 c.

Навчальне видання

КУРОГЛО Надія Іванівна, КІОР Іван Федорович,
МІЛКОВ Анатолій Миколайович, ДРАГАНОВ Петро Михайлович

Гагаузька мова (рівень стандарту)

підручник для 11 класу закладів загальної середньої освіти

Рекомендовано Міністерством освіти і науки України

Видано за державні кошти. Продаж заборонено

У підручнику використано ілюстративні матеріали з відкритих інтернет-джерел

Технічний редактор *Сергій Максимець*
Редактор *Федора Арнаут*
Коректор *Іван Кіор*
Дизайн і верстка *Мирослави Токарюк*

Формат 70x100/16. Ум.-друк. арк. 11,66 . Обл.-вид. арк. 8,0. Наклад 161 прим. Зам. №1406.

Видавець і виготовлювач видавничий дім "Букрек",
вул. Радищева, 10, м. Чернівці, 58000.
Тел./факс (0372)55-29-43. E-mail: info@bukrek.net
www.bukrek.net

Свідоцтво про внесення до Державного реєстру
суб'єкта видавничої справи ЧЦ № 1 від 10.07.2000 р